

同里志原刻書版被燬集資縮印鉛字原志引



同里志之鏤版成書始於前清嘉慶年間周先生之楨承父義訪采遺稿並取資於有明遞清鄉先輩李瓚吳驥陳理章夢易顧棟南吳洙顧我鈞顧汝敬先後記載稿本編成二十四卷集資開雕俾後之覽者有所觀感而繼繩焉咸豐十年五月髮逆擾鎮大肆焚掠書籍亦遭浩劫此志幾盪焉無存幸志版尙存周宅同治甲子年後鎮人顧孝治王元榜任釐瓊金鳳標王僧達袁汝龍樊生保葉嘉樹錢煥朱元善任艾生擬續修里志曾出周版補印志書以資考鏡惜爲時未久而主任者歸道山迨數年前有以周版移度自治公所以冀保存不意此版竟被燬於開荒飢民之手今奉修縣志而議及里志奈同里志之原本百不得一無從補印若照前刊版則工多而費鉅若聽其銷亡則一鎮之考證前輩之垂型不將湮滅而失傳乎此固生斯土者之責也緣集同志以籌翻印之資擬照原本縮小仿新法鉛字排印五百部則費輕而書多原版雖燬而里志仍有庶家守一編藉爲查考亦修續志之一助也倘後有同志能照原書格式再版不勝欣幸之至

民國六年歲次丁巳八月里人八十一叟葉嘉棟識

同里志序

去邑治十里而近古曰富士析其字爲同里地瀕湖濶澤浸環市閭閻駢接民物豐阜風土之盛蔚然可觀明故有志散佚不可考里人周生之楨蒐討舊聞甄擇文獻沿故革新綜爲一書蕞爾方隅其間風俗政賦先疇舊德偉節崎行之彥文章藝術之林罔不具備信志乘之不可闕而益嘉周生之志也夫觀風化者必先於鄉周禮鄉大夫頒教灑於鄉吏以興賢能下逮州長黨正之屬讀灑飲射考其德行正其奇袤使者輶軒采覽所謂禮樂政治爲一書康樂和親爲一書錄而陳之以別醇漓官教化察政令也孔子曰十室之邑必有忠信又曰觀於鄉而知王道之易易推而放之準於四海今同里地雖褊隘顧其習尚淳樸人先禮讓士讀書敦氣節無浮靡嚮競之習駸駸乎殆近於古自有明迄今擢科第登仕版卓有聲稱者指不勝屈遠邇歸慕嶺然興道而遷義莫不尋究是書以資徵信夫豈小補哉然吾考其地澶漫靡迤吐飲具區則疏洩之事宜先廣衍沃野土宜秬稻則種植之經宜講沐浴膏澤士安絃誦則董勸之術宜勤夫桑梓敬恭網羅故實里黨有志者之爲也拊循樂育導宣風化守茲土者之責也予滋凜凜矣

嘉慶十七年歲次壬申孟夏

賜進士出身文林郎知吳江縣事關中閻登雲序

同里志

閻序

同里志序

志之作非徒紀山川之美誇形勢之勝侈田疇之富與物產之蕃也網羅爬剔縷晰條分不憚其明且盡者所以表人心渾噩風俗醇茂俾斯世頑廉懦立薰其德而善良而在上者亦藉爲章志貞教之助焉吳江地當衝要分湖盛澤在其南而其北獨以同里名夫大道之行也天下爲公人不獨親其親不獨子其子貨惡其棄於地也不忍藏於己力惡其不出於身也不必爲己故謀閉而不興盜賊不作外戶而不閉是謂大同古聖人道以德齊以禮俾鄉田同井出入相友守望相助疾病相扶持死徙無出鄉皆以致天下之大同也茲里雖邑之一隅而竟以同名非敦古處崇信義飭廉隅勵忠貞人心風俗醇之又醇何以稱乎方今

聖天子一道同風登三成五海隅日出罔不遵道遵路以副同倫同軌同文之治斯里之在今日誠足以表揚

聖化著天下之大同焉不可以不志辛未夏余來攝是邑見分湖盛澤二志竊疑斯里之獨闕也會周生之楨以所輯同里志二十卷問序於余其網羅爬剔縷晰條分於地輿建置典制官政賦役選舉人物藝文誠不憚其明且盡者要其大旨特以表人心渾噩風俗醇茂無悖於大同之治爲歸余旣嘉生之能見其大而非徒紀山川之美誇形勢之勝侈田疇之廣與物產之蕃也又幸生斯里者視斯志而頑廉懦立薰其德而善良在上者亦因之章志貞教將化理蒸蒸日上益宜播

同里志

周序

盛朝一道同風之化也則斯志之作豈偶然哉是爲序

嘉慶十六年歲次辛未夏六月既望

勅授文林郎署吳江縣知縣大梁周履福序

同里志序

輿地紀載之不可無志也尙已自一統志以逮省郡州縣靡不具焉卽州縣中之山川名勝關鎮偏隅亦概有之
余宰澄吳江知盛湖有志矣黎里有志矣若同里僅有先哲記而未聞以志名者今周生之楨以其所輯同里志二十四卷問序於余余閱之蒐羅淹貫條目井然自疆域以迄詩文徵引該備其體例一符邑乘實堪備後來之採擇

今上初元本邑志前任唐公嘗聘紳士修之稿略具而唐公調去未克蕆事余欲續爲戡書成書願以公事卒未暇爲愧也周生以鄉賢學憲公文孫甄綜是編雖原本於先正之記述父師之傳授執舊之教益而抉擇精詳折衷允當其爲功於斯里者正匪淺渺雅詩所咏桑梓恭敬者周生有焉循覽一周爰題數語於簡首

嘉慶十三年歲次戊辰夏五月旣望

勅授文林郎知吳江縣事解梁李汝棟序

同里志

李序

序

同里古名富士距吳江城十里而東前朝吳蒙菴章頤齋兩先生有先哲配俱未行世而縉紳鉅族猶能藏之是同里之有志也匪今伊始已嘉慶乙丑夏余分巡斯土見其地平與衍沃四面環抱葉澤龐山九里諸湖鎮獨負土而起此中鷄犬桑麻民淳俗厚自宋元以來儒士大夫彬彬輩出雖蕞爾地無異通邑大都焉惟是周鎮湖濱時多竊發因於各港口設柵增柝以戒不虞又復與里塾延經師以與士講學獨富觀橋議修未果余心不無缺憾茲復捐廉勸里人亟圖之聞紳富士民輸將踴躍不逾時而可望告厥成功也往歲周子省菴以其所輯同里志請正於余余乃忻然喜厥然起曰

朝廷一統有志郡縣有志卽如吳江之盛湖黎川亦皆有志同里鍾四湖之秀五百年來賢人君子相繼而起者指不勝屈烏可以無志雖然徵引考訂固非朝夕事當需之以時周子曰唯唯爰是諮訪耆舊拾遺補闕稿略具而余適奉檄協理寶蘇局去同已三載矣地隔音疎每深晷顧今夏書成將付剞劂任徵士心齋搆以眎余并屬叙言余閱一周凡二十四卷體例條目一如邑乘余何能贊一詞噫余之心至此亦可稍慰矣他日輶軒採納文綯固不足傳而創修諸君子當與斯志共不朽也已余故樂而爲之序時

嘉慶十有六年仲夏寶蘇局協理官同里司巡檢加一級錢江陳錫華撰

同里志

陳序

四

序

夫志者誌也里志與邑志一也同里爲吳江東南一隅自宋元以來有善可風有事可紀者悉錄而存之使前人芳懿不至湮沒無聞焉此紀載之實不可緩也庚午春予分巡斯土曾見庵村有志而同里向未有以志名者今知周君省菴爲故家儒宿夙嗜著述積十餘年成同里志二十四卷凡舊聞逸事無不蒐討諸家載籍無不摭摭孜孜汲汲其用心可謂勤矣予觀其書有三善焉忠臣養士與孝子節婦天壤正氣不容磨滅是書褒忠錄節炳如日星發潛表微有裨風教此一善也凡著述家或有喜行剽竊襲取他人之書以爲己出是書有所援引必詳注本某傳見何書一無剽掠此二善也及觀條目自形勝以迄詩文考訂詳明條分縷晰彙若列眉不致後人無所稽考此三善也至於體裁義例具詳李周兩憲臺序文中予何煩贅一詞茲因諸君子斂資付刊具呈詳報蒙憲批閱并飭示採訪予於是捐廉以助斯盛舉是舉也微周君孰能勤求博考殫精耗神爲斯里之創又微諸君子採訪摭拾相助爲力亦烏能腋狐成集鐫板成書哉予甚幸邑志之外又有里志故略備數言以附簡末

嘉慶十六年歲次辛未秋七月署同里司巡檢加一級山左王毓祥撰

同里志

王序

五

同里志序

地志曷昉乎周官外史掌四方之志小史掌邦國之志誦訓掌方志以知地俗職方氏掌天下圖輿地蓋總爲史官之職漢制計書上太史郡國地志皆在焉班固史因之撰地理志迨六朝時藝太常撰畿服經陸光祿先中丞並撰地記地理書顧黃門撰輿地志其列隋志者曰經曰記曰志曰錄曰傳紀錄章矣吳之地志曷昉乎若晉顧夷吳郡記唐陸廣微吳郡記宋李宗諤圖經朱長文續記范成大郡志諸家類多文獻故家學士爲之江浙爲人文誕萃之區然閱郡邑志多肇元明間吳江邑志創自明初寶德遠今傳者無過莫鱸鄉本莫志成於宏治年同里志創自吳蒙菴吳志成於天順年嗣是續志則章兩生吳泗傳顧蔚雲周子省菴文獻故家子也尊甫墨莊夙承裕哉先生家學嘗萃吳章諸編爲采錄同里志未卒業而遽殄省菴發憤矢志成先人未竟之緒爰偕兄雲涓更爲廣搜載籍綜述舊聞里中柴丈淞漁洽聞碑見爲博通之彥常時就質而一時尊宿若龐世香凌吟香王香溪暨同人陳竹邨顧劍峯□□□□諸君子訂正贊襄之力爲多俾得集衆廣益以潰於成蓋其慎其難書成乞余序言余讀甫終卷輒不禁慨然惜曠然幸者之交集也吾里巡檢官始於宋彼時已號邑東鉅鎮奚爲事蹟人文元代以前無徵若斯余是以不能無慨於前失記載遂致茫昧無稽也吾里志先哲序於天順丁丑迄今三百五十年輯更四賢之手度藏僅有草本今得鐫勒以廣流傳將自北宋七

同里志

任序

六

百年來遺文佚獻日就湮晦者至是輝若星日則又不能不爲之忻幸而愉快也至此書之體裁閱整徵引典博抉擇詳審周而不徇質而不陋賅而不支洵堪邁越前修遠紹顧陸朱范諸先生之撰述而爲斯里寶錄以當輶軒之采擇者又無俟余言已時

嘉慶十有六年歲次辛未孟冬月湖里人任兆麟心齋氏撰

修志姓名

鑒閱

吳

江

縣

知

縣

閻登雲

署

吳

江

縣

知

縣

周履福

吳

江

縣

知

縣

李汝棟

吳

江

縣

學

教

諭

楊大中

寶

蘇

局

協

理

官

同

里

司

巡

檢

陳錫華

署

同

里

司

巡

檢

王毓祥

參訂

郡

人

王芑孫 楊甫

邑

八

顧日新 劍峯

吳鳴鏞 雲墅

同里志

姓名

七

里

人

龐慶雲 芷香

劉守謙 岳峯

柴璜 淞漁

凌雲鶴 吟香

王祖庚 蕪溪

任兆麟 心齋

顧我樂 竹嶠

馬鍾芳 春幃

陳兆璵 竹邨

陳兆慶 巢雲

葉 藁 虹 橋

口 口 口 口 口

纂輯
里
校字
里

同里志

姓名

八

任仲亨柳汀

周之翰雲湄

周之字逸陶

人
周之楨省菴

人
周良弼傅霖

周良澍濟川

周良駿馭千

同里志目錄

卷之首

舊序

卷之一

地輿志上

沿革

卷之二

地輿志下

水利

卷之三

建置志上

公署 廳署附

漏澤 義塚附

凡例

圖

鄉都 圩街附

湖蕩 浜附

形勝

橋梁 橋壩附

學校

祠廟

倉廩

同里志

目錄

一

卷之四

建置志中

坊表

卷之五

建置志下

古蹟

卷之六

典制志

風俗

卷之七

官政志

官制

卷之八

職官

園第

墓域

寺觀 菴院附

賦役志

貢賦

卷之九

選舉志

科第

例仕

卷之十

人物志一

忠孝 義行附

卷之十一

人物志二

仕宦

卷之十二

徭役 營汛附

物產

土田

武科第

貢舉

恩蔭

同里志

目錄

二

人物志三

科貢

卷之十三

人物志四

仁壽

卷之十四

人物志五

文學

卷之十五

人物志六

高隱

卷之十六

人物志七

藝術

卷之十七

人物志八

閨德

名媛

卷之十八

人物志九

節孝

貞節

節烈

卷之十九

人物志十

宦蹟

流寓

卷之二十

人物志十一

釋道

同里志

目錄

三

卷之二十一

人物志十二

雜錄

卷之二十二

藝文志上

書目

卷之二十三

藝文志中

集文

卷之二十四

藝文志下

集詩

同里志舊序

同里志先哲志序

吳江有地名富土後人因其名太侈析富字之田加上上改名同里今爲同里鎮然民淳俗厚懋易最盛宋元以來尤多名家盛族迨聖朝更化地接神臯春育海涵羣生成遂故儒紳士夫彬彬輩出而功烈聲光爲時所向或出而仕則能布德施仁民受其惠或處而隱則能守志勵操貽範後人以及釋老之徒高風逸韻超然物表亦豈讓於通都大邑之士也哉余自童稚時諸老已多徂謝先君子每稱其人之善爲訓比長游鄉校僅見其間數人皆以斯文之事見許聽言觀行亦足以啓迪良心旣而登仕版踰三十春官僚過從聞見雖廣求其嘉言善行可愛可慕如吾鄉諸老抑何渺耶今幸致仕而歸將尋舊盟而不可得杜門養疴行跡殆絕向之所謂僅見者其骨皆朽益有感於余懷嗟夫先哲有善而不知非知也知之而弗傳非義也是皆吾輩之責豈容自恕而泯沒耶然尤患乎文獻不足無以考其言之詳但述吾之所知分爲四類紀其姓名而書出處之大略以傳於後吾鄉晚進能於此而求之必有所觀感而興起矣天順元年丁丑春二月旣望里人吳驥自序

續同里川先哲志序

于扶輿之大有中國于中國 皇畿十四省之廣有江南于江南十四郡之星羅碁置有姑蘇于姑蘇溇滄滄湖七

同里志

卷首舊序

縣一州之遠有吳江于吳江四百六十里二十九郡六鄉四鎮十市之環衛錯壤有同里計同里之在齊州不啻如南華經所謂毫末之在馬體也惡乎以志傳况乎 朝廷一統有志歷代寰宇有志廣輿有志以至郡有郡志縣有縣志藏之內府外府垂之百世千世炳炳烺烺矣是曩爾地惡乎以志傳作之者不亦可已乎雖然事不可執一論也蓋聞人以地靈故眉山毓蘇涑水鍾司馬地以人重故濂溪由周茂叔著名橫渠以張子厚顯跡是四者皆非通都大邑也自漢迄明國有信史史官掌之而野史不一則皆博物洽聞有心世道之士以其紀述佐國史之未備亦不必皆通都大邑也同里環四湖之秀語云水之方流者產玉圓折者生珠是固宜有賢人君子接踵而出焉又鎮治所轄卽落不下百區不特鎮有學士大夫而卽落中亦有潛德弗耀元文處幽者是豈可以無志先朝英廟時里中吳蒙菴先生作同里先哲志迄今世家大族猶有錄而藏之者後之人得以考其人物焉一日余適披覽之友人顧雪石至謂余曰是志止於先朝天順天順距茲幾三百年賢人君子之繼起者指不勝屈矣而未獲懸之日月予盍續之以爲吾鄉之典籍乎余心許之誠以士生於世旣賦命不遇無權藉以行道濟時惟道揚前人德美以興起人心廣厲來學是亦涓滴之水微潤於物也且今風俗頹靡羣安卑鄙自縉紳以逮章布能振拔於庸庸苟苟之流者落落若晨星非以前人德美感動而激勸之百川之東曷有障乎用是不揆鄙拙勉爲負山之蚊然家無藏書抄聞寡見故老又皆凋謝莫從咨訪但能紀近不能紀遠所見所聞所傳聞詳略異辭惟不狗情不博疑斯則差愜於

心耳吳志分四類余增屬爲九自忠孝以至釋道凡得若干人嗟乎三百年中可傳於後者如是其難得也集成以示雪石雪石曰是足以慰前賢於九原光後允於奕世矣且使蕞爾鎮有名章徹於四方他日輜軒之使豈無采之者余曰是烏敢望惟是以秉彝好德之心稍有補於頽靡之風俗則觀化之及時庶幾含笑而逝焉爾康熙二十三年龍集甲子陽月同里八十歲翁章夢易撰

續修同里志序

康熙癸亥余年六十多疾偶讀莫徐二志深仰二先生之作可以維持風化大有關於政教也吳江處太湖之東北衆流所趨之地禹貢所云三江既入震澤底定明設沙船於劉河尾繫以木使滾滾不停故水不壅塞而水出海矣今失其制湖雖開而卽壅塞其勢然也康熙年間遭水卒至縣前水湧幾尺墻傾屋崩舟行田間死者無算棺流莫辨禾黍不登行乞滿路此水利所當講也蓋蘇松錢糧甲於他郡者明初因張士誠陳友諒仇怨之故耳故江南蘇松二府江西袁瑞二州錢糧皆額外加倍同治年間袁瑞浮糧蒙 恩蠲免而蘇松曾一議及民之仰望非一日矣倘得蠲免德澤與天地同一無疆矣明時同里有李公名瓚者修同里志今年遠世殊其書不存余不揣固陋參以縣志詢諸父老纂述舊聞自乙酉起幾四十年聊撰一册名曰續修同里志而實創也然孤陋寡聞或有遺漏尙望後之君子康熙癸亥仲冬十三日里人顧棟南季任識

同里志

卷首舊序

二

續修同里志序

同里志有李公名瓚者實修之前吳蒙菴先生則有同里先哲記陳君明先生則有同川集皆明代之書在明季已無復存焉者矣今季任顧先生續之雖續而實創也創始與續修厥任維艱而續修之艱則余今日始知之續則距創之日或一二百年近亦數十年其間山川沿革與夫名臣賢士孝子節婦事跡歌咏可涕可傳者必欲盡資而繼其舊則俟之三四百年千卷不止勢必芟舊之繁紀新之要而世又曰過佚前人光不仁嗚呼有事於續排者其何以處此今季任先生發凡舉例裁體胸臆其鉤羅蒐羅一任之後世而已矣雖然余謂先生此志實易實難先生家世同川簪笏累朝不絕前代高皇帝時汝民伯振二先生儒林碩望注念刪述魯齋先生舉進士於世廟時讀書閉戶市人罕窺其面至今過其祠者歎欷泣下曰賢哉大夫博涉墳典而尤諄諄於邑中貞孝節廉之事然則先生取之家乘已過半矣故曰易然而操著非一人事也我友英白季任之阿咸也篤志千秋而贊志先歿戴雲野著述四十年老儒宿學而又歿歸然尙存者惟章兩生先生年近伏生授書之日卽有冕錯亦得於女子之口者倍多則先生所以商榷而疑決者其誰乎欲考其遺亡而略記者又誰乎以一人之耳目羅一方三百年之紀載故曰難不避其難肩任而力持之其有功於同川不淺且使比閭族黨之中而各有一先生焉則縣志不難成矣縣志成而府省志舉取諸此我於此書不勝舉然高望於天下也然而事有未盡聞有日積余與小祗園素哲大和尚方外篤友也

他日或憩息於此雖耄尙當與先生共訂之時康熙二十五年丙寅夏同邑弟王載書
採錄同里先哲志序

同里先哲志四卷鄉先輩吳蒙菴先生就所見聞而錄其人之可傳者雖止於一鄉亦以錄賢而勸善也志成於有
明天順間僅記明初數十人其辭簡質每人事實寥寥數行而本末該舉不嫌其略嗣是陳氏有同川集李氏有同
川志其書不可得見今幸章氏有續先哲志所載當更詳備是使後人有所稽考知吾鄉百年前名賢輩出其德行
才猷文章學問可爲後人師法讀是書者必開風而興起其有裨於名教豈淺鮮哉吳志流傳既久松陵文獻中頗
多採錄新舊邑志因之章志亦多採擇惜乎皆未刊行里中傳寫亦少余家舊有藏本慮其久而蠹蝕也謹加雠校
凡人物篇目一仍其舊間有志中所略而邑志加詳採附本傳之末以備觀覽蒙菴兩生二公本傳則採諸邑志載
於卷中讀其書固不可不知其人也嗟乎閩人成世何地無賢述往事思來者古今諒有同心然著述之難雖近在
一鄉而率然舉筆亦何以信今而傳後自陳氏李氏之書既不可得見而唯吳章二志流傳卽數十年來鄉前輩嘉
言懿行固多可愛而可傳見聞所逮時時往來於心因手錄一編名曰採錄同里先哲志而年衰力倦不能有所論
次繼前賢錄賢勸善之志而勒爲成書是所望於後之同志者乾隆五十七年歲次壬子七月之望里人周義墨莊
識

同里志

卷首舊序

凡例

- 一 同里志自明以來有吳陳李章顧諸先生定本然未及全見今摭拾舊編益以各家譜牒及碑刻撰文行述傳聞彙輯成編以備參考
- 一 縣志載鄉都同里屬范隅下鄉領都三在鎮屬二十六都東有同里湖西有龐山湖南有葉澤湖北有九里湖今以四湖爲界故建置人物四湖之外皆不徧及
- 一 同里八景之目縣志僅有吳定八景及續定八景今增入葉定水竹墅十景皆點綴一鄉風土勝概故亦從縣志形勝例一概存之
- 一 志書凡有鄉都圖圩賦役之類今不備載祇載二十四二十五二十六三都土田賦役餘不泛及
- 一 里中家祠甚少凡有門額表出者書之所以重報本也
- 一 古蹟園第已載府縣志者悉仍其舊餘卽做志例增續以備久而可考也
- 一 墓域凡科第名賢及身膺民社與有墓誌可考者均載入卽非本鎮人而墓在本鎮亦載入
- 一 職官科第貢舉例仕等表有隨時陞遷增添今祇載嘉慶十六年以前餘俟續增可也
- 一 人物志分爲一十二卷仍本章志分類編次如名臣僅曰仕宦儒林總曰文學凡弁首有小傳悉錄之餘卽參

同里志

卷首凡例

四

府縣志增入又各人物傳先就莫徐葉沈四志爲本輔以史董屈錢任及吳陳李章吳顧氏諸稿本分類編次卽附其子弟及其後人於下凡郡省志正史通鑑名人別集雜錄及家乘墓誌行狀等詳閱采輯每傳下註明本某志及何書如可參誤考訂處又亞一字用按字起書本文後或正文下用細註誤者正之互異者兩存之非有所本不敢妄參己意寧簡毋濫惟期詳慎而已

- 一 里志原以備府縣志采擇故凡遇人物一概書名謹遵臨文不諱之例
- 一 凡遇祖父名字本嘗隱諱今直稱於志中者非一家之私書故也
- 一 人物傳官爵舉貢生監見於前者後不贅及
- 一 已未 旌節孝謹遵府縣諸志例載入卽現在守節已逾二十年亦附於後以待 旌獎志苦節也
- 一 藝文足以徵里中文獻無論同邑寓賢祇選諸名家刊稿及別集中有關里中風土軼事者餘概不錄
- 一 是書之成稿經數易自草稿以至謄整付刊多出一手字跡聊草閱者諒之
- 一 是書自章兩生先生續後凡百餘年僅見吳泗傳有增輯先哲志願髮干有傳信錄顧蔚雲有志稿先君子有采錄先哲志僅記同里先哲數十人皆未刊行楨不揣庸陋遵邑志體例自形勝以迄詩文一一徵引查萃成編每脫稿卽取裁於鄉前輩諸先生并質之同志諸君子共相參訂務在期於詳覈其中闕略掛漏糾繆補遺

實有望於博雅諸君子焉

同里後學周之楨省菴氏謹識

同里志

卷首凡例

五

同里志圖目

同里四面湖界圖

同里鎮全圖

同里司署圖

同川書院圖

同川八景圖

續同里八景圖


同里志

卷首圖

六

同里四面湖界圖

同里地界周遭不及五千步大半水鄉西有龐山湖郡邑之路由此達也南有葉澤湖嚮明而治文教之所以日昌也東有同里湖水望東流有所歸也北有九里湖言地勢無不自北而南且詩禮大姓多居北隅也鎮爲中央有居中馭外之義也尺幅中都圖湖界不過在髣髴形勢之間實未嘗徧履其地而審定之也凡長與圓圍者內皆田蕩所在餘皆港與漾脈絡貫通湖則有湖名著出夫尺幅之中南北長而東西狹其大小遠近未能悉合地勢閱者諒之



同里鎮全圖

龐山湖

馬全橋

思木橋

廣濟橋

沈家橋

牛頭灣

永興橋

水竹墅橋

渡船橋

北坂橋

大通橋

大橋

得慶亭

出南新湖

會川橋

圓明塔

梁澤亭

音龍橋

洪家亭

狀元街

同川書院

文安橋

三元橋

中橋

昇平橋

吉利橋

石皮街

詩御坊

玉帶橋

橋末

荷花橋

榮子橋

走馬街

梳櫛橋

前八音橋

後八音橋

山橋

南漆街

梁園橋

長生亭

富紅古

廟橋

流虹橋

張公橋

環鈞

普安橋

長生亭

富紅古

明聖神院

斜橋

橋東

史家街

連三橋

胡甲九出

同里湖

同里湖

同里湖

同里湖

同里湖

同里鎮雖小盡繪于尺幅中第能略備路徑之廣狹港脈之通塞與夫橋梁寺觀之南北東西按其形勢行旅者可循途而至游觀者可按地而行矣夫合鎮四址界限南至大杠橋北至同川書院東至營房西至墟壩巷西南至思本橋東南至羅星洲東北至吉祥巷西北至烏金橋自西至東有四港北跨榮安橋中跨得春橋中南跨泰來橋南跨三元橋披圖者以意測之庶不失製圖之意可耳

同里志

卷首圖

同里志卷之一

地輿志上

沿革

同里爲吳江一區不過范隅下鄉耳何沿革之有然考唐初名銅宋改爲同舊名富士後析田加土爲同里此卽沿革也志沿革

同里一名同川去縣治東十里有市鎮唐宋時鎮在二十六都九里邨元明時漸移至南在今二十七都徐陳二志云唐初名銅宋改爲

同吳志云舊名富士以其名太多乃析田加土爲今名歸有光集吳郡續志云松江受太湖一自長橋流入同里黎湖瀾由白蠟江入薛澗湖而注海同里之名又在先矣宋元閒民物豐阜商販駢

集百工之事咸具園池亭榭聲技歌舞冠絕一時明初地方五里居民千餘家室宇叢密街巷逶迤市物騰沸可

方州郡故局務稅額踰於縣市嘉隆而後稍不逮昔 國朝居民日增市鎮日擴中有放生河河可數畝菱蘆叢

生爲荷花蕩今日漸淤塞填架土屋亦成鬧市俗稱新填地僅存一浜潭又西檜柳圩向有濠渠可通舟楫爲鎮

中來龍今亦填土架屋濠渠絕無僅存來龍橋在旱地矣

按宋史民人屯聚有商賈貿易謂之市設官將禁防者謂之鎮又職官志諸鎮置於管下人煙繁盛處設監官

管火禁或兼酒稅之事而邑志同里巡檢司止載宋以來郡志云巡檢卽古游徼始於宋沿於元明以迄 國

同里志

卷一 沿革

一

朝然則同里之設巡檢司斷始於宋合之職官志其置鎮當亦在宋時意唐名銅里或尙屬邨市至宋去金爲

同乃始稱鎮也至同里又稱同川昔人謂同里市河凡三如川字故名此不過文人學士偶以茲地水區目爲

同川後人沿襲遂有是稱耳不然如邑之黎里鎮稱黎川平望鎮稱平川豈其市河盡如川字乎

鄉都

萬二千五百家為鄉鄉以轄都都以轄村聚廬託處比戶可封民物豐阜俗自淳而風自化矣志鄉都

同里屬范隅下鄉領都三 二十四都二十五都二十六都去縣治東一十五里 凡六十八里 見邑志

二十四都

東王 以下見 實志

丁逕 以下見 沈志

施家灣

陸家扇

六里舍

隔江里

二十五都

龐山村 以下見 沈志

丁家村

西王

錢田

鶴鶴兜

沈家扇

清澤村

南思 莫志作 里誤

富墓 三都亦 有此名

夏家村

中王

查家港

徐村 有前後 二村

陳家兜

范瀆村

北思村

謝里 莫志作二 十六都

牛路

南王

凌家莊

張家村

施家塚 今作 尖

溝瀆 以下見 屈志

橫路

上塢 史志作上湖莫志作 尚湖茲本實郡二志

瓢溪

同里志

卷一 鄉都

白米溪

二十六都

吳村 以下見 屈志

宋墓 六都亦 有此名

新街

帳子廊

朱家浜 一作 溪

今二十六都在鎮

東柵

三陽田

今二十七都在鎮

士里

竹行頭

葉澤村

張塔村

東莊

西朱

三朱

石柱頭

三陽田

寧家地 寧宅

羊角灣

馬路 有南北 二村

薛塔

半墩 舊志作 牛墩

倉塢頭

石板渠

新墳地

荷花蕩

張仙逕 舊志 失載

九里村

糜塔村

蓮花蕩

謝里村

園上

閔家匯

今二十八都在鎮

陸家埭

西埭

唐家屋

東埭

南埭

北埭

高地上

船舫浜

章家浜

紅塢頭

在鎮十三圩今擴二圩

成以下二
十六都

冲

東糶

糶以下二
十七都

西糶

東柳以下二
十八都

漆

洪

西柳

糶

稅

南荒

南祕

北祕

果

在鎮官街

三元橋街在冲字圩南至三元橋北至三陽田以下二
十七都

南濠街在東糶圩中段西至得春橋東至草巷

尤家街在糶穰圩西段南至吉利橋北至懺堂浜

同里志

卷一 鄉都

白塢街在糶穰圩中段南至泰來橋北至懺堂浜

臭街在糶穰圩中段南至新填地北至荷花蕩

石皮街界西糶東柳兩圩南至士里北至田岸以下二
十八都

倉塢街界東柳西柳兩圩南至太平橋北至富觀橋

穿心街在洪字圩南至南埭北至北埭

西街在西柳圩南至廣仁橋北至田岸

磨坊街界果字南祕兩圩南至紅塢埭北至田東北至梅山

史家街在果字圩南至普安橋北至東莊圩

聖堂街在洪字圩南至會川橋北至北埭

三元橋街在冲字圩南至三元橋北至泰來橋在二十四
圖下同

鹽店街在冲字圩南至田北至港

湖蕩

吳越澤國水經所謂萬水所涇觸地成川其源自太湖入海承行支漫流派縱橫皆有所自按脈絡循分合一鎮亦當知所去來矣志湖蕩

同里鎮四面皆湖東為同里湖南為葉澤湖西為龐山湖北為九里湖西北為吳淞江東北為搖一作城湖屬元又

東北為陳湖亦屬元和同里鎮在諸湖之中中有市河凡三如川字故合東柵諸港之水瀦為新湖其北行者受壘婆

浜水為水花園其支港東北行者出九里湖北行者出吳淞江按鎮西有北行支港長十里俗名長練路其北河分二支北行者亦出

九里湖其東自斜橋東北流者與東柵港水合為菱湖今淤為田名菱蕩田○水花園之東北與九曲港菱湖水會為同里

湖一名黎湖又東為庵村湖屬志云又名同里湖一湖東西分名

〔菱湖〕上承龐山湖水下流入新湖俗傳湖中有青白龜子板人有取之者即有風雨之異竟之無踪在謝里村見志

〔同里湖〕從塔菴港由市河出東分流庵村湖南通新湖北分流黃泥兜出姚城湖見葉志下同

〔葉澤湖〕從運河徹浦湖港東分流南新湖北分流大葉港池家港出同里鎮南通長白蕩

〔龐山湖〕自太湖從運河甘泉港菱草路西來東分流塔菴港南通徹浦港北分流吳淞江龐山湖東南半屬同里今為嚴民所占將成平

同里志

卷一 湖蕩

四

陸水口已日隘矣

〔九里湖〕從同里湖楊下湖鍋底潭出吳淞江

〔南新湖〕從葉澤湖東北分流沈舍港東舍港南通九曲港

〔尙湖〕從徹浦橋港龔家橋俱西洩東湖水東過運河為十字港為尙湖甚小而深今則更小而淺不成湖矣○見沈志

〔長白蕩〕從殷家蕩張漾蕩翁涇漾北由陸家港出葉澤湖新湖沈舍港急水港流入白蠟江見葉志下同

〔因兒蕩〕從運河大浦港北分流殷家蕩東分流長白蕩

〔又漾蕩〕從張漾蕩東分流長白蕩北分流泥潭蕩泥潭蕩從又漾蕩東分流長白蕩北分流因兒蕩

浜附

〔烏金浜〕在富稟村通龐山湖見莫志下同

〔江茶浜〕在龐山村通龐山湖

〔懺堂浜〕在稻穰圩慧日懺院前在同里鎮下同

〔荷花蕩浜〕在稻穰圩荷花蕩東北

〔船舫浜〕在穉字圩向為章姓里居故名

〔船舫浜〕界拂字西檜柳兩圩上架閣樓爲船舫故名

〔蔣家橋浜〕在西柳圩今漸淤塞

〔祇園浜〕在東檜柳圩仁壽橋南

〔濠潭浜〕在西檜柳圩今淤塞

同里志

卷一 湖蕩

形勝

四湖環繞於外一鎮包涵於中古蹟勝概到處皆堪圖畫達士登臨隨時俱足游觀起憑弔寄觴詠論古者實有取焉志形勝

宋葉茵遊法喜寺詩曰江流環合路紆廻

元龐龍道龐山湖詩曰年來問俗到龐山風景分明入畫圖

倪瓚同里懷元用詩曰一水東西雲窈窕幾家楊柳木芙蓉

明史鑑同里社學記曰惟茲同里距江帶湖聚落慶居實盛於厥初

張居傑過訪何方伯詩曰遙望同川雲樹蒼又水花園詩曰湖山佳處足徜徉

莫且題顧盤窩記曰由江而東不半舍許泉甘土肥居民聚而成墟者同里鎮也

吳驥同里先哲記曰地接神皋春育海涵羣生成遂又曰同里為蘇松之要塗

顧曾道曰西山遠峙於後重湖近畜於前東有溪流之環繞西有龍脈之結局土沃林深洵為松陵之甲鄉

大清章夢易續先哲記曰同里環四湖之秀是宜有賢人君子接踵而出

朱鶴齡江灣草菴記曰其田疇沃以衍其土風清以嘉

同里志

卷一形勝

六

徐養浩曰邑正東之水路曰同里南通葉澤北枕吳淞據此可以四顧

按鎮之東西距止二里許周五里餘民居稠密樹林陰翳橋梁寺觀牌坊棋杆近聯遙接置鎮之由來雖已久

遠而一鎮之形勝豈不亙古如新哉有定為水竹墅十景有定為同里八景有續定八景風人多題咏焉

水竹墅十景

宋葉茵定各賦詩一首○本順適堂吟藁

曲水流觴

蘭亭飲者徒四物寓天理着眼靜中觀坎止流行耳

峭壁寒潭

百丈懸崖立一泓流綠漪品題無好語摹寫冷泉詩

安樂窩

受用十二時不離方寸地門外自風波行之以無事

野堂

風來無市聲景物占深靜鷗狎堂上翁時來點天鏡

竹風水月

造物無盡藏散在林泉中結亭相周旋人與萬境空
廣寒世界

鼻祖舊遊地留得老桂香有能培植之此香傳諸郎
盟鷗

同此江湖心有盟非知己我亦畏機人莫入驚波裏
得春橋

策驢風雪中東君獻詩料花驚非故我聊復索花笑
賞心橋

沿邊過竹所履聲驚龜魚人生適意耳何必駟馬車
尋源橋

蹀躞水窮處雞犬非人間寒裳不用涉迤邐逃秦山

按水竹墅十景二十八都有橋亦名水竹墅邑志云宋葉某建疑卽葉茵是十景疑卽在二十八都但得春橋
在二十七都賞心尋源二橋郡邑諸志並未載曲水流觴諸景又無考存以備考可也

同里志

卷一形勝

七

同里八景

明吳騷定
題詩六首

長山嵐翠

平疇繞郭無崇崗前溪後圃遙相望長山突起若屏障來自艮位趨乾方坡陀纔及數仞高綿亙已逾千丈長
西瞻林屋勢連絡瀨氣直與雲飛揚晴嵐暖翠看不足碧草滿地松蒼蒼山靈蟠鬱久未發待爲先哲開元堂
百年浮世竟徂謝一生清節何時忘乃知斯境稱潛德亦有隱者居其旁泉臺深閉白日靜暮木閒倚秋風涼
歷摹石刻獨延佇鶴怨猿啼恐斷腸

九里晴瀾

太湖風濤湧銀屋望處令人駭心目豈知數里小澄湖近接吳淞煙水曲未能朝宗會百川頗擅清幽遠塵俗
沿堤冉冉春流漫拍岸溶溶朝雨足桃花浪暖鏡光平時動微瀾縹緲輕轂忘機沙鳥自往還無意汀蒲爲誰綠
農憂亢旱資灌溉戶有鮮鱗供口腹我遊湖方思故鄉恆厭黃埃暗山谷此日南歸得縱觀欣聞漁唱聲相續
欲收佳景入吟懷爲報斜陽舟去速

林阜春雨

林塘回合水交流鬱葱佳氣常凝眸巨族相承今幾葉家有恆產貽孫謀農祥司春肇東作簷前喜聽啼斑鳩

一犁膏雨既沾足老健縛輓來西疇比鄰相戒亦務本男耕婦織無他求秧針刺水綠雲布桑麻繞屋蒼煙稠
路通樵徑絕塵鞅門臨釣磯飛白鷗桃源想像不可到此景彷彿如滄洲何人高隱謝名利草堂新築爲藏修
人生萬事如夢幻但願晚景長優遊

蓮浦香風

春光已暮繁華少目送殘紅栖碧草此身况復在江村何處尋幽敦懷抱豈知佳景近禪房數畝陂塘自清悄
夾岸垂楊影漸多凌波菡萏開逾好翠盤擎重露珠冷花錦豔烘霞氣早靜無塵事可投閒旁有釣磯飛白鷗
地僻雖然遠市塵民淳却喜無機巧青雲有客繼登科坊第連雲超物表水亭瀟灑挹香風九夏那知炎暑惱
會見功成畫錦歸重爲哦吟發天藻

南市曉煙

嶺南虛市幾家村荆吳亥市名猶聞却羨此中生意好懋遷百貨無朝曠地帶三吳遠近至橋通一水東西分
白粲連艘何濟濟青蚨滿篋常欣欣鄰鳩喚夢驚起早爭先逐利忘其勤舉網得魚忘釣艇當釀酒開芳樽
接踵肩摩肯辭險羣分類聚如飛蚊初疑眼界隔煙霧那知跬步皆塵氛坐令兒輩亦喪志豈解讀書能綴文
先賢每戒登隴斷茲事與君難細論

同里志

卷一 形勝

八

西津晚渡

遠陌初窮臨渡口關津恆置官兵守一水非遙涉者艱扁舟長繫沙邊柳負薪晚過見蕩童荷鋤早出知田叟
戴白垂簪去復回中流指顧猶回首月落江城曙色寒煙生茅屋斜陽後此時歸思正怱怱立斷西風待應久
其旁蘭若自昔年老衲經營今尙有危竿旛動駭禽飛敗葉塵凝容鼠走淒涼何用感余懷陳跡依然名不朽
却歎鋪流日已多人豪更有昌黎否

野寺昏鐘

水村漁笛

按莫志云同里八景吳驥所定今驥詩僅有六景疑驥時未有六景莫志增入二景正可知也又按趙重道三
餘館集有同川六景詞是吳驥趙重道時止有六景信而有徵也

續定八景

無名氏定
賦題詩四首

法喜驕祥

東吳福地如祇園肇開蓮宇知何年朱甍碧殿倚雲起法筵環衛八中天幻相由來易衰歇一朝劫火飛蒼煙
惟餘大士出塵表跏趺寶座猶嶽然祥光午夜燭霄漢見者悚敬心拳拳乃知神化示先兆事與數會乘機緣

伊誰洒掃還壯觀錦素向慕同周旋暮鼓晨鐘警昏惰山川草木皆清妍穹碑頌德非隘美昭示百世寧無傳
愧我無才爲重述但摩陳迹哦新篇

洞真靈跡

路轉溪橋地幽閨溪流環繞神仙宅昔人遺業幾經秋傑構凌雲三百尺通明殿古非塵境故老曾聞顯靈跡
芝生畫棟表奇祥燈墜瑤塔破昏黑蜿蜒誰寫妙入神遊觀每驚風雨夕至今談者爲傳誦籍籍佳聲動鄉國
羽客朝元去不還林泉有變今蕭瑟欲繼前修賴後賢重看萬象回春色休禎自天可再見在裏真誠能感格
爲善以勸惡以懲終歲咸躋仁壽域

仁濟口字

太和仙山神所居威靈烜赫遍寰區吾鄉闢地建祠宇有禱輒應人爭趨廟額題來表靈貺仁恩濟物均沾濡
煙中旗幟疑保障羣盜屏跡歸江湖莫言幽顯未易測此心冥感能相孚黃冠隱逸經歲久丹房瀟灑纖塵無
石田惟種養生藥琅函多閱修真書余昔家居每吟賞自笑俗態安能除今日重遊但搔首古槐秋屋皆荒蕪
不用臨風爲惆悵世間何事不成虛

翊靈古祠

同里志

卷一 形勝

九

昇年曾攬青靈記備述神功昭後世今觀遺廟在江鄉遂館穹堂何壯麗應知出入駕雲駟陟降帝庭躬侍衛
禍淫福善乘至公威德及人良有濟嗟茲華構喜重新虔謁上靈猶可繼羽流相戒會同盟欲與吾民禳疫癘
俯陳丹悃答玄恩載拜摠誠奠香幣五風十雨勿愆期秋報春祈仍樂歲驚童白髮幸安居歌舞共言神所惠
薄俗難憑久或忘聊賦詩章告來裔

東溪望月

西坂夕照

北山春眺

懺院鐘聲

按此續定八景吳驥亦僅有詩四首并前六首共成十景詩因疑驥當時或共定同里十景卽成詩十首後人
誤以前六首下續二景乃爲吳定八景後四詩下又續四景爲續定八景未可知也

同里志卷之二

地輿志下

水利

同川諸港上承龐山湖之水而東北流於吳淞者也故必疏濬下流使水有所歸方無壅塞之虞矣志水利
乾隆六年里人趙植任德成陸廷聘等募貲開市河自東溪橋起至富觀橋止其築壩岸水挑土銀無考
二十八年里人王銓袁希賢王士增王樹圻范時勉等募貲開市河自市裏起至漆字圩昇平橋止其費銀亦無考
嘉慶八年里人王自鏞陳兆璜劉守愚劉德新等募貲開市河西自謝家橋起北至富觀橋東至小東溪橋共計三
百餘丈深尺餘共費錢四百千有奇奉憲禁畜鵝鴨伐石立古紅墪中

同里志

卷二 水利

一

橋梁

橋梁設以利涉古多架木末始鑿石而莫盛於吳誠澤國之勝概也同里橋梁甚多祇載其尤著者因時修舉新舊異名不可偏廢誤者正之疑者闕焉志橋梁

〔思本橋〕在南荒圩宋葉茵邑志建俗名思汾橋後建修無考

〔水竹墅橋〕跨西珠屈志西柳兩圩宋葉茵邑志亦建

〔永寧橋〕跨外學職字兩圩元至正二十六年法喜寺僧天瑞建 國朝康熙四十三年里人顧西峇重建嘉慶十六年洞真觀僧道興等募同里鎮任來復重建

〔東新橋〕跨東稽稠成字兩圩舊名東溪橋元至順元年建明永樂中里人李傳等重建成化三年里人丁原吉願募移建府志再建 易名東新橋嘉靖四十年里人重建今俗名大東溪橋

按此橋明成化前在同里湖濱奈風濤作時行旅頗艱故移建於內又按石刻東溪橋嘉靖四十年正月立仍名東溪橋特未詳建與修耳

〔慶榮橋〕跨稅稠兩圩元至正十三年府志十年里人甯成建明成化中里人顧寬再建 國朝康熙九年里人沈敬宇募建易今名富觀橋里人陸雲祥撰記刊石立洞真觀前載集文中

同里志

卷二 橋梁

一一

〔梳櫚橋〕跨南秘窰字兩圩明初里人陸仲和建一名疎柳橋

〔智安橋〕跨東稽稠果字兩圩明洪武二年建莫志作 宏治中里人顧寬沈達重建後建修無考今俗名小東溪橋

〔飲馬橋〕跨西稽稠東稽稠兩圩明洪武中里人陸仲和莫志作陸氏建府志作 國朝康熙三十三年徽商程棟重建乾隆四年里人袁棟再建二十四年里人王銓王廷錦凌學濂陸廷聘等重建嘉慶初里人修

〔乙卯橋〕在冷家浜明永樂中里人章口中見新舊冷賢建府志作永樂乙卯里人冷賢建

〔斜橋〕跨移定畢圩東浜口初建無考明永樂中重建 國朝乾隆中里人重建

〔永興橋〕跨西柳南荒兩圩明永樂二年里人重建正統十三年道士戴志淵建名湯家橋 國朝康熙初里人程汝端建乾隆五十五年里人募資重建里人顧汝敬撰職集文中嘉慶初重修

按湯家橋邑志並作明正統十三年道士戴志淵建並疑永興橋名考永興橋另列為永樂二年里人重建今按石刻宣德年間重建永興橋即湯家橋是郡邑諸志並誤為二橋也明矣

〔得春橋〕跨東稽稠西稽稠兩圩初建無考莫志作明永 明天順中里人何蕃周信重建成化中再建 國朝康熙

四十四年里人項祥甫等募資重建乾隆二十四年里人王銓王廷錦凌學濂陸廷聘等募資重建

〔昇平橋〕跨稠灘洪字兩圩初建無考明正統十三年重建 國朝康熙四十四年里人項祥甫等募資重建

〔中新橋〕在二十六都今無考明正統十三年里人何廷璧建府志作重建

〔廣仁橋〕在西柳圩明景泰中里人陳讓建成化丁酉年重建 國朝乾隆十三年里人朱東發等募資重建旁有獨石橋名蔣家橋建修無考

〔長春橋〕跨漆字洪字兩圩明成化初里人莫敬周信建 國朝乾隆九年里人錢服周等募修俗名魚行橋

〔廣濟橋〕跨南荒北荒兩圩初建無考明成化中里人陳銘重建今俗名海雲橋

〔廣利橋〕跨東柳稠兩圩舊名福建橋初建無考明成化中里人陳鋪謝忱改建府志作重建俗名謝家橋 國朝康熙二十九年里人重建一名長慶橋

〔永昌橋〕在二十六都初建無考明成化中重建莫志作金志聖募建宏治初里人沈達再建

〔玉帶橋〕跨西柳稠兩圩明宏治中里人陳天祥賜玉帶得名建置無考今俗名小橋

〔會川橋〕跨西柳洪字兩圩明正德初里人顧寬等建 國朝康熙四十四年里人顧世美重修嘉慶八年里人陳佳錫捐設兩旁石欄十一年復捐資募修

〔大通橋〕跨稠字籍字兩圩明正德初里人顧寬等建 國朝康熙中里人顧世美重修今俗名大廟橋

〔通濟橋〕在裏詠圩初建無考明崇禎中重建里人陳紹文撰引

同里志

卷二 橋梁

〔渡船橋〕跨南基存字兩圩一名西津橋初建無考明崇禎間陳元善重建里人陸雲祥撰募疏載集中里人章化光

〔礮石岸東至洞真觀 國朝康熙中里人倪兆鶴等募資重建乾隆三十七年里人王銓王廷錦凌學瀛顧晉錫等募資重建

〔里仁橋〕在稠穰圩初建無考 國朝康熙四年重建乾隆三十七年里人顧後覽陳天揆伍翰文等募資重建

〔小川橋〕跨冲字歡字兩圩初建無考 國朝康熙二十四年里人顧盡臣捐貨易石嘉慶十一年里人重修

〔長生橋〕跨南荒霜字兩圩初建無考 國朝康熙中里人顧西苓等募建

〔三元橋〕跨西初冲字兩圩初建無考 國朝乾隆初里人許華甫等募建

〔泰來橋〕跨稠穰冲字兩圩初建無考 國朝乾隆十一年里人徐煥易石重建旁有南向水隄一所上留地為起水要道俗名白場頭里人陳天揆捐設

〔太平橋〕跨東柳漆字兩圩初建無考 國朝乾隆十二年里人范景烈等重建

〔古金橋〕跨移定畢英字兩圩初建無考 國朝乾隆三十二年重建嘉慶十六年洞真觀僧道興募修

〔流虹橋〕跨北祕移定畢兩圩初建無考 國朝乾隆四十四年里人任琳重建

〔榮安橋〕跨西穰柳南祕兩圩舊名永安橋初建無考 國朝乾隆四十五年里人重建

按邑志有永昌橋而無永安橋想永昌後易名永安未可知也又按莫志云金志堅募建金志堅住持翊靈道院永安橋又近翊靈道院是永安橋即古永昌橋無疑矣今更易名爲榮安並列之以備後日參考

〔吉利橋〕跨漆字稠穰兩圩初建無考 國朝乾隆十一年里人范景烈重修四十八年里人重建

〔仁壽橋〕在東稽稠圩初建無考 國朝乾隆五年里人袁桓重建名興隆橋五十二年里人凌學瀨等募建

〔廟橋〕跨南祕北祕兩圩初建無考 國朝嘉慶初里人修

〔青龍橋〕在穰字圩今淤塞俗名旱橋一名來龍橋

按此橋未塞時與市裏濠渠相通南通得春橋港北通富觀橋港爲西稽稠圩來龍故名今淤塞

〔中元橋〕跨洪字冲字兩圩初建無考 國朝乾隆十六年里人募建易石

〔連三橋〕跨移來來總畢兩圩

〔祈懺橋〕跨外學圩俗名廟橋

〔烏金橋〕跨移定畢職字兩圩俗名烏溪橋

〔萬賢橋〕跨裏學常字兩圩俗名道士橋

〔張史橋〕跨移定畢穰字兩圩

同里志

卷二 橋梁

四

〔緯橋〕跨霜字箕托兩圩

〔大興橋〕跨襟字原字兩圩俗名大杠橋

〔小橋〕在南荒圩

〔油坊橋〕跨裏果令字兩圩

〔營房橋〕跨外果令字兩圩仍木

〔菱蕩橋〕跨移來穰字兩圩仍木

〔普濟橋〕在二十五都俗名外方尖橋

以上數橋坐落同里鎮下鄉按新舊府縣諸志並未載初建並無考茲據古今雜記之書見菱蕩橋 國朝康熙三十年吉祥菴僧慧徹募修○萬賢橋 國朝康熙五十四年道士盛昭甫募建乾隆二十年里人修四十年里人陳天揆捐貲募建嘉慶十六年里人任來復重修○連三橋 國朝康熙間徽商某修餘俱無考姑將見聞補此備考

〔水柵〕附

姚家灣 東溪橋 湯家橋 富觀橋 萬賢橋 三元橋 江橋 長繹路

建修並無考嘉慶十一年巡檢陳錫華改獨木柵爲馬鞍柵辰啓酉閉設以防禦亦一鎮之扞衛也

同里志

卷二 橋梁

同里志卷之三

建置志上

公署

朝廷設官建署即委吏乘田亦貴無曠厥職於焉作肅以緝奸宄奉公盡職有壞必葺有廢必興斯可稱賢吏矣志公署

〔巡檢司署〕在玉清洞真觀西首宋元明並建按沈志云洪武二年巡檢張保兒修按屈志云大清因之結二十後

火燬或租民房或借菴觀司署基址廢為漏澤園 國朝康熙四十一年巡檢劉衡珠始置西柳圩基地一畝七

分九釐創建瓦屋三間後坍塌按沈志云雍正六年巡檢徐元愷經營重建未成丙辰巡檢沈以鏞詳請知縣趙助

養廉為倡以鏞捐俸里人捐貲建內堂門宅共二十一間共費一百八十一兩乾隆二十六年巡檢顧志學捐俸

同里八斥兩鎮紳士捐貲重修增設暖閣二門共費一百餘金三十四年巡檢王家安捐俸里人捐貲增建內室

五楹及左右兩廂共費一百九十兩有奇各自為記並載集文中五十三年巡檢楚以祁捐俸里人捐貲改建二堂及

穿堂上房添建儀門立福地祠於東偏築對照二間里人王曾翼撰記王祖瓚撰序載集文中

廢署附

同里志

卷二公署

〔同里務〕在鎮元明初革今無考

〔稅課局〕在本鎮元時為吳江子務明初改務為局洪武五年大使王崇禮重建二十三年火燬邑人陳六修建宏

治五年知縣金洪奏改革為本鎮社學今廢無考

〔太湖水利同知署〕在東柳圩 國朝雍正九年添設即里中禮科給事中陳沂震人官房改建乾隆元年同知項

喻移駐吳縣洞庭東山遂改為民居

〔左哨把總署〕舊駐本鎮賃居民房今駐縣城都司署後兼防震澤縣汛 隨巡兵二名巡船一隻坐馬二匹

按沈志云舊駐同里始於何年移駐縣城又始於何年及按新府志仍云駐防同里鎮尚未改正俟考

學校

考古漢唐學校之規制多簡略迨宋元鼎建至明迭興或改建或挪設或修葺或增置學田添建社學盛古鼎新 國朝因之志學校

〔義學〕在本鎮舊設慧日懺院

〔社學〕在本鎮明宏治五年知縣金洪奏革同里稅課局改建史鑑撰記載集八年里人顧寬董其役越三月成嘉靖間廢

〔書院〕即義在穉字圩 國朝乾隆十二年知縣陳夔纘奉知府傅椿諭創建周三畝為屋二十間顏曰同川書院

自為記載集文中○按沈志云本鎮義學舊設僧寺是年知縣陳夔纘始捐俸置朱姓地三畝勸紳士捐建共租以給同川盛澤兩義學之膏火縣詳憲題照學田例歸併儒官經管乾隆元年奉旨義學田畝仍聽所捐本十四兩夫銀四 二十九年里人王士增等募貲重葺知縣沈名揆撰記載集五十八年里人王祖斌具呈知縣呂聖宗批專司義學邑人倪念祖出貲二百四十五千有奇里人合捐貲六十二千有奇重修

同里志

卷三學校

祠廟

先聖先賢道傳千古忠臣義士名流百世春秋所報立有成規所謂有功德於民者則祀之志祠廟

〔先賢任子祠〕在稠糠圩祀先賢子選名不齊七十五世孫思敬建七十六世孫兆麟撰碑記

〔城隍廟〕一在南荒圩祀唐太宗第十四子姓李名明初封曹王後爲蘇州刺史有惠政王薨諡曰恭民懷其德先天二年勅建祠於吳江梁開平間淮寇圍蘇錢鏐祈禱有應以事奏聞勅封昭靈侯大德三年嗣天師奏改今額明洪武中詔正城隍稱號 國朝康熙二十五年天師奏封廣佑王本鎮設建無考雍正初里人重修

一在北祕圩初建無考 國朝嘉慶四年里人朱光震等募貲重建十四年里人重建戲臺

一在龐山村建修無考

〔總管堂〕在龍字圩俗稱總管廟祀金元七姑蘇志曰神汴人姓金名和隨宋高宗南渡僑於吳歿而爲神其子曰細封爲太尉理宗朝嘗著靈異遂封靈佑侯靈佑之子名昌初封總管總管之子元七元至正間能陰翊海運亦封總管昌進封洪濟侯元七進封利濟侯後封隨糧王 國朝嘉慶十一年又著靈異晉封安樂王

〔吳王廟〕在宋墓村

〔開潮王廟〕在范濱村

同里志

卷二 祠廟

三

〔徐王廟〕在富墓村

〔糜城王廟〕在糜塔村郡志云糜王與越王遙戰越王殺糜王糜王無頭騎馬還武里乃死因留葬後人遂立廟祀焉

〔任公祠〕在秋鈞浜祀明瓊州知府任孜

〔顧氏家祠〕一在東檜榔圩一在成字圩並祀明處士顧景

〔報功名宦祠〕在稠糠圩祀明知縣以上之有功德於吳江者陳椿記嘉靖間建 國朝康熙間廢

〔王氏宗祠〕在秘字圩祀明封翁王天佑周用撰碑記錢載撰修家廟碑記

〔金氏宗祠〕在秘字圩祀明處士金東阜

〔史氏家祠〕在果字圩祀明僉事史臣

〔陳氏家祠〕在西檜榔圩祀明御史陳王道

倉廩

自總收倉而外爲民設積貯以備凶荒考耿善昌之常平朱晦菴之社倉皆因時匡濟之善政也志倉廩

〔同里倉〕在本鎮明宣德十年巡撫周忱建徵收二十六等都秋糧廳堂門垣皆備中有來龍橋即今俗名旱橋正統十三

年移併吳江總收倉因廢嘉靖間遺址尙存里人以遺址爲義冢

〔社倉〕在稻糠圩乾隆六年社長劉學洙捐建廩屋十一間籌房一間門垣皆備十二年知縣陳奠纘動支息米增

建倉廩三間題曰惠永同川今圯僅存門垣扁額餘地作場圃社米貯社長處

同里志

卷三 倉廩

漏澤

掩骼埋胔詳載禮經明大中丞張國維撫吳六門俱有廣孝阡上而都邑下至鄉村擇地掩埋各歸黃土誠仁人之用心也志漏澤

〔漏澤園〕在玉清洞真觀西即明時巡檢司起火廢基本鎮昭靈廣佑王里域明王春秋奉 旨在此設祭

〔義冢〕在二十五都仁牛圩田四畝二釐五毫外連臨河新漲地二分三釐一毫 國朝乾隆九年監生盛宏勳捐設按仁牛圩屬吳江縣而盛宏勳為震澤縣人報

捐田在本邑故勒碑曰江震義冢

一在二十六都原易平望鎮寧地田十五畝明嘉靖間存外學圩田二畝

一在二十六都南祕圩田五分一釐四毫 國朝乾隆九年里人趙植任思謙等捐設

同里志

卷三 漏澤

同里志卷之四

建置志中

坊表

華簪藥榜俊彥標名烏哺鸞分孝貞著節是以 朝廷度支帑餉建立崇坊誠以旌賢而勵俗豈惟光寵於門
闕也哉志坊表

宋

〔狀元坊〕在冷家浜淳祐口年爲特奏狀元魏汝賢立今圯

明

〔步蟾坊〕在稠糠圩宣德四年爲舉人范琮立今圯

〔進士坊〕在本鎮宣德八年爲進士范琮立景泰七年重立今圯

一在尙湖正統十三年爲進士梅倫立今圯

〔登科坊〕在尙湖正統九年爲舉人梅倫立今圯

一在本鎮成化二十二年爲舉人陳廣立今圯

同里志

卷四坊表

一

〔毓賢坊〕在中市天順四年爲舉人莫昂立今圯

〔登雲坊〕在中市天順六年爲舉人吳鉉立今圯

〔清朝侍御坊〕在西稽榔圩萬曆八年爲御史陳王道立大清康熙五十八年五世孫沂震重葺

〔旌義坊〕在二十五都宏治六年爲義士龐鏞立

大清

〔孝子坊〕在西柳圩乾隆六年爲廩膳生孝子嚴代言立

〔節孝坊〕在東柳圩明天啓三年爲生員顧祖武妻葉氏立

一在東稽榔圩康熙三十三年爲顧柄南妻張氏立

一在稠糠圩雍正十三年爲張樹勳妻趙氏立

一在成字圩乾隆元年爲顧芝妻蔡氏立

一在耦字圩乾隆二年爲歲貢生陸瑤副室顧氏立

一在移定圩乾隆二年爲鮑炳妻張氏立

一在西稽榔圩乾隆三年爲生員王文炳繼妻趙氏立

- 一在楓字圩乾隆三年爲沈鳳禎妻王氏立
- 一在□□圩乾隆四年爲顧佑熾聘室陳氏立
- 一在南祕圩乾隆六年爲王維祜妻鈕氏立
- 一在西稽棚圩乾隆六年爲王之杓妻吳氏立
- 一在大止圩乾隆七年爲周定山妻顧氏立
- 一在裏詠圩乾隆七年爲王維禱妻包氏立
- 一在祕字圩乾隆二十五年爲舉人 馳贈奉政大夫王堡妻 馳贈宜人陳氏立
- 一在盈字圩乾隆□□年爲袁桓繼妻章氏立
- 一在小西若圩乾隆四十四年爲呂錫圭妻葉氏立
- 一在裏二角圩乾隆四十七年爲監生陳毓德妻王氏立
- 一在西柳圩乾隆四十九年爲李重德妻顧氏立
- 一在南荒圩乾隆五十二年爲李昭融妻沈氏立
- 一在東柳圩乾隆五十八年爲朱楓林妻徐氏立

同里志

卷四坊表

二

- 一在鑑字圩嘉慶元年爲鄒如范妻朱氏立
- 一在箕托圩嘉慶四年爲顧人偉妻王氏立
- 一在糜字圩嘉慶八年爲陳國佐妻凌氏立
- 補遺
- 一在湯無圩乾隆八年爲生員梅炎繼妻陸氏立
- 一在東尾圩乾隆□年爲陳景芳妻金氏立
- 一在中若圩乾隆□年爲呂贊公妻葉氏立

寺觀

同里寺觀賜額者雖有而並無叢林今以所在都數為次序而每都又以建置先後為次序已廢者不削存舊額也新創者別志抑左道也志寺觀

寺巷院附

〔法喜教寺〕在九里村外學圩周一畝四分沈志作一畝唐武德中僧西遇建後唐長興元徐志作九誤年統軍趙某重建名崇福院宋大中祥符元年賜今額明景泰元年僧寧再建成化六年僧道濟修里人吳驥撰記 國朝康熙

十一年僧茂菴重修六年燬僅存一小菴中有長慶堂王鑿書額

〔西飯菴〕版府縣志作歸在碧字圩宋淳熙中僧明菴建明景泰六年僧文聰修崇禎間募建佛殿里人陸雲祥撰引載

文後建修無考 國朝嘉慶二年僧開權重葺各殿宇佛像裝金匾額題名贖辰字碧字盈字飯僧田四畝二分歸常住

〔慧日懺院〕門額作在稠蕪圩基地二畝八分九釐宋淳祐中里人馬元吉捨地建明宣德中里人李道傳等同

捐貲延法喜教寺僧靜中住持啓建殿堂正統七年僧寧重建里人何源撰記載集文中嘉靖間改建報功名官祠祀明知縣以上匾額遺愛里人陳榕撰記崇禎中僧文淮里人孫承恩等重建儲大任書額 國朝康熙間仍之有功吳江者

同里志

卷四 寺觀

為懺院二十八年重修里人錢君華捐中東天下東天里知大止慈字卯字次字等圩飯僧田共五十畝歸常住又東園增置基地一畝四分三釐里人陳銳撰記乾隆六年分其地之半建社倉五十年里人陳天揆等於東園基地倡建財神堂并東偏樓房三楹田久廢無考

〔吉祥菴〕在來總畢圩宋咸淳中僧智寂建明宣德八年僧宗恩修嘉靖中廢萬歷初僧柏州建 國朝雍正四

年僧蔭重建僧心融捐錢十兩里人陸續捐貲置本圩飯僧田七畝陸雲祥撰記載集文中旋廢後僧碧天捐貲重葺七年僧清池慧海募建更名新菴康熙戊寅里人募修有記乾隆二十八年里人增建文昌殿延僧廣學住持三十九年里人設法贖本圩田七畝歸常住俾自耕自給里人王曾翼撰記載集文中

〔百婆菴〕在廬山湖東口元大德中僧普寧建有老媪百人績麻助役因名明正統十年僧道訪修嘉靖十八年廢後重建

〔報親菴〕在口口圩元延祐中僧道信建久廢

〔圓明菴〕在西柳圩元延祐中僧圓覺建 國朝康熙間以廢園改闢若稱小祇園十八年素哲禪師居之復今名今住尼俗名斗壇

〔觀音菴〕在裏方尖元至順中僧興化萬峯建明永樂初僧應增建宣德四年僧道淨修里人吳驥撰記嘉靖二

十年僧志高修

〔南渡船菴〕在外方尖元至正間僧普慧建明正統八年僧曇祐修萬曆初僧某嚮諸人將毀邑人泣霖贖之天啓二年僧普雨修郡人趙宦光撰記 國朝康熙五十三年僧慧目重建

〔普明菴〕在廬山湖濱無字圩元至正中建夜則懸燈於竿以指行舟明永樂中里人陳讓捐田五風志畝為燈費嘉靖三年知縣王紀更名指明亭讓孫理撰記

〔永寧菴〕在□□圩元至正中僧智起建今廢

〔江渡菴〕在□□圩元至正中建

〔正覺菴〕在□□圩元至正中僧志林建明景泰二年僧善皎修今廢

〔西渡船菴〕在南基圩明洪武三年僧普明建嘉靖五年巡撫陳飭令改淫祠為社壇有碑記後復為僧舍 國朝乾隆九年建關聖帝君祠三十七年里人陳天揆合族捐建山門伍翰文捐築石岸西有渡船亭三十八年里人任琳捐建嘉慶五年任兆賢重修山門

〔北渡船菴〕在□□圩明洪武十一年僧道印建

〔石佛亭〕在洪字圩明萬曆十七年里人陸某捨地建俗名聖堂

同里志

卷四寺觀

按先人筆記云明萬曆十七年水涸會川橋側見一石佛像體缺不全衆亦不甚禮之後有陸某見蘇郡市上有石佛一片類似此石佛所缺構歸合之絲毫不差因捨地立廟有鐵極靈驗

〔羅星洲〕在同里湖口元時僅有基址後為污萊明萬曆戊子里人顧而謀僧智修倡建關聖帝君殿觀音大士殿文昌帝君閣里人吳默撰傳陸雲祥撰引載集文中 國朝康熙九年里人顧世梓等重修里中陸顧項王四姓

合捐外果圩飯僧田共十一畝八釐六毫歸常住乾隆二十八年里人王錫等募修里人顧我鈞撰啓周齊撰記並載集文中三十六年里人募修里人王曾翼撰記載集文中四十八年僧了凡募建水閣嘉慶元年里人周之楨募

修各殿宇重建文昌閣擴充前制捐貲重塑佛像里人陳毓成撰記載集文中壬戌年僧了凡出貲改建閣樓一所

〔臥雲菴〕在西柳圩俗稱土地堂祿地科初建無考東為觀音殿西為土地祠祀同里社主相傳唐太子 勃封里城明王明萬曆中重建堂廡 國朝 乾隆三十二年里人陸國珍增建觀音殿山門捐移定畢圩田一畝五分常住嘉慶初里人朱光震僧自誠募修土地後殿十四年里人陳佳錫范顯錡嚴泰來僧真性募建二堂修葺觀音殿十五年里人顧懷慈捐本圩田二分擴基址龐保元捐建山門

〔拈花菴〕在□□圩年無考宏覺國師法孫聖宣時建

〔集善菴〕在東繪柳圩 國朝康熙八年僧梵章本縣治後仙桂坊內分此倡建殿宇乾隆五十七年里人於西

偏增建觀音殿仁仁堂埋骨施棺公局

〔古紅墘〕在南祕圩初為佛幢建置無考 國朝乾隆六年里人架屋一椽覆之長洲沈德潛書額嘉慶五年里

人王祖瓚募資重建王祖斌立門額

〔佛來菴〕在仁濟道院東南荒圩建置無考今廢

〔永福菴〕在西柳圩俗名後菴 以下建 置無考

〔長生菴〕在東穆欄圩俗名草菴

〔得慶菴〕在霜字圩俗名繹橋菴

〔元鎮菴〕在北大圩俗名猛將堂

〔集福菴〕在篤字圩俗名觀音堂

〔青蓮菴〕在口口圩俗名青苗菴

〔紅蓮菴〕在外二角圩俗名紅菴

〔白蓮菴〕在英字圩

觀院附

同里志

卷四寺觀

五

〔仁濟道院〕在南荒圩俗稱南觀基地三畝九分四釐二毫宋淳熙七年里人金道隆建明永樂九年道士俞嗣宗

里人吳道良重建天順八年道士倪守真加志增建元穹閣里人莫且撰記左為城隍廟詳見祠今為禪院 國

朝乾隆五年西偏里人增建文昌閣

〔玉清洞真觀〕在籍字圩俗稱大廟週圍基地十畝七釐邑志並作 四畝宋嘉定十三年里人葉宣邑志並作 先贊捨地

建淳祐十三年賜額希夷元至正七年改賜今額道士黃中一增建玉皇殿里人章中字思忠邑志塑神像明洪

武十七年道會朱守默增建佑聖殿宣德初住持蔡真靜重建吳驥撰記九年章中子仲宏重塑神像何源撰記

里人李永真吳志作 永景重建佑聖殿吳驥撰記後燬萬歷初里人陳王道重修玉皇殿崇禎初王道曾孫紹文捐飯

僧田十畝歸常住僧恆修建觀音堂陸雲祥撰記載集 文中里人孫承恩築石岸 國朝乾隆五十六年里人王世珍

願廷階僧思誠徒世昌等募資重建東嶽殿增建玉皇閣暨兩廡時有神蛇顯異半體白章三月乃伏里人任兆

麟撰記載集 文中嘉慶元年里人鑄前殿寶鼎一座八年里人改觀音堂為雷尊殿葉鼎元立門額又改後殿為觀音

殿里人王履泰重建頭門十三年里人葉口募飾觀音殿重修石岸十四年里人嚴泰來梅廷鑄袁學健後殿鑄

寶鼎一座里人朱定安僧道興等募修東嶽殿面

〔翊靈道院〕門額作 神院在北祕圩俗稱北觀基址祿地免科元邑志並 作宋皇慶二年里人張守之肇建大士殿明宣德間

里人范琮建真武殿正統元年里人任伯通重建大士殿吳驥撰記延道士金志堅住持天順三年又建雷尊殿
經堂爲僧舍萬曆中僧智修建漢壽亭侯廟崇禎間僧某募修陸雲祥撰疏載集文中 國朝康熙四十年里人凌孟
明陳開元項祥甫等募貲重建大士殿里人章復撰記雍正中左爲城隍廟詳見廟中 乾隆五十年里人陳天揆等
積聚公項錢改建漢壽亭侯廟爲消災殿真武殿爲前殿王文俊捐貲增建文武閣

同里志

卷四 寺觀

同里志卷之五

建置志下

古蹟

物換星移陵遷谷變久而彌彰者不在人眉睫之中即在人齒頰之間考父老之傳聞事有足紀者不盡在市鎮中也志古蹟

〔九里村〕在九里湖濱唐宋時成爲鬧市橋梁寺觀磚街石岸遺址尙存

〔狀元街〕在冷家浜南南至富觀橋爲宋魏汝賢里居有狀元坊今圯俗稱狀元街

〔龐山村〕在龐山元義烏尹龐思宗里居

〔總管浜〕在網種圩元設稅課務於此因名

〔走馬街〕一在南祕圩一在東稽稠圩元季陸仲和爲沈萬三婿富甲江左時值荒亂隱居於此亭臺池囿輝耀桑梓建疎柳飲馬二橋造帳子廊有南北二馬路明初沒爲官街今南稱南濠街北稱新街

〔北墳山〕在英字圩爲莫氏古墓地廣數畝高可數丈登高望遠四面俱湖爲續定八景之一

〔梅山〕在果字圩明顧世懋宅中有高阜如山梅百餘花時望之如雪香氣襲人今爲墓地

同里志

卷五古蹟

一

〔冷家浜〕在九里明隱士冷普旺里居墓卽在九里湖濱

〔糜塔〕在糜塔村明隱士糜仲康里居地以姓得名

〔朱家浜〕在三元橋南明隱士戴笠里居茅屋三間不蔽風雨日著書其中

〔遼浜〕在龐山湖濱本名窰浜昔大戶唐姓在此設窰建屋因名

〔葉澤湖〕在鎮南一名葉宅湖爲大姓葉氏之業

〔移定畢吉兆〕在鎮北古諺云江南無大地只看移定畢

〔放生池〕在里仁橋內趙溥嚴晟呈請市河爲放生池後廢爲荷花蕩今亦廢

〔長浜〕在去字圩縣令沈自南別墅今爲沈氏世居

〔同知衙門〕在東柳圩雍正間蘇州水利同知駐所今改爲民居

園第

地以人傳人以地傳金谷風流連雲甲第傳為盛事郡則有之鎮亦有焉志園

宋

〔水竹墅別業〕在本鎮中葉茵有自題詩十首載形勝中

元

〔萬玉清秋軒〕在稠穰圩江南財賦司副使甯昌言別墅中有菊坡歲寒屏蒼簷谷來鶴亭橋圃芙蓉沼金粟塢碧

梧岡師古齋樓雲館諸勝華亭繪士張可觀為之圖吳郡金問嘉禾周鼎撰記並載集文中郭登周叙楊溥劉鉉題詩

並載集文中

〔水花園〕在同里湖濱葉振宗所居園廣數里中有聚書樓約鷗亭小垂虹池閣石梁映帶左右明洪武中史志俱作初俱

沒入官遂廢為漁叢按葉姓有富名明初懼禍遷居崑山即文莊公盛之祖

〔有竹居〕在龐山湖濱任仲真官明南康郡丞里居

明

〔遺老堂〕在西檉柳圩江西右布政司何源歸老處廣平少卿程南雲書額豫章祭酒胡儼撰記并序並載集文中張居

同里志

卷五園第

傑魏驥題詩載集詩中○按遺老堂遺址即今王氏師儼堂基

〔恆心堂〕在西檉柳圩太醫院使周鏗靖安縣知縣周麟順天府經歷周之達世居知縣王迪題額

〔梅屋〕在稠穰圩曲陽訓導何昇所居

〔吳家廊下〕在西檉柳圩清豐教諭吳驥宅門榜有三司木鐸五典文衡之句

〔莫宅〕在謝里村國子監學正莫旦所居

〔盤窩〕在東檉柳圩鄉飲賓願景所居莫旦撰記史鑑撰銘並載集文中姚明題詩載集文中

〔棲逸草堂〕在北祕圩承事郎任伯通所居

〔樂壽堂〕在東檉柳圩承事郎顧寬所居吳縣方伯陳鑾書額中有同心堂唐寅撰記姚振願元題詩載集詩中西有感

梅亭汝泰作序吳寬撰記任德岑標文徵明劉文奎寬題詩載集詩中○按寬母李嘗植梅樂壽堂四母沒寬見梅必泣因築亭梅側依依不忍去即名感梅亭

〔牆裏陳家〕在西檉柳圩諸生陳序宅築牆周屋外教授其中時稱牆裏陳家

〔樓下沈家〕在西檉柳圩縣令沈士元故居

〔唐家屋〕在漆字圩唐家宅沿街一帶廊棚

〔孚寄堂〕在西檉柳圩侍御陳王道所居本名宏畧中有春草池塘 國朝康熙戊辰進士陳銳明經陳鐸讀書處

〔善慶堂〕在楓字圩處士章寬所居

〔耕樂堂〕在西柳圩處士朱祥所築莫旦撰記中有燕翼樓

〔西宅別業〕在東柳圩兵備道顧自植宅後為吳邦禎居

〔師儉堂〕在西檉柳圩處士王有慶始居徐昂發書額從孫錫撰記

〔光祿第〕在東檉柳光祿寺監事顧綱第中有致遠堂

〔湖村別業〕在原字圩隱士任秀之故居中有釣臺家塾含香館玩月亭白陽山人陳淳題額曰湖村真逸

〔陸園〕在錢家浜婺源教諭陸府修別業中有池亭書齋梅竹牡丹芙蓉之勝尚寶司丞吳默讀書其中時號為會

元房

〔梅園〕在黃楊浜太醫院醫士陸璘雍玉因廢地葺

〔侍御第〕在東檉柳圩御史顧曾唯第

〔筠軒〕在西檉柳圩掖縣知縣陸雲祥所居

〔蓮浦書塾〕在柘穰圩諸生任大住宅曾孫徵仕郎思敬所居巡撫汪志伊疏頌五世同堂藩司張師誠給昇平人

瑞額

同里志

卷五園第

三

〔江灣草菴〕在宋墓港諸生朱鶴齡別業今名識菴自為記載集文中

大清

〔文衡第〕在西檉柳圩江學政周爰訪第中有有容堂北海門人閻愉書額

〔務本堂〕在成字圩鄉飲賓顧宏宅陸宇題額中有浣松軒勤補堂諸生顧我錡乾隆甲子舉人顧我鈞所居

〔篋笠亭〕在富觀橋南諸生計朱培所築

〔留耕堂〕在西檉柳圩康熙辛卯舉人王文沂雍正己酉舉人王時彥丙子舉人王傑浙江按察司使王錕世居王

時敏書額

〔敬儀堂〕在東柳圩諸生王銓所居即給事中陳沂震宅入官改建同知署基

〔經筵堂〕在南祕圩修職郎任德成所居巡撫陳太受題南國賢良額

〔棲碧堂〕在西檉柳圩豐縣知縣王錫所居王澍書額

〔大夫第〕在柘字圩南澳同知金廷烈第

〔太史第〕在西檉柳圩兵備道王曾翼員外郎中王祖武世居中有居易堂陳以剛書額

〔大尹狀〕在東檉柳圩 國朝涇縣知縣祝懷真宅

墓域

生為門庭死為墓域貴賤同歸邱壠賢愚豈無區別鍾山藉蔣帝以改名齊師為展禽而却步一坏黃土億載徽型所以遙望松楸不徒傷逝緬懷芳躅真堪思舊云爾志墓域

元

江南財賦司副司太中大夫寧昌言墓在魏字圩今俗名團圓山

吳江州判官宋宜墓在宋墓村 錢志云宜以後至元初任卒官葬此

崑山州學正章德剛墓在移定畢圩 子中孫寬曾孫附 震壽元孫桂生

縣令姜口墓在西柳穰圩相傳即江南財賦司副司之屬官今俗總管墳

處士顧汝民墓在西柳圩顧璘書額

明

處士陳宗吉墓在魏字圩

江西右布政司使何源墓在移定畢圩尚書魏驥誌

承事郎邑舉德行任伯通墓在北祕圩子贈上饒知縣德孫封太常寺典簿沂曾孫中權附

同里志

卷五墓域

四

廣東左叅議范琮墓在南柵

南京國子監學正莫旦墓在裏二角圩

太醫院使周鏐在英字圩陳理誌

廣信府推官陳廣墓在九里村

鄉飲賓顧景墓在西初圩吳寬汝秦銘子鄉飲賓寬附朱希周銘鄉飲賓宏並附陸完誌吳洪表

處士周大資墓在稠穰圩鄉飲賓爰謀附

清豐教諭吳驥墓在北柵

封翁陳完墓在裏二角圩

河南叅政周相墓在東檜柳圩

將仕郎任秀之墓在原字圩太僕吳默誌子贈奉政大夫用附

巡按廣西道御史顧曾唯墓在室境圩徐師曾誌

御史陳王道墓在箕托圩兵部尚書楊成誌五世孫山東提督學院沂震附

贈南京刑部郎中潘雲墓在光字圩

福建通判馬神徵墓在移定畢圩

禮科都給事中李周策墓在鑑字圩

封山東布政司叅政吳邦棟墓在原字圩太僕卿范惟一誌

鄉飲賓贈奉政大夫周祚新墓在卯字圩朝議大夫王曰曾誌

處士戴笠墓在朱冢浜側

居東南甯府知府顧祖奎墓在里知圩

儒林朱鶴齡墓在裏詠圩

處士章天惠墓在北荒圩曾孫效才效良元孫名振名登名策附

處士章炳墓在裏詠圩子化光元孫以遇五世孫學易附

儒林任大任墓在籍字圩禮部尙書沈德潛誌楊名時表

登萊巡撫陶郎先墓在龐山湖東濱

温州府通判陳忠言墓在職字圩

掖縣知縣陸雲祥墓在龐基圩

同里志

卷五墓域

五

大清

歲進士陸瑤墓在耦字圩

贈儒學教諭王化源墓在常字圩孝廉顧我鈞誌

州司馬龐允彬墓在北荒圩給練陳沂震誌子池州府學訓導景芳附縣令王錫誌

翰林院檢討徐鈞墓在璧字圩

處士顧偉墓在成字圩

贈文林郎王植墓在小西若圩子豐縣知縣錫附

贈朝議大夫王棟墓在果字圩進士潘其炳誌

進士俞武霖墓在富貴橋

處士葉章墓在西柳圩子丹桂附

處士周以恕墓在箕托圩子義附

孝廉陳士醇墓在令字圩

永定縣知縣顧炳文墓在穉字圩

贈中憲大夫王廷錦墓在移定畢圩

處士周杭墓在移定畢圩子脊附國子監學正陳毓成誌

博野知縣費洪學墓在玉字圩翰林韓孝基誌

恩授修職郎任德成墓在籍字圩進士彭紹升誌子貢士思謙附翰林院錢大昕誌

宜昌鎮遊擊福建陳正熙墓在北荒圩

處士顧我銜墓在西天圩黃之雋誌

孝廉顧我鈞墓在西天圩陳毓成誌

甘肅蘭州道王曾翼墓在心靜圩翰林院錢大昕撰銘

廣東龍門縣知縣王宗導墓在柑則圩

浙江按察司使卹贈光祿卿王錕墓在小廉圩 勅賜祭葬

同里志

卷五墓域

同里志卷之六

典制志

風俗

奢靡淳厚相習成風探風問俗者所當知也考古十五國之風隨俗轉移同里去縣治十里得無有各安其俗者乎志風俗

里中自古遵樸素尙文學多詩禮之家比他鎮爲蔚自宋迄今故科第不絕儒風不衰云

成婚行親迎禮與城中同新人綵輿俗名花花轎里中迎娶必經太平吉利二橋以爲佳識

成婚之禮大略與城中同唯奠雁禮男家備飯糲兩只紅紙封口名曰喜纏內裝金磚兩塊紅紙密封魚肉各一米

少許迎娶畢男女兩家掌禮收去卽城中雞魚肉鈔禮也

有喪之家開喪受弔奢儉不同或用擇日或卽於小殮之明日城中必擇單日里中不拘單雙其餘略同

新喪作佛事世俗同風未入殮前延僧在家設壇誦經懺名曰入木功德向惟郡中有之今里中亦有此風每於

未殮前夜間用女尼在家誦經咒至天曉始散大槩皆周親所薦名曰記念

元旦至初五日仁濟道院懸掛十八羅漢像不異城南三天門遊人竟日不絕名曰數羅漢

同里志

卷六風俗

一

正月十五日吉祥菴預祝文昌帝君聖誕是日里中紳士拈香恭拜名曰文昌會以文章司命四字挨次輪當起於前明迄二百餘年香火不絕文風不替

上元佳節翊靈神院張燈結綵笙歌喧沸至夜半始散名曰燈會有公項九方輪存生息每年五月初一交盤

上元前後農民張錦燈穿錦衣騎紙馬執紙旗裝演故事鳴鑼擊鼓中有龍燈或一或二三鱗甲蜿蜒青白相間街

坊串鬪名曰串馬燈村庄市鎮極其喧鬧

三月二十八日爲天齊聖帝誕辰玉清洞真觀士女進香遊人擁擠鬧塞衢路是日農民駕農船張旗幟鳴鑼擊鼓舞刀弄槊飛棹往來謂之快船

五月十三日爲關聖帝君誕辰羅星洲賽會上民進香往來擺渡起於國初里中衆姓及周陸王顧徐五姓輪流司會歌曰卯酉衆姓辰戌周巳亥陸宅遞輪流子午王家丑未顧寅申徐氏六年週

六月二十三日爲火德星君誕辰是日里中水龍齊集渡船巷前互相試驗觀者如堵

七月十五日僧舍悉營齋供招人薦亡名曰孟蘭盆會集善菴仁仁堂結壇放燄以供餓殍

八月初六日爲里域明王誕辰土地堂笙歌燈綵極其華盛

八月初七初八兩日爲昭靈廣佑王暨夫人誕辰南觀北觀兩處城隍廟笙歌燈綵極盛神前陳設俱借巨室古玩

互相誇耀

八月十五夜斗壇諸菴焚斗禮佛士女極盛

中秋前後里中燃觀音燈昇平橋兩岸最爲繁盛

重九日里人攜朋載酒或登西阪菴滌慮樓或登羅星洲酒仙閣拈題分韻各成詩篇竟日始散有古人龍山嘉會之遺風焉

冬至前一夕俗謂冬至夜里中最重是節有懸祖先神像於中堂至明日親友往來馳賀卽所謂冬至大如年是也十二月廿四日送竈菓品內俗用糖元寶謂取膠牙之意有於廿三日送竈或有官三民四之分除夕祀竈先供竈神於殿中謂之煖竈至正月初三日始謂之接竈

同里志

卷六風俗

同里志卷之七

官政志

官制

官一也而職攸分焉吳江官制在吳越時舊縣志並不列今自兩城防邊使外皆無可考故仍斷自宋始有丞簿以司錢穀即有捕典以緝奸宄巡檢職在巡鹽捕盜而委吏乘田亦貴無曠厥職移駐者不削仍其舊也分駐者附內補其闕也志官制

宋

巡檢司一員 掌土軍招填教習之政令以巡防扞禦盜賊見宋史能支俸米四十二石二斗三升七合五勺

職官 無考

元

稅課局大使 副使一員俸無考

職官 無考

務提領一員 務大使一員 務副使一員無考

同里志

卷七官制

一

職官 無考

檢巡司一員 秩九品見元史職田一頃俸鈔一十兩 司吏一人

職官 無考

明

稅課局大使一員 未入流典稅事凡商賈僱屠雜市皆有常征以時摧而輸其直於縣凡民間買田宅必先操券請印乃得收戶征其直百之三見明史俸米二十四石

職官

太祖 洪武口年任 王崇禮 府縣志並闕見公署表

宣宗 宣德口年任 胡漢民 廣東人府縣志並闕見永興橋題名石刻此後無考

稅課局副使一員 未入流見明史俸無考按莫志云局設巡欄八十四名

職官 無考

按徐志云稅課大使副使司吏今並革屈業二志亦並云明嘉靖間革然考史鑑社學記有云開局置吏以備商稅建學乃在宏治八年足証屈業之誤又按莫志所列吏額已並無稅課局司吏疑當在成化前革也再考

明會典各縣稅課局司吏外又有攢典盧志亦云稅課局攢典每月支米一石疑當時稅課局似更有攢典
今因舊志並闕存考

巡檢司一員仍宋元制從九品初授將仕佐郎陞授登仕佐郎主緝捕盜賊盤詰姦宄率衛役弓兵警備不虞見明史歲支

俸米六十石按明史志云本色米二石五斗折色鈔二十七貫司吏一人弓兵三十名見莫志

職官

太祖 洪武口年任 張保兒 此後闕

成祖 永樂七年任 蘇厚 此後闕

宣宗 宣德七年任 鄧產斌 古杭人府縣志並闕見永興橋題名石刻此後闕

孝宗 宏治十年任 石純

十七年任 孫俊

武宗 正德二年任 尹紹

四年任 陳惠

八年任 張進 屈志闕見沈志

同里志

卷七官制

十年任 徐深

十三年任 吳傑

十五年任 周時

世宗 嘉靖元年任 薛廷瑞

三年任 郝士奇

六年任 楊恕

八年任 周銘

十年任 蘭謚

十一年任 毛羽

十四年任 王宗堯

十七年任 姜蕪

十九年任 楊際春

二十一年任 王度 屈志闕見沈志

二十四年任 林賢

二十七年任 賈科

二十九年任 紀仲德

三十一年任 鄭堂

三十六年任 李審册

此後闕

按徐志成於明嘉靖四十年是後志不復修又遭散失册籍至 國朝康熙間屈葉二志於此已無稽而並闕 乾隆初沈志亦闕巡檢司職官表祇從順治三年起此志因之

大清

太湖水利同知一員俸秩無考

按蘇州府志太湖水利同知雍正八年添設駐同里鎮東柳圩十三年移駐洞庭東山此祇載駐同里者

職官

世宗 雍正十年任 邱聞詩 仁和人舉人丁憂去

十一年任 張濤 秀水人監生年餘劾去

同里志

卷七官制

三

十二年任 李世金 饒藍人監生卒於官

張桐 桐城人舉人署通州去

項喻 漢陽人監生乾隆元年移駐洞庭

巡檢司一員 從九品職掌與前明同授登仕佐郎歲支俸銀三十一兩五錢二分順治十三年定今同又養廉銀六十兩乾隆

元年 始 攢典一人 弓兵十七名皂隸二名

按府志巡檢一官始於宋沿於元明尤重之各處添置雖文員而實兼武事入 國朝屢奉裁革弓兵僅十七名已與武備無與矣

職官

世祖 順治三年任 婁斌 會稽人

十一年任 黃明弼 耀州人

十二年任 段文朝 富平人

十三年任 侯瑄 贊皇人

十四年任 施泰來 靳縣人此後闕

聖祖 康熙十五年任 韓一琳 三原人

十六年任 倪士鳳 昌平人

十八年任 李仙枝 林縣人

二十九年任 張懋勳 盧龍人

三十三年任 沈默公 邱縣人

四十年任 劉衡球 永新人監生

五十二年任 符廷璋 餘姚人

五十五年任 彭莘 大興人明史館供事 此後吳江震澤分縣同里司屬吳江縣

世宗 雍正四年任 徐元愷 通州人

十年任 趙永正 大興人詳宦蹟傳

十一年任 沈以鏞 石埭人詳宦蹟傳

高宗 乾隆三年任 李昌祚 宛平人十七年調邵伯巡檢去

八年署 史遷義 文安人

同里志

卷七官制

十八年署 曲全倫 口口人驛丞

二十一年任 陳箴 濟寧人卒於官詳宦蹟傳

二十三年任 顧志學 上虞人

二十六年任 張庭 號思亭安徽人

二十九年署 劉援 嘉應人

三十年任 王家安 大興人三十九年去詳宦蹟傳

三十一年署 李銷

三十三年署 鄧治 河南人

三十四年署 陳率祖 祁陽人

三十七年署 蕭履堂 建陽人監生詳宦蹟傳

四十年任 張國炳 大興籍紹興人

四十四年署 楊世鏞

四十八年署 潘鶴亭

四十九年任

楚以祁

永興人五十九年陞福建泉州照磨去

五十年署

郭方城

四川人

五十五年署

鄒德鳳

大埔人

五十八年署

王玫

山西人

六十年

林長發

紹興人未任卒

六十年署

陳作梅

福建人

今上 嘉慶元年任

顧源

會稽人四年捐陞河南温縣去

四年署

潘煥

大興人縣丞任

四年任

趙淦

暎縣人

九年署

黃敦本

靖州人

十年任

陳錫華

號冰懷錢塘人嘉慶二年膺山左河渠之薦工竣補授

十五年署

王毓祥

號瑞亭山東萊州府高密人

同里志



卷七官制

同里志卷之八

賦役志

貢賦

漕糧賦課具載職方雜稅征輸詳分縣册爰取土宜之貢聊遵舊誌之條志貢賦

元商稅鈔同里務歲辦一千貫有奇按盧志實作錠元鈔以錠計

明商鈔洪武中置同里局以敢商稅等項鈔貫按盧志洪武十年貫字作文云本朝歲辦以錢計

國朝分置同里局自前明洪武中至成化元年戶部議變易以通變法令錢鈔中半兼收每鈔一貫折收銅錢四文六年又減二文止收二文云

牛長涇水花園長浜蕩各魚課民不取魚止許魚船戶取魚辦課國朝解布政司轉解戶部裁欸充餉巡檢各役工食銀一十八兩

解費銀三錢六分在院道府縣經費項下裁扣院道各衙門經費俸工等巡檢俸銀三十一兩五錢二分書辦工食銀每名六

兩皂隸每名六兩凡遇閏均加本縣支給官役俸工巡檢司弓兵工食銀每名七兩二錢皂隸工食銀每名六兩均遇閏均加

按貢辦每見於文獻通考田賦惟史志最詳王儀有清理田糧册石崑玉有經賦册霍維華有履畝清丈册尹

申有賦役全書國朝有訂定賦役全書及簡明全書重修賦役全書均鞏然可考矣

徭役

徭役之制代有變更役人役錢二者而已差以辦公兵以衛民相沿定制考古可以誌今志徭役

明役法

巡檢司司吏一人弓兵三人力差弓兵各三十五名每名

稅課局司吏一人皆選職字農民充以六年為限又巡欄八十四名每名力差銀三兩嘉靖十七年減去八十名

國朝役目

巡檢司書辦一人分縣後書辦存一人身兼存甲長即今無定名 總甲一名 圩甲每一圩一名

汛巡兵六名巡船一隻在外果圩汛房三間

同里志

卷八 徭役

物產

物有萬殊而其要有二惟宜於食與利於用非本地所獨有者概置不錄志物產

稻之屬曰陳家稻曰早白稻曰鴨嘴黃曰百日糯

豆之屬曰青蠶豆新鮮者名同里青

蔬之屬曰菜菔曰菜子打油最香名香菜油 曰蓴菜產龐山湖濱燕浜內甘滑肥美比產太湖中者尤為風味

果之屬曰芡實一名雞頭產同里西北蕩田者佳紫梗蒲包粒肉如榛秋生有粳糯二種宋楊萬里詩稱其軟過菰

飯牛酥蘇子容稱其為真佳果

草之屬曰草珠產硯字圩甯昌言墓上光白明淨頗似細珠春日遊人於此採玩

介之屬曰蝦產水花園者佳張遍蝦籠蕩灣居民每日在此撈之清晨棹小舟遍搖市鎮名謂蝦籠船 曰蟹產龐

山湖者色黃其味更勝於產太湖汾湖爛溪者大而充實

飲饌之屬曰酒出漆字圩孫氏名孫三白酒出冲字圩梅氏名梅松雪並遠近馳名 曰閩餅一名芋頭餅一名芽穀

餅在漆字圩出閩氏一家篩串精而蒸煎得法為同川獨步著名遠近已百餘年康熙初年乾隆十二年縣志載

入有此芋頭餅之名明沈周有詩載集中 曰乳冰出菱蕩前居民多取黃牛乳入鹽點之凝為乳冰 曰腐乾在

同里志

卷八物產

陸家埭出陸國珍隆興齋精潔香細遠近馳名捐移定畢圩飯僧田一畝五分於土地堂里人願常泰撰碑記

貨之屬曰米市在冲字洪字東檜欄稱種四圩官牙七十二家商賈四集本學春秋設祭先師啓聖名宦鄉賢應用

黍稷稻粱粟米各斗坐同里米牙備 曰棉布在鎮在鄉紡紗換花積少成多織成棉布細密者不減東鄉諸處

造作之屬曰船廠在遼浜居民多於此設廠造船 曰飯籬洗帚作在姚家灣宋家浜居民男女多製竹器為業四

處變賣近在市鎮遠則入城并有販賣取利者

土田

民以力田爲本井田之制不行久矣同里司所轄一都二都三都六都八都十二都十五都十六都二十三都二十六都二十七都二十八都二十九都其田畝圩目悉遵 國朝順治十四年邑令雷公均田均役其新舊異同存以備考志土田

一都正扇

上星 基斗 又盈 收室 西壁 南庄 壁以上一圖 東張 西張 右張 下張 原無 金 東角以上

二 南奎 中奎 北奎 南危 北危 上低 下低 南亨 北亨 大方 麗 大具 箭頭 玉 姚

灣 水 南舍庠 北舍庠 亨元無以上三圖 西律 致 騰 無月 爲 西洋 露 雲 北律 裏洋

南律 中洋以上四圖 星 呂 上柳 下柳 外柳 外洋 鬼 習 東習 西角 閭 閭 冬 該

坤 牒 寒 譚塔 又月以上五圖 地名 大仁 大畢 嘴 小畢 大參 危 奠胃室以上六圖 地名 王家匯

上天 正洪 右洪 下天 下盈 新果 港東 房 虛 東 西以上七圖 上崑 下崑 上岡 中岡

南危 西危 中危 正辰 外辰 太湖岡以上八圖 地名 湖西都昂村 南相 北相 北劍 中劍 翼 南

習 以上副扇九圖 地名 許帶橋

同里志

卷八土田

四

二都前正扇

房 卯 尾 熟 無填 牛毛墩 中全 北全 外無 裏無 原無 嘴以上四圖 張常 慶 南

北雅 服 參 慮無 原無以上后正十三圖 地名 八拆下鄉帶下龍三田 謂 南畢 北畢 懼 南全 填 牛毛 南斗

北斗 危以上后正十五圖 地名 八拆上塘 翼 黎 果 張 似 兩心 官 女 長 涓 大 軫 小 軫 壁 房 官

西 地名 以上后副二十圖 白龍橋官塘 大成 小成 東洞 坡 西政以上后副二十四圖 地名 八拆下鄉

三都東正扇

寸 光 虞 外無 雁 烟寶 汝以上一圖 地名 八拆鎮 綠壁 西洞 東洞 拊 壁 宙 塘 市 張 柳 西 房

坯 坦 西 心以上二圖 八拆鎮 湯 因 北 坐 南 商 均 奎 寶 琛 坏 心 東 址 房 西 商以上二圖 地名 八拆下鄉 東 商

東 商 相 周 新 興 東 南 亢 南 奎 博 角 南 盈 北 庫 北 庫 西 相 南 庫 西 拊以上四圖 地名 八拆下鄉 角 港 心

柳 危 北 亦 南 亦 堆 東 問 西 問 西 斗以上五圖 地名 汲水港 昨 西 南 庫 空 廟 興 東 拊 稀以上六圖

地名 青 石莊 昨 東 政 拱 湯以上東郡七圖 青 石 莊 機 地 鬼 塢 塘 盤 埋 珍 寶以上東副八圖 地名 八拆下鄉 南 富 南 容

北 就 東 西 修 北 煙 東 西 就 新 果 南 修 大 西 城以上東副九圖 地名 官田灣 大 北 富 小 北 富 華 陶 湯

常 道 道 拊 西 富以上東副十圖 地名 大北富村 北 政 西 申以上東副十一圖 地名 護豐廟 南 政 陶 莊 豐 陶 虞 中 政

以上東副十
二圖護豐廟

六都正扇

塋 大羔羊 小羔羊 丹羔羊 戴新興 埃 南煙 東佑 西佑 商佑以上三圖地 東垂 西垂
北房 官長懼 角 具以上四圖 南房 稻 形 襪 西禎 邊 南陸以上五圖 南危 陸 東危
西常 道 禪 北危 南蒲 北滿以上六圖地 名陸家井

八都副扇

存下 卑 無 而 婁以上九圖地名
同里下鄉舍浜

十二都正扇

南稱 稱 東指 科 原無以上一圖地 亢 暑 熱 月 辰 成 辰 結 明 來 西辰 南辰
婁以上二圖地名 虧 尾以上五圖 宿 名墟 外裏 上盈 生 尾 荒 東壁 小下盈以上副扇
名湖西 明溪

十五都併扇

吳山原無 山下原無 雞 呂 坑 壁壑 黃泥壑 周家尖 南劍 烏腰金以上一圖地名 外學

同里志

卷八 土田

五

仕 南攝 北攝 尾 北基 殊 低底 心 牛 茶以上五圖地 篤 大亢 小亢以上六圖地

十六都併扇

頗井舉 造牛 箕 東角 隱 女 參以上一圖 北河 中小河 缸 里母 牛 夫以上二圖地
翔 金亢 兩無 栲今册作考 以上六圖地名一耶浜

二十三都西正扇今册作西併扇

南安 南合 西合 永和 永安 北安 北榮 北合 東安以上三十圖地
名八拆下鄉

二十六都前正扇

湯無 東成 李底 成 西任底 祖 基 不 富家 朱芥 外境 小珠 外金參今册作 陳無以上
六 龐無 施無以上今册 周成 顧無 顧地 金無 周無 繆 大斗 稱無 南星 殷成 外斗今册
作外三山上 三山下 萬頃上 萬頃下 甘泉東以上后副十九圖 千水 三山定海今册不在額二斗
小水 小水閑 七千今册 張亢 李 珠 珍 闕 奈 菜以上后副二十 大始 無始 無小始
大無 稜 沈尾 龍王廟 通津 仁牛 三角 師火 中星 龍 瓦屑涇以上后副二十一 東稽柳

成 歡 上東天 中東天 西東天 冲以上后副二十四 圖地名同里鎮

二十七都前副扇

伏 小星 小柳 大柳 中柳 東無 大金參 無柳 大墩 朱水城 立墩 新談 裏談 大星
 小璣 北汝 小汝 際阮 南無以上七圖地 姜 矢下岷 抵 淡 鱗 芥 出 鈕 危 鄒重
 巨 河以上八圖地 箕托 霜上中 外河 裏河 任底 大角上中下 原 外二角 燧以上十
秋約 通鬼 房卯笙 東宜 西宜 南弁 大星 小星 北弁 小弁 底以上十一圖 大光 小光
 隴 秩 南湖 浮無 外小無 程 三山 櫓 山尾 東井 石塘 裏小無 三大無 尖無 西
 井 新無以上后正十三 龐地 繆地 種 濃 粘 王原無今册無 大穩 小穩 吳無 大叢基 小
 叢基 無讚 穗 萬頃 仙槎 惠政 北角 浮 小菜以上后正十四圖 裏海 重心 龐基 鬼
 卯 龐角 南稱 東姚心 西姚心以上后正十五 咸 鑑下外 裏奎 息 裏參 淵 川 陸 虛
 婁 興 此 宰 號 斗 小角 外參 張尾 玉 牛畢 渭 童以上后正十六 柳 危 北陽
 大井 嘴 金墟 南裏奎 外井 東室 牛女 南陽 西室以上后正十七 澄 襟 涓以上后正
名連 調 亢 東房 西房 東心以上地名 稠穰今册西穰 西穰以上后副十九 龍 壁以上后正二十
湖派 正東 雙渭 西東 北雲 外東 裏東 禱 善批 九里以上后副二十一 移來 外果 中二房

同里志

卷八土田

釋 英 大止以上后副二十二 移嚴 里二房 北二房 思 室卯 室境 卯 外室以上后副二十三
 則 批則 志 次 守真以上后副二十四

二十八都二副扇

東任底 瑞 宜 欄 穢以上七圖地 裏辭 外辭 南大 喬矯 全 南斗 北斗 矯斗 南干
 西干 張以上八圖地 洪 漆 東柳以上九圖地 西柳 南雲以上十圖地 稅 穉以上十一圖地
 辰 盈 裏二角 辰 碧以上十二圖地 南若 北若 東尾 西尾 南尾唱 南尾以上十三
 二低 原無 東露 露畢 東地 西地 里地以上十三 裏詠 外詠 秋嶺 賤 來總畢 西
 露 婁三二 小西若 裏亢 外亢 安 括 東天 大西若 中若 小若以上十四 西初 東初
 北大 下東天 收以上地名 南秘 果 令 北秘 裏果以上十五 南荒 軫 北荒以上十六
圖地名同 常 上 甘 裏學 角 亢以上十七 籍 南基 職 移定畢 藕以上十八
 政 豨 去 參以上十八圖 南堅 北堅 神 羅以上十九 東操 糜 南翼 南爵以上二十
名韓 北翼 撰 玠 玠 北爵以上四副二十 西操 南操 北操 外操 北持以上四副二十
二十三圖 化成 申 南汝 唐以上四副二十四 南退 北退 鹿 壁以上五副二十五 南匪 北匪

外匪 南弗 北弗 房 心靜 逸 情 動 以上五正二 自 外毀 涓 裏英 裏毀 以上五正二
舍 東珊 西珊 珊誣 以上五正二 裏角 外角 裏草 外草 南唱 北尾 母草 中母 南斗
 里 箕 義危 陸 隨 婦 外唱 北外尾 外洵 以上六副三十二 東亢 沛 東心 男叔 鬼婁
 鬼婁心 外鬼婁 裏嘴 以上六副三十二 南和 奉 以上八副四十五 里知 南星 北星 北里知
 奎受 性 以上五正二十 柳 南造 北造 慈 容 西亢 以上五正二十五 潔 傳潔 廉 東 蓋
 中廉 以上五正二十六 圖地名下具

任兆麟曰宋時登科錄書某縣某鄉某里人至元始改鄉爲都改里爲圖圖卽里也以每里冊籍首列一圖故名曰圖今俗省作圖按日知錄謂歙志圖音鄙趙宦光亦曰都鄙本作圖俗讀圖鑿矣

同里志

卷八 土田

同里志卷之九

選舉志

科第

漢制有賢良有道茂才孝廉明經等科吳則賢良一科晉則孝廉秀才同舉宋齊梁陳惟秀才一科至唐有賢良秀才明經八科制科拔萃百篇等科宋有童子科而進士之名始於唐宋有進士舉人博學宏詞科間舉元因之至明取士自洪武三年開科鄉試連試三科停止其後定以子午卯酉年鄉試辰戌丑未年會試十七年甲子復舉於鄉明年試天下士禮部遂為定制故蘇郡志進士表自乙丑科始同里科第宋始繁盛元明以迄國朝蓋尤盛焉志科第

舉人

進士

宋

太宗

淳化三年壬辰孫何榜

謝濤

詳仕宦傳○以下五人科無考

真宗

祥符八年口口蔡齊榜○屈志列仁

謝絳

濤子詳仕宦傳

同里志

卷九科第

宗慶歷口口年口口榜

仁宗

慶歷六年丙辰賈黯榜

謝景初

絳子詳仕宦傳

徽宗

政和二年壬辰莫儻榜

廉錯

字師旦

理宗

淳祐四年戊辰特奏名

魏汝賢

按莫志云宋制有正奏有特奏是科正奏狀元留炳炎特奏則次榜也

元

順宗

至正四年甲申科

徐純夫

孝祥子解元詳第

徐純夫

仕至翰林承旨○出高德基平江紀事吳中人物志

七年丁亥科

鄒奕

詳第

鄒奕

詳仕宦傳

八年戊子王宗哲榜○屈志列元年辛巳

年無考

凌昌

詳仕宦傳



十四年甲午薛朝
晤榜

二十五年乙巳

明

太祖 洪武二十九年丙子科 何源 詳仕宦傳

宣宗 宣德四年己酉科 范琮 詳第

八年癸丑曹鼎榜 范琮 詳仕宦傳

英宗 正統九年甲子科 梅倫 詳第

十二年丁卯科 莫灝 順天府宛平縣籍解元詳第

任孜 改名敏長洲縣籍詳第

十三年戊辰彭時榜 梅倫 詳仕宦傳

任孜 詳仕宦傳

同里志

卷九科第

一一

景帝 景泰元年庚午科 莫昂 灝從父詳仕宦傳

二年辛未柯潛榜 莫灝 詳昂附傳

四年癸酉科 莫宏 字宗大安陸訓導

英宗 天順三年己卯科 金蕊 字公器武功衛籍詳第○
復辟 按府志云吳江人徐志登科考云吳縣人未知孰是

六年壬午科 吳鉉 字時舉詳仕宦傳

憲宗 成化元年乙酉科 莫旦 字景周詳仕宦傳

二年丙戌羅倫榜 金蕊 南京工部主事

二十二年丙午科 陳廣 字志宏廣信府推官

孝宗 宏治八年乙卯科 陳天祥 順天府武功衛詳籍第

九年丙辰朱希周榜 陳天祥 詳仕宦傳

武宗 正德五年庚午科 金符 字信臣武功衛仕詳第

六年辛未楊慎榜

金符 監察御史

十四年己卯科

王守

本姓章吳縣籍府學中詳第

世宗

嘉靖五年丙戌龔用卿榜

王守 詳仕宦傳

七年戊子科

周麟

詳仕宦傳

陳椿

府學中詳第

周鴻

字文儀新鄉縣知縣

十四年乙未韓應龍榜

陳椿 詳仕宦傳

十九年庚子科

陳忠言

字希稷鴻子温州通判

二十二年癸卯科

朱霑

例貢中詳仕宦傳

二十八年己酉科

顧會唯

詳第

陳文同

天祥從子順天府武功衛籍

同里志

卷九科第

三

三十二年癸丑陳謹榜

顧會唯 詳仕宦傳

三十七年戊子科

錢錫汝

字龍伯詳第

四十三年甲子科

沈士元

知縣詳高隱傳

四十四年乙丑范應期榜

陳王道

庶族孫詳第

錢錫汝 刑部員外郎

陳王道 詳仕宦傳

神宗 萬曆元年癸酉科

顧會璘

會唯從弟詳科貢傳

儲純臣

詳第

七年己卯科

陳來儀

改名泰熙字競吾吳縣籍瑞安縣知縣

陸府修

詳仕宦傳

十年壬午科

吳默

詳第

十三年乙酉科

蔣楷

字大酉貴州普安衛籍知縣

十六年戊子科

顧自植

曾唯從子詳第

蔣杰

字美若楷弟貴州普安衛籍詳第

十七年己丑焦竑榜

儲純臣

兵科給事中調南州知府

蔣杰

南雄府知府

十九年辛卯科

顧而尹

曾唯姪詳仕宦傳

顧而誠

字惕龍曾唯子青陽教諭

二十年壬辰翁正春榜

吳默

會元詳仕宦傳

顧自植

詳仕宦傳

二十八年庚子科

顧祖範

字洪九曾唯孫

三十七年己酉

馬神徵

詳仕宦傳

同里志

卷九科第

四

吳瑞徵

北雍中詳第

吳瑞徵

詳仕宦傳

三十八年庚戌韓敬榜

四十年壬子科

陳忠順

字長裕鴻子欽州知州

朱陸宣

吳縣籍詳仕宦傳

熹宗 天啓元年辛酉科

顧祖奎

曾唯孫詳仕宦傳

七年丁卯科

陸雲祥

詳仕宦傳

莊烈 崇禎三年庚午科

錢琳

嘉善籍詳科貢傳

九年丙子科

沈自南

詳第

十二年己卯科

陳紹文

王道曾孫邑志作孫誤詳科貢傳

十二年壬午科

馬備

字萬侯

顧之後

長洲籍詳第

十六年癸未楊廷鑑榜

顧之俊

大清

世祖 順治三年丙戌科

吳之紀 詳第

五年戊子科

陳啓潛 字際五滑縣知縣

六年己丑劉子壯榜

吳之紀 詳仕宦傳

十二年乙未史大成榜
○葉志列八年辛卯鄒忠倚榜
沈志列九年

沈自南 詳仕宦傳

聖祖 康熙二年癸卯科

周爰訪 詳第

周爰訪 詳仕宦傳

三年甲辰嚴我斯榜
是科能經書制藝定策論表判為兩塊起

十一年壬子科

吳黃流 字粵若嘉興籍內閣中書

同里志

卷九科第

五

十四年乙卯科

陳銳 紹文子歸安籍詳第

二十三年甲子科

金祖彬 本姓吳瑞徵曾孫詳科貢傳

二十七年戊辰沈廷久榜

陳銳 詳科貢傳

三十五年丙子科

陳沂震 銳姪詳第

陳沂震 詳仕宦傳

三十九年庚辰汪釋榜

四十一年壬午科

趙炳文 本姓顧詳仕宦傳

五十年辛卯科

王文沂 府學中詳科貢傳

五十六年丁酉科

陳棟 本姓王歸安籍詳科貢傳

王錫 海鹽籍詳仕宦傳

五十九年庚子科

沈韓 本姓俞仁和籍詳第

六十年辛丑鄧鍾岳榜

俞韓 復本姓詳科貢傳

世宗 雍正元年癸卯 恩科

陳士醇

沂震從子詳科貢傳

陳士任

沂震子副貢北雍中詳科貢傳

七年巳酉科

陳時彥

本姓王文沂弟桐鄉籍詳科貢傳

十三年乙卯科

俞武琛

韓弟詳第

高宗

乾隆二年丁巳 恩科于敏中榜

俞武琛

詳科貢傳

九年甲子科

顧我鈞

詳科貢傳

龐會瑞

詳仕宦傳

十八年癸酉科

王會翼

府學拔貢中詳第

二十一年丙子科

王堡

時彥子詳科貢傳

二十五年庚辰舉 沅榜

王會翼

詳仕宦傳

同里志

卷九科第

三十九年甲午科

王銀

堡子府學中詳第

陳兆麟

士任孫詳科貢傳

四十三戊戌戴衢 亨榜

王銀

詳仕宦傳

四十五年庚子科

許金塔

詳科貢傳

四十八年癸卯科

陳毓成

沂震孫詳第

王祖武

會翼子副榜北雍中詳第

五十二年丁未史 致光榜

王祖武

詳仕宦傳

五十四年巳酉 恩科

顧我樂

字正叔現任崇明教諭

今上

嘉慶元年丙辰趙 文楷榜

陳毓成

詳科貢傳

三年戊午科

王慶孫

字聖昭

五年庚申 恩科

陳兆彪

改名兆昌字欽偉紹文五世孫

九年甲子科 欽 顧汝敬 字配京歲貢中詳科貢傳

十五年庚午科 鄭 璜 字元吉副貢中

同里志



卷九科第

武科第

舉人

大清

高宗 乾隆十二年丁卯

吳師玠

字西威府學中解元仕衛千總

同里志

卷九武科第

貢舉

年少遊藝歲科優等食餼年滿挨次出貢候選教職號為三途誠蒐羅人才之良法也考古汲引所以補科目所不逮故薦辟之典起自兩漢迄宋元明俱間行之 國朝仍未嘗偏廢也志貢舉

貢士

薦舉

宋

徽宗 政和口年

吳口口 舉八行科

元

順帝 至正口年

徐純夫 明經詳科第

章德綱 詳仕宦傳

謝莘 濤裔孫紹興路學錄

明

太祖

洪武四年辛亥○
屈志列十一年戊午

張惟清 孝廉仕知

同里志

卷九貢舉

九

十二年己未○屈
志列十一年

諸裕 字好問人才安縣知縣

二十一年戊辰 吳珉 府學歲貢詳仕宦傳

凌昌 詳科貢傳

梁時 詳仕宦傳○屈志列十四
年下同

黃本 歲貢詳仕宦傳 樊勉 詳仕宦傳

二十八年 謝絲 莘子○按絳與濤子名同
當必有誤

口口年 莫子奇 人才全州知州

孫伯英 詳仕宦傳

朱仲南 詳仕宦傳

凌德脩 屈志作得修詳仕宦傳

二十口年 何源 府學歲貢詳仕宦傳

諸士能 口貢詳仕宦傳

二十八乙亥

二十九年丙子

蘇子厚

府學口貢詳仕宦傳

仁宗 洪熙元年

驥 詳仕宦傳

英宗 正統七年壬戌

樊盛

字宗遠歲貢修武訓導

十一年丙寅

董芳

字孟實歲貢常山縣丞○
例取四十五歲廩貢

景帝 景泰三年壬申

張浩

字文遠歲貢澧州吏目

憲宗 成化二年丙戌

何昇

歲貢詳仕宦傳

八年壬辰

孔醇

字希陽歲貢

顧經之

字宗緒

顧綸之

字宗類○以上三人俱以
生員應詔輸粟賑陝貢監
待選

孝宗 宏治十二年己未

莫潛

歲貢詳仕宦傳

武宗 正德三年戊辰

吳縉

字朝英歲貢

同里志

卷九貢舉

十

世宗

嘉靖九年庚寅○
沈志列宏治十五年

王寵

吳縣籍歲貢詳科貢傳

年無考

任之重

字道村攷子吳縣籍歲貢

二十三年甲辰

葉楠

字良用歲貢武昌知縣○
以後始定二歲一貢揆廩
次

穆宗

隆慶二年戊辰○
屈志列元年

趙重道

府學歲貢詳仕宦傳

神宗

萬曆元年癸酉

顧文言

字子義 恩貢江陵訓導

十九年辛卯

沈志英

拔貢詳科貢傳

三十六年戊申

陸恆

選貢詳忠孝傳

年無考

朱賢 詳仕宦傳

光宗

泰昌元年庚申

陳忠誠

字明候鴻子屈志作志誠
誤府學口貢定海訓導

莊烈帝

崇禎三年庚午

章樞

青浦籍口貢詳仕宦傳

九年丙子 薛大訓 本姓任攷元孫青浦籍副貢詳薦舉○是年特旨考選有主考經房副貢

薛大訓 對策廷試第一詳仕官傳

十二年巳卯 嚴化行 字子美副貢
十四年辛巳 沈致祥 葉志作益祥誤歲貢詳仕官傳

十七年甲申 龐字俶 字倘生府學拔貢

大清

世祖 順治十四年丁酉 嚴振先 歲貢詳科貢傳

聖祖 康熙二年癸卯 朱 葵 字冠南浙江籍歲貢授縣丞

十年辛亥 陸 瑤 歲貢詳科貢傳

十九年庚申 陳 錫 歲貢詳科貢傳

三十六年丁丑 顧 璜 府學拔貢詳仕官傳

同里志

卷九貢舉

五十四年乙未 朱洪斌 府學歲貢詳科貢傳

五十九年庚子 陳士任 副貢北雍中詳科

陳士寧 副貢詳科貢傳

六十一年壬寅 龐景芳 歲貢詳仕官傳

世宗 雍正二年甲辰補 陸 凱 字舜揚副貢選海門教諭未任卒
癸卯正科

高宗 乾隆十五年庚午 吳 瀛 震澤學歲貢詳科貢傳

十七年壬申 龐 焉 字鄰哉 恩貢

程學洙 字濟蒼歲貢

十八年癸酉 王曾翼 府學拔貢詳第

二十六年辛巳 朱 昇 字維陣歲貢

四十五年庚子 王祖武 順天副貢詳第

四十七年壬寅 陳毓成 恩貢詳第

袁益之 歲貢詳科貢傳

四十八年癸卯

王承愷 歲貢詳科貢傳

五十年乙巳

顧汝敬 恩貢詳科

五十五年庚戌

陳兆收 歲貢詳科貢傳

今上三嘉慶元年丙辰

袁棠 字尙木 監生舉孝廉方正

十二年丁卯

鄭璜 字元吉 副貢詳科

同里志

卷九 貢舉

恩蔭

臣子竭靖共之職公爾忘私 朝廷崇推錫之恩賞延於世蔭爵酬庸宜昭懋德也志恩蔭

大清

今上 嘉慶十一年

王應模

錕孫

恩蔭縣令職國子監肄業年滿卽用

同里志

卷九 恩蔭

十三

例仕

科場取士 國家之正典輸粟奏名 朝宁之經權導例急公良才應辟例訪秦漢代有舉行志例仕

明

孝宗 宏治十六年 任中權 字宏器監生授口口太常寺典簿擢寺丞

顧 綸 字廷言監生授福建按察司知事

世宗 嘉靖二十三年 顧 纓 字廷重監生選浙江按察司知事未任卒

周之達 字順卿附貢生授岳州經歷

神宗 萬曆口口口口 朱 賢 字惠泉監生任陵水縣丞

大清

聖祖 康熙四十五年 顧 欽 字惟臣生員考取 內廷教習山西太平縣知縣終涿州知州

金之濱 字匯斯附貢生任臨淮訓導遷廬江教諭卒

金之清 字宏渠監生授浙江臨海縣知縣未任卒

世宗 雍正十年 金枝榛 字電明浙江籍例貢生仕終安邱縣丞

同里志

卷九例仕

高宗 乾隆口口口口 金廷烈 字竹書監生歷任府經歷陞任澄海縣知縣陞任南澳同知卒於任

梅祖培 字孝慈監生授安徽休寧縣丞署休寧縣知縣卒

王宗導 字德音監生議叙廣東莞縣佐補龍門縣知縣未任卒

張永安 字仁哉監生授江西新建縣尉

金以城 字奕山監生仕終祁州吏目

徐錫泰 字欽承監生授湖南通判

王芝衡 字盤書監生授陝西略陽縣典史

金以均 字安邦監生授陝西商南縣典史

今上 嘉慶五年 朱文英 字雲程監生現署江西寧都州下河寨巡檢

朱文昭 字雅三監生現任廣西岑溪縣上里平河村巡檢

朱文墀 字觀宸監生署江西撫州府照磨

七年 朱培元 字春和監生現署江西樂平縣丞

十年 王華孫 字蘊山監生廣東歸春縣黃泥灣巡檢未任卒

金蘭原 字紹盤生員歷署雲南府安寧州晉寧州現署徽江府知府

□□□□ 金藻原 字授階監生授江西縣丞

十二年 徐榮治 字樹棠監生歷署河南溫縣典史兼攝縣事陳州府經歷兼理刑廳

十三年 金鏞 字鼎周監生授山東安邱縣典史卒

王履泰 字心蘭監生議叙通判現任直隸河間府通判

□□□□ 顧堯峯 字鳴九監生現署四川閬中縣知縣

□□□□ 顧人受 字軼萬供事選授陝西同官縣典史卒

十五年 袁鴻 字友仁監生授縣丞陞知縣現任福建政和縣知縣

同里志

卷九例仕

同里志卷之十

人物志一

忠孝義行附

君父人之大倫忠孝人之大節廉顏立儒扶植綱常厥功為茂故以弁於編志忠孝

徐孝祥 子純夫

龐思宗 高祖實

陳晉 孫讓

任仲真

龐友諒 子鏞

龐鑑

顧寬

顧宏

顧纓

嚴尙志

戴天叙

陸恆

朱陞宜

朱陞官

任世德

章來 兄元發弟實夫

顧祖奎 子世賢

顧祖斗

趙座

陸府寧

王夢劉

顧復

馬桂徵

馬廷柱

葉古為

嚴調元

顧家燦

顧慶逢

費孝子

范邦宜

范邦俊

顧東亭

楊天觀

吳之綱

任大任

王謂

同里志

卷十忠孝

龐允彬

沈永智

趙沈 曾孫受

徐孺芳

嚴代言

孫若水 弟若愚

顧洪善

葉明安

顧景洙

鄭德照

金廷炳 祖之清父國樞

元

徐孝祥家貧力學不求仕進嘗於廬後掘地見白金輒掩蓋居三十年至治壬戌歲大飢乃盡發之以賑貧乏全活不可勝計其後嫁女荆布而已錙銖弗取也子純夫以明經發解仕至翰林供奉承旨孝祥受封如其官卒年九

十七 見邑志

龐思宗字順之高祖實自偃師扈蹕南遷居吳江以信義孚人為邑人望既卒人仰慕之名其地曰龐山思宗仕至

元時義烏尹崇文愛民政治有聲士賊劉震璫之亂全家殉節 見任兆麟江震續志稿

陳晉字次翁元末張士誠據吳其父坐作詩謗訕論死晉請以身代父子爭死不疑有司謂代父者孝代子者慈慈

孝之人安肯訕上遂兩釋之父尋病死既葬猶朝夕哭至喪明洪武中晉妻家坐藍玉黨逮治事連及晉晉棄家

遁去以存宗祀後遇赦歸孫讓亦善事親鄉里稱為世孝 見邑志

明

任仲真字直生元都水盛仁發曾孫世居吳淞青龍江幼賦白鶴詩見賞於楊維禎比長喜讀經世之略洪武六年舉人材官南康郡丞引疾歸訪舊吳江愛其風土淳樸遂卜築龐山湖濱游方孝孺之門孝孺嘗有書竹貽其父

見康志

龐因名其居曰有竹母沒三年不入私室庭植一松鳥集數百人咸謂孝感所致云有尊香集有竹居集
龐反諒字彥孚洪武中簽富民實京師友諒代其兄友直以行已而母念不置具疏請允歸士大夫作天錫歸養詩贈之景泰間吳中大飢友諒出粟助賑題賜冠服子鏞字汝馨亦好施予成化十七年大水出粟千斛賑之宏治五年復大水出粟二千斛賑之撫按嘉其好義不忘上其事於朝命有司榜其居曰旌義復其家

見邑志

龐鑑字汝明庶祖父遺業富甲吳中儻然若不與好讀史成化間邑澹民飢出粟千餘斛賑之鄉民貸米盡燒其券掌鄉稅歷三十稔未嘗妄取民貲其惠或有網利瘠民者見鑑則低首下氣嘗與王文成公守仁交善王嘗爲之

作傳

本吳淞增輯先哲志

顧寬字惟仁號感梅鄉飲大寶錄子性孝友居母喪三年不入私室與弟宏俱年八十餘不分爨初立弟子綱爲嗣後生二子曰純曰綱待之如一族人顯貧不能存寬乃給衣食有故則給以錢穀終其身外祖李昱墓枕吳淞江屢經水患寬出錢千緡築石捍之從妹塔鏡孺死無葬地寬買地葬之及掘地得故塚復命掩之而他擇焉其好義又如此卒年八十餘

見邑志下二傳同

同里志

卷十忠孝

一一

顧宏字惟德號愚閒寬弟爲人敦孝友事必稟父兄而行喜讀書言行謹飭刻自待而寬待人每訓其子孫曰天與我以富欲我廣行其德也若擁費而視視隣之困乏一守財虜耳故遇三黨里右之緩急及不能自存者必曲計而周給之有鄉人貸去銀若干兩道遺欲自盡宏聞之復興如前數正德己巳冰膠彌月舟航阻者艦接宏日訪其斷薪米者計口與之庚午大疫死者比戶買棺斂而瘞之先是兄寬無子以宏長子爲嗣宏屢勸兄娶妾兄不從宏乃於元旦賀年服公服而跪於嫂之房庭嫂驚問宏言其所以且曰嫂若不從予言跪終不起也嫂爲感泣買妾生二子由是義聲大播邑侯以禮賓於鄉享年八十一

顧纓字廷玉宏第六子生而俊偉稍長喜讀書年三十補郡諸生尋入太學肄業以親老乞歸號泣於國子先生之門乃得允後授官按察司知事纓孝友兼至昆弟五人皆先沒纓即獨養其父後喪葬之事一不以責孤姪且於孤姪教之讀助之耕代之役凡所以撫養之者無不至嘗有宗人子以子質錢纓出贖之里中戈某慕介纓田陸中欲平之以觀厚利纓曰斯言何爲至於我哉厚畀之值而莫得不毀偶泊舟胥關隣舟女失布懼苦欲赴水纓立償之其教子曰讀書而不務實行非學也嘗以爲善最樂四字粘之座右配陸氏長洲家宰陸完女未嘗假其勢焰

嚴尙志字廷賢性至孝弱齡母患癰膏爲母吮癰毒嗣補弟子員肄業湖灣堡里一夕忽心痛家人來報盜劫父風

應已被盜溺死訴於官盜得誅遂持其首以祭父孝聞鄉里生平尤好義凡修文廟築邑塘莫不捐貲歲飢發粟賑濟又募人埋道路之殍者萬歷間邑侯馮以孝義表其同凌忠清公義渠爲之撰傳本吳涖增

戴天叙字存南邑生嘗館陳氏陳爲人僕主者籍其家陳囊金六百兩夜投天叙天叙以幾燼之地中已而陳死妻飢窘踵門求貸天叙曰若夫金放在可取之其妻謝不知天叙乃發瘞悉還之其妻泣拜而去本顧汝

陸恆字貞甫蘇州萬曆戊申貢入太學祭酒李廷機拔其文第一選授貴池縣訓導乞歸隴年而卒性篤孝將葬其父值冰堅舟不可行恆號呼祝天冰雪爲解恆父畫像乃長洲陳淳筆恆出輒奉以隨後爲人竊去自傷無狀泣涕徬徨晝夜慕仿遂別成父像恆素不知畫而像成惟肖人咸嘆異所著有秋語日箋自叙篇等書見邑志下

朱陸宣字德升萬曆壬子舉於鄉時父年已高陸宣闔門侍養絕跡公府嘗言士君子當以不貪爲寶能安貧則能不貪甘食美服高閑遠字變童飽姬皆敗檢謚名之具故登賢書二十年未嘗以竿牘通守令家益貧惟奉親則

滌灑裘葛無不贖具母李先亡父益老病幾殆陸宣晝夜侍寢辦護湯藥中單廁牖必手承而進之戊辰當上春官以父疾不赴居二親喪不入內不茹葷者六年竟以哀毀成疾而卒年五十六私諡孝介先生崇禎十年巡撫

祁公彪佳以陸宣行義表於朝詔贈翰林待詔今祀鄉賢祠子崧見後文學傳

朱陸官字建侯生有至性年十三念父夢鯉貧遂訓蒙於鄉稍獲脯修奉父後教授里中晨出暮歸必具洗腆以

同里志

卷十忠孝

娛二人父一日欲往普陀禮大士陸官苦諫不從則羸糧偕至海上晝夜涕泣祝天歸而後已迨居父喪克盡誠

禮嘗手寫法華經三部一藏慧日懺院一藏吉祥菴一藏羅星洲經中誤二字父示夢告之信乎孝弟之至通於

神明邑侯趙欽其行舉鄉飲賓年八十二卒本顧先

任世德字逢初少負高才補邑諸生天性孝友中歲喪母過哀血淚迸流遂瞽一目自廢嘗與志士不忘在講經二

語以勵其子大訓爲名臣詳載仕宦傳

章來字吉甫郡諸生天性孝友兄元發嘗譜於父父欲殺之來不以爲怨而友愛彌篤弟質夫好樵蒲父杖之來

匿弟而婉詞以勸弟因得全其生父沒喪葬皆獨任之而於遺產一無所取外舅陸文字沒無子爲具奩嫁其仲

女喜諳南華經別有心得詩愛陶元亮李太白文愛蘇長公而書法亦得米家遺意子夢易載文學傳本顧先

顧祖奎字元度天啓元年舉人崇禎丁丑選丹陽教授作五倫箴屢版明倫堂以訓諸生陸連城知縣廉惠有異績

黃道周作序以頌之口口口口累遷戶部郎出知南寧府戮力職守時稱爲賢口口口遠祝髮爲僧居隆安之

林村後之肇慶卒於鼎湖山白雲菴年六十六子世賢字天與抱父遺骨奉母而歸某岐黃克振家乘惜年僅四

十無子而卒見顧集下

顧祖斗字文度改名陸祖奎弟鼎革後棄諸生隱居著治心廣孝二書以扶綱補紀導人爲善嘗與祖奎絕音問十

字雲石陸祖奎弟鼎革後棄諸生隱居著治心廣孝二書以扶綱補紀導人爲善嘗與祖奎絕音問十

餘年聞其卒走萬里迎其骸挈其子與母歸故里人高其義

趙座字鼎古父仰前嗣父景前座性至孝嗣母卒方七歲哭盡哀景前有媼任氏過座以虐座不為意仍禮待之嗣父沒座因解殺白下不得視舍斂歸而哭至死者三本生父病劇割股療之伯仲之間友愛尤篤嘗割己腠田給嫂姪鄰人或負銀將鬻女以償座取券而毀之道遇人遺金而哭輒於所知那銀如數與之崇禎辛巳歲大飢餓率載道座施棺木或雇人墮之早歲皈依三寶老而彌虔與庵村報恩寺浮石和尚尤稱莫逆本讀先哲志下三傳同陸府寧字涵敬邑諸生五入舉場不售遂絕意進取杜門習靜不識里中巷陌崇禎辛壬兩歲荐飢邑令葉延主賑事府寧率耆士為食於路全活甚衆晚歲值南都亡府寧率家人至湖濱遂後先赴水死

王夢劉字啓雍郡諸生不聽形家言急於葬親葬畢遂沒

顧復字孟明諸生士律子言謹行潔其義行有不可及者

馬桂徵字爾芳邑諸生為好學力行之士明亡時殉節死

周廷柱字在甫性至孝母疾手足廢侍疾二年疾竟起水葉紹顯撰傳

葉古為明亡時殉節死里人共欽之見葉桂流樵集

嚴調元字伯和邑諸生從父赴縣求理祖被盜溺死事哀憤交切邑候為感動卒殲盜首然其平素溫柔謙謹善氣

同里志

卷十忠孝

四

迎人言咄咄如不出口教三子振先揚先晟皆成名為嚴氏冠冕女弟為金太傅之後妻太傅成進士歷顯官一

無所干託後家道中落安貧守道時論建之水續先哲志

顧家熾字仲明兵備道自植子邑諸生崇禎中纂修史局例採博學之士以備用先是有王紹者其父卒於鄱陽任

自植為發喪並經紀其家俾得旋里後紹成辛未進士歷任史館乃首薦家熾於朝故事當授中書會遭鼎革自

經家廟人救免卒為頭陀以終水許虬撰行略

大清

顧慶逢字汝奇邑諸生有文名口口乃絕意進取性至孝事母陸曲當其意凡中裙褸則之必必手自滌除生平豪

俠好義遇人有不平事輒力爭之不避嫌怨初歲遭大歉飢殍相望郡邑村鎮皆設廠施粥獨同里未及時猶

沿明制尚設巡按理刑威嚴肅然慶逢率耆民投呈從容進退對答不少憐明日理刑即檄縣設廠施粥全活無

算水章夢易撰傳○按巡按狀式不許過三十字慶逢具呈止二十字三字旬用叶韻

費孝子不知何名家極貧以微業養母每日必請所欲無敢自專一日至市范邦宜見之憐其貧敬進白金費弗受

范跪進之費亦跪辭及有人責費何弗受費不得已拜受之行過吉利橋即投之水中費未幾無後本吳洪增輯先哲志下一傳同

范邦宜字象和性至孝少失怙事母尤謹年近五十居母喪悲號擗踊淚盡繼以血三日始食粥斷酒肉一循古禮

常寢殯側夏月却帷蚊蚋無完膚後竟以身殉戴笠播來皆有詩哭之

范邦俊字文卿郡諸生順治十三年寇掠其家露刃脅之邦俊倚門而罵賊斫之不中刃觸於門而斷賊即駭遁一

口比隣失火延及其居邦俊從容再拜火遂息卒年七十

本周晉撰傳畧

顧東亭失記其名孝行其篤而遭際獨苦年十五父鶴鳴以丹青術挈妻子游京師十年沒於京邸東亭欲共母扶
父輓南歸而不得乃先奉母以還既又別母徒步抵京適粵西鬱林州守某徵求幕賓東亭應其聘乃得賫賂潛
艘先送輓還南而已入粵不意此後竟音信杳然并存亡不知矣後母沒同人斂貲殯葬焉豈非孝德之入人者

深歎

本吳涑增輯先哲志

楊天觀少孤負販為業日必市肉奉母有范翁憐其貧而能孝贈以金不受強之乃受委於路而去

見周晉撰香齋屋集

吳之綱字直士美資好學為文入王唐八大家之室父載誦教子過嚴雖冠髮久小有失輒行會哲之杖之綱順受

無怨為人仁心為實敦友愛重氣誼其學優於兄之紀之紀成進士為郎官之綱尚困於諸生父又以成敗軒輊
其子之綱遂悒鬱嘔血而卒同人悼之私謚以孝懿沒之後二子同於任昉之子又相繼早世噫天之報施善人

何如哉

本周先哲志

任大任字鈞衡士奇子甫六歲讀書能知大義長洲文震孟見而深器之性孝友年十二父病伏禱北辰旋瘳人謂

同里志

卷十忠孝

五

天鑒其誠比長經史百家靡不綜貫尋補博士弟子員父沒居喪痛心嘔血絕而甦者數次事母先意承志應試
歸夜半心動慮母疾促舟行抵家告果有疾歲飢多盜鼓噪至家大任以身翼母曰吾家訓蒙所有書而已親老
勿相驚并諭以善惡禍福之理盜下拜曰此君子也皆感歎而去居傍蓮蒲徹慮數椽蔬水晏如一時賢士如徐
枋包捷戴笠輩時相過從授徒以供菽水扁其居曰愛日母沒盡禮如喪父康熙己酉詔徵山林隱逸以葬親泣
辭甲子邑侯郭公琇命纂修邑志大任廣蒐舊聞以表揚先哲為己任里中王青箱沒後族凌其孤廷鈞乃申親
親大義引古訓開導之衆感悟孤卒成立年踰八十猶思親不置悲泣成疾卒年八十九所著有易學綱領中庸
解文選評略坦齋遺稿等書

本周愛訪推傳

王謂字正言邑諸生生有異質至性過人年方亂盜劫其父置諸火謂直前抱持脫父於厄兩臂被傷不醫而愈人

以為純孝所感也弟希存家落為均產分析佃戶某為命案牽連出費助之事得白佃願為奴償弗納其尚義如

此居恆自奉薄待師厚四子蜚聲庠序叔季並登賢書均為盛德所致

本丁元正撰墓誌

顧允彬字彥雲太學生少孤家貧母病割股作糜以進病愈隣里以孝聞既乃舟覆於澹臺湖榜人温水而出允彬

緣岸得生人謂孝感所致後經營拮据家道以贍以產讓弟并助姪婚配終無德色卜居於北郊建遺讀樓延名

師教子成名晚歲每遇春和景明則招二三知己尋山問水歲以為常卒年六十四

本吳涑增輯先哲志

沈永智一作志字四明邑諸生能詩好作綺語人或輕薄議之及訪族兄保昌官舍夜有美婢挑之堅拒不納人始服其操父自南出宰蓬萊前令成某負國帑不能歸卒於官上官檄催時永智在家百計籌畫事賴以理家破不悔也所著有柳巷集見詩徵下

趙沈字子昇邑諸生少具勇力及長折節讀書爲文前輩朱鶴齡稱賞性孝友兄子有冤獄傾囊以紓其難女兄適沈某家貧無子迎養二十餘年晚精軒岐術探竺國古先生教所著有惕若齋遺詩曾孫受字石傳邑諸生工書顏平原法

徐孺芳字丹勸國學生爲人有介節好奕棋嘗一門盡被盜束縛并露刀脅其父曰若不獻金帛即膏吾刃孺芳急挺身出給盜曰金帛在我彼老翁我成烟膏彼無益因釋之而劫孺芳且炙之火身受重創猝以勇力得脫時里中歌咏其事稱爲徐孝子又嘗赴金陵省試徹夜遊牛首山見僧淫女幾被禍亦以勇力遁免云見葉桂撰牛首

嚴代言字有覺邑廩生幼嗣於世父不逮養而養其本生父母甚謹父患目障舌舐之半載復見父沒未葬而隣家失火勢將及代言擁棺號哭誓以身殉火爲之息乾隆六年建坊旌表生平力學著有四書解尚書合纂三傳合纂等書見邑志

孫若水與弟若愚善事父母左右就養便身之物莫不親給父母壽至八十餘有萊衣孺慕之風焉見周香綠香書屋集

同里志

卷十忠孝

六

顧啓仁字洪善少孤家貧資館穀養母有三弟一妹皆撫之成立母疾時啓仁在館忽心痛急歸而母疾已殆啓仁日拮据進湯藥夜不能具帳坐立蚊蚋中侍奉累月不痊啓仁懼禱於城隍祠願以身代家人莫之知也母尋愈而啓仁死親舊往唁偶檢書得祈神疏稿悉其事莫不悲悼卒年二十八未娶見邑志

葉明安父好賭博游戲明安數幾諫不聽則置酒邀親朋使勸父父欣然曰吾今誓不妄費矣但吾子當奉吾極豐明安竭厥應命於是其父冠貂帽衣重裘當酒酣以往過詫問里而翼日則以償博進矣明安亦不悔亟爲更製若預備然者如是十餘年而心力盡矣人以爲死於孝云本願汝敬志錄

顧景洙字子泗母潘病癩非子炊不食不許子娶景洙事之無不曲意承順生平不苟言笑嚴於取與尤精易理工草書本願我策撰傳

鄭德照字惠周國子生爲人有介節妻李有從母爲某廳室惡前室子欲以所蓄遺德照妻德照曰不與子而與所愛非理受之不義背理傷義取之不祥堅卻之有某甲者委理家業盜數百金逸或謂宜緝以法德照曰吾昧知人之明致此惟自引咎而已卒年六十九本任兆麟江霞續志

金廷炳字酉書祖之清浙江臨海令嘗與同邑顧口口共訂樂府錦城行世父國樞候銓州佐以長子廷烈貴例贈奉政大夫廷炳少孤事母以孝聞母疾嘗割股以療工舉業願以久困小試例入成均善治生而不悛於財如葛

廟宇施棺木諸善事尤噴噴人口卒年五十七以孫蘭原貴例贈奉政大夫著有惕齋詩稿

本王曾
撰傳

同里志

卷十忠孝

同里志卷之十一

人物志二

仕宦

行義達道聖人所重積學力行之士往往壅於上聞既得時而駕非苟富貴而已已其不朽者三可祭於社斯姓氏足傳耳爵位之崇卑大小所不論也志仕宦

- | | | | |
|------|------|----------------|--------|
| 謝濤 | 謝絳 | 甯昌言 | 章德剛子思中 |
| 鄒奕 | 吳玘 | 黃本 | 梁時 |
| 樊勉 | 孫伯英 | 朱仲南子庭鎮 | 凌德脩子蕙 |
| 諸士能 | 何源孫昇 | 蘇子厚 | 吳驥 |
| 范琮 | 梅倫 | 任孜 | 莫昂子灝 |
| 陳椿 | 吳鉉 | 任泰 | 莫旦子潛 |
| 陳天祥 | 王守父貞 | 周麟子之道之通曾孫絲新曾孫澧 | |
| 朱霑子斌 | 顧會唯 | 陳王道 | 趙重道 |

同里志

卷十一仕宦

一

- | | | | |
|---------------|-----------|---------------|--------|
| 陸府修 | 顧自植父曾志子家燾 | 顧而尹 | 馬神徵弟桂徽 |
| 任大訓 | 章樗 | 沈致祥 | 朱賢 |
| 吳默 | 陸雲祥子璣 | 沈自南子永仁永智永信孫始樹 | |
| 吳之紀祖瑞徵子機孫廣熙凌烟 | | 周爰訪子士濟 | 周沂震 |
| 顧璜 | 顧炳文 | 龐景芳 | 王錫 |
| 金廷烈子以城 | 龐會瑞 | 王會翼 | 王祖武 |
| 王宗導 | 王鯤 | | |

宋

謝濤字濟之幼奇敏十四講左氏春秋會劉繼元平守臣當上賀命吳中文士作表章更數人皆不可意濤私自草之吳士見者大驚嘗讀書陽山澄照寺知吳縣羅處約知長洲縣王禹偁皆與定交曰濟之吾曹敵也淳化三年進士起家為梓州權監院判官李順反成都濤畫策守禦以功遷觀察推官權益州華陽知縣時亂後田廬荒廢有詔能占田而倍入租者予之於是腴田悉為豪右所據流民無所歸濤請詔書悉以田還主改著作佐郎通判壽州知興國軍真宗即位內出朝士有治跡者二十四人名付門下省濤與焉召對長春殿會京東盜起命以屯

田員外郎知曹州斬大猾趙諫於市曹人相賀尋命安撫益利兩路既還舉所部官三十餘人宰相疑其多濬曰有罪願連坐於是奉使者舉官連坐自濬始上川馮拯薦復召試以尚書兵部員外郎直史館尋兼御史知雜事真宗山陵靈駕所經道路有司請悉壞城門廬舍以過車輿象物濬言先帝車駕封祀儀物大備不聞有所毀撤且遺詔從儉薄今有司治明器侈大以勞州縣非先帝意願下少府裁損之屢以疾求分司明道元年拜太子賓客卒年七十四見邑志下六傳同

謝絳字希濬葉志作希原濬子十歲能屬文十五以父任試秘書省校書郎舉進士甲科授太常寺奉禮郎知汝陰縣遷光祿寺丞上書論四民失業累數千言以楊億薦召試權秘閣校理仁宗初遷太常博士天聖中天下旱蝗河決滑州絳上書引洪範京房傳推災異爲上天譴告極陳闕失無所諱仁宗嘉納與修真宗國史遷祠部員外郎時父濬官西京年老因求便養通判河南府上書論妖人方士不宜出入禁中請追所賜先生處士號權開封府判官言旱蝗爲災請除煩苛損聚斂郭皇后廢絳陳詩白華引中后褒姒爲諷詞甚切至徙三司度支判官初詔禁用織密花透背旣而賜內人衣復取於有司又後施製玳瑁器索龜筒於市龜筒禁物非民間所有絳皆論罷之又請罷內降凡詔令皆由中書樞密然後行遷兵部員外郎以父憂去服闋擢知制誥判吏部流內詮吏部擬官舊視職田有無不問多寡以是不均絳爲覈實差等人以爲便寶元中使契丹還請知鄧州爲政寬厚議復召信

同里志

卷十一 仕宦

二

臣六門以堪以溉功未就而卒年四十六絳以文學知名措詞適雅有元白風歐陽脩亟稱之嘗請於郡立學所至大興黌舍在河南脩國子學教諸生遠近大集登第者十七人聞絲卒皆出涕繪像於學而祀之絳好施宗族喜嘉賓其歿也家無餘貲有文集

按姑蘇志謝濬其先自陽夏徙富陽父崇禮官中吳故爲蘇人范文正撰神道碑云濬祖懿文官海鹽令卒葬富陽濬年冠來居郡中故府志人物分列吳縣考吳江舊志亦嘗載入因同里有謝里村徐志亦名謝僚爲鹿山湖東六港之一蓋濬父嘗居同里濬亦產同里故也今第列濬傳云

元

甯昌言將軍玉子官江南財賦司副使致仕歸築別墅于同川日與二三知己以琴會自娛卒

章德剛字伯純柳胥人明經飭行薦授崑山學正有詩名卒葬長山子中字思中好善行義世居同里

鄒奕字宏道秀目美髯貌若玉雪善議論口口文詞高古至正丁亥鄉試第四刻詩義詩疑天府賦各一道進士及

第調饒州錄事洪武初爲御史

風志作職紀風

出知贛州府坐事謫甘肅二十餘年永樂初以養忠定公義薦召還有吳

樵稿

明

吳玘字仲懷性沉靜持身以禮洪武中貢太學有年遭比隣與家人訟証詞所述誦成南荒既而部使者以明經薦授職歷大冶武昌二邑才名益著師道益尊常事欲援用之而年已暮矣卒於武昌無子弗克歸葬

黃木字本中先世自江夏徙吳元季張氏據郡城本乃避同里授徒資養遂留家焉洪武中舉明經為武彝訓導歷會昌教諭於經史百家之書研極理趣文章豐腴雅訓詩詞藻麗典則兵燹後子孫流離遺稿僅存一二

梁時字用行博學工文章以氣格為主不事纖麗亦善筆札少時遭家難沒聚徒講學於長洲洪武中以善書薦授岷府紀善遷翰林院典籍修永樂大典充副總裁著有憶餘集

樊勉字思誠洪武中有司舉孝廉由黃梅稅使遷刑部司獄受知大司寇楊公靖出為贛州知事永樂初詔求賢才任牧民之官復以薦歷光山慶雲知縣薄賦輕徭民安其業晚年患風痺得告歸終於家其詩律楷書之工醫卜

子平之術皆為人所不可及

本先哲志
下一傳同

孫伯英洪武中以人才薦授鬱林州知州資稟甚高言行不苟少年蒐獵百氏以充其才壯遊四方名譽日起其為鬱牧州也宣布教條初不以瘴癘之鄉而怠於事未及數載績用弗成惜乎事與勢乖而資志以沒

朱仲南風流儒雅通達時務洪武中由賢良薦銓曹選侍東宮逾年授北平布政司參議以仁恕稱在職數載卒子廷鎮曠達不羈安分自足曾孫雲善楷書能詩

見邑志下
一傳同

同里志

卷十一 仕宦

三

凌德脩字子成太平教授昌子洪武中舉明經初為嘉定訓導遷寧縣廣昌教諭吳驥稱其文章皆本義理如布帛菽粟之有實用壽終於家子蕙字穎芳文行繼美亦以明經舉弗屑就也居家授徒終於牖下

朱士能莫論語
志作請字至拙洪武乙亥貢授北平布政使夙夜惟勤庶政修舉然正己不同為當途所忌降知高唐州事復會湖廣按察司事守俸養戚家無餘蓄以老疾解官而卒

本先
哲志

何源初名
德源字幼澄洪武乙亥充貢明年舉於鄉會試副榜授德州學正

莫志作保
德州學正
臨本州知州
孫志亦同
後詳志

從以師道自任於是州士始有取科第者以薦擢知本州為政廉明州營南北衝又旱蝗相仍源區畫民困致齋禱神蝗不入境州人號曰賽包家母喪歸起為梧州知州山水驟至漂廬舍民多流亡乃捐俸又勸富民以賑給之全活甚衆毀淫祠禁競渡修學校尋以註誤論交陞鎮守英國公張輔知其賢舉署交州府學事交人不知學

源始教之學士以貢至方岳者十餘人召除吏部考功員外郎出為鄭府右長史繪敬器圖以進事聞賜勅褒美資金帛尋改吏部文選郎中人不致干正統初擢江西右布政使三年入覲上憫其老致仕歸自號東吳遺老終日正衣冠焚香讀詩年八十六源歷事五朝文章政事有古大臣風家無餘資惟書籍萬卷而已孫昇字寅賓

成化丙戌以貢授曲陽訓導能詩文雖貧未嘗干謁年六十六卒無子

見邑
志

蘇子厚字文載氣質剛方志趣豪邁早歲肄業郡庠尤資膏盥已有聲於儕輩間初任山西行都司斷事內艱服闋

調江西都司秩滿陞秋官郎中存心公恕游政廉平薦章交上復轉勳階超擢四川布政功業未遂而卒一子又喪無嗣惜哉本先哲志

吳驥字材良洪熙元年舉明經授潯縣學訓導改壽昌遷清豐教諭致仕卒驥博學強記教人嚴而有法時稱名師山西河南陝西諸省鄉試凡五聘為考官所取皆名士卒年八十三著有豪菴集歸田稿同里先哲記凡邑志下二傳同

范琮徐志作宗漢字禎彥其先揚州人高祖淵字永澄輕財好施善吟咏元季避兵隱居同里鎮因家焉父德字士能以

長厚稱琮簡重寡言負才略宣德四年舉於鄉以會試乙榜當授儒官自請卒業南雍八年成進士正統初授工部都水司主事轉兵部武庫凡九年遷南京吏部驗封郎中轉文選司兩署堂事廉公自守天順四年遷廣東左

叅議徐志作參政清軍政覈民籍綜理有方姦宄屏息凡三年卒年六十五初琮遭喪家居歲大祲途有餓殍出米百

石為飢粥以賑飢民其死不能斂病不能療者則給藥施藥人咸德之時尹山有許道師者以妖術聚衆剽掠鄉村自長洲蔓延同里時巡檢以事出吏兵莫知所為琮設方計獻集作方畧募丁壯擊之渠魁就擒餘皆溺水死而琮

不居功令受賞其才略如此

梅倫字彥常一作彥章正統戊辰進士授刑部主事擢員外郎天順八年乞歸養居瓢溪倫久為郎官雍容進退無躁心時論賢之文章薦達成化初復起南京刑部持法寬仁多所全活擢湖廣右叅議提調武當山兼理軍務職事既

同里志

卷十一 仕宦

簡益務清靜數引方士有仙術者與修導引之法遂無意進取引年致仕生平廉介不愧古人年七十一自撰墓誌而卒

任孜字懋善仲真孫正統丁卯舉人戊辰進士刑部觀政授湖廣司主事歷員外郎持法明允多所平反擢廣東瓊州知府發奸摘伏豪猾斂迹瓊四面瀕海故多盜警至是盜不敢犯其境值歲荒仿行趙抃治越富弼治青法全

活甚衆丁母艱歸嘗修輯家乘文洪為之序善彈琴製吳江曲著琴理經笥堂類稿見虎阜志

莫昂字伯顯和子讓以高貴實京師遂為宛平人昂景泰元年舉順天鄉試授袁州府同知聽政之暇與諸生講學成就甚多有姦民武斷鄉里訟者千數累歲不能決上官令昂治之立置於法又有劇盜僭號遂縣長吏出走昂

承徵悉生致之居九年以疾歸課子弟後進多執經問難姪岱幼孤育之如已子年五十三卒子瀛為人謹厚居

貧苦舉正統十二年舉順天鄉試第一景泰二年進士授行人卒見邑志

陳椿字子年嘉靖乙未進士仕至湖廣荊州府知府居官冰清千古歸養無以資生仍為傳經師嘗得脯修以為仰

事俯育之計子孫貧乏不振章夢易作傳有廉吏可為不可二之嘆本續先哲志

吳鉉字時舉驥子天順壬午舉人授四川布政司經歷董永寧軍儲時九姓長官任某沒而無嗣宗人手襲職上官委鉉勘問偽者以重賂通却之而直其事致仕歸年六十三卒鉉為人沉靜質實居家孝友以故居讓其兄元麟

而自營一居感寧伯王越師事其父與鉉交厚及貴未嘗干謁本莫旦續志

任泰字亨伯伯通孫少孤育於嘉善族父家遂隸籍焉苦志力學嘗大書敬字於壁間自號曰敬菴成化元年舉於

鄉十一年成進士授上饒知縣時婁諒稱名儒泰屈禮事之為政持大體增置學舍親為指授多士蔚起立法清

田畝以杜爭訟作浮梁置社倉教民盡力陂塘使得灌溉時稱循吏滿六載召入京卒見任兆麟江震續志稿

莫旦字景周號鱸鄉博學工詩文成化改元領鄉薦卒業太學作一統實關二賦名動京師後為新昌訓導九年遷

南京國子監學正乞歸年八十餘卒且嘗論吳澄沈志作澄以宋臣仕元不當列從祀趙孟頫以宗室事讎不得為名

臣皆篤論也平生著作甚多所存有鱸鄉集新昌嘉魚吳江石湖諸志貞孝錄等書今祀鄉賢祠會元趙寬旦之

壻也子潛字若用宏治十二年貢士仕終烏程訓導見邑志下三傳同

陳天祥字元吉武功衛籍宏治九年進士授青州推官入為御史遷西安府歷山東副使職流寇劉六功加太僕少

卿進左僉都御史巡撫貴州平苗功賜金幣轉宣大總督進左副都御史改督陝西三邊尋命理閩浙鹽道過吳

江卒於家天祥警敏有才略在天津功尤著宏治間立大總制坊在北門外

王守字履約先世本章姓父貞贊郡之王氏遂冒其姓守為人端重有蘊藉嘉靖五年成進士授寧泉府推官奏最

擅刑科給事中尋轉戶科左給事進吏科都給事疏陳六事上取次行之而守退焚其稿人莫能窺其畛域時張

同里志

卷十一 仕宦

五

牟敬當國臺諫多與齟齬守獨能得其意衆亦不為嫌也遷太常少卿遣視延綏寇患劾中官及握兵重臣皆被
譴責一時在邊者莫不悚然轉大理少卿又轉南光祿卿尋進右僉都御史巡撫鄖陽改督南京糧儲又改理河
道進右副都御史召還守歷數大官事皆無可見而寬簡清靜未嘗有所變更卒亦無不治人謂其令望足以鎮
之後二年卒於官守議論無所假非其人不交鄉人有目微劣得清華者斬不與一刺所交惟湯珍祝允明唐寅
文徵明輩詩宗盛唐五言律不減王孟風格有集若干卷其葬也劉鳳表其墓而銘之

周麟字仁仲嘉靖戊子舉人選授浙江常山知縣尋調江西靖安為人孝友居父喪哀毀踰禮祭則悲泣移日既領
鄉薦未嘗一詣公府有所干謁令常山首革鹽引常例發摘貪猾捐循百姓尤憤庶獄多所平反有屠某繫獄幾
瘐死矣麟察其誣力爭上官得釋常山要衝使車紛沓麟於夫馬供應一切裁減曰吾不忍剝民以媚貴人是以
忤當事調簡任靖安二年部使者交獎之而葺鱸之志決遂致仕歸而卒其葬也徐師曾表其墓而銘之子之道
字明卿邑諸生有別業在楊墳著有養生詩草之達字順卿例貢生授順天府經歷丁內艱服闋補任岳州多政
績曾孫錄新遷嘉善縣遂隸籍焉裔孫灃乾隆辛未會元探花及第後世善繼不絕

朱雋字漢澤祥孫性穎悟蘆江陳公見而器之妻以女遂家白蕩灣少為諸生患弱疾恆於牀褥間讀書嘉靖癸卯
領鄉薦屢上春官不第乃謁選授浙江之瑞安令瑞安濱海巖險難治嘗下車咨訪利病因俗為治疎天津洋歲

收米萬鍾又築石塘往來使之會有倭寇佐撫軍趙公平之陞廣東惠州倅署長樂縣事長樂多盜晝夜巡警諭以禍福盜稍戢嘆曰瑞有寇惠有盜吾命也何事以蝸名寄身萬里外耶遂因人覲乞歸家居十餘載自營葬地子杖走京師求四明禮部觀政進士錢景超為誌銘見續先哲志

顧曾唯字一貫號魯齋嘉靖癸丑進士授金華知縣時值兵燹曾唯應之有方民不以擾節冗費均徭賦捐俸蠶地以廣學宮隆慶初擢監察巡按廣西嶺外屬吏多以賄彰曾唯至悉廉治之搏擊強宗增設營堡蠲汰冗派凡所興革公私兩利焉巡歷甫竣念祖母年高遽引疾乞歸卒年四十九金華祀之名宦本邑祀之鄉賢並有碑記子而誠孫祖範祖奎並登賢書祖奎於明亡殉難真以忠孝世其家歎奇孫鳴柝字舒聲吳庠生務實學閉戶著書不干名譽日事吟咏著有吳門嘯稿郊西旅草清齋稿見邑志下二傳同

陳王道字孟甫一字敬所號浩菴嘉靖乙丑進士授新縣知縣又補陽信皆以才能廉慎著兩邑皆祀之名宦尋出為邵武守擢南京監察御史有直聲南都貢院號房向蔽以蓆值風雨如露處王道疏請易以瓦至今士子賴之卒年五十一

趙重道字公載號文南邑諸生幼警敏有祖寬風試輒高等隆慶二年充貢任江陰訓導丁外艱服闋補宜興性輕財嘗以已所構廬分讓其弟工古文及詩詞有三餘館集行世

同里志

卷十一 仕宦

六

陸府修字禹績號永菴性孝友有經濟才萬曆己卯舉人選授婺源教諭直指疏薦陞知縣竟浩然歸嘗與顧元玉同上公車顧求婚未納采而顧亡府修曰吾心許矣豈可以死背耶竟成其婚吳默未第時避難府修所府修厚禮待之三年如一日營別墅於錢家浜池亭書齋梅竹牡丹芙蓉之時甲於里中本續先哲志

顧自植字公立號含素父曾志遺腴田百畝分授諸弟諸弟以居宅併歸之自植各倍其植共浮千餘金時稱友愛萬曆二十年進士初授封邱知縣丁父艱歸服闋補都陽知縣時閩人權稅湖口侵漁暴掠重臣莫制自植正色與爭收其權歸臺臬臨不敢肆諸生口一謬以奇冤繫獄十三年自植白其事出之并復其弟子員至後登高第歷柏臺人以其服其神明縣多山虎患尤劇自植命衆用膠粘柵得數屋散虎穴及出入處虎被粘黏皆跳踊咆哮墮穽而死境乃安自植以持稅事直聲大振召入為刑曹尋為禮曹官至江西兵備道卒見邑志

顧而尹字任卿號莘巖萬曆辛卯舉人性孝友文行並重於時既登賢書益湛深經術以道學為己任從游者日益衆時以方不其山白鹿洞焉居家簡重不肯干謁守令時吳默負才使氣傲昵一世獨於而尹折節住還歡好無間屢上春官不第謁選授桐鄉教諭任三載奉祖母二親於署中左右就養必備甘旨身則布袍疏食而已以德行文學切劘諸生一時有師道尊而善人多之譽中丞直指交章薦而遷卒僅遺襖被所著有易統行世餘文詞

載邑志

見續先哲志
下一傳同

馬神徵字脩吉號劍巖萬歷己酉舉人后恆砥礪志節不安求進登賢書後潛泊寧靜一如爲諸生時初授江西東鄉令識艾千子南英於諸生中性亢直不善事上官遷桐城會左光斗遭黨禍神徵撫恤其家不爲威惕時論隨之丁外艱徙隴歸服闋補倉梧教諭尋授懷遠令撫輯盜獫吏民安之陞福州倅因入覲遂解組歸初大父某拾厠間遺金八十兩少頃其人號泣至曰我於此失去官銀必授榜抵罪神徵大父乃悉出還之彼遺金者朝夕祝天爲祈福故誕神徵焉

任大訓榜姓字六詒世德于幼爲道士年十四棄去習舉子業從外家薛姓補青浦縣諸生中崇禎九年副榜舉賢良方正授成都通判擢衡州府同知有妖尼天然聚衆劫掠計擒戮之擢知湖州府已納款從間道歸知父被禍遂長號入吳知父已斃獄乃假爲丐者負屍出殯葬絕意進取剪髮作頭陀自號紫光居士後疾革發其著述於之長慟而絕年四十六見邑志下一修同

章樞序姓字元修號木公青浦縣諸生崇禎庚午貢入太學初選靖江教諭改貴池例得作縣以淡於宦情遂不復出爲人意氣豪邁高談雄辨四筵皆驚屢東尚書王帖雲雅器重之性又好結交橐貲千金悉爲人貸去老而貧困亦無悶焉

沈致祥字孟旋號端木天啓時貢入太學任訓導平生樂善好義非法不言戴笠幼孤無依致祥識其異養爲子教

同里志

卷十一 仕宦

七

之成材授以室此一事已足紀矣本編先賢志下同

朱賢號惠泉仲南裔孫初爲邑諸生援例入太學萬歷中授臨臯府陵水縣丞清慎自矢綽有才干幹時地方熟黎構生黎作亂臺司發兵討之賢以文吏供武事著軍功撫按疏薦陞王府紀善在任踰年致仕歸

吳默字因之資性沉敏萬歷壬午舉於鄉壬辰會試第一授兵部主事以艱歸己亥補禮部有無錫某餽以珍寶值千金求疏叙其少某官蔭默謝曰彼嘗得蔭具疏吾職也何賂爲卒却之癸卯遷尙寶司丞進少卿舊制董卿班在詞林前已漸失其故默毅然建議復之詞臣或以爲非默曰雖違衆禮也貽書往復卒不屈因目爲吳鐵漢未幾謝病歸改通政司叅議歷左參政乙卯進太僕寺卿默立朝最淺遷除皆不赴職然時論高之每會推必首及之崇禎中卒年八十有七見邑志

大清

陸雲祥字嘉卿明天啓甲子中副榜丁卯舉人幼穎敏好古文詩賦既登賢書則益厭薄制舉業日取史漢讀之愛唐人苦吟方自得博覽始爲奇之句故所作不踐前人蹊徑自成一言性高曠淡於榮利家貧常日午未炊內子或詬之若弗聞也順治間爲鍾離教諭學宮大成殿傾圮爲之更新撰記立石直指衛公以爲賢疏薦陞掖縣知縣嘗言於撫軍捐竈戶逋稅八百兩掖民感之已而以不習吏事且老苦折腰一載謝病歸而啓其笥僅餘清

俸二金耳年七十一卒著有鶴軒集等書子璣字斗三吳庠生好古工詩能世其德

水續北
哲志

沈自南字留侯順治壬辰進士性恬靜寡言笑惟好著書兀坐一室雖當道聞風請謁罕見其面爲律陶詩四十首以見志後迫於功令授知蓬萊縣未久卒於官年五十五所著有藝林彙考及歷代紀事考異樂府箋題等書子永義字二聞以兄名補弟子員故諸選本作永仁而沈氏詩錄作永義永智字四明皆謹厚工詩爲舅氏顧有孝所稱賞孫始樹字景淵爲人耿介絕俗博學強記文辭高古秀水朱雋尊重其有祖風裔孫培生字峻天號逸溪邑諸生能文章工詩善書法文待詔趙松雪

見邑志下
四傳同

吳之紀字天章祖瑞徵明萬歷中由進士爲工部虞衡司主事以廉能稱陞饒州知府擢河南按察副使之紀順治六年成進士授工部主事轉湖廣按察司僉事所轄荆河一帶地卑窪歲苦淹沒之紀興築隄防民患以息尤善斷疑獄賑飢荒軫恤商旅調劑軍民時稱循吏尋乞歸不事生產惟以詩酒自娛工書法其臨摹在米芾間所著有適吟草好我齋集子楫以能文知名於時孫庸熙字公亮國學生容大雅綽然有祖風口凌烟職方宰新寧時庸熙在署五年詩酒外不與一事生平與人交寧人負我無我負人卒之日莫不爲之嘆息著有楚遊草曾孫起元字復一生平厭棄俗學精研六經所輯詩經叶韻一書辨析微妙獨有會心自葺陋室曰草草居草草於居者殆不草草於其學者也

同里志

卷十一 仕宦

八

周爰訪字求卓號裕哉以康熙癸卯領鄉薦甲辰會試廢八股策論取士聯捷禮闈歷任寧晉榮陽知縣丈田有方軍興供應無闕擢昆陽知州時吳三桂初平民多流散勞來安集歸者踵至復調南安州治如昆陽在滇凡七年課士興教邊民皆知嚮學禮部儀制司員外未任丁內艱服闋補祠祭司進郎中出典山東鄉試旋督學江西試瑞州歷臨江建昌撫州晝夜校閱其衡文以理爲主榜出人無間言次按袁州竟以精力告瘁卒於任年六十九生平交友惟一真誠同年友梁溪張某沒滇中任所有遺糧未清力爲悱惻申請護持遣孤俾得回籍天性儉約布衣蔬食率以爲常歷任令牧部曹並有冰蘗聲其赴昆陽也子身就道附屬邑巡檢舟入境方知爲州守云崇祀南昌府名宦祠本學鄉賢祠所著有有容堂真稿學使條約南昌府志周氏族譜裕哉詩稿子士濟字文錫邑諸生尋例入太學候選州同知未及謁選卒性孝友與仲父同居恩誼甚篤以仲父所居狹爲割宅以益之從弟貧割腴田以育之自傷事親之日少因又號二懷以志明發之慕云

陳沂震字起雷號捐亭歲貢生鐔長子博學工詩有盛名康熙庚辰進士初授四川慶符縣行取爲營繕司主事歷官禮科給事中丙申廷試稱旨命督學山東庚子竣事轉刑部掌印給事中旋以衰老乞休卒於家所著有捐亭集微塵微帶二集海岱聯吟

顧璜字濱玉康熙丁丑拔貢爲南陵教諭南陵士子多感形家言構訟璜引司馬文正公葬法反覆曉諭訟少息其

下流至以妻貨人墮屢戒不悛乃言於按察司使嚴禁之俗遂變年八十餘告歸卒

顧炳文

榜姓

字星若號晴川康熙壬午舉人知福建永定縣居官廉謹遇大疑獄輒祈夢於城隍神辨其是非斷無枉其潔己愛民為七閩最永之人其尸祝之可謂學道愛人者矣

龐景芳字欽文號介軒康熙壬寅由貢選授池州訓導工制舉業幼從葉丹桂遊每歲科試必冠其曹與陳沂配王

植王棟馬雲襄王前范鴻業結七子會課一時以祭酒推之其任池州日以德行文學切劘諸生工行草書有黃

廷堅米芾父子風格在任六年告歸十年卒所著有畜德編介軒詩鈔子叙典字慎五亦能書工詩

見詩

王錫字觀揚號半溪康熙丁酉領浙江鄉薦三上公車不第選授江寧令率為江南會城地最繁劇錫廉潔自守供

億不足則出家財佐之三年調任豐邑邑瀕河河憲歲徵工料司此者多殃民肥己錫託以陸路艱運辭謝之永

准為例民咸戴德時值水災理荒政閱實其男女老幼之衆寡便宜行事全活數十萬人上吏拘於文法以墨誤

罷職而城南二頃盡安家居輯家譜墓域建宗祠恢祭田以及平道路埋骼憫恤孤寡其善行不可枚舉性嗜

水周書

詩酒所著有棲碧堂詩稿

金廷烈字竹書少負遠志尋例入太學授泉州經歷未任丁外艱服闋補柳州值義寧逆苗蠢動上委往偵之廷烈

正色論以禍福寧遠平未幾粵苗勾結楚苗隨經略張公廣泗征勦賊平得軍功丁內艱服闋補韶州經歷署廣

同里志

卷十一 仕宦

九

寧縣篆歷攝永安運平東莞篆俱以能吏稱大吏交薦擢知澄海縣定海漁大洋之桁位平河水之衝決擒劫尚

之巨盜奏陞南澳同知乾隆丁亥委辦京差卒於南昌邸舍年五十六所輯有居官必覽澄海縣志予以城字矣

山太學生例授州吏目補江西建昌佐丁內艱服闋補保定府祁州吏目嘉慶六年直水患委辦賑濟以勞卒

於官年六十四

本金氏 譜傳

龐曾瑞字敬持號錦江為人警敏誠懇篤於孝友待兄心力殆盡乾隆甲子舉於鄉屢上公車不第戊戌選授金壇

教諭莅任後值亢旱冒疾祈雨一月病益增重仍不少懈因至不起僅任半載卒於官士民惜之子字大鈺商彝

水周書 譜傳

王曾翼字敬之號芍坡康熙丁酉舉人棟孫康膳生廷錦子生而岐嶷過目成誦年十四補郡諸生乾隆癸酉春選

拔是秋中第七名經魁庚辰成進士授戶部福建司主事乙酉補陝西司主事丁亥遷貴州司員外郎戊子充順

天武關鄉試同考官己丑陞雲南司郎中監督寶泉局以父病乞歸旋丁母艱乙未服闋補陝西道監察御史丙

申掌京畿道察院丁酉充順天同考官京察一等旋擢甘肅甘涼道子然以廉潔自矢辛丑逆回蘇四十三等爭

教倡亂親冒矢石亟募民夫晝夜防禦賊勢稍平調人省垣管理軍需要務兼理藩臬二篆一身領四職晝則剖

決諸務夜則檢閱文書達旦不寐者兩月督師大學士公阿文成公以曾翼居官勤幹會甘肅監糧出結事畢吏

議落職貧不能歸總督李公侍奏留督修蘭州城垣癸卯工竣奉旨補平涼府鹽茶同知未任有回民田五等復糾衆滋事隨制軍李公統兵進剿賊勢甚張陷通渭攻靖遠圍伏羌靜寧而伏羌之圍尤急單騎調帳下兵疾馳救之賊敗圍解旋奏蕩平以勞績得軍功陞鞏昌府知府丙午州西甯道調蘭州道三橋臬案疑獄多所平反庚戌大計卓薦辛亥入覲准加一級回任候陞甲寅春卒於官年六十二人學問品綽有古大臣風所著有居易堂集

王宗導字德音號懋堂少遊太學出太史鄭名虎文之門乾隆己卯應順天鄉試薦而被落越五載始得議授廣東東莞縣佐居官清謹上官器其才委攝西甯東安陽山四會長樂興甯諸邑篆歷有政績會縣有船賈以禁錢被首廉知其誣得免坐賈感備金爲壽磨之不受陽山縣有虎患適歐陽姓殺人詐稱虎啞成疑獄毅然請會勘在廟研鞠夜聞鬼號始得其實置之法士民感德尸祝於社之西序同事欽其誠感官聲大振時考績居最制軍李名侍奏題補龍門縣令未及赴任丙申夏卒於官年四十七粵東素稱富饒宗導歷官十餘年以廉潔自守易費之日囊橐蕭然可稱古之循吏焉所著有演尋雜咏本手天培撰傳

王錕字振伯一字雲峯號翠庭孝廉時彥孫孝廉堡子太學生邦基嗣子乾隆甲午經魁戊戌進士授兵部車駕司主事歷遷武選司員外郎稽濤冊定章程中樞綱紀釐然整肅上官嘉其能保送御史適大學士阿文成公領兵

同里志

卷十一 仕宦

十

部以錕每事幹練奏請留部己酉充貴州副主考庚戌出守大名署大名道篆元城境內紅花隄屢決錕相度形勢順流疏濬至今無水患民賴之辛亥調守保定省垣蒞任後嚴飭州縣凡車馬夫役勿使擾累民間廉得大府署中猾吏張三招搖撞騙單騎率數十人掩執至郡訊鞠吐實置之法闔郡帖然壬子高宗純皇帝巡幸五臺路經保屬錕奏對稱旨賞資茶渥旋奏署清河通永永定河道丙辰俸滿大府梁公以錕才守兼優保奏授甘肅鞏秦階道會逆匪張漢潮寇錕督率鄉勇奮擊出境轉危爲安嘉慶己未授浙江按察使司以軍務未蒞奏請留甘誓圖綏靖積勞成瘁卒於伏羌公歷年五十有三大府聞其績於朝賜全祭葬卹贈光祿寺正卿崇祀昭忠名宦等祠賜建本邑專祠春秋崇祀恩廕孫應模縣令職具官直隸時編輯畿輔安瀾志六函卜三年九月議叙通判子履泰於回鑾途次恭呈御覽奉 上諭所進王錕志書於直隸通省河道原委辨証明晰並將古今修防事實詳悉登載足資參考着 武英殿用聚珍板排印以備陳設頒賞王履泰着發往直隸以通判卽用欽此外著有先正修身格言數十卷及聞喜齋集使黔集岷陽雜着

王祖武字繩其號蘭江曾翼子天資聰慧秉性樸誠乾隆乙未補郡諸生由博士弟子入國學庚子中順天副榜癸卯北闈值吏部考職名列一第一名授職州同知是科中式四十三名舉人丁未中第卜名會魁授翰林院庶吉士檢校四庫全書事竣乞假省親己酉散館二等五名改工部虞衡同主事以母疾乞假赴甘壬子補刑部湖廣

司主事甲寅二月丁外艱躃踊奔喪哀毀骨立抵甘扶輓南旋喪葬盡禮丙辰服闋補刑部浙江司主事嘉慶戊午典試陝甘己未遷直隸司員外郎畿輔被水近京災黎羣來就食蒙恩五城平糶派監南城設廠平糶督率司坊稽查吏役莫敢舞弊庚申充武闈鄉試內簾官旋擢江西道監察御史壬戌夏卒於官年四十五勤學孝友居官貞廉所著有居易堂後集

同里志

卷十一 仕宦

同里志卷之十二

人物志三

科貢

科貢士子進身之階也然或傲岸不肯折腰或時會阻於積薪弗登仕版者多有之矣雖功業不顯於世而德行可尊於里者當表之志科貢

凌昌

王寵

任之重

顧曾璘

沈志英

錢琳

陳紹文

嚴振先

陸瑤

陳銳

陳鏗

吳祖彬

王文沂

王棣

朱洪斌

陳士醇

陳時彥

俞韓

顧我鈞

陸凱

吳濂

王傑

許金塔

袁益之

王承愷

顧汝敬

陳

同里志

卷十一科貢

凌昌字正卿家世業儒性聰慧強記尤達於書微詞奧義多所發明從元儒潘如珪遊至正間舉於鄉會道阻遂不就試以圖史自娛為文章汪洋而明潔放言極論一歸於理洪武十二年舉明經授縣學訓導遷太平教授卒於

官按先哲志云承部徽分教邑岸仍薦之當路未及謀位而卒蓋教職未授職故云所著有儀古集參先哲志邑志獻集

王寵字履仁更字履吉號雅宜山人守弟資性明敏少與兄同學於蔡羽居洞庭三年既而居石湖之上又二十年

非歲時省視不至家遂於書無所不窺文藝無所不能為人蘊藉自將溫淳恬曠與物無競所最相善者文徵明

唐寅而知府胡纘宗亦深器重之嘗有人持千金欲得其一言於纘宗寵不顧應之人有尤焉寵謝曰人所為重

寵者能潔修耳使自污將見輕而又因以為利耶其有守如此寵才名過其兄兄早貴致身華要而寵八試棘闈

不利僅以年資貢太學竟齋志以卒年方四十所著有文集四沈志作二十卷詩刻尚風骨擺脫輕靡書體迥秀妙得晉法與祝允明齊名按明史纘傳但云行楷得晉法書無所不識而不詳其詩○參獻集邑志纘先哲志列朝詩集

任之重字道村致子少其特不凡補吳邑諸生尋以歲貢入太學嘉靖癸甲間倭寇人犯蘇松之重素精壬遁韜鈴之學遂借兄秀之之後參贊軍務屢獲戰功泊寇平上憲欲題授以官不就而卒所著有六壬舉要文集八卷見任氏譜

顧曾璘字元玉號華陽萬曆元年亞魁嘗從袁了凡游以致知力行為務博稽聖籍著述滿家兼精岐黃置祭田立

義家殆所謂文行並美者歟本續先哲志
下二傳同

沈志英字見吾號劍虹與故相國周道登同貢入太學相國雅重其文行敬禮之其後嗣丹泉以譽名於里

錢琳字仲雍崇禎三年舉於浙江出黃道周之門本居治城遷居櫛李中年復遷同里為人坦衷雅量不立城府性至孝孺慕終身每言及父輒潸然涕下斗粟之儲必減以給兄子或勸之仕曰吾性不任衣冠且為五斗米折腰獨陶元亮恥之耶庭多蔣花開邀知己共醉猶有晉人風格子聖域秀水諸生相繼而沒

陳紹文字西美王道曾孫九齡失怙執喪哀毀如成人博涉書史為詩文敏捷如不注思年二十中崇禎十二年鄉試嘗言士生今日先明出處不能為謝東山則為申屠蟠耳明亡遂絕意進取閉門課子遷於濂谷之學著有後沙語錄所錄有宋元明諸儒心學指要年六十餘卒本續先哲志
志邑志

大清

嚴振先字彛侯明廢生 國朝貢入太學高蹈不赴廣文之選策瓢屢空晏如也為人恂恂退讓厚重簡默一介不取於人昆季皆皈依三寶振先尤近於禪說得念佛三昧其逝也異香滿室八大菩薩乘空而來迎焉本續先哲志
陸瑤字斗光號雪崖邑廢生康熙辛亥貢入太學為諸生時試輒高等數奇不遇韋布終身沒後體光猶籍籍人口知士之不朽者固在此而不任彼也所著有東江集子永傳字萊逸邑諸生授徒講學能世其業及門之士多成

同里志

卷十一 科貢

一一

名者為人忠厚愷悌惜年老無子年八十四貧困以卒所著有漱玉軒偶吟本采錄同
里先哲志

陳銳字穎長號軼庭紹文長子康熙戊辰進士與弟鐔務實學敦士行世以經師人師相推所謂二陳先生是也五十後始獲一第沉潛嗜學於經史及二通諸書皆丹黃甲乙未嘗頃刻離也國初制義承明季之習怪詭不經銳與鐔力宗先正選刻程墨皆醇百篇風行海內文體由此稍變既久困場屋遂肆力於古文辭亦並有聲所著有秦阿於餘稿子沂配字艾山號息存邑諸生嘗從父銳授經於徐司寇健菴家時司寇纂修一統志開局於洞庭西山四方名士俱集沂配得與諸前輩相接洽聞廣見故所作詩文皆有宗法諸先輩皆為歎賞所著有息存遺稿孫士載字昂張號梅軒縣學生性剛直人有過必正言相規朋輩敬憚之其繩督子弟有太邱家法常嘯歌自適所居後圃有老梅數株花時邀二三同好鳩咏其下後得瘵疾卒所著有梅軒詩草曾孫毓良字傳野號晴巖縣學生幼穎敏所讀經史諸書能背誦不遺一字為詩文劇敏捷過人中年客授濟南卒於高舍參邑志詩徵
下一傳同

陳鐔字霜赤號廉泉銳弟康熙庚申舉明經少與兄銳並以文章負海內宿望後喪哀毀以沒世尤重之所著有課花齋詩鈔子沂震載仕宦傳孫士任士寧士任字彥仲雍正癸卯恩科舉人士寧字安叔康熙庚子副貢士任次子毓升載文學傳士寧子毓成字受之號芝房嘉慶丙辰進士授國子監學正亦達於詩古所著有紅樹莊詩鈔毓升長子兆牧字觀岳號春帆歲貢生亦能詩文著有語花居詩稿次子兆驥字駕千忠謹莊乾隆甲午舉人

選授宿松教諭未任卒兆牧子與瑞字賦蓉早歲能文弱冠游庠沉潛力學惜早卒

吳祖彬榜姓字謙六瑞徵曾孫康熙甲子舉人十上公車不第而中人之產盡矣其沒也陳沂震哭以詩曰無多負

郭頻書券強半消磨為蹇驢蓋紀實也見詩

王文沂字映薇邑諸生謂子生有異質少孤事母盡孝敬事伯仲兩兄如嚴師沉潛力學郡試冠軍補郡諸生旋登辛卯賢書三上公車累薦不售坦然無介意益肆力於諸書辛丑會試因母疾不果母促之始行場後聞計奔喪終身飲恨服闋後值計借無心北上或勸以顯揚為孝乃入都卒於邸舍年三十七士人惜之本周俊

王棟榜姓字偉岳少孤與兄植奮志嚮學俱列膠庠兄早沒撫孤姪如己子康熙丁酉與姪錫同魁浙榜生平親親陸族繼兄之志為通族積貯做范文正義莊故事其他獎勵後學經紀善事一以公道主持所著有偉岳文集本

我錄

朱洪斌字文蔚授例入邑庠歲貢入太學品行端方書法顏魯公筆意閉戶講經論文盡得陳紹文法從游甚衆焉父厚甫明參同契丹成丸轉聞空中有子孫氏傳之句後數年果應其言見意中

陳士醇字子大號蓼莊沂震姪雍正癸卯恩科舉人二歲父沒於滄州旅次未繪像及長延畫史詔伯叔戚屬追摹遺照歲時展祀極誠為人氣度冲和無疾言遽色其舉於鄉也出漢陽徐正峯之門繼徐公調任江邑士醇終年

同里志

卷十一 科貢

二二

不履公庭及擢守蘇郡曾無片紙竿牘而座主北平黃公叔琳能職浙撫寓吳門士醇時往謁修弟子禮不懈其於炎涼間固異於翟公之客矣見詩

于時彥字俊求號莘耕文沂弟神姿清淑少穎敏嗜學年孤露事母以孝聞事伯仲二兄惟恭謹備叔兄下帷攻苦早入塾序雍正己酉舉於鄉遇親舊恩義有加外舅歿迎養外母終其身喪葬盡禮鄉里高其誼曰為真孝廉卒年四十二以孫鏡貴 誥贈通議大夫本周登

俞韓榜姓字石洲其先歙籍與其兄武班弟武琛俱以商籍遊仁和縣庠韓為人恂恂退讓攻帖括嘗寓居虎邱山房三年不出戶外故始遷同里人罕識之庚子中浙榜雍正癸卯登恩科進士乙巳授江南鞏縣知縣未任卒於京邸武琛字再莘文行一如其兄雍正乙卯舉人乾隆丁巳成進士本吳涿增

顧我鈞字陶元號髮千乾隆甲子經魁方為諸生時已名噪大江南北弟子著錄者數百人其在京師也館於秦大司寇蘆田邸第奉公奉 命修五禮通考因預參校焉生平著述甚富識者謂春秋去鑿一書棄取取瑜亦集狐成腋為從來說春秋家所未有惜自襄公以下猶未竣事也已刻者律賦彙鈔髮千訂課松陵者舊集勤補堂文

稿等書行世子後藝字器先少孤能讀父書弱冠即為諸生早卒無子人共惜之水顧汝

陸凱字舜揚本邑之東濠人因為里中顧蓋臣婿遂居同里雍正甲辰副貢精於制義居鄉教授從遊者多綴科名

里中王錫王時彥顧我銘周晉皆其高弟也著四書制藝選授海門教諭未任卒士林惜之子鴻業以一衿終本
我銘
錫傳

吳濂字淳發號雁菴通經學古弟子甚衆周元理兄弟其尤也姚世榮督學江西聘佐文幕掌教豫章書院立學規
造就來學士風不變所選制義是程諸集海內風行以歲貢入太學卒年七十六弟洙字泗傳名諸生著有增輯
同里先哲志吳叔子集本史乘長
撰墓誌

王傑字連城號素亭時彥子少孤爲世父撫養穎敏過人讀書目數行下成童卽熟經史諸書嘗見僧徒誦大悲咒
愈云梵語難識傑受持一過誦無遺字僧衆大驚弱冠補邑諸生從海鹽進士吳名懋政遊工制舉義刊落浮華
一歸雅正淮南太史阮名學濬稱其文有慕廬先生風格著有素亭制義行世乾隆丙子舉於鄉再試禮闈薦而
被落卒年三十三以嗣山子錕貴 賜贈奉政大夫本阮學
濬撰傳

許金塔字觀韓性聰慧博聞強記遂於書無所不窺乾隆庚子舉於鄉未赴春闈而卒本顧汝
敬誌墓
袁益之字扶九號竹軒歲貢生少承其父棟家學藏書萬卷披尋略遍作爲文章銘經鑄史淺學莫窺其底蘊族弟
景輅舉竹溪七子詩社益之爲首沈文憲公亟稱之生平以禮法自持造就必軌於正戚友皆嚴憚之長子志讓
字遺安幼秉夙慧讀書過目成誦卒年僅十五詩文便已驚人有詩選入松陵詩徵本袁
諸傳

同里志

卷十一 科貢

四

王承愷字昆表號爽亭資性剛敏能文章博通經籍爲名諸生試輒高等食餼於府庠秋闈屢薦不售貢入太學居
家教授一時名士皆從之游晚游京師不久卽歸仍家居教授兄弟一堂同享高壽有怡怡之樂云

顧汝敬原名汝龍字配京號蔚雲博涉書史爲諸生邃於詩文試輒高等廩於庠乾隆乙巳貢入太學嘉慶甲子 欽賜
舉人著有同里志稿子兆曾字鶴齡號恂堂少穎敏弱冠卽遊庠明年以科試第一食餼戊申以魁薦不獲售工
畫山水得張棟指授仿王原祁筆能神肖識者珍之著有五經疑恂堂詩草元明畫師類姓錄等書

同里志卷之十三

人物志四

仁壽

仁者宜壽五福之首於世未易數數見也里中有之允宜昭茲來許志仁壽

李真子昱

任伯通子德

章化光

顧而謀

顧士律

顧鼎隆

周顯

陸雲慶

周祚新

孫承恩

朱夢驚

朱夢鯉

陸琇

張歐治子拱瑞孫長應

顧世梓

嚴仁

顧慶文

任乾子德森

顧鼎勳

王景益

嚴孚敬

吳之彝

吳之胄

龐宇侗

周爰謀

王之相

王之梓

浦友慶

王尙文子樹芬

徐煥

葉永億孫懷坤

顧受介

范景烈子時勉

范景燾

沈煥新子培源

王銓子宏業曾培

同里志

卷十三仁壽

袁學洙

姚世法曾孫輝

顧我柏曾祖世美祖佑嗣本生父啓濬嗣父啓泚

凌學瀨

顧傳師

陳天揆

任球孫讓

任琳子祖望

朱光震

任思敬子鳳輪

顧懷慈

元

李真字允真年三十喪妻未葬偶他出家失火焚其棺真歸號痛收骸骨葬之而虛其左以自待終老不再娶子昱字景昭常明初嘗輸粟百斛賑飢有司詳旌以冠帶辭不受人稱其世義云真個儻有為襟懷洒落性亢直篤於行義見貧困可矜則惠粟以周之雖豪貴有過亦正言以折之心地坦夷是非無所隱嗣續繁昌享上壽以終景昭弱冠掌糧儲裨贊邑政事無妄為言必當理鄉民皆信服之

明

任伯通字公啓明初自宜興來吳江卜築龐山湖濱居焉性好道學參究道德參同微旨恬澹無為不慕聲利翊靈道院歲久傾圮伯通獨鼎新之又建道經堂所儲不下道藏之半焉又於院東栽桑種竹結廬其中朱仲甫題曰棲逸草堂吳驥嘗有贈詩以太學諸生邑舉德行給冠帶授承事郎壽九十卒子德邑諸生工詩與顧寬兄弟善有詩載感梅集

章化光字陽峯以諸生入監博學高才剛毅有守嘗有某廣文奉聘入籠以東招化光欲爲之援引化光謝曰以饋營取科第何以對妻孥卒却之陳侍御王道幼聰穎化光誦爲大器憐其貧延之家塾三年王道得成名然性極高亢不與人接人多不滿者本城先哲志 下二傳同

顧而謀字振魯曾唯第五子仁厚謙謹敦行孝弟以羅星洲砥柱諸水下流繫一鎮文運攸關溷沒歲久倡議築基建關聖祠捐多金爲衆先天啓辛酉長子祖奎舉於鄉官二千石爲明忠臣同川自此文風丕振科第繼起

顧士律字太和邑諸生生平謹飭與人交煦煦然無忤色嘗有周氏將營葬父母其墳塋在士律居第之南形家言有妨左右隣里將誹禁之以謀於士律子孟明孟明以告於士律士律曰不可葬親孝也何可阻脫有妨命也於是周得畢葬云

顧鼎隆字爾調邑諸生固窮之節范丹董京堪鼎立也迺寒積雪臥無衾席以稻草兩束藉地夫婦和衣而眠明日天雨炊無薪以所藉供竈至夜端坐達旦貧困如此親友周之亦不輕受終身不識縣門

周顯字文明太醫院使鑄孫幼爲隣翁鄒昇後能父昇母昇妻有幹蠱功昇老始有子爲撫之成立盡舉其業歸之無所取焉又爲償其通人以爲難嘗假人錢百緡不能償者輒焚其券其躬自厚而薄責人又如此本城理 陸雲慶字善卿又字景卿諸生府寧次子邑諸生性好學博覽羣籍嘗選唐詩類編又輯四部類稿六十四卷十年

同里志

卷十二 仁壽

而成中年篤信禪悅究心大乘注金剛經文約義明能補宗泐所未逮歲荒佐其父賑飢施粥嘗脫妻簪珥以易米與兄雲祥友愛析居後非風雨必候起居年六十六無疾而逝子璿字殷六邑諸生著有關中集琇字淇侯並好學潔行爲里人推重本城先 哲志

大清
周祚新字永之家世業儒明理敦倫孝友之稱重於鄉黨積學嗜古經史而外凡星卜堪輿之術靡不究心塵談塵聽聽者忘倦平生信義待人無纖芥之僞還遺金濟貧乏罔不稱爲仁人長者啓迪後進立條約以表率之弟子多所成立順治中累舉鄉飲大賓子爰訪成進士初不以子貴而易操一時德行莫之或先也年八十三而卒見 邑志

孫承恩字環川弱冠葬祖孝養父母撫育幼弟皆爲人所難能嘗捐金修慧日禪院及洞真觀又觀前爲之鑿石岸砌石街植榆柳順治十年縣舉耆碩按院給年高德邵額卒年七十七子鄂字萃彥孫澄深皆虔修遵社克承前

業本城先 哲志

朱夢葵字元正本城先 哲志世孫邑諸生事親孝遇族黨有恩年九十五步履安祥而神明不衰明宏光元年邑令葉給文著額 國朝順治八年邑令周舉鄉飲大賓給八廟人瑞額真年高德邵而爲行地仙者也本城先 哲志 下同

朱夢鯉字化正章志教授四十餘年諄諄以孝弟忠信爲訓初大父得奇疾伏枕三載夢鯉佐其父養病床蓐雖風雨之夕必歸侍焉遇親友緩急竭力拯之拾人遺金還之好元學於靈寶泰同諸書皆能究其奧年八十四浴水而逝人以爲水仙云吳門越蔣題曰沛國惇史

陸琇字淇侯年十二鼎革時營兵擄至鎮後訪知得歸及長蜚聲藝林咸屬金世漢囑學使某欲援之琇託病不與試世漢益重琇延爲塾師後因其子任澤州世漢以印篆託琇一僕賂求用印堅卻之居家和順以承親撫孤姪某至成立博學善吟詩著有客窗吟綠窗吟釣灘集又有松林八景詩善畫者因詩補圖裝成巨冊遠近名流跋和者不下數百家從孫廷聘什襲藏之足徵前輩風徽本吳涑增輯先哲志

張國治字安字性好施捨飯僧二萬餘名遠近橋梁寺觀往往捐貲以助工康熙丁未邑令舉鄉飲賓年九十四無疾而逝子拱端字君舒孫長歷長元相繼爲里中稱其世德本續先哲志下同

顧世梓字玉林順譜作維事親能孝嘗爲叔元節構室同居備極周恤弟益堅早亡撫其子女成立外舅無子迎養二十年歿爲營葬並爲置後嘗曰施而自德不如勿施德而責報與無德同年六十八卒父祖義字元方屹屹燈窗艱於一衿壽同賈至士林共惜之

嚴仁字子恭明自嘉靖以前役務煩重吳江尤甚仁承役不避知縣喻某禮重之每遇歉歲出粟貸鄉農弗計償否

同里志

卷十三 仁壽

其歿也徐師曾爲之銘見任兆麟吳江續志

任慶文字孟卿爲人忠信篤敬自紳士大夫以至里中父老皆敬服之歲收租入遇不能償者輒銷其籍佃農皆感

頌之生平行事庶幾在邦無怨在家無怨云本續先哲志

顧夢乾字易始諸生大任子國學生生而淳篤年十五卽手書晦翁存忠孝心行仁義事八字揭之座右曰如此可

成人侍父三十餘年晨夕不離父歿置祭田以供祀事生平布衣蔬食能甘淡泊所著有孝經釋義一卷杜律含

英二卷子德森字啓元國學生與里中王前朱虎林吳濂輩飲酒論文日相過從本續先哲志

顧淵勳字盡臣謹愿老成勇於事功里中小川橋捐貲易石行人賴之又精瘍醫濟人康熙中舉鄉飲賓里中皆敬

服之見顧諸

王景益字受茲爲人胸中無瑕顧遇事每視人猶一體于而輒應以館穀資生不忍負人一錢過歲飢嘗以糠粃自

飽偶有斗粟見餓者輒給之無吝色病革撫其子孫笑語自若怡然而逝本吳涑增輯先哲志下同

嚴孚敬字萃彝府庠生楊先子也楊先博學工文屢躋場屋金文通之後乃其始文也欲援引而辭之其安於義命

如此孚敬恬退似父一室中書史自娛淳心實行並有古風又勇於爲善康熙九年大水殷家橋鄉人貸米二百

餘斛籽粒不責其償人感其義呼爲嚴佛子著有易經解

吳之華字繡石性孝友從外舅任大任學書館之暇祖孫父子兄弟融融一堂日以爲常父館於外則奉母惟謹兄
喪偶遺一女撫之如己女幼善屬文賦詩談於功名不慕榮利能以禮義自守親戚有困乏周之惟恐不逮訓子
姪以禮義爲兢兢晚以詩文自娛著有素菴集吳氏家訓卒年七十五

吳之胃字介臣之彙弟孝親敬兄視田所得脯修悉以奉父母人或貸之一無所吝恆不責其償晚年常笑於僧
房寂靜之所曰非佞佛也爲遠俗耳卒年八十有八

龐宇侗字德初吳志作繼六世孫幼英敏力學有聲士林鼎革時痛父極被盜所焚備言父生前之苦輒涕泣不止
性醇厚康熙丙寅邑令郭舉鄉賓以尚崇德懋四字旌其門卒年八十

周爰謀字孔嘉爰訪仲弟至性過人年屆耄思積累而穀鄉人有乞假必應夜半有人叩扉詭言卅次大廟口爲夜
客所窘須二千錢以解如數與之其好施若此居市廛數十年恂恂有儒者風鄉里推其行誼康熙中累舉鄉飲
介賓年九十一卒本周晉
撰行略

王之相字沂鍾邑庠生生長富厚蔬布終身爲人寬厚尚義比隣周爰訪爲祠部時貸以貲倍償之弗受強之乃受
其半鄉黨多以此德之居家出入處必書先儒格言自警卽以誨子弟墾廬掃少孤遭家多故之相收恤俾立室
家恩意至厚繆居三十年圖書自娛怡然忘老卒年七十二子謂爲名諸生孫文沂時彥相繼登賢書皆其餘慶

同里志

卷十三 仁壽

四

也水麗民
與撰傳

王之梓字子遜景益子居鄉以耕讀傳家宅心仁厚與人交不以貧賤富貴有二致教子弟惟以孝弟勤儉因果報
應諄諄不倦子大業字錫成新穎字大成後先遊庠一庭之內和氣藹如之梓優游晚景年九十一而卒本吳洪
增稱先

浦友慶字紹德爲人謹慤不要虛譽爲里中矜式乾隆元年邑令口舉鄉飲賓本采錄
生哲志

王尙文字周際號紉齋吳邑庠生孝友尙義父歿家產悉與兄弟共延名師教兩弟俱登賢書撫孤姪至成立通族
祭產設法贖金生息增擴前業其他捐建義塾社倉每率先爲之倡著有家規要旨子樹圻字東郊國學生亦孝
友尙義乾隆八年捐九里湖蕩田十一頃本吳大
受傑傳

徐煥字天章太學生由周莊遷居鎮之稠裡圩有大木橋行人艱於步履乾隆十一年煥捐十餘金易石獨建名
秦來橋行人來往賴之本周晉
撰傳署

葉永億字友良樂善好施里中有不足者輒爲調濟乾隆乙亥歲飢邑令張勸捐永億出粟以濟鄉里貧乏後太守
旌以尙義可風額獎之孫懷坤字萬程少孤旋又遭祖歿承先志而自立亦能恤宗族惠桑梓人咸欽慕其行云
顧受介字景王仁厚謙謹敦行孝弟待親故曲有恩意宗黨有事一持公正斷之乾隆中邑令某舉鄉飲賓本采錄
先哲志

下二
傳同

范景烈字備武號承哉徵仕郎候選州司馬贈儒林郎少孤寡母訓捨棺給衣周卹貧困圩有太平橋將圯出貲重建乾隆二十四年邑令王用鑑舉鄉飲介資長子時勉字寶傳號懷溪儒林郎候選布政司理問克承先志嘉惠宗黨捐田產續乏嗣之享祀給衣食周無依之孤苦人稱世德云

范景義字履中識高才膽慎取予重然諾能以信義口人宅心仁厚待人以寬遇宗黨有困乏者周之惟恐不逮凡敬宗收族之事克捐金而不惜所謂諄厚崇禮者也

沈煥新字雷昭太常寺卿漢七世孫為人淳厚耕讀承先無故不入城市鄉里敦敬之子培源字海容幼好學工詩文屢試輒墮復以積勞成怯早卒族人以喬梓品行端方不忍沒庚午歲公請入本邑太常寺祠陪祀本吳鳴鏞撰傳

王銓字然明號澹園少補諸生性和厚有幹濟才勇於任事倡修飲焉得春諸橋而役之最大者如渡船橋并東西石塘數十丈首捐金以倡率里人自興工以迄竣事親視不少怠至於建宗祠修宗譜捐貲公產可垂於後世者不少卒年八十一子宏業字恆發諸生曾培字冀馴諸生工制藝為世典型嘉惠及門者指不屈勝曾孝字鳴揚國學生承愷裁科貢傳本王鏞撰傳

袁學洙字蔚傳候銓州同知家業素封乾隆六年邑令陳奠纘率建同里社倉學洙出貲捐粟為社長卒年八十四

同里志

卷十二 七壽

本同里
志類

姚世法字永言稟性真純敦行慈讓處事不與人爭常以古道照人尚德並尊鄉閭欽為模楷壽臻大耋與德配顧氏相莊偕老四次榮邀 恩錫卒年八十有九曾孫屢童年力學早工制藝四試場屋不售年甫弱冠遽患沉疴資志以卒人為之扼腕參任兆麟吳江續志撰任區編撰姚生傳畧

顧我柏字德貞曾祖世美字西谷祖祜禮字介福本生父啓濂字原岳嗣父啓訖字兼采年並踰八旬享壽考以終我柏性誠樸行端方言笑不苟待人必以忱悃承先令德勤儉治生始終無怠嘉慶紀元 恩賜九品冠帶壽八

十二而卒本顧朝諒撰傳

凌學瀨字紹淳太學生性孝友自少即善詩文與其內兄張棟齊名試輒冠曹後棄舉業慕遊隣省大僚爭相延致晚年家居以孝弟忠信為教舉止端方為里中矜式年逾八旬而卒子樹勳字策名少穎異從里中周育任思謙游詩文為儕輩所推旋嬰異疾遂棄舉業嘗為塾師遇有不足者輒以己所入貲贖人至不能自給人咸義之孫汝驥字軼凡資賦英敏力學工詩文善歐顏書能承其家學惜乎早世士林有童烏之歎云本任兆麟吳江續志撰

顧傳師字持恆附貢生自幼力學工文及門多知名士後得弱疾傳程詢導引術通岐黃就醫者衆甚性孝友與弟製錦同居事親白首無間族姪我鈞早卒託管家業迨遺孤後長即陽其業無缺又助親族中之貧不能葬者

無疾而卒年八十有六本願汝敬志薦

陳天揆字浩如有少才識雍正甲寅時年十八稷糠圩失火汲水無路延災連絡遂泚一坵內地捐建水埭義取既濟咸屬不能婚嫁者躬任之未葬者置移定畢籍字等圩葬之人有紛爭無不排解橋廟傾圮力爲建修凡嘉惠於人者不少未嘗有德色卒年七十有四里人誦其德不衰本徐鼎亨撰傳

任球字夔鳴少治舉業從吳濂游既入太學不慕仕進好尋佳山水凡江浙名勝之區靡不遍歷卽紀以詩年八十四無疾而卒著夔鳴文稿紀遊山水錄孫謨字廷采邑諸生積學早世本任兆麟吳江續志載下同

任琳字昆美太學生慷慨尙義乾隆三十八年鎮之西北捐建渡船亭四十四年捐建鎮北流虹橋行人賴之子祖望字興鎬太學生亦尙義疎財九里村永寧橋歲久傾圮將出貲重建而有志未成嘉慶十六年子振業興工重建

朱光震字景揚太學生有幹濟才勇於任事里中橋廟建修多出其手而役之最大者翊聖神院城隍殿及兩廡樓房門垣募貲鼎新往來親視寒暑不少懈年踰八旬卒

任思敬字秉義少攻舉業入太學年踰八旬嗣續繁昌五代同堂嘉慶十一年巡撫汪志伊藩司張師誠具題給昇平人瑞額 旌之卒年八十六子鳳綸字國華邑諸生有文名屢入秋闈薦而不售選腐疾卒著有丹峯制義

同里志

卷十二 仁壽

六

顧懷慈字祀瞻太學生練達時務勇於事功嘗捐田以擴土地堂基址其治家接物一循法度宗黨以爲矜式

同里志卷之十四

人物志五

文學

文學之士事業無所表見幾於湮沒不傳者然立言並於立德立功亦可傳之不朽此非才高學博者不能也若闡明經學尤人所難而世所重表之以勸後進志文學



- | | | | |
|--------|-----|--------|-------|
| 葉茵 | 吳惟諒 | 石益 | 陳謨 |
| 徐彰 | 陳玠 | 陳琮父文繼 | 朱煥 |
| 陳序 | 周國新 | 陳理 | 李瓚 |
| 沈泰衡 | 顧曾貫 | 顧曾瑜 | 章名登 |
| 顧潤先 | 陸府定 | 馬士節 | 陳元龍 |
| 周爰諮子純如 | 沈介立 | 朱鎰 | 任士奇父用 |
| 王景望 | 王化源 | 許士煥孫兆巖 | 朱鶴齡 |
| 章夢易子復 | 章學易 | 朱鑽 | 顧棟南 |

同里志

卷十四文學

- | | | | |
|-----------|----------|--------|------------|
| 葉丹桂子盛雲 | 袁之華 | 顧偉 | 陳爰詔 |
| 朱穆子寅賜 | 爰訥 | 陳鉉 | 袁潢 |
| 陳自振子沂詠 | 計朱培弟濂 | 周穢毅 | 陳自煥子毓德毓賢毓秀 |
| 馬雲襄子貽真 | 周杭 | 周俊濟 | 王本 |
| 王文炳 | 范孫慧子汝楨鴻業 | 顧棹 | 袁寧邦弟定海 |
| 任德成 | 顧我錦 | 王前 | 王杯存 |
| 袁棟 | 王植 | 王廷錦 | 顧佑行子晰 |
| 顧時行子桂林 | 姚岱 | 任思謙孫昌諧 | 沈鳳鳴弟鳳翔 |
| 俞希哲 | 張紳弟汝濟 | 嚴鏐 | 沈懿如 |
| 周育子南宮 | 顧鳴揚 | 袁景輅 | 陳毓良 |
| 王曾垂弟曾培子祖瑛 | 陳毓升 | 史乘長 | 鄭德勳 |
| | | | 周義父以恕 |

宋

葉茵字景文寶祐時人隱居高尚名其堂曰順適藏書萬卷有水竹墅別業十咏今里中水竹墅橋其故蹟也與林

可山友善詩格清矯慕陸龜蒙之為人嘗以龜蒙詩文繁富其成編者祇笠澤叢書松陵集餘多散佚茵葉萃遺詩合二書所載編二十卷名甫里集所著有順適堂詩稿參甫里集順適堂集

元

吳惟諒字士益八行先生之後按宋時有舉八行孝弟忠信禮義廉恥科少承家學高尚不仕與王逢善逢嘗贈以詩見梧溪集

明

石或作斤誤益字師善號野雲志趣清高文學博雅早歲往來三吳盡交湖海知名士故其才識優長聲譽日起既倦而歸卽洞真觀之後築室數楹瀟灑絕俗授徒爲業師道甚尊吟五七言詩膾炙人口明醫術以起人沉疴旁通課命以推禍福休咎巧發奇中故鄉閭皆敬慕焉本先志

陳謨字昌言初爲童子師於經史正句讀通訓詁而已及沉潛歲久學進理明才思煥發凡唐宋以來大家之集皆

含咀其英華摹其步驟故文章精敏過人而詩律有涵蓄學者宗之見獻集下同

徐章一作彰字天章其學邃於史書長於詩律辭鋒敏捷四座風生每時和景明與陳謨治具遊靈巖虎阜諸山窮日夜爲樂所至必聯詩寫景以歸人莫測其蘊也

陳玠字以進號樂素其先東平人元時有爲吳江州掾吏者遂家同里幼從黃本學博綜羣書善論古人行事成敗

同里志

卷十四文學

二

聽者忘倦爲詩追本唐人不以雕琢爲工也見邑志下二傳同

陳琮字叔振一作正號農隱玠從弟也父文德有學行爲鄉里所推重琮濡染庭訓凡經傳訓戒之詞古今爲治之道

博觀約取靡不有得於心詩律造詣盛唐長於近體書得洛神賦遺意永樂初嘗徵至南京寫誥敕壽終於家

朱煥字彥文號蘭室仲南孫器宇岸異才思清逸弱冠爲文章卽有老成之譽郡城巨族聞其名延誨子弟多所成就得交名公卿詩篇酬答襟懷洒然後嗣彬彬克全其歸而無憾者也

陳序號桂軒居士卓犖岸傲儻饒志略博極羣書工古文辭尤長於詩闕家井井有矩度內外肅然闔門長幼不分幾不析產白首無間言築牆周屋外課徒自給時稱牆裏陳家年二十餘食餼爲諸生祭酒真語書樂道之君子也本先志下同

周國新字開始性耿介人不循禮必嚴氣正辭令悔過而後已授徒多所造就尤嚴於庭訓卒年八十三

陳理字君明晉六世孫少爲諸生器岸軒特文亦雄健正德丙子提學御史張公璿行部試最餼於庠明年再試復爲首冠因問諸生能爲古文者衆以理對命擬作請立先賢子游後奏記援筆立就張稱善名振一時五舉鄉試不第晚嬰末疾在苒數年而卒嘗修縣志未就所著有同川集宋元遺事陳氏族譜四禮規諸書藏於家後有陳果號豈我府庠生善爲人排難解紛又能斷大事見邑志

李瓚邑諸生與顧寬兄弟善嘉靖末邑中役派各項多混入正賦徵收名曰平米總書作奸多於賦中陰竄諸役瓚著賦役論極辨書册多有偽本後巡撫林公有清釐賦役之請實自瓚發之著有同里志見袁黃賦役新書

沈泰衡字平之兄弟皆為諸生而泰衡尤稱白眉試必高等名重邑中為人端方正直楷模後進一時有沈聖人之號姪紹隆字伯起邑諸生其文行一如泰衡俱以弱疾早世本續先哲志下同

顧曾貫字一之邑諸生幼孤好學讀書力行為諸生祭酒家貧刻苦丹黃甲乙寒暑無間嘗取古文手祿評選若干卷尤深於易著有易經了義便讀遠近宗之卒年五十二

顧曾瑜字伯玉邑廩生少與弟元玉仲玉俱蜚聲庠序晚而棄之以詩酒自娛著有息機稿雄壯豪邁惜乎未及行世而世莫之知也本采錄同里先哲志

章名登字仲籍號待菴郡試冠軍屢試屢蹶遭家難儲居揚扇應試青浦邑令屠赤水大稱賞力薦於督學為青浦諸生一時聲名籍甚父湛源性暴名登色養得其歡心五入省試不利萬歷癸卯陶石簞主陪京試程文與名登遺墨僅異五語因得心疾而卒年六十七著有雜文一卷本續先哲志下七傳同

顧潤先字一水工為文歲科試常冠軍萬歷己酉房考擬元主司謂恐是人福薄姑置之榜末爭之不得房考袖其卷以出後竟以諸生終為人坦懷順遜與之交如坐春風中顧氏子弟多氣岸凌厲豐蔀家舉止高而心不固

同里志

卷十四文學

太和獨有先輩典型潤先可與之頡頏焉

陸府庭字吾敬恆仲子邑諸生賦性豪邁素履端方而直諒待人見比隣子弟有過失必正戒之其嚴於取與也出贅四郡徐氏內兄弟奪其奩田府庭曰我自有硯田無庸奩田也異日其人將坐重辟時邑侯某與府定有舊乃懷金求府定府定為剖之而却其金

馬士節字完卿號冲菴邑諸生生平言謹行潔課子讀書外不復知世上事長子神徵登仕版士節仍閉戶子處未嘗以一名刺謁鎮官賞花飲酒怡然自適高致不可及也

陳元龍字象乾王道孫王道歿家稍替元龍振興之為人剛毅端方屹如山岳篤於教子延師擇知名士後進有文名者輒優禮之子孫相繼登賢書舉明經為里中望族

周爰諤字五善邑諸生性資敏異沉靜不浮凡書過目成誦好學常忘寢食為文醇深爾雅時輩宗之作止語默皆有道氣象不苟與人交交則久敬不愧稱儒者矣吳之綱之紀乃其高弟也子純如字西錫書過目即得其要領早歲饑於庠未及三十而卒

按家譜五善名爰諤父名國新爰諤字彥立邑廩生父名命新爰諤與爰諤為同祖兄弟章志將爰諤為爰諤誤茲因名與字不合特校正之

沈介立字石丈致祥子生有夙根貌亦迥異熊魚山見其文而奇之爲諸生不競名譽掩關養靜而已爲文幽深人多不識娶室數年終無人道歿時異香滿室而日如生

朱鑑字彥兼八歲好讀春秋十二歲作貞貴篇稿行世自初試筆時父陞官以其文呈文震孟姚希孟兩公皆奇之曰此吾輩中人也一時聞人如艾南英輩至蘇必投刺求見十八歲三試冠軍爲吳縣諸生鼎革後棄諸生與靈巖大和尚爲方外交歿年四十七生平著作甚多惜俱佚不傳

任士奇字養初秀之孫父用貢入太學以敦行著於鄉士奇少好學舉邑儒士家居教授一時賢士皆從之游每言讀書之樂可對古人爲善之樂可對上帝所著有孟子日抄左史抄本華希閱撰傳

大清

王景望字文來邑諸生少孤善承父業爲人寬厚好周急減貧者租入遺負鄉農多佩其德又居家儉約待人謙和異於世之怙富而驕奢者子化浩字翼蒼學廣才高有聲庠序循例入貢樂與賢人君子交暇貧恤乏無所憚惜

本續先哲志

王化源字子淵少失怙弱冠能文旋丁二艱又逢鼎革盡賣田宅以營葬惟以館穀鋤口比長文譽日起生徒日衆每小試輒列前茅而艱於一泮館穀所餘買田二頃至今孫曾體粥於斯實自化源創之也本王譜傳

同里志

卷十四文學

四

許士煥字元揚郡諸生性恬淡不慕榮利兩赴秋闈不售而無憤悶之意年九十以脾疾終孫兆巖字靜山能繩祖

武弱冠卽遊庠許氏不至漚沒無聞矣本續先哲志

朱鶴齡字長孺號愚菴幼穎悟嗜學學使者奇其文拔置冠軍嗣後每高等五戰棘闈不雋甲申後遂絕意科名肆力於古文辭生平著述經學甚富以朱子指擊小序太過乃集諸家說疏通序義爲毛詩通義以蔡氏釋書未精撰尙書埤傳以胡氏傳春秋多偏見鑿說乃合唐宋以來諸儒之解撰春秋集說又以杜氏註左傳未盡合俗儒

又以林註亂之撰讀左日鈔他所著愚菴小集所輯社工部李義山詩集俱盛行於世見邑志下同

章夢易字宗立號頤齋一字兩生府庠生少工舉子業有盛名爲陳際泰艾南英輩所稱許中年棄去潛心經子晚更喜釋氏書爲人能忍飢不感於財色樂救人危嘗脫人於死者三而不使其人知年八十餘卒著有周易筌毛詩雞石集春秋左氏兵法楚辭改註詩源續同里先哲志勉齋集等書子復字中行善詩文與趙沈友善諸生有焚餘詩稿同川風雅集

章學易字宗元夢易從弟好讀書篤於宗誼有貧不能自振者喜振起之嘗館郡中從遊者多知名士少困於童子

塲繼占籍吳縣受知海寧許時菴又二十餘年以壽考終子儀望遷居吳門本吳涖增輯先哲志下同

朱鑽字子肩母趙臥病三載鑽晝夜不離左右及長益自力學族叔陞官雅器重之曰鑽吾家老經生也既補郡庠

生丁內艱哀毀骨立不苟暈不飲酒哀毀成疾一病不起年僅四十有一無子以子新子克爲嗣

顧棟南字季任邑諸生品行端潔邃於經學不讀無用之書於濂洛關閩諸儒有心契一時高士名流咸器重之爲人敦至行與人交好直言規諫觀送周爰訪之官一章其生平梗概可見著有顧氏族譜續修同里志借皆不傳

本詩

葉丹桂字丹宮性英敏七歲能文長通經籍爲諸生康熙四十六年 聖駕南巡繕詩進呈張伯行撫吳設纂書

館於紫陽書院延多士講說大義丹桂與焉所著有四書大全續編書解漁樵散人集上行楷書科文董家法云

子盛雲字南皋從汪份學補長洲諸生郡守陳鵬年招致門下嘗爲鵬年編紀年詩譜六十一年以人才例河工

効用未幾旋里卒於家

本吳涑增輯先哲志下同

袁之華 摩性字作求父伯宜誠樸好善以硯田世其家之華年甫十六卽遊庠爲人性行坦夷不立崖岸自考試而

外不謁達官邑令張公壽尚以文行兼優旌其廬年七十而終

顧偉字彤伯一字英白少嗜學乙酉後絕意進取盡發所藏古人書研辨討論自四書五經綱目諸史以至司天職方歷律算數經脈藥石卜筮占候之書莫不探其源委得其關鍵爛溪潘某一聞其善歷學請推日至一握算而得因定交焉偉貌古樸言呐呐如不出口及質以經史疑義則響應不窮爲人內和外介非義不取雖飢寒不妄

同里志

卷十四文學

五

就人竟窮約以死所著有格軒遺書凡校註十五種選訂八種編輯二十二種歿後潘某弟來自以續松陵獻集時述偉事未備乃序其書而盛稱之

見獻集續纂

周爰詔字鳳綸博學工文從兄爰訪校士江左贊助幕中諸名士閱卷嗣子早卒書籍散亡家譜之修多出其所

著有六宜樓詩草

本詩讀下二傳同

朱穆字邁直吳諸生先世自南潯遷至同里少負才藻馳騁文壇嘗與董太史如齋同選三蘇體要遊京師偕其子謁朝貴不值刺上忘書其名朝貴答以詩曰幸有令郎名姓在不然何處訪先生走粵東終無遇合所著有燕臺集羅浮集楚游草千寅陽字東發以孝聞

爰訥字安世丹生子工詩書性慤直不諂於俗晚年嘗客遊爲人記室後傳其卒於京口無子而丹生之學惜失其傳矣

陳鈺字宇徽紹文季子初應童子試不利補國子生數試南闈又不售爲人和易皆以古君子重之喜爲詩尤工楷

書法柳誠懸蘭亭洛神十三行諸帖日摹畫數紙寒暑不輟兄子沂震宦山左時屢致書請而卒不一往足以見

其操矣卒年七十有三所著有省菴詩稿

本吳涑增輯先哲志

袁漢字永蕃號直哉弱冠爲諸生淡於進取以附貢終少喪母事父兄敬愛兼至兄世隆好遠遊漢屢爲宿春聚糧

順適其志又兄世昌卒爲撫其二子成立生平不感邪說父喪不作佛事人或謂之曰吾不敢陷親於罪戾也爰是屏絕禱祀嘗身遘危疾連喪三子不少動以是人服其操年七十三卒子孫至今守其規

本沈繼潛撰墓誌

陳自振

原名

字翼祺爲人孝友醇謹弱冠入邑庠爲增廣生就試省闈艱資徒步重趺傷足歷十七試不售毫不介

意外舅潘稼堂稱爲篤實君子子沂詠字鳴盛諸生恬淡寡營優游典籍規步繩趨進退有度與人交接外和內

介人不敢干以私著有某村吟稿

本詩徵下同

計朱培字傳一號二如桐鄉縣學生好學重交遊爲名諸生五十年卒不遇常做韓詩外傳體著有尙書外傳笠亭

詩鈔弟濂字萊周諸生所著有病飲草

周畿穀字馨宜好學工詩古勤修淨土竟以不壽年未強仕里中失一典型云

見邑志續先哲志

按家譜馨宜字畿穀邑志及續先哲志俱作單名穀誤茲本家譜校正之

陳自煥字家修沂配子湖州府廩生試輒高等十赴棘闈再薦不售僅以明經例授廣文人咸惜其豐於學而蓄於

遇所著有周易便讀子毓德字習菴懷賢字種適俱北雍有文名所著有春草池塘遺文毓秀字嵩生諸生例貢

入太學受經於虞山陳祖范稱入室弟子

本王曾撰傳

馬雲巽字軼超縣學生嘗與龐景芳陳沂配友善所著有舒亭詩鈔子貽良字長白號古愚氣度恬雅胸襟洒脫少

同里志

卷十四文學

六

工文試輒不利年三十卽棄舉子業晚境自適性情爽曠卒年六十八孫繩祖字約宜邑諸生工制舉授業者探

芹如拾芥也人以匠門尊之

見詩徵

周杭字祖望號文潛生有異質五六歲塾師出對曰蛛網張飛杭應聲曰竹籠關羽師大奇之書過目不忘少爲文

喜徐庾體詩宗李杜弱冠侍從父南昌官舍命作滕王閣賦援筆立就九霞蔡公在座驚嘆呼爲小友郡縣試連

冠其曹院試見讀試於浙三試三捷遂寄籍爲嘉善縣學生四試省闈卽不復試生平酷愛歸震川金嘉魚文嘗

言理氣法三者不備不足以爲文理勝而法與氣隨之與顧我詩善我歸詩學實杭爲之倡杭爲人孝友孤介嘗

侍父疾中夜砥其病日者累月卒年六十五所著有湖干集

見邑志

周俊濟字祖修邑諸生累試高等康熙乙酉鄉試同考官爲從父爰訪門下士先期示意俊濟臨場緝疾而歸生平

樂成人美於宗族親故曲有恩意味有孤女撫之十年爲擇佳婿惜中年喪子年垂七十猶舌耕不輟卒年七十

三 本采錄同里先哲志

王本字自求幼穎異有文譽以試不利遂專事古學與周杭爲唱和友生平無妄言無擇行昭昭冥冥節概如一雖

終身舌耕不爲屢空人服其固窮卒年七十二所著有雕蟲集登吟草

見王氏譜傳

王文炳字星咸少率弟文沂時彥其力學能文入邑庠桐城張公拔置高等將食餼會丁艱未及補父歿諸弟未成

立嘗身庀家事宿火以治舉子業試輒冠其口曹惜年三十二早卒本董撰

孫范諱字馨遠嗜學慕古爲文步趨先正補邑諸生父文卿立品醇正孫范以課徒養親能不替世德子汝慎字寧

周鴻業字佑商俱遵庭訓勵志讀書先後遊庠食館時推爲二范聲名藉甚從游者日益衆焉本吳洪增撰

顧卓字熙良邑諸生爲人負才向氣有古俠士風中年後遷居靈巖與宗伯沈德潛唱和講論其先居里中稱昌言

故址著有萬玉清秋軒集凡詩歌下同

袁寧邦字惟民邑諸生性嗜酒襟懷瀟灑談笑生風每出一言四座解頤時露天趣長子彭年幼稱異才早卒寧邦

自是無意進取抑鬱以終著有適齋詩鈔弟定海字靜洲國學生重義輕財償金認履有君子之風幼多疾棄舉

子業性好詩配顧氏我歸我鈞同懷姊也閨房之內時相唱和晚居虎邱著有澹園詩鈔

任德成字象元夢乾子長洲學諸生天性誠篤父歿哀毀骨立三年不入私室母日眵晨夕禱之得見撫孤姪

教養兼至好讀先儒書奉朱子白鹿洞規爲準的曰誠明兩進此作聖之階也因集自漢迄明諸儒格言爲五卷

曰洞規大義乾隆癸巳巡撫薩載上諸朝表爲道通一脈之宗宣付四庫館列入儒家居鄉勤於施濟里中

置社倉首捐食百石以倡潛禹頃江以達太湖飢歲設糜食餓者至棄產弗恤也雍正朝詔舉賢良方正布政

鄂公列名上德成以母老辭邑令陳奠纒欽其德行嘗造廬香訪焉年八十九卒本彭紹升撰

同里志

卷十四 文學

七

顧我錡字湘南號帆川邑諸生博學強識爲詩古提筆疾書千言不竭給事陳沂震以詩名我錡從之游詩學日

進及沂震督學山東我錡在其幕與嘉興高孝本同邑周龍藻及沂震相倡和爲海岱聯吟集龍藻嘗謂曰子年

未三十而詩語老鍊如是不可及也大學士鄂爾泰官江蘇布政時得我錡試文稱爲南國才人冠雍正九年督

撫聘諸名士修江南通志我錡分任藝文參及人物江防職官諸類同事者推服焉我錡性孝友居母喪哀毀踰

禮又以修志積勞遂發疾卒年四十六所著有通鑑綱目志疑浣松軒詩文集等書見邑志

王前字魯原制行高潔與人交極謙和始食館於長庠既歸府庠年七十餘而卒當其師陳沂震視學山左分任校

閱洗心滌慮毫無所苟其介石之操殆有能知微知彰者矣本吳洪增撰

王杯存字岷望邑廩生工舉子業得叔前指授下筆皆有根柢試輒冠其曹一時推爲祭酒生平謙謹無疾言遽色

及叩以學原原本本小大皆鳴王曾翼是其高弟也著有定中詩鈔子熙泰字學林邑諸生見詩

袁棟字國柱號漫恬潢子國子生髫髻即勤誦絃無他嗜好初工帖括省試屢不售乃專心讀古務有用之學自唐

宋以來經世大典靡不窺尋如劉杜鄭馬四氏之書之類世儒所不能舉其凡例者咸攬捭解窮極指要成書

隱叢說一十九卷而於載記一書台魏徵元行冲朱子吳草廬劉蕺山衆說更定裁易爲禮記類議三十六卷尤

生平所注力餘雅擅吟咏高遠閒放自露天眞長於填詞好北宋之作而清新秀雋自然超逸他若善隸書工寫

枯木竹石皆餘事也所著共三十餘種叢說類謀外其刻行於世者有漫恬詩鈔漫恬詩餘四書補音玉田樂府
並勦經樓時藝本沈德潛撰墓誌銘

王植字師維少孤年十七補博士弟子員游陳銳鏢兄弟門爲入室弟子文宗歸胡尤長於史學左傳及朱子綱目
丹黃數過多所論斷與人談史事如數家珍與弟棊舉七子會年四十五赴省試抱疾歸卒見王譜傳

王廷錦字彥平廩膳生性孝友少喪父哭踊幾絕遂得嘔血症十年而愈事母曲盡孝養恭事伯兄數十年無間言
因取兄弟怡怡之意自號怡齋生平讀書習復經訓精研傳註家居授徒立法嚴而有法垂三十年足跡罕入城
市子曾翼早登仕籍一以勵清操圖報稱爲勉受封誥仍治硯田不改儒素云本周晉撰墓誌

顧佑行字受祺一作基邑諸生博極羣書精於考證何焯極推重之李中丞復沈尙書德潛皆延至其家塾相與討論

焉所著有西津集子晰字端伯例貢生南北省試十餘次薦而不售人咸惜之書學歐顏人皆寶藏之本顧汝敬志下同

顧時行字尊夏邑諸生教授生徒言坊行表所著有毛詩音訓書經旁解周禮刪註子桂林字芬來邑諸生壬子膺
薦不售著有唐宋元明詩的南村制藝等書

姚衍字魯望訓蒙餬口不與世事惟詩爲性所癖好破窗朽几歌嘯自得嘗與甯時家人以無米告不顧也其詩鏤
肝刻腎字字必從己出非襲取浮華者所能及也所著有瘦集見詩微

同里志

卷十四 文學

八

任思謙字純仁德成子生而穎異入塾讀經書輒通貫大義讀周易及宋儒書尤多心悟既得皇極經世有省靜坐

三閱月恍然曰吾得之矣先天學主於誠誠豈自外求耶時嘉定張雲章爲陸清獻公高弟遂往從焉自是所參

益遠弱冠後治舉子業作西臆論文篇補震澤諸生屢登鄉薦不售貢入太學宜興儲大文極推重其制義時稱

二任謂其族祖啓運與思謙也乾隆十四年 詔舉經學嘗聘爲廣平書院山長晚歲教授吳門所造就人才甚

衆總督尹繼善表其里曰樹德四十八年卒年八十四所著有易要詩譜中星考朱子近思錄擊壤吟經筵堂文

集等書門人馮培等私謚曰文純先生孫昌詰字承萊性好學有競辰圖勵志賦從錢大昕游工文善書得鍾繇

法早卒本錢大昕撰謚錄卷
仕職墓表經筵堂集

沈鳳鳴字翰飛自南會孫縣學生爲人真樸有至性篤於天倫好博覽嘗客遊秦中晚歲杜門習靜與世相忘其淡

泊明志者歎著有迂父偶存草弟鳳翔字翼飛生平敦孝友重交情嘗暮遊楚中有故交荊州守罷官客死貧不

能殮鳳翔傾篋歸其柩尋抱疾旋里鳳鳴適往秦中疾亟歔歔墮淚曰安得一見吾兄與之永訣乎聞者莫不流

涕其客粵也有南行紀程詩考據山川勝蹟古今同異堪資誌乘所著有南遊詩草見詩微下
一傳同

俞希哲字天木性恬冷每當深湛之思輒闔戶捐食家人罕觀其面老屋頽敗儲居廬湖之干浩然有終焉之志所

著有古詩疏解其餘毛詩私箋文選補注未成書

按希哲父韓與從父武琛世居休寧康熙末始遷同里雍正癸卯韓成進士越十四年乾隆丁巳武琛亦成進士兄弟並以能文見稱於時早歲相繼夭折天於俞氏易其遇而斬其年真不可解者矣

張紳字雨蒼國治曾孫少沉潛力學年二十九始遊吳庠貌古樸而性溫厚不喜浮華嘗與里中周俊濟王文炳王尙文結文社寒暑無間里人奉爲模楷弟汝濟字濟遠天分既優又篤志閣修入邑庠補增廣生爲人慈祥愷悌乾隆丙寅巡撫陳大受給鬻苑耆英額壬申丁丑壬午 聖駕南巡進呈詩草疊邀 聖眷並 賜荷包銀牌粟帛年八十九而卒

本采錄同里志

嚴璆字術求號柳村代言子邑增廣生工詩古文善顏柳書四薦鄉闈不售及門多有通籍者性亢直能爲人排難解紛人皆服之著有柳村詩草

本願汝敬志彙

沈懿如字介眉邑諸生居斜川課耕隴畝間歲時伏臘斗酒自勞閒爲詩歌取適情而已人亦罕知之者

見詩徵下同

陳毓良字傳野士載子邑諸生少遵庭訓嚴切所讀經史諸書率皆背誦不遺一字爲詩文劇敏捷中年客授濟南卒於寓舍所有零章賸句蓋僅存於敗篋中者

周育字誠哉號雲毫又號待菴杭子生有異質四歲讀史即知大意年未冠府院試連冠其曹補博士弟子員八蹟省闈不售遂絕意進取足跡不出里巷常言好讀書而無其質好施與而無其力好交友而無其遇爲人恂恂退

同里志

卷十四 文學

九

讓厚重簡默有以非禮加之者而亦不之校也閉戶著書四十餘年教授生徒及門多通籍者晚年目盲造門受業者日益衆卒年八十有四所著有春秋說疑續左傳類對賦訂正徐秘書原賦雲毫遺文綠香書屋集行世子南宮字敬叔號容齋工詩文善琴其小試不利老於場屋不事浮華韋布終身著有容齋詩鈔孫兆元字子春善詩文能世承其業著有硯詩草

見任兆麟江震續志

顧鳴揚字千翔幼稱神童年十六補邑諸生試輒高等說志力學以攻苦致嘔血而歿年僅二十有三臨歿索所著述悉焚之絕而復蘇言有樓船泊門外如延師者生平自矜訥容止頽放同儕或易而侮之不知其中實有過人者也所著僅存制藝若干首韓文序一首杜詩跋一首附詩幾首

本周晉鼎遺文序

袁景輅字質中號樸村附貢生以子鴻貴贈文林郎從宗伯沈德潛司業陳祖范游好讀書自歷代正史以及稗官野乘無不窮搜博覽詩古秀雅無傲志之音所選有 國朝松陵詩徵著有小桐廬詩鈔讀書問青山莊課稿樸

村文鈔竹溪會課子棠字尙木一字鈞調號湘湖太學生嘉慶丙辰舉孝廉方正能詩古善書畫

本願汝敬志下二傳同

鄭德勳字書旂號節齋邑諸生美資好學試高等從周春游爲入室弟子閉門養靜讀書外無他嗜好詩宗盛唐文追八家晚歲明於醫理輒以術濟人著有詩文集藏於家

王曾垂字光樸號秋野子國學生初攻舉業既專岐黃術起人沉疴甚多而性淡曠不肯折節於赫奕同硯友秦殿

撰大士折簡招之不往就於禪學間爲吟咏以自適著有棲碧堂詩草從弟曾培字體豐號墨江邑諸生工詩文善隸字中年入蜀抵粵爲人記室後歿於粵子祖琪字久望號谷真太學生屢入鄉闈不售善篆書鐵筆法文山橋著有谷真遺草

陳毓升字行之號易門沂震孫郡廩生工詩古文詞受業於宗伯沈德潛之門里中袁景輅編輯松陵詩徵延至其家共與商榷景輅沒時未卒業毓升刻意蒐羅閱三歲書始成所著有硯陶詩集本陳兆牧撰行畧

史乘長字翼萬號東溪從任思謙游補震諸生食餼後循例入太學爲人耿介自持沉靜寡言重名譽好正直嚴取與有夷惠風授徒自給年逾七十而杜門絃誦神明不衰著有東溪制藝本袁毅芳撰文集序

周義字歧之號墨莊爰訪曾孫父以恕字載行有學行早卒義生甫彌月卽遭孤露自幼力學工文章尋以病棄去專事吟咏性孝友母沒哀毀踰禮常以不克表揚母之苦節爲終身恨外父乏嗣歲時奉祀外母無依迎養二十餘年生平不妄交常與里中陳毓升顧汝敬陳毓成王祖琪從兄南宮往來唱和又與邑中周允中金學詩諸同人成松陵唱和鈔八卷晚年工隸字求者踵至臨沒自製輓聯輓章生平所著有採錄同里先哲志續同川風雅集章中山房集墨莊詩鈔松陵唱和鈔同川竹枝詞百花詞見任兆麟江震續志

同里志

卷十四文學

同里志卷之十五

人物志六

高隱

周易蠱上九曰不事王侯高尚其事象曰不事王侯志可則也我思古人實獲我心同里雖小鎮豈不可為鄭谷哉哲人已萎志之以風夫汲汲於祿位者志高隱

徐孝祥

蔡子堅

周國器子孟桓

范淵

張德常子惟清

盛伯璫

糜仲康子宗伯

馮景源

吳仲禮子士原士成

莫子容弟子奇子全子高

屈仲先

沈子淵弟子才

范叔亨子士行

陳仲能子敬伯

顧汝民

孔德華子士銘士達

冷普旺子士賢

朱用純子克明

姚景賢

陶仲賢弟仲宣

孫伯達

范德兄士賢

唐俊民

陸季年

王秉賢

陳宗吉

周鏗

朱彥彬

鄒克禮

章寬

朱祥

顧景

同里志

卷十五高隱

陸維

朱麒

陸鯉

沈士元

任秀之

顧文藻

王有慶父孫光弟有應

朱世華

陳紹祉子眉生

趙序

戴笠

吳文燦

趙潛

元

徐孝祥居吳江之同里雖茅屋數楹而樹石自然幽勝有田足供饘粥而隱居好學不求仕進尚文好客客至必留

飲自奉則布衣蔬食泊如也本縣先哲志

蔡子堅居吳淞之濱日以耕釣為樂文人才士咸樂與之游嘗作漁舟江上其蓬窗船屋皆以粉堊為飾名曰雪蓬

王逢有雪蓬圖詩見王逢梧溪集

周國器識量宏遠志於功名少時值元末多故遂隱居不仕間從名公碩儒游聽其言論知修身齊家之本篤於倫

紀者也子孟桓讀書明理事親能順適其意云本志

范淵字冰澄輕財好施善吟咏元季避兵隱居同里遂家焉廣東參議琮其五世孫也參議集邑志

明

張德常貞介不阿清修自立世之矜已誇人者弗與之合課童奴以事農圃涉獵羣書粗通大義築室東臯栽藟松菊得隱居之趣故號草堂湖海知名之士造門雖館穀彌月不倦蓋其尚義輕財傾如此子惟清勤書善筆札有弊於時洪武中由孝廉舉仕終知縣

本先哲志
下一傳同

盛伯瑄其先世維揚人因父宦遊華亭隨侍來南後值中原道梗徙居同里性耿介寡儻勤於問學四書六經雖老不服披閱作詩務出己意不喜與人唐酬善以子平之術推人貴賤貧富壽夭累著奇驗安貧樂道壽終於家獨行之士也二子謫戍南荒以沒卒以無嗣

糜仲康精究醫家之術軒岐所著內經諸書唐宋以來名家之所論辨皆能探賾索隱切脈治病有十全之效然其心不急於利故鄉人尤德之子宗伯能詩善墨梅醫術亦益顯

參獻集
先哲志

馮景源端慤有守務本以勤惟善存心無徇利沽名之好平居茹素奉佛諷經瀟然有出塵之想壻章思中能順承其志故優游晚景壽考全歸子孫承餘慶而昌盛焉

本先哲志下
二十一傳同

吳仲禮天資英邁性分高明立身以孝弟爲先重然諾敦行誼材堪致用而不自炫其長家無餘財而務周窮卹匱故里中咸稱長者二子士原純篤守分未嘗忤於人士成清雅好修不怵於勢利亦以隱德稱於時

莫子容忠厚謙和循蹈規矩其宗族蕃衍貨產素饒於鄉黨周貧於諸弟友愛修身寡過之人也弟子奇文學知名

同里志

卷十五 高隱

二

洪武中膺薦授職知全州事未及到官而卒弟子全子高皆言直行端時譽歸重

屈仲先恬澹寡慾與物無競故雖居市廛而不爲聲色所誘其居有花木四時之景得以徜徉中歲村家事於子孫惟從賢士大夫遊資其學識有古人夷曠之風焉

沈子淵謹愿老成安於恬退所交皆縉紳先生共談經史以古人之善者爲法惡者爲戒故終身不履榮辱之塲卒能保先業以全其家弟子才平易存心弗慕勢利善謳歌自娛風流蘊籍者也

范叔亨神氣清茂悃幅無華撫世一以誠信好客之情款洽或自奏簫管以爲歡雖強暴下愚亦待之如一由其純樸而忘私也子士行砥礪名節故前人之業愈隆晚自京師歸鄉與儒紳大夫交聲譽籍甚克享福壽以終天年陳仲能明敏疏通處事得其當淡於名利不慕權要中年家業既成三子是託乃寄傲禪房道院焚香談笑消遣世慮樂以終身長子敬伯溫厚寡言循理畏法雖憊遷化居而皆本於誠實亦壽考令終

顧汝民少有氣節欲樹功名於時凡錢穀簿書之類靡不練達古今爲政之要無不旁通然知有命不苛進取平居應事接物溫然如春賦詩奕其有自得之樂二子讀書起家諸孫成材卓立皆餘慶所萃也

孔德華狀貌魁梧賦性剛果少年勇於事功雖勞弗憚晚居市廛安分治生而家業日裕二子士銘謹愿克遵先志士達有爲能拓先業皆好善自修者也

冷普旺爲人平實簡易不尚表暴布衣蔬食處之泰然三子成家長十賢能迪高貴爲鄉望族雖奉養有加而不易素守日與緇徒研味釋典扣其心要年八十餘端坐而化識者稱其有得於禪學云

朱用純言行修飭練達時務用薦起家爲府掾掌刑曹廉平公恕衆皆德之而其志弗屑也乃謝病歸好善有誠終始靡間觀時流之顯達漠然不動於中長子克明恂恂儒雅鄉稱善士亦晦跡以壽終

姚景賢天性純厚不喜浮華言雖簡默而才識優長永樂初從事蘇城稅局繼調滁州廉介有聲駸駸嚮用知富貴在天非可僥倖乞身歸鄉恬澹自守知幾安分之士也年登耄耄而終惜其子早喪附孫女貴塔以承宗祀焉

陶仲賢高簡而寬厚氣剛而色和少時雖從事貨殖然誠信待人無纖芥之僞齒髮既衰優游自足其言行益孚於鄉或是非爭辨聽其言而息訟端弟仲宣亦賦性質直篤於信義皆非後輩所及

孫伯達矜尚名節有應變之才沉觀郡書尤熟於鑑古今治亂之原皆所淹貫旁通醫卜之藝皆造精妙至於敦禮尚義取法前修親朋有急難赴之惟恐不及鄉評至今譽之

范德字士能剛正樸實恥談人非勤儉務本先業益厚歲飢鄉人貸錢穀弗能償者焚其券路拾遺銀訪知失者還之其好義不貪如此晚以子琮貴褒封皆天之報施云兄士賢安分好善亦有潛德焉

唐俊民英爽之姿超卓之見負異於流俗家貧親老事與志乖弗獲展其素蘊隱居宋墓之墟耕以自給其先世仕

同里志

卷十五 高隱

三

宋詰命尚存每酒酣劇談常出以夸先人手澤俯仰無愧蓋非汲汲勢利者所能測也

陸季年神清氣和謙以持己承先世餘貲爲萬石長雖趨事服勞而詩禮之風循循雅飭親賢從善避惡如汚故能全身保家垂慶後嗣允爲明哲之士也

王秉賢其材藝適於世用智慮審於事機蒐獵傳記以資見聞年近強仕郡守令治簿書參贊庶政已有聲當時垂老投閒結廬西郭爲終老計未嘗戚戚於懷樂天知命者也

陳宗吉風度凝遠喜愠不形於色早歲讀書明當世之務迨居金陵從師親友安於素分一毫不妄取於人忠信孝弟內行純實暮年歸老子孫滿前尋松菊之盟得詩酒之樂有恆產而有恆心豈非古所謂吉士者乎

周鏐字孟堅承家學之傳精愈扁之術居太醫院有年其術益顯晚歸故鄉四方求療者踵至然仁厚存心信誼接物不以富貴而異其用爲縉紳大夫所推許折行輩與交焉

按家譜始遷祖孟堅公諱鏐當時以字行吳曠作先哲志高隱名賢傳俱逸其名第以字傳而名俱無可考茲按家譜及范琮傳云琮父名德字士能並表出之餘悉仍其舊

朱彥彬疎宕有爲心無矯揉守身保家皆循禮度與人言毫髮無隱比隣族黨或以非義致爭則從義以平之無不信服由是鄉閭稱其正直焉

鄒克禮沉靜務實不要虛譽雅好結交名流讀書知古今人以事相託未嘗歸諾而陰違爲鄉三老守正不阿而事畢舉由其心無私故也

章寬字仲宏號逸樂思中之子生而丰姿玉立弱齡岐嶷如成人比長旁通經史維時役事旁午推選富而廉幹者主之由是應酬於郡縣踰三十年與利補弊以惠田氓排難解紛以贊邑政妹婿孫麟貧築室與居推財無吝再從之妹幼孤亦爲擇配俾得所歸凡周窮卹匱涉川利濟之事苟力所能爲孜孜惟恐弗及中年見諸子成立勅斷家務肆情物外之遊自號逸樂翁每申誠子孫曰若等幸逢聖代能修身齊家永保先業吾何憾焉

哲志

參吳誠撰墓表續先

朱祥字廷瑞號耕樂聰穎能爲文然無意軒冕服田力穡故自號耕樂耕紳聞其賢推轂柏臺贊周文襄公畫奏獨蘇松賦若干萬斛邑城抵石塘二十里中界澹臺湖舟過多覆溺又佐文襄建寶帶橋祥功紀於石焉已常授官於朝乃決志歸隱引疾家居一時達官敬重之周文襄公吳池菴趙半江莫鱸鄉俱有贈詩莫又爲之記晚歲益遺世務日與隣翁野叟徜徉山水間祥一生少過舉重然諾慎取與周急無倦心臨大事則卓有定見毅然不可奪也

木續先哲志下五傳同

顧景字東明號盤窩孝友謙謹好善不倦勇於周急以誠信與人交門多長者之轍東溪橋距湖不半里風濤作時

同里志

卷十五 高隱

四

川兒低隘行人苦之景捐貲六百金移建於內改爲東新橋爲鎮上諸橋之冠景以布衣守耕讀然屢爲鄉飲大賓焉吳寬莫旦汝泰皆有序銘贊其德行

陸維宇大有號半閒明成化時人承父遺業兄弟義讓居屋數楹竹石幽勝隱處好道時與兄弟叙會臨別則涕泣其孝友有足稱者夫婦相敬如賓尙文喜客歲釀酒以待自奉泊如也嘗以斗粟易魚令僮奴去糞殺曰恐芒刺喉食不便也其誠厚如此

朱麒字時亨號澹菴祥長子性行一如祥初饒於貨以不務營己家日落晚年蕭然壁立而貧賤自得一時名流咸贈詩褒美之

陸鯉字時化號野塘明宏治時人賦資穎異善詩模倣漢魏六朝唐人花晨月夕同名流讌集唱和飄飄遺世邈若神仙性孝友山盡愛敬迎養其無依之姑與女兒之寡者勤懇篤摯不以己力不及而稍替友人有讐欲報復鯉毅然拒之與和其讎弗加整而友人弗知徐魯菴知其詳比之柳子厚待劉夢得事所輯傷寒論略著釣灘集有松陵八景詩裔孫璣字斗三吳縣庠生命畫工呂律繪爲圖藏於家

沈士元字至道號敬齋嘉靖戊子舉人性恬退上公事一墮而止隱居不仕左圖右史看花飲酒與物無競榮辱任之里中所謂樓下沈家者是也子承元邑庠生亦高簡絕俗

任秀之字秋山汝嗣子本生父中權字洪器肄業北太學授太常寺典簿遷寺丞盛有詩名與信陽何景明友善秀之賦性高邁與陳淳王寵善排別業於龐山湖東陳淳書湖村真逸贈之素精翰鈔書偕其弟之俊之重講求經世之略嘉靖中倭寇起嘗佐參政任環禦寇有功又薦嚴家兄弟提兵所向輒以捷聞時有嚴家五義任門三傑之稱未幾以勞瘁卒之俊字嘉村國子生議叙將仕郎不就之重載科貢未仕傳

木吳賦撰墓誌

顧文藻字子潤號玉溪天性孝友容貌溫恭年十五父沒哀毀骨露事嫡母融融然洩洩然待諸兄巽順無忤潛心經史雖居陋室嘯歌自得友至則與相析共賞傾樽歡醉子曾唯叫於鄉益謙謹恬淡後以子知金華縣贈如其

官 本續先哲志

王有慶字君隆號養訓父葆光字為山邑庠生隱居鄉間老屋數椽以詩酒自娛不求聞達有采里之風有慶幼負宿慧讀書數行俱下及長有膽略才識過人嘗明中葉嘗慨然有志於兼善既不果乃怡然曰大丈夫非出即處果無負於性天則入孝出弟皆隱居中事業也侍養父至九十餘有慶亦近古稀晨昏定省尚有嬰兒之色里中皆化其風其善色養如此弟有歷字檢吾教之學補府庠生有聲士林居近水濱竹籬茅舍蒔花數種瀟然絕俗兄弟謂書其中過其廬者時聞金石之音絃誦之暇復勤稼穡作苦累積家計頗裕晚年始自鄉遷鎮今師儉堂有慶創之也子夢劉字啓雍早歲卽有聲賢序今王氏子孫能世其業者皆有慶之遺教云

本草夢易撰傳

同里志

卷十五 高隱

五

朱世華號冲菴朱氏世作掾世華初亦給事於縣己爲學撫兩院幕僚學憲毛公一驚撫憲李公待問重其人皆以賓禮遇之子鶴齡十六歲以天啓甲子入泮毛公拂拭之也李公遇之尤厚贈以狐白裘書十二箱既去猶信使不絕欲疏薦授官世華力辭言願處田畝以遂素志爲人仁厚好扶危濟急邑令曹欽程淫虐直指劾之詞連庠生陳紹祉嚴培元毛公將黜之而加以罪世華爲保全之兩家得以不敗後鶴齡以儒業成大名蓋亦栽培者素也

木殿先哲志下五傳同

大清

陳紹祉字孝博初爲諸生名譽籍甚邑侯至必厚餽內交幾羅其禍後翻然改圖棄弟子員徙居同里亢溪橋之別業歲種菊數百本觀者絡繹性豪侈喜賓客清香佳茗美酒精饌既以自頤亦與客共之眉生性至孝雖貧能竭力紹祉居亢溪橋垂二十年不入城府如龐德公云

趙序字恭叔大中丞憲菴公季子爲人仁慈退讓與人無競又質直不諂曲初補博士弟子員尋援例入太學憲宗時棄儒業治岐黃術於古今方書博覽精究深明運氣之理治病務十全不責報撰集方書數種妙軼前人熊藎菴借鈔珍焉敬信三寶持誦無晨夕缺配王氏涵峯公甘孫女與序同修同證人以方龐道云

戴笠號耘野庠名沈鼎立字則之母杜氏崇祀鄉賢靜臺公猶女生七歲而母亡育於祖母十餘齡父又亡孤貧無

依沈廣文識其不凡撫爲子乃承其姓爲邑庠生祖母故復姓居憂三年不入內寢積館穀葬親有鶴來集中年杜門教授著雜誌實錄表章忠臣孝子節義事紀之甚詳又著耆舊傳載諸隱逸者李廷尉映碧吳司成梅村亟稱賞焉與鹿城顧石戶葛龍仙若中張考甫凌淪菴東陸道威以道義氣節相切磋性坦夷曠達愛人好施嘗終日不炊貸得斗粟復以賑餓者日者楊蓬隱死無棺以脯修殮之且能化妻子使凍餒無謫真不可及矣吳文燦字日章工部郎中璫五世孫自幼遷居同里早歲爲明名諸生明亡後卽棄去學師催考乃作詩以見志詩云泮水從公三十春潮洄猶是口口口人故園桃李多口口口向三河學問津詩中寓意蓋深遠也爲人忠厚質直好排難解紛而無所取利善元學又善形家術有郭內外田足自給爲友人所給名涉訟牒蕩廢其產老而窮困以上壽終子鳳鳴原名維讓長興縣庠生

參續先哲志
下一條同

趙潛字子韓半江公後恭叔族姪因襲岐黃業而皈依於佛與嚴貞侯等做東林故事結白蓮社率同志建小祇園蘭若敦請熊襲菴首座哲和尚住持凡爲韓康所得悉以供建造道場之費自奉則布素疏水耳癸亥夏暑酷甚步視里人疾日數十往返竟以中暑病卒年五十餘時送者皆聞異香空中奏樂

同里志

卷十五 高隱

同里志卷之十六

人物志七

藝術

吳人古稱技巧書畫琴碁曰藝醫卜星相曰術他如梓匠輪輿則稱技藝不預焉志藝術

周 鏐 子龍 蔣士能

朱 雲

朱 燧 子陸雲 陸玉

陳允樹

孫元曙

顧宗伯

陸雲程

顧澄先

儲大任

王景和

顧尊壽 裔孫我龍從子其德 陸雲煥

顧佑龍

顧 桓

程 詢 項鏞

陸廷聘

程起潛

龐滌泉

嚴豐邑

明

周鏐字孟堅元季自崑山徙同里精醫術療病刻期奏功洪武時徵為太醫院院使視中外官疾如見京師人目為長桑君十五年召治馬后疾后不起論死大臣某力救乃髡首削秩歸鏐性仁厚遇病者輒隱痛必安全之乃已凡有求無不應不責其報時尤以此多之子鏐字彥威世其業知縣王迪名其堂曰恆心成化時入太醫院備同

同里志

卷十五藝術

一

時有蔣士能善瘍醫亦世業也 按獻集多誤此參先哲志邑志周譜

朱雲二十六都宋墓人 按莫志作十都人誤 仲南曾孫能詩善楷書 參文徵邑志

朱燧號景槐耕樂公後早孤貧無依女兄居廣陵因寄食焉資性穎而靜能究易理長歸桑梓遂以君平術行甚著

奇驗簾外屢滿家業由是日充為人淳樸好義克恭兩兄又陸親族中歲鼓盆絃不復續壽八十有四二子陸庸

字厚甫陸玉字重甫俱以長者稱 本續先哲志

陳允樹字木公王道從子特立昂藏懷珠未售日以詩酒自豪得趣處遂寄興於木石花鳥流翰離離綽有生動之

態而蘆雁尤工超石田肖問之上 本吳默撰傳

孫元曙逸其名本姓沈字來年世為醫元曙尤精其術兼內外科治疔瘍能起死章夢易祖母患腰疽危甚元曙療之又內子思育疽亦賴元曙殺其毒他醫多乘急邀利元曙不然為人仁慈溫雅怡然可喜其居有書樓左圖右

史庭前雜植花卉累石為山朱口綠藻掩映可喜真雅人深致也弟沈元郎姪沈參之皆以其術名 本續先哲志孫譜

顧宗伯字翼之偉之父也棄儒為醫傳蘆墟沈恆川之學神於治痢列肆於陸永菴之塾必以善藥與人好蓄佳茗

嘗與高人逸士清談永日洒然出俗士也 參續先哲志顧譜傳

陸雲程字九龍號夙凡府修次子性嗜書尤好形家言肆力研討三四十富貴家卜地者爭延之與人相接熙熙

樂易人咸欽爲長者 本續先哲志

顧澄先字慧曉一字憲卿邑諸生工歐陽書體 按章志作工爲鍾元常書與周叔宗同時嘗傲其筆意往往酷肖而氣骨不如識

者以此別其真贋澄先家貧書尺幅持至市易米茗輒給數日又精岐黃濟人不索謝 參續集續先哲志邑志

儲大任字思重父純臣仕高州知府大任爲諸生善狂草得張旭法而性狷介不妄應人故流傳者少今邑中城隍

廟照瞻臺里中懺院坐月問心仁濟道院明白天額皆其真跡也詩長七律著有亦穎集三卷 參續先哲志

大清

王景和字調生號仁齋業儒明易理善草書嘗明季世亂無志進取以岐黃術成素封家古云儒作醫藥作藥信然

本王謙德

顧尊壽字同臨博學工詩傳曾鯨波成之學寫真神肖邑令郭琇雅重之稱爲小虎頭家貧游京師公卿聞其名爭

相延致入內院供奉尋歸里裔孫我璫字玲友諸生工篆刻尊壽從子其德字讓三工寫照山水人物游京師尚

書高其佩授以指頭畫而代其捉刀焉 參邑志

陸雲煥字文之恆之標邑諸生制義詞賦皆爛然可觀其於丹青更饒夙慧凡山水花鳥莫不極其生動藝苑皆珍

惜之 見意中山房集下一傳同

同里志

卷十六 藝術

顧佑龍字際飛號茗菴曾唯元孫爲人高雅絕俗所居斗室中左懸琴右架書几席間無一毫塵土氣客至焚香煮

茗相對清談好吟詩與人唱和輒焚其稿工畫與會所到隨筆揮灑皆有天趣吳中稱爲絕技

顧桓字武臣精繪事尤長於花鳥大江南北莫不寶貴之 本顧汝敬志跋下二傳同

程詢字于岳國子生得導引術精醫理工詩著有瓊瑤居集項鐵字雲壑工書善筆札嘗客遊制府直督方敏恪公

觀承延至賓館三輔寺觀勝蹟之所其手書對額碑刻甚夥

陸廷聘字三之號莘夫太學生爲人和易有節槩又勇於任事里中橋梁寺觀建修多出其手暇時輒寄興翰墨工

畫梅竹多爲題咏藝苑珍之

程起潛字峻飛少業儒工詩善書兼能運氣精槍法以一書生而擅武藝真里中之奇士也孫照號蔚峯自幼習賈

而好吟咏有餘資輒以購書與諸詩人唱和頗多佳句人咸以小梅泚目之惜天不永其年未及三旬而卒 本續先哲志

撰傳

龐滌泉字翼庭號曉雲諸生景邁子太學生少工舉業善太乙奇門六壬三數後專攻堪輿郡中爭相延致奉爲指

南云 本柴璜撰傳

嚴豐苞字丕承代言曾孫幼聰穎十二遊靈巖諸名勝繪尺幅勝景宛然後善山水得沈周筆意年十八院試曹考

詩古書畫蘇太兩屬以畫取者獨豐吾入邑庠年二十卒惜乎造物生才而忌才也本嚴氏宗譜傳
朱坤字載平隱於市廛有詩號琴思集中可採者如哭弟詩一絕旅中送春詩一絕又五言一絕選入續隨園詩話
見隨園詩話補遺

同里志

卷十六 藝術

同里志卷之十七

人物志八

閨德

古云女中丈夫謂其能任綱常名教之大事也閨德之最重者曰孝曰節曰貞曰烈吾里自前明三百年來不乏其人余生也晚見聞未逮僅得若干姓氏因各詳其事行以紀之與諸先哲並垂於後志閨德

顧李氏

章馬氏

章陸氏

陸鈕氏

顧趙氏

顧王氏

顧陶氏

顧周氏

周姚氏

周何氏

龔孫氏

周金氏

明

李氏鄉飲賓顧景妻景贅於李李家業漸落氏不忍以多口累其親因卜居於東溪以勤儉治生家遂致富後李至不能自給氏周卹之又擇吉地以葬父母伯氏有女而孤氏嫁之奩同己女吳寬撰傳稱其孝慈恭順焉生二子

寬宏並載忠孝傳本續閩德志下二傳同

馬氏章效才妻翁以嗚嗚治家姑出費介事之並得其歡心姑常病脾調護惟謹嘉靖辛酉母卒於疫時病疫死者

同里志

卷十七閨德

一

比屋訃至姑慮染止氏行氏願得一見甘心焉至則母寢旁婢僕相繼敢者不一氏再絕再甦與夫具殮成禮而歸疫一不染人謂孝感之效如此年僅四十六教子以義方臨終以諄諄讀書二字不置

陸氏府庠生章來妻姑老病臥不起氏獨朝夕餉哺羹除洗滌曾無厭倦姑臨終泣謝曰我待汝薄汝報我如是厚

願汝婦孝亦如汝翁患瘵火疾飲食早晚惟氏能順適其意初氏幼喪母繼母寡恩氏不失子道蓋天性仁孝然

也子夢易教之成名長媳顧氏孫媳費氏願氏不墜其遺休

鈕氏貴池訓導陸恆妻家貧為人紡績供薪水姑患痢日為除穢無難色其隨任貴池也躬操井臼苦勸甚家居時

論者謂有魯敬姜之風焉本陸恆自叙

趙氏江西兵備道顧自植妻自植為諸生時貧不能自給欲廢學氏曰君憂貧賤貧賤何損丈夫苟卿有言志意修

顯富貴道義重輕王公若欲力學而事生產猶力田而棄耘終無獲矣自植改容曰非卿言幾失吾立身計也

後成進士皆氏之助云本鄒元標撰墓誌銘

王氏邑庠生顧而周妻自幼端重孝敬父母而周初贅於王父沒歸顧并迎母張以養焉姑久去世翁在堂祖姑慈

甚甚難承順氏委曲周至詎得其意翁與祖姑交嘆為賢翁偶需用四十金氏傾囊以奉無吝色而周有弟先沒

遺一女氏備盛奩以嫁之翁與祖姑相繼沒氏獨任喪費而遺產悉歸伯叔平居以讀讀教勉子孫識者謂為山

囑中知大體者本續先哲志
下二傳同

陶氏邑庠生顧文策妻性貞靜通孝經諸書大義文策好學夜分不寐氏每烹茗溫酒躬績其旁以佐之撫軍陳有令德遐齡按君徐有令德壽母之獎年九十三卒

周氏太學生顧其暉妻翁患腰疽勢危甚時其暉在外父台氏任所氏延醫診治服參數兩參費甚費三四十金其他藥餌膳羞之費又不下三四十金簪珥衣服盡售以用繼姑不慈奉養豐潔能悉當翁姑之意

姚氏周顯妻少嫻姆教通女誡柔和貞靜宗族交推顯幼出繼於鄒姚氏善事舅姑勤勞無怠後鄒有子顯歸宗盡舉其業還之氏勤苦相夫復整家業課子有和九風鄉黨重其懿行焉本陳理
振傳

大清

何氏贈君周祚新妻內則夙嫻明於大義躬茹淡素織作忘勞不以子貴易操子爰訪宦遊所至必勗以清白無忘先訓家媳陳早卒撫育失恃之孫顧復教誨自孩提以至成立俄頃不忘兩世辛勤年八十七得沾封誥宗黨以

爲儀表焉本葉丹
桂撰傳

孫氏邑庠生龔杏傳妻子歸時姑已沒言及輒垂涕事舅三十年心力俱盡舅每嘆其賢孝筆之家乘稱爲婦德之冠家貧凡畢婚嫁卜宅廬拮据佐助之力爲多親操井臼至老忘倦洵閨中之君子也本周晉綠
香書屋集

同里志

卷十七 閨德

二

金氏諸生周枕妻枕少好詞賦性落拓不羈不肯事舉子業氏力勸竟舉卒成名士所有恆產不能給數口氏甞勉有無上佐甘旨下畢婚嫁遺產垂失而復存皆氏之力也壽八十四本顧我
銜撰傳

名媛

自午夢堂集一出後之棄針黹而事篇章者益多然皆深自韜晦不欲人知所以閨閣詞華未能數見即有關名教者亦復不少而俱湮沒不傳乃知作媛君子晨夕唱隨一吟一咏可與雞鳴昧旦之篇並傳千古亦何必拘於內言不出哉志名媛

沈顧氏

陸觀蓮

艾默

沈瑞玉

周金氏

梅芬

姚棲霞

袁松貞

張滋蘭

費溫如

汪玉軫

顧氏諸生有孝姊沈自南室為詩詞有才思嘗咏墨繡錦纏道一閱檢討徐鈞極稱之

陸觀蓮字少君艾丹生室能詩與丹生相唱和丹生有詩曰室中有高士十年能樂飢又曰憐渠最幼小獻歲解吟

詩蓋紀實也號兩鬢道人著有蔣湖寓園草

本邑志

艾默字季齋小字墨姑丹生女生而奇慧七歲通孝經九歲能詩年十六未字母卒默願隨甫三日亦卒康熙丁未

六月也

見詩粹

沈瑞玉字希光洞庭山人貢生顧銘室母張閨仙有詩名瑞玉幼承庭訓即能詩著有繡餘吟稿 卷從母張羽仙

同里志

卷十七 媛名

三

為之序

本邑志

金氏舉人嗣麟孫女太學生源琦女周杭室有遙夜不寐眷懷慈親詩選入松陵詩徵著有繡餘集藏於家

見詩徵下二條

同

梅芬字素娟號雪香陳自煥室性穎敏工琴嗜史書貫通經義尤長於詩袁景輅評曰不尚濃麗不事雕琢隨筆所

如自繞雅韻此閨閣之白太傅也著有綠筠軒詩草行世虞山陳祖范同邑顧我鈞周齊撰序

姚棲霞偕女四五歲能辨四聲十歲即握管成章年四十七以療疾卒善填詞牡丹滿庭芳傳遍海內所遺有剪愁

吟

袁松貞定海女幼稟母訓素嫻聲律長歸陳毓成雞鳴唱和其詩詞格律日益進共欽為女學士著有拾翠軒詩草

張滋蘭字清溪太史大受孫女徵士任兆麟室少與姊蘊妹芳芬俱有才名著有清溪詩稿選吳中女士鈔行世闈

事姑王媛能盡孝王性行賢淑事舅姑至孝亦工詩有示子詩載虎阜志兩世才德並為鄉里所推

參馮培撰傳擲芳集

費溫如字玉瑛增廣生王祖庚室邑稟生費振烈女幼承母教好讀書愛通鑑即工詩後專事女紅不欲以詩流傳

鮮存稿卒後搜輯所遺僅什之一二繕寫成帙母舅袁益之悼以詩文跋其遺草焉著有玉瑛遺草

本袁益之撰詩歌

汪玉軫字宜秋陳昌言室家赤貧夫外出五年撐柱家務撫養五兒俱以針黹供給而有才如此著有宜秋詩鈔

見

同里志

卷十七名媛

同里志卷之十八

人物志九

節孝

窮簷蕪屋之中茹茶飲藥以歿其身得蒙 旌獎垂諸史冊可以慰泣於九原而未蒙 旌獎者附後以待於後日也志節孝

明

顧氏承事郎顧寬女龐榮妻榮病瘵十年而卒氏哭至喪一明尋復雙瞽父欲迎育之氏曰兒雖大人遺體然婦人

以夫為家夫雖歿家猶在也惓惓守志事姑盡孝嘉靖三年 旌表 見邑志下二傳同

顧氏光祿監事顧綱女監生吳邦棻妻棻卒業北雍氏年二十四誓不改適事孀姑孝嘉靖四十年 旌表

陳氏廣信府推官陳廣女歸曹晉十五失偶悲號徹晝夜時有勸改節者斷髮自誓繼又勸之乃破頭願死而復生

苦節三十六年事聞 旌貞節

陸氏諸生龐棠妻夫亡守節終身嘉靖 旌表

宋氏顧自棖繼妻自棖養於宋生嫡二姑居同川雖隔遠歲時必修子婦禮年二十六夫亡擗踊號慟欲殉死母力

同里志

卷十八節孝

勸止孝事孀姑惟謹苦節五十年直指公獎有操凜冰霜之類 本續圖德志

葉氏邑庠生顧祖武妻年十九夫亡妾遺腹一女撤己奩嫁之嗣子世第教之遊庠守節四十七年天啓三年 旌

表建坊東柳圩 見邑志

盧氏邑庠生顧而謨妻而謨性仁孝尤力於學五經史漢唐宋八大家無不淹通年三十一卒氏愈恪謹孝於翁姑

屢蒙 旌獎有旌節貞操節孝齊芳三額棲居四十餘年而歿 本續圖德志

文氏相國文肅公妹年十八適諸生陳元鳳未三月夫亡苦節三十餘年撫嗣子成立有孟母風崇禎十年 旌 見邑志

志下二十七傳同

方氏御史陳王道繼妻年二十三于歸閱九年夫亡守節四十二年卒崇禎十二年 旌

舊邑志並載方氏以處子終按陳譜力辨其訛又言卒年八十二當考

大清

張氏顧柄南妻甫婚即遭舅喪柄南哀毀吐血至明春卒氏年十九發而矢志無子育從子鼎勳成立鼎勳以獨子

歸宗復立鼎實為嗣苦節四十二年康熙二十三年 旌建坊東稽柳圩

徐氏許士貞妻年二十八夫亡守節三十八年雍正三年題 旌

王氏嚴克武妻年十七夫亡守節四十五年雍正六年題 旌
沈氏葉蘊谷妻年二十一夫亡守節四十七年雍正六年題 旌
沈氏潘秉樞妻年二十八夫亡守節三十一年雍正七年題 旌
張氏顧士達妻年二十八夫亡守節四十六年雍正十一年題 旌
吳氏王道宗妻年二十八夫亡守節三十六年雍正十三年題 旌
徐氏王季雲妻年二十六夫亡守節四十七年雍正十二年題 旌
朱氏徐孔集妻年二十七夫亡守節三十五年乾隆元年題 旌
蔡氏顧芝妻年二十四夫亡守節三十九年乾隆元年題 旌建坊耦字圩
顧氏貢生陸瑤妻年二十五孀卒守節五十八年乾隆二年題 旌建坊耦字圩
顧氏陳沂留妻年二十五夫亡守節三十六年乾隆三年題 旌
趙氏諸生王文炳妻年二十一夫亡守節六十二年乾隆三年題 旌建西稽欄圩
金氏陳景芳妻年十八夫亡守節三十年乾隆三年題 旌建坊東尾圩
錢氏張從政妻年二十四夫亡守節四十五年乾隆三年題 旌

同里志

卷十八節孝

一一

周氏王希旦妻年二十四夫亡守節四十五年乾隆四年題 旌
金氏王鳳岐妻年二十七夫亡守節三十六年乾隆五年題 旌
孫氏徐瀛妻年二十八夫亡守節四十六年乾隆五年題 旌
鈕氏王維祜妻年二十九夫亡守節四十一年乾隆六年題 旌建坊南祕圩
屠氏李祥侯妻年二十六夫亡守節四十六年乾隆六年題 旌
陳氏顧啓坤妻年二十八夫亡守節三十三年乾隆六年題 旌
錢氏顧德興妻年二十四夫亡守節三十五年乾隆七年題 旌
朱氏顧景椿妻年二十一夫亡守節二十一年乾隆七年題 旌
潘氏王甸服妻年二十六夫亡守節三十三年乾隆七年題 旌
顧氏周庭山妻年二十五夫亡守節三十年乾隆七年題 旌建坊大止圩
按宗譜顧氏卒年九十邑志載守節三十年疑當時現守節三十年當考
吳氏王之杓妻年二十三夫亡守節五十六年乾隆八年題 旌建坊西稽欄圩
包氏王維禱妻年二十六夫亡守節四十七年乾隆七年題 旌建坊裏詠圩

金氏安邱縣縣丞枝榛女年十九適徐肇文越三載肇文卒無子撫伯氏子口為嗣守節二十五年乾隆十七年題旌

葉氏呂錫圭妻年二十夫亡守節三十五年乾隆四十四年題 旌建坊小西若圩

王氏監生陳毓德妻年二十三夫亡無子撫姪監生兆璵為嗣守節四十七年乾隆四十八年題 旌建坊裏二角圩

顧氏麟書女李重德妻年十七夫亡無子撫姪士銑為嗣守節五十七年乾隆四十九年題 旌建坊西柳圩

曹氏諸生蘭佩女適許翮年十九夫亡撫遺腹子金塔中庚子科舉人守節四十口年乾隆四十年題 旌建坊

沈氏王鼎銘妻年二十四夫亡守節二十六年乾隆五十年題 旌

沈氏李昭融妻年二十三夫亡屢欲殉節因有遺腹綿延宗祀撫孤士法至成立守節六十三年乾隆五十二年題

旌建坊南荒圩

章氏袁桓繼妻年口口口夫亡守節口口口年乾隆口口口題 旌建坊益字圩

徐氏朱楓林妻年二十四夫亡撫遺腹子光沛成立守節六十年乾隆五十八年題 旌建坊東柳圩

朱氏鄒如范妻年二十一夫亡守節三十四年嘉慶元年題 旌建坊鑑字圩

同里志

卷十八節孝

二

盛氏史一能妻年二十五夫亡守節四十五年訓導袁毅芳給苦節彌貞額嘉獎

嚴氏袁秉賢妻年二十五夫亡守節三十九年嘉慶元年邑令唐顯獎

凌氏陳國佐妻年二十七夫亡孝事舅姑喪葬盡禮立姪璉為嗣並撫三齡失恃姪璉如己出後璉天即嗣璉守節四十一年嘉慶八年題 旌建坊慶字圩崇祀本邑節孝祠進士楊復吉撰墓誌

陳氏監生徐大均副室年二十七夫亡哀毀絕粒誓不欲生族人以撫孤大事勸之乃止孳孳獨立摒擋家務守節撫孤鼎亨豫亨至成立鼎亨為名諸生年六十三卒嘉慶九年題 旌

以上已經 旌獎

明

顧氏曾璉女年十五適周大武葉志脫末一年大武亡誓以身殉親族力護之月餘始食家貧教嗣子國新力學貞

靜純一始終無間苦節六十年卒子國新後於 國朝順治庚子冬夢見其母霞衣霓裳面多神采詢之曰我以

守節好善蒙紫府錄為侍者詳載顧偉異夢述見邑志

梅氏諸生顧會貫副室年二十七曾貫亡貧不能舉火飲水食糠日以爲常苦節三十年卒

梁氏顧祖芳妻年二十一夫亡之死靡他守節六十餘年卒

陳氏周緒新妻年二十餘夫亡家貧無子績紡以供朝夕一女贅顧厲武厲武亦早卒母女相依集蓼茹荼者數十年卒年六十四

朱氏涵宇女年十六適孫和鳴二十八日夫亡舅貧食指者衆返母家兄建侯割宅以居矢志守節績紡自給壽躋八旬卒

錢氏張晉仙妻晉仙隨兄赴水死氏守節撫二子至成立手胼足胝不辭辛苦云

史氏諸生張晉明妻夫亡不茹葷不曳縵往來坐臥唯誦大士經嘗語人爲寡婦先須斷絕繁華真名言也

池氏馬士隆妻二十四夫亡守節五十一年卒

大清

單氏張晉階繼妻乙酉鼎革時晉階被盜害氏聞變卽思自殉繼思夫仇未報遂牽子鳴官賢帥楊公勦兵斬之緝

繼自給守節二十年卒

趙氏周榛濟妻年三十夫亡矢志守節之死靡他云

許氏贈君王化源妻年十九夫亡守節四十六年卒

陸氏王景旦妻年二十四夫亡守節三十五年卒

同里志

卷十七節孝

四

沈氏陸思泉繼妻年二十八夫亡守節四十三年卒

鄭氏邱雲龍妻年十八夫亡守節三十四年卒

丁氏王化洽妻年二十四夫亡守節五十五年卒

葉氏明經武昌令楠孫女歸龐孟耘佐夫勤儉育德夫亡冰蘖自矢長齋繡佛潛心內典撫其孫允彬允彰至成立

子孝孫賢擴充先業守節靡他可爲福德並懋者矣

沈氏孫錫瓚妻年二十六夫亡無子守節三十餘年卒

朱氏何介惠妻年二十六夫亡苦節二十一年卒

張氏范章勳妻年十八夫亡家貧無子苦節五十六年卒

葉氏主事紹袁女年十八適吳栗婚五月夫亡守節六十一年卒

華氏諸生王儀妻年二十五夫亡守節五十年卒

俞氏龐瑞良妻年二十八夫亡守節三十六年卒

金氏陳鈞妻年十七夫亡守節六十年卒

甯氏吳球妻年二十六夫亡守節四十四年卒

陳氏樊鑑妻年二十夫亡守節五十年卒

張氏徐茂冲妻年二十四夫亡苦節二十六年卒

張氏徐茂甫妻年口口夫亡守節

葉氏諸生季衡元繼妻婚一月夫亡守節

姚氏趙觀王妻年二十夫亡苦節二十九年卒

王氏朱聘三妻少寡無子孝養姑疾針帶自給守節三十餘年卒

錢氏顧錫申妻婚一年夫亡無子苦節二十餘年卒

章氏年十九適周劬三年無子撫姪爰詔爲嗣苦節二十三年卒

朱氏廩膳生員周純如妻年二十四夫亡無子事祖姑孝養備至暮年兩目俱盲閨中紡織日以爲常苦節四十年卒

徐氏孝子孺芳女適孫毓青年二十六夫亡守節五十年卒長洲沈德潛大書節並松筠四字以表其居

王氏周以恕妻年二十二夫亡遺孤義甫彌月氏哀毀絕食誓以身殉親族力勸不止及姑諡以撫孤大義始食孝

養老姑義方教子苦節二十三年卒

同里志

卷十八節孝

五

王氏沈培源妻年三十夫亡貧苦守節撫養諸孤病篤長子欽文剜股以療奄留四月卒至不起苦節十年族人欽之送主入本邑太常寺公專祠內節孝家祠

范氏王文照妻年二十四夫亡守節四十年卒

陸氏王維新妻夫亡守節卒

盛氏侯選刑部司理陳毓昌妻年二十七夫亡無子立姪早夭立姪孫爲嗣守節五十年卒

潘氏葉德威妻年二十八夫亡舅姑衰老子女俱幼孝養慈撫營葬三喪勤儉持家義方訓後縣延世祚五代一堂八十七而卒

顧氏周文耀妻年二十夫亡苦節十四年以習勞成疾卒

秦氏陳惠德妻年二十三夫亡守節四十餘年卒

屈氏杜肇開妻年二十三夫亡遺腹子撫至成立守節五十七年卒

沈氏袁光被妻年十八夫亡苦節十五年卒

金氏任璠妻年二十七夫亡撫孤成立苦節五十六年

翁氏舉人顧我鈞繼妻夫亡撫二子苦節口年而卒

印氏顧典學妻年二十九夫亡守節四十五年卒

宋氏序章女適董司成閨會孫禮存禮存亡苦志守節紡織自給積金葬舅姑兩世迨氏亡親族檢其笥出其翁詩稿一本乃見其不忘先人手澤云

沈氏附貢生贈文林郎袁景輅繼妻贈孀人年三十夫亡守節四十年卒

馬氏袁景輅副室年二十一景輅卒守節四十四年卒

沈氏顧人傑妻年□□夫亡守節□□年立姪孝祚爲嗣早卒

周氏鄒成家妻年二十四歸鄒八月夫亡遺腹生子撫至成立苦節三十九年卒

陳氏兆崑女適吳郡汪芷生年二十七夫亡立姪諸生文謨爲嗣苦節十一年卒

鄭氏袁驥德妻年二十三夫亡無子紡織自給苦節五十八年卒

吳氏陳國輔妻二十七夫亡守節二十二年卒

王氏諸生趙受妻年二十九夫亡苦節四十三年卒

許氏馬定字妻年二十口夫亡撫孤元勳成立守節三十口年卒

陸氏王維垣妻年二十三夫亡遺孤又天苦節四十六年卒

同里志

卷十八節孝

六

徐氏葉三臺妻夫亡守節年九十二卒

以上守節已卒待 旌

龐氏嚴昆來妻年二十一夫亡守節

王氏邑令錫女年二十五適莘塔監生陳國寶越一載夫亡撫嗣子成立守節現年八十七歲

龐氏嚴肇源妻年二十一夫亡立姪其白爲嗣早夭撫嗣孫慈雲成立守節現年七十三歲

吳氏陳毓照妻年二十八夫亡撫遺腹子娶婦至成立不數年子又夭折撫孤孫日用薪水皆姑媳十指出也苦節

現年七十歲

蔡氏顧道千妻年二十六夫亡守節現年六十五歲

顧氏製錦女徐延清妻年二十六夫亡投繯者再舅姑諭以撫孤大義泣從之姑患瞽氏日詘之得見守節現年六

十五歲

姚氏趙鎮圭妻年二十夫亡立姪天錦爲嗣守節現年六十三歲

朱氏嚴榮生妻年二十五夫亡孝事舅姑撫孤成立勤儉持家貞靜純一守節現年六十二歲

沈氏王文魁繼妻年二十六夫亡守節現年六十二歲

沈氏周禮垣妻年二十夫亡無子立姪鐔爲嗣苦節現年五十九歲

浦氏張心培妻年二十五夫亡撫孤成立守節現年五十八歲

朱氏監生觀王女錢兆江妻年二十五夫亡守節現年五十六歲

顧氏陳紹連妻年二十三夫亡守節現年五十五歲

陸氏朱維桐妻年二十四夫亡守節現年五十二歲

沈氏金厚田妻年二十一夫亡守節現年五十一歲

盛氏張寶真妻年二十六夫亡撫姪爲嗣守節現年五十歲

徐氏龐振彩妻年二十六夫亡守節現年四十九歲

葉氏陳璉聘室年二十三璉亡氏聞訃守貞姑憐而拒之氏絕粒求死姑始從之卽奔喪衰麻哭泣抱主成婚立姪

文伯爲嗣守貞現年四十八歲

盛氏王邦寧妻年二十四夫亡守節現年四十六歲

丁氏諸生涵女許簡妻年十九夫亡守節現年四十三歲

柴氏王兆元妻年二十二夫亡守節現年四十三歲

同里志

卷十八節孝

七

張氏沈丕承妻年二十二夫亡守節現年四十二歲

殷氏監生濂女陳琳妻年十九夫亡守節現年四十一歲

沈氏金殿南妻年二十七夫亡撫孤守節現年□□□歲

補遺

顧氏王景和妻年十九夫亡守節四十七年卒康熙間邑侯張給匾嘉獎

朱氏龐士賢妻年十九夫亡遺腹子瑞良撫至成立守節五十五年卒康熙間邑侯朱給匾嘉獎

顧氏贈儒人徵仕郎范汝桐妻夫亡守節三十九年雍正四年布政使漆紹文知縣徐永佑並給匾嘉獎孝廉顧我

鈞撰傳

錢氏費元謙妻年二十五夫亡守節三十四年卒雍正八年題 旌

凌氏梅士燦妻年十九夫亡守節四十一年卒雍正十一年題 旌

趙氏張勳妻年二十一夫亡喪終服毒死雍正十年題 旌十三年建坊稱穉圩

陸氏邑庠生侯補州司馬梅炎繼妻年二十八夫亡孝事舅姑義方教子守節五十九年卒乾隆三年題 旌建坊

湯無圩崇祀本邑節孝祠

葉氏呂贊公妻年十九夫亡守節三十六年卒乾隆間題 旌建坊中若圩

沈氏監生范日省之妻年二十九夫亡守節三十一年乾隆五十四年題給匾 旌獎五十七年督撫常批准自行
建坊年七十七卒

王氏袁安書妻年十七于歸歲未週夫亡絕粒者數親族力爲勸解乃止事舅姑孝養盡禮舅晚年生子氏以嫂自
幼撫至成立生子細氏立爲嗣守節□□年□□□□年題 旌現年六十四歲

王氏顧後裕妻年二十七夫亡守節二十四年卒嘉慶八年題 旌

以上已經題 旌

張氏年十六適周根茂根茂得咯血疾又患癩癧張服勞十年夫亡孝養兩世老姑撫育二齡孤子心力盡瘁苦節
三十六年卒

龔氏諸生洙培女顧乾六妻年二十八夫亡苦節五十九年卒

顧氏朱志宰妻年二十八夫亡苦節六十二年卒

施氏郡庠生柴成龍繼妻年三十二夫亡遺孤百日乾隆庚午遷居同川教子瑛成立營葬父母祖孫三世十一樞
苦節五十三年卒

同里志

卷十八節孝

八

顧氏龐羽宜繼妻夫亡守節

王氏監生廷珪女適江城葉陶倫年二十二夫亡撫嗣子天根成立卒又撫育孤孫苦節四十九年卒

王氏監生廷珪女章書傳妻年二十二婚三月夫亡立姪守節三十八年卒

王氏監生廷珪女適江城庠生陸聲年二十九夫亡立姪守節四十六年卒

王氏縣令錫女馬寧祖妻年三十夫亡子鍾英甫三齡撫養教育克自成立守節三十五年卒

顧氏王祖謙妻年二十六夫亡立姪嘉慶戊午科舉人舉孫爲嗣守節十一年卒

張氏郡庠生王燮妻年二十二夫亡守節六十一年卒

吳氏錢興周妻年二十六夫亡守節二十四年卒

許氏周衡先妻年二十三夫亡守節二十六年卒

孫氏王立均妻年二十七夫亡守節二十一年卒

以上已卒待 旌

蔣氏顧後耀妻年三十三夫亡撫孤成立守節現年六十四歲

趙氏監生王鳴竹妻年三十夫亡守節現年五十九歲

朱氏監生玉芳妻繼妻年三十夫亡守節四十九歲

梅氏孫士城妻年二十七夫亡撫孤成立守節現年四十八歲

潘氏顧樹存妻年二十四夫亡守節現年四十四歲

嚴氏沈衍慶妻年十九夫亡立姪祖德爲嗣守節現年四十歲

楊氏馬祖禹妻年二十二夫亡子甫四齡辛勤教養以至成立矢志守節現年八十七歲

張氏年十七適陳毓璉越三年夫亡無子立姪震廩生兆清爲嗣守節現年六十三歲

曹氏龐曾懿妻年三十一夫亡守節現年六十歲

節孝一卷奉憲 給示採訪風化所被潛德尙多凡我同人加意搜羅不敢或弛如有遺漏因子孫無意表揚

縣志已載而里志未盡收錄又緣世遠年湮未識果爲同里人否也故略之閱者諒之謹識

同里志

卷十八節孝

貞節

守貞較守節尤重舊志概以節孝 旌表凡處女守貞 朝廷加意褒揚或激烈捐軀或從容就義勿以未
旌而弗志也志貞節

明

凌女字徐應化未娶而天凌年十四泣請於父母欲臨其喪不許則撫膺曰兒徐婦也蔡兒行將何為父母不得已
強聽一往即易衰經伏尸哭極哀水漿不入口者數日久之其舅死姑獨與凌居歲大饑斗米二百錢凌力作養
姑姑嘗疾困凌割股肉啖之姑患醫舐之乃明童年歸徐以迄於老飲食臥起必依徐柩巡按御史以聞 詔旌
其門歲給粟帛終身 見邑志下
一傳補遺

大清

何氏梅尊光聘妻未婚梅亡守貞終身

陳氏字顧佑熾未婚佑熾亡陳聞訃泣別家廟蓬跣登舟拜舅姑拊夫屍一慟幾絕終身服孝服無慚衾影知縣趙

子山獎曰女君子乾隆四年 旌表建坊

陸氏沈芳辰聘妻年二十沈亡守貞三十三年乾隆六年題 旌

同里志

卷十八 貞節

十

金氏顧啓疆聘妻年二十一啓疆卒守貞三十二年乾隆七年題 旌

徐氏顧啓汁聘妻年二十二未婚啓汁卒聞訃奔喪紡織自給苦節四十三年乾隆口年題 旌崇祀本邑節孝祠

陳氏幼育於徐華字家字於顧未婚顧亡奔喪守節

胡貞女幼字梅某納采後即育於梅年十六未婚梅亡矢志守貞十五年卒

陳女字諸生顧德茂子未婚顧亡守節三十餘年卒

陳女簡村元懋女字王熙彥未婚熙彥亡守貞十年而死其翁杯存迎其柩與熙彥合葬江寧蔡寅斗同里周育撰

貞女傳

節烈

矢志守貞與殺身完節者一則以禮義為重一則以性命為輕 國家加意褒揚與苦節奇貞者同一 旌表焉志節烈

明

錢氏胡原妻洪武三十年原戍滇南通竄事覺坐乘市錢謂之曰君無父母萬里歸正為妾耳今君死妾生何為乃泣置其乳兒遂自縊年二十八袁華為傳

大清

許氏太學生馬捷妻乙酉八月避兵於九里湖遇兵遂投於水兵鈎起之大罵為所殺并殺兩舟子即日得其屍頸傷指斷怒髮勃勃如生

沈氏諸生陳啓瀛妻乙酉八月兵至啓瀛被殺氏匿竹林中兵搜得之氏手持竹不屈兵怒奮刃斷其腕左臂兩截右臂七截死七日手猶擊竹不解其母吳氏哭曰今殮汝當全而歸之手始脫雍正五年 旌表孫元作詩輓之見詩徵

錢氏顧世裔妻 沈志作繼妻 乙酉八月湖里中兵四集錢偕世裔至韓氏水花園兵獲之力弱不能抗仰天呼世裔大哭

同里志

卷十八節烈

十一

語兵可即砍我兵釋之去遂赴水死尋得其屍髮覆面淚痕若漆焉

錢氏太學生馬孟祥繼妻乙酉兵至擒之入舟至塔巷港兵將汚之錢奮力一躍投水而死

按馬譜馬捷字孟祥妻許氏乙酉遇兵投九里湖死詳上繼妻李氏茲載錢氏馬孟祥繼妻乙酉遇兵投塔巷

港死孟祥即馬捷字一死於九里湖一死於塔巷港况氏與譜不合邑志必有一誤

某氏邵一妻乙酉七月兵入被執至舟中怡然如常兵不為備至寶帶橋投水死

顧氏庠生顧而雅女適陳孟台乙酉兵至氏偕夫避難已猝遇兵被害牽氏入船氏奮力奪兵手中刀欲報夫仇不克罵不絕口而死死數日面如生

徐氏王景龍妻年二十五夫亡一子殤織紡以養舅姑乙酉避兵至九里湖兵卒至氏曰我婦人也不可伴生躍入湖水三日屍始浮

張氏庠生顧應鼎妾賊逼汚哭罵不受辱遂腰斬焉

徐氏郡庠生顧說妻年十八適說乙酉九月避亂遇兵投水死年二十一

周氏龍家港田家女適小葉港許某翁悍而無禮氏以義拒撻刃刎腹而死鄰里訴諸官翁瘐死雍正八年事

口氏菱蕩田田家閔口口妻夫亡為翁所逼守貞不從而死

徐氏漁家女王九皋妻九皋破其明年嫡欲嫁之徐遂自縊死乾隆五年事

朱氏庠生朱夢麟女年二十六適黎里諸生汝殿邦二十九夫亡方斂氏欲躍入棺中不得既又袖利刃欲自裁婦
矧覺而奪之遂密自紉其衣裳衰麻以七夕乘間自縊死時乾隆十年距夫死二十八日 旌獎建坊 見邑志上十四傳同

陸氏歸陳門乙酉八月兵至氏抱其女浮小舟以避猝爲兵所獲遂舍女自投水中兵以戈亂刺血流港面而死

沈氏諸生襲嘗女爲兵所獲斷臂而死

顧女東溪顧世臣女年未及笄兵至倉皇同父母出門兵執之以刃加頸脅之從女大呼仆地遂砍死田陸

顧女玉洲孫女年十五兵至赴水死

沈氏夫某貧甚一日負米歸氏問所由來夫戲云以汝易之氏悞以爲真遂投河死

吳氏施某妻婚三月夫亡誓以身殉苦守節六年絕粒死

朱氏歲貢生洪斌女年二十二適郡城范成吉一年夫亡自經死

周氏施某妻婚三月夫亡守節六年絕粒死

吳氏嚴某妻婚一年夫亡逾月絕粒死

陳氏副貢生士寧女丙辰進士國子監學正毓咸抱姊舉人 她贈奉政大夫王傑妻 她贈宜人年二十九夫亡

同里志

卷十八節烈

十二

殉節乾隆二十五年題 旌建坊魏字圩崇祀本邑節孝祠

徐女葉澤湖濱農家女年十四許字戴墳徐某某亡矢志守貞父母憐其幼而欲嫁之遂自縊死乾隆二十九年事

程氏王穎發妻年二十一夫亡無子立姪爲嗣守節二十五年自縊死

費女字鄒殿揚父早卒有惡少欲污之女痛罵絕之詣父墓號泣竟日投河死時年十七乾隆四十五年事

盛氏舉人朝棟姪女王祖勳妻年二十七夫亡誓以身殉號泣半載成疾遂絕粒而死

陳氏那庠生兆鯨女適盛澤鎮顧維祥越三年夫亡誓不獨生至三十九日自縊死嘉慶五年題 旌建坊崇祀本

邑節孝祠同邑沈宗德金學詩陳兆驥撰傳

王氏諸生步瀛女顧人偉妻年二十四夫亡絕粒十八日死嘉慶四年題 旌建坊箕托圩

任氏金鑿妻年二十八夫亡誓以身殉抑鬱八載絕粒死

張女職字圩農家女許字外學圩俞某子俞某與張女父有隙張女含憤不得伸遂自殉後俞將娶張女女思父因

俞致死不忍事父仇遂自縊死附

補遺

王民生員沈鳳禎妻年二十八夫亡守節四十四年乾隆三年題旌建坊
穉字圩 邑志作六都人

褚氏沈衍序妻年二十五夫亡無子誓以身殉抑鬱八月絕粒而卒待旌

同里志

卷十八節孝

同里志卷之十九

人物志十

宦蹟

朝廷設官以正萬民故雖尉吏微員亦可宣教化而勵民俗乘田委吏聖人不恥短簿清員名流寄蹟同里偏居一隅官設巡檢司責係巡鹽捕盜事可潔已正入賢君子處之亦可小試烹鮮佐理絃歌間有一二清能足以紀述者勿以秩卑而弗傳也志宦蹟

趙永正

沈以鉞

陳箴

王家安

蕭履堂

趙永正丹陽人雍正十年任以北籍吏員授職居官廉潔清託不行紳衿往來餽遺禮物一概謝絕迥越恆流卒於任里人德之爲置位入里社以誌弗忘焉

沈以鉞石埭人雍正十一年任寄署慧日懺院因舊署火燬創建新署士民爭踰事不擾民判決無滯有沈清天之目民共德之

陳箴山東濟寧人乾隆二十一年任布衣蔬食芒鞋布襪閒行於市見有爭者卽判決解去不索硃儀每以無事爲

同里志

卷十九宦蹟

一

福時與野老黃冠課晴問雨性嗜酒人飲之以果啖之不必具饌其誠樸如此值二十年荒督賑於庵中一無染指真廉吏也士紳共禮之卒於任

王家安字靜菴先世廣寧漢軍後占籍大興民籍三十年任同里司慈祥愷悌與物無忤樂與士紳往來善隸篆喜豪飲掛吏議劾職王曾翼等贖金捐復尋選山西寧化所巡檢去

蕭履堂字敬齋建寧人國子監生乾隆三十五年署同里巡檢廉潔自矢不名一錢地多竊匪賭博履堂夜常巡徼市中奸宄以息尋遷震澤縣丞去履堂喜論八法書帖

流寓

同里地雖一隅君子之至於斯者多矣有客信信有客宿宿非久留者概置弗錄也志流寓

張擇

倪瓚

王逢

顧瑛

錢維善

韓奕

姚廣孝

董其昌

龔居者

爰丹生

高孝本

許鎮

許王猷

姚浩

戴瀚

任啓運

沈德潛

陳祖范

蔡寅斗

吳懋政

戴潛

元

張擇字明善湖南人博學多才長於詞曲古樂府歌行頃刻數百言立就得騷人比興之體善推步天象言休咎有

徵元至正間從湖廣客遊東吳道阻不能歸因僑居同里巨室爭延致之方賓筵酒酣操筆爲新辭擊唾壺而歌

聞者爲之傾倒清癯多疾遂終於此

本色志先哲志

倪瓚字元鎮無錫人詩畫清絕爲世所珍至正間避兵吳江寓同里鎮及華嚴寺士大夫爭延致之見俗子輒避去

同里志

卷十九 流寓

二

如晚好潔喜焚香明洪武間以事註誤乘舟匿長橋蘆葦中捕者聞其異香遂獲之

按張景吳中人物志云瓚元季鬻田千百緡悉與張伯雨

乃扁舟浮江湖時依止僧房道館寓松陵與陸靜遠虞勝伯爲友○本色志

王逢字元吉江陰人至正中累薦不赴避亂上海之烏溇築草堂以居自號最閒園丁世所稱席帽山人是也嘗寓

居洞真觀有詩載梧溪集

本願汝敬志藥

顧瑛字仲瑛崑山人乘家隱同里僧寺

按詩粹云瑛徒居九里村法喜寺

故江陰王逢懷瑛詩有九里水雲孤權泊半樓霜月兩樽

同之句

本色志

錢維善字思復錢塘人至正辛巳鄉試出羅利江賦鎖院三千人皆不知錢塘江爲曲江維善援据枚乘七發引用

因得名乃號曲江居士官至副提舉張士誠據吳維善遂不仕退居吳江同里與楊維禎唱和有句云笠澤水寒

魚尾赤洞庭霜落樹頭紅又云漢史丁公那及齒陶詩甲子不書年蓋感時事也已而移居華亭洪武初卒

本列朝詩

集邑志

明

韓奕字公望吳縣人宋魏公琦後端重簡默放浪山水間褐衣芒屨一童自隨曾避兵同里韓山人集中有重過同

川詩與王賓俱隱於醫郡守姚善欲見不得嘆曰名可得聞身不可得而見也

參邑志詩粹

姚廣孝長洲人初爲僧名道衍字斯道居相城妙智菴時相城靈應觀道士席應真讀書學道兼通兵家言尤深於機事廣孝從之遊盡得其學歷居邑中華嚴寺慧日懺院多所題詠明洪武中以高僧薦選侍燕邸深見親信與密謀永樂中以請難功進官太子少師復姓賜今名卒贈榮國公諡恭靖事詳明史賜葬北平著有逃虛子集參邑志董其昌字思白號元宰華亭人禮部尚書工書法未遇時嘗教授於里中王氏家塾高人逸士相與流連晨夕不妄交一軒冕暇則吟詩作字一時名士咸敬重之

大清

國初有僦居同里者遺其姓氏家酷貧業冥蠶以養母已之飢寒不顧也其入市必經范翁門范每見深憐之歲除以銀一錠請爲其母壽其人固辭范固與之或讓之曰翁以汝孝捐金助汝固却非人情乃受之過謝家橋鄰於河曰余惟不欲使母有他食也以及於此遂徙去不知所之參邑志詩碑下一傳同

艾丹生字山夫初名京字貫號形齋嘉善人諸生朗鑒曠懷家貧不憂門以內著作斐然甲申後遂棄去諸生改今名入閩年四十後移居吳江之震澤鎮又居盛澤庵村同里諸鎮與朱鶴齡有孝游詩古並工年七十卒於寒山寺兩粵制府吳興祚捐金葬之支剛山麓存有貫齋遺集

高孝本字大立自號固哉更嘉興人康熙辛未進士官績溪知縣縣有印潭巨石沒積沙中吏廉則石見孝本爲介

同里志

卷十九流寓

三

時沙開石見時稱循吏尋去官貧不具體粥客遊四方同里陳沂震其門人也嘗主其家啣盃論古流連忘返著有固哉叟集水顯汝敬志

許鎮德清人進士入翰林出爲南昌府歸常寓同里平生以友朋爲性命然口品高行潔託跡邱園之日居多

許王猷號竹君嘉善人進士內閣學士禮部侍郎乾隆戊午典試江南嘗寓同里市南足跡不入塵市

姚浩號雪軒元和張坡人能書畫畫院供奉賜五品頂帶僦居同里性嗜酒酒酣與之所致連筆成趣妙奪天工不求其佳殆無弗佳已

戴瀚字巨川上元人雍正元年進士及第歷翰林學士以科場事謫居吳江常寓同里研經堂陸宅爲太學生陸廷聘題先世宋松陵八景畫冊著有雪村詩稿本任兆麟吳江續志

任啓運字翼聖居近荆溪釣臺因號釣臺幼有異稟沉潛力學時族父大任講學同里啓運來從之游大任授以中庸性天之學遂憬然悟其宗旨雍正十一年中會試以張照薦 召試性理第一授檢討累官都察院左僉都御史宗人府府丞乾隆九年卒年七十五所著有易學洗心禮記章句肆獻祿饋食禮宮室攷四書約旨女教纂任

太史稿等書族孫思謙有二任經訓之稱云本任中丞家傳

沈德潛字確士號歸愚長洲人官宮傅禮部尚書乾隆庚申嘗教授於里中一時名士皆受學焉

陳祖范字亦韓號見復常熟人雍正元年進士未與殿試乾隆十七年薦授國子監司業已授經於袁氏小桐廬

見詩藏下
一傳同

年七十四披閱諸經典及剛目三通諸書雖盛暑嚴寒筆不停綴著有陳司業集經史行世
蔡寅斗字芳三江陰人乾隆丁卯舉人官國子監助教工古今文暨駢體詩賦聞四方有才士輒遠道走訪以文章友朋爲性命嘗授經於袁氏有年

吳懋政字維風號蘭陔海鹽人乾隆壬申進士任廣東博羅縣知縣嘗授經於王氏翠梧書塾孝廉主優其高弟也
時選讀墨一隅世咸奉爲圭臬

補遺

戴潛字電飛盛澤人工畫梅并能題咏乾隆初僑寓同川陸廷聘師其法

同里志

卷十九 流寓

同里志卷之二十

人物志十一

釋道

釋惟禪教律參道固有正一全真二家夫空諸一切與清淨無為即聖人復起不能偏廢也茲止載有功績於同里寺觀橋梁者志釋道

西遇以下釋善淨

智通 圓覺

普寧 普明

蒙泉徒清碧淵淨秋江

真正堂 寶南琛

宗指南 道淨

靜中徒道際徒孫智環文聰

智修 文淮

雪徑 恆修

鑑可 素哲履

超源法嗣實堅聖宜

天然 問一

明隱 遇修

了凡徒孫關雲黃中一以下道

黃碧巖 尤真靈保

朱守默 鄂青陽

同里志

卷二十釋道

俞嗣宗 蔡真靜

范雲山 金志堅

戴志淵 倪守真

唐

西遇武德中建法喜教寺以下釋

宋

善淨端平中建土地堂

智通咸淳中建積善菴

元

圓覺延祐中建圓明菴

普寧大德中建百婆菴

明

普明洪武三年建普明菴

蒙泉嚴持梵行深究苦空居吉祥蘭若晨香夕燈愴然物表闡揚諸經奧義示人五行八正之旨四衆皈依宗風丕

振禪林諸老未能或之先也其徒清碧潤久侍講席信解受持爲入室弟子云本先哲志
下一傳同
秋淨江容儀謹飭性地昭融內典真詮深造獨詣法喜寺之名僧也早年出主十方禪刹遠播宗風既老而休婆娑
林下享遐齡以沒法嗣誦長老克承其業

真正堂童稚出家師事萬峯慧悟道甚早精修苦行草衣木食處之裕如嘗刺指血寫經無疾端坐而逝越三日徧
體汗流茶毘復有舍利時咸異之其弟應了然同師講道篤志禪那尚德俱茂視其兄有光焉見韻集下
一傳同

寶南琛貌古心清克養有道始爲沙彌徒步登雙徑禮恩菴齊叩心要學成歸隱慧日巖院兼通儒書遊戲詞翰士
類極稱許之主定惠度邱教席掌蘇州僧制規矩老成備徒畏服姚少師廣孝與之深契未及領薦而終

宗指南清慎持身敏於求道博通天台教觀德以愈隆蘇郡開元承天皆古禪刹非名師碩德莫能住持宗指南相
繼主其教席允協輿論法喜乃其受業之地獨捐衣藥命其徒新之名實相符可謂法門之領袖也本先
哲志

道淨宣德四年重修襄方尖觀音菴本續先哲志
同傳五下

靜中木住法喜寺道行普聞里人敦請主慧日禪院啓建殿堂煥然一新其徒道際徒孫智獻智泉曾孫法淳皆有
名稱

文聰景泰六年修西飯菴

同里志

卷二十釋道

二

智修儀容端偉聲音宏徹夙乘慧根素持戒律質直不諂曲謹恪無我慢翊靈古刹明神廟時歲久傾圮智修募緣
更新陸嘉卿所稱身掛破衲衣手敲冷竹拆者也每歲之初道場最盛羅星洲元時有址後爲汙萊智修因文學
顧振魯等之請築防墳土建漢壽亭侯廟自翊靈徙居之香火不斷士庶皈依黃昏五更梵唄之聲徹於村落有
臂力善棍法一夕盜劫之智修持棍橫衝盜披靡去後乃安堵

文淮名惠獎四川營山人因手刃夕避讎禍雲遊至同里遂卓錫慧日禪院院荒頽文淮出藥金二百兩更新之性
嚴毅持戒律不少犯獨喜交文士里中名流結蘭社每月於法堂課藝至期必酒掃拭几以待終日供茶不出院
募化檀越遺之錢米亦弗受院有古鐘五更必起撞之以警行旅慧日禪院百年來僅見此僧耳後人微如能謹
守其法

雪徑本汾湖葉氏僕忽慕空宗夫婦同修行婦出家於城中某菴雪徑聞西飯菴之幽僻乃攜杖鉢而至至時菴不
蔽風雨雪徑有法緣募化修之堂廡房舍庖滷犂然備煥然新又於廬山湖濱築石堤一帶以捍水堤廣二丈雜
植榆柳芙蓉凌堤內汙萊田爲池池種荷花里人三時於此遊玩稱勝景焉雪徑待法於天童道行超俗任真守
靜朝夕功課外禪定而已其容貌亦甚古樸宛然深山中僧後跣趺而逝

恆修字寂暘常州人初薙髮澄江後來同里如佛亭法喜寺翊靈洞真諸寺觀皆所募修圓寂於崇禎十七年年四

十里人為立碑洞真觀紀其生平

本陸雲祥撰碑記

鑑可住持洞真觀苦行焚同里人士咸愛信之

本陸瑤纂錄引

大清

素哲履住持圓明即小蘭若師為熙薨菴首座精梵行好與賢士大夫交陳銳邵士梅徐口皆贈以詩

超源字蓮峯錢塘人徧參諸方因納履悟道雍正九年奉召入內廷奏對稱旨賜紫衣欽勅主蘇州怡賢禪

寺乾隆七年卓錫吳江接待寺規制整肅因來同里曰年來厭喧殊甚此間香岳居頗清靜聊憩息焉越三年示

寂源奉母孝詩文書畫皆可觀著有未歸集法嗣實堅字竹斐接怡賢寺方丈往來同里吉祥菴亦工詩文書畫

見邑志別裁集詩徵虎阜志

聖宣宏覺國師法孫建拈花菴精戒律著有禪餘集

天然住持仁濟道院能草書

問一住持慧日懺院工書法二王

明隱字恭一住持慧日懺院傳臨濟宗戒律精嚴參學最久院傾圮為重新之工楷書畫蘭竹善操琴遠近知名

遇修字成進姓黃氏建寧人嘗隸卒伍獲軍功例得官一日讀關壯繆傳有省途棄入江西某寺為僧年七十餘至

同里志

卷二十釋道

二

同里住持渡船菴渡船橋將圮每夜五更鳴銅版徧走市鎮不設臥具三載得歲事橋甫成而即化去

本顧汝敬志

了凡字茂益姓陶氏宜興人生具慧根見道瓦礫早厭葷血年二十七從師薙髮傳臨濟宗三十七世徧歷諸山凡

十餘載乾隆壬午至同里之羅星洲愛其地僻幽靜遂卓錫焉庵村報恩寺延主方丈登壇講說之暇仍住羅星

洲為安禪之地建水閣臥房住持四十二年嘉慶癸亥年卒徒孫蘭雲修持受戒工繪事

元

黃中一至正七年住玉清洞真觀增建玉皇殿

以下道

黃碧巖住洞真觀江陰王原吉逢嘗過其丹房有詩載梧溪集

本顧汝敬志蘇下一傳同

尤真靈保字佑之號雲外道者嘗依黃碧巖住洞真觀

明

朱守默洪武十七年往洞真觀增建佑聖殿

鄧青陽全真道士也

按沈志作鄧羽南海人明初青陽縣令後為道士

金丹內煉之功既成雲遊物外永樂中自武當往武夷因過同里隱

者范伯彰延之家塾聽講神清氣肅見者竦然嘗著觀物吟百篇皆託物以喻性理之旨後數年尸解而去

見集

列朝詩集先哲志邑志

俞嗣宗字廷遠儀表頎長音吐洪暢傳靈寶齋法默契其妙醮筵歲事終日無情容其誠敬類如此久居仁濟道院
闔郡知名年九十有六見獻集弟子吳宗處號清溪讀書工詞翰善丹青儒雅清標所交多當世名士亦表表可稱
者焉

蔡真靜字彥吉賦性清高志於元學幼年入洞真觀爲道士凡仙經祕錄悉究淵源醮壇章奏必端楷以書由其用
心之不苟也重新觀宇獨任其責首捐衣橐爲倡好義者樂助其成成起廢之功有足稱者矣本先哲志
下一傳同

范雲山名家之子孝友夙成爲二親早喪誓往武當焚香乞於元帝以薦幽爽既返卽辭其兄衣道士服入三茅山

中從師修煉內丹求長生久視之道寡言慎行表裏一誠方外之高士也

金志堅正統初住翊靈道院成化中建永昌橋

戴志淵羽客也正統十三年建湯家橋本先哲志
下一傳同

倪守真住仁濟道院天順八年建元穹閣清淨自修法術靈應後乃仙去

同里志

卷二十釋道

同里志二十一

人物志十二

雜錄

雜錄一書邑志有名雜錄有名雜誌有名叢談同里續先哲志又名雜記書不一其名凡雜言雜事可總名之曰雜錄但非關風化不係治忽者概置弗錄也志雜錄

宋

宋時有所謂特奏名者開寶中詔禮部閱進士及十五舉嘗終場者賜本科出身謂之恩科淳祐中邑之同里有魏汝賢者為特奏名狀元人不知特奏之義謂是副榜者非也見書隱

元

徐孝祥所居茅屋數椽不求完美一日步止後園見樹根一坎墁陷視之下有石螿更啓視皆白金也乃急掩之一毫弗取人無知者幾三十年值至治壬戌歲大荒民不聊生孝祥曰是物當出世耶乃發之取以收糴散給貧人全活不可勝計物盡乃止女將適人惟荆布遺之藏中物錙銖無犯見顏光衷丹桂籍註

明

同里志

卷二十一 雜錄

明初陸仲和富甲吳中以贖制為太祖抄沒其子弟誅夷殆盡止一幼孫僅存戶名陸官奴家於謝里村同里陸氏皆胎源於此見陸恆自序

陳某者洪武時為序班一子騃甚妻梁氏有國色知善吟時周莊顧學文者沈萬三贅婿也知而慕之因以稅長翠舟往來常泊其河下梁亦窺視焉學文乃賂惡少年誘其夫飲博而使媼持異飾挑之遂成私約序班兄知之使童子竊其私書莫志云見號陳順頭顧書片至以松一圖書為尾梁覽舉擗成紙燃燈燬下隨為童子竊去編頭補綴成幅寄序班思有以中之及藍玉事發序班從旁誣奏學文與藍通謀詔捕獲之詞連父妻姻黨莫志云父常弟學禮學敬妻族沈旺沈德全沈昌年沈文規文矩文衡文載文學沈海皆萬三後及其讎七十二家莫志云嚴子玉等轉相援引并及處士張璠侍郎莫禮員外郎張瑾主事李鼎崔齡徐衍等不下千家黨禍大起至五六年乃息梁亦被父逼令縊死本色志下二傳同

宣德三年兵部發軍衛報軍之故疾逃亡名籍下蘇州府查核府委同知張徽清解徽刻深敢忽所治皆窮竟根抵凡戶絕無丁者解同姓昆弟之子若孫同姓盡則女婿無女婿則軍產有佃軍出不及一畝而繼補其役甚至為軍胎之名謂軍妻更適人所生也巧誣深誣每引審輒謂曰爾欲為鬼乎為軍乎於是人皆望風誣服退而自經林木者相望也徽又以吳江常孔道多達官往來恐不便其所為乃住同里鎮縣官及吏忤空一縣從之民被誣為軍者八百七十三名而被殺被逼者不可勝紀

正統初布政使何源致仕家居一日詣府謁知府况鍾青袍角帶從東角門入聞人不識厲聲呵之源曰吾致仕官
頗爲通報聞者曰汝官不過丞簿耳源曰不止此曰豈同知通判乎曰不止此曰然則太守乎曰亦不止此聞人
驚疑徐曰江西布政使也既報鍾出肅入成禮而別挽之由中道不從請乘車亦不從徒步而退前輩厚德如此
令人鮮能及也

吳驥先哲志謂梁時雖席父兄之業不尚執紼之好既罹家禍安貧晏然則時故富家子也而劉鳳先賢贊言時父
初以博得婦生時逾歲博負人攜之去時少則隨母長乃走會稽山中讀書此委巷流傳之語不足信也又驥所
云罹家禍與徐志遺家籍沒相合昔吳中黨禍起於梁氏豈時梁氏之族而株連及禍者耶本賦集

顧綸字廷言號雲居父宏載忠孝傳綸弱冠卽補邑諸生屢應鄉試不第入太學掃室讀書結納賢士嘗以不獲科
第爲憾宏治十年謁選授浙江按察司知事內艱服闋補官臬省未幾於正德二年七月卒於官長子文鳴爲吳
文定寬孫女婿其葬也文定誌其墓惜其位不益材年不滿德志不行於世而謂苟假以年則清朝赤子未必無
所賴焉則綸之官蹟可知矣本願諸傳

宏治末同里龐山庵村三處一夕謠言海上掠童男女充祀事抱嬰兒走望門投匿太學生王明別業龐山空廩數
十間須臾填滿氣塞人幾死有頃謠言定明疾呼出之莫知所自是歲崇明賊施天秦叛入海中動一郡之衆甫

同里志

卷二十一 雜錄

歲乃平本邑志

顧文翰字子良號浣溪性耽書足不出戶庭誨人嚴肅從遊者日衆嘗與門人子弟共赴歲試姪曾唯冠軍子曾瑜
第二三四一係文翰甥一係門人文翰居第五發落時首唱曾唯曾唯前謝曰第五名爲曾唯受業叔父不敢先
次唱曾瑜曾瑜則曰第五名係曾瑜父三四一以受業舅氏謝一以受業門人謝俱不敢占先於是學道起揖文
翰而言曰使者初蒞江南卽聞雅望閱試藝己見一班今觀教澤更足深人景仰倍賞而退本吳賢傳

顧曾志字養卿號沅湘邑諸生尋例入太學萬曆戊子偕其子自植同赴省試自植預薦賀客踵至曾志喜而謝之
已而大慟客怪問之曰吾攻苦三十年不售今徵福祖宗而子以成名詎非大幸而吾未伸之志終不得釋也已
復大慟客爲改容先是里中豪強或陷之役曾志謁令侯求減其半俄報自植魁畿薦第三人令欲爲曾志盡免
之曾志曰業已奉役徵薦而免非義也令乃歎服本願汝敬志編

馬神徵字劍巖居鄉誠謹居官清慎崇禎十六年小東門外長壽菴中許尼姑善伏陰一日在冥府遇見馬神徵曰
我在同里富觀橋住玉帝以我在陽間爲官正直特命我爲浙江紹興府城隍今蒞任在卽有家信一封煩寄我
長兒馬捷尼姑伏陰轉臂上突有黃紙字一函卽持奉馬家捷拆函看一句不見一句其略云我於今某月日由
家鄉赴任紹興要叫家人某某三人隨去推卽我領在身邊讀書三年後當仍遣歸捷謹遵字中月日屆期廳上

虔奉神像舉家拜禮捷女笑曰見神見鬼言未畢黑暗中從面頰一揮驚倒越五更大廟橋處嗚呼數回驟聲震野至天明家中三人門上各一大硃圈逾三日三人齊沒三年後捷得一子貌果如前本邑志

陸雲祥為掖縣令歸家貧甚夜無膏火恆暗中靜坐其妻姪顧凡省之述於人以為笑不知此乃清節之不可及參

志
陸
請
傳

嘉靖中宵帶橋海潮突至散入同里潮漸衰如是者三日江豚數百隨潮上下者幼皆異之相傳此水故與海接潮

汐如婁江陳黃門侍郎顧野王見潮至一喝而却是後潮竟不至土人稱為喝潮王祀之本邑志
一作同

崇禎中顧之俊朱鶴齡等十五人結蘭社每月一會課陳元龍與吳載穎更番具膳為主人果茗酒肴備極豐腆又

嘗招馮孟韶品簫唱曲以侑之夜分而散邑中傳為盛事

同里近村某多子而悍將為盜父禁之不可乃伴許之令市酒肉俟醉飽出劫密置毒酒中父子共飲而斃

王景亮原名本非中丞王哲之後及第後與中丞後聯譜遂序入景字輩改名景亮明末殉難於園中縣志有傳其

後人衰落不振墓道亦荒涼莫辨中丞族孫錫江軍罷官以後力行興廢修祖墓立祠堂叙族譜因訪景亮墓道得之於荒榛叢莽中其棺已朽上有大樹縈繞昇其樹窳處儼然而白骨嵌懸樹根間為哀而葬之立碑道左歲

設祀焉噫孟郊云樹根鎖枯棺孤骨裹靈懸言之不黯然乎話景亮無聯譜之事又誰為之尋其墓而葬其骨於

同里志

卷二十一 雜錄

寒烟衰草之中乎見書隱叢說

前明三百年科第終於崇禎癸未邑人成進士者得八人焉明亡王景亮死節於闕顧之後死於肇慶龐濬孫志儒

趙庠鈕應斗並以全節終本邑志

大清

顧世梓與嚴振先趙潛皆好奉佛嘗結蓮社於梅園買地築室名小祇園園中有池即以為放生之處延僧住持時

偕同志諷經其中後園廢而池亦廢中有大魚每出則小魚隨之里中少年竭澤而漁卒不獲一世梓子開字若

仕作神魚人不見詩紀之參顧先哲志顧譜傳

順治庚子冬周國新夢見嗣母顧節母霞衣霓裳面多神采詢之則曰我以守節好善蒙紫府錄為使者本願傳異步述

顧偉族人信形家言欲於東溪下流築一堤者事垂成矣偉力言其不可乃中止康熙九年颶風大作縣城平地

水深八九尺遂自浮玉洲橋冲至同里賴堤未成水得暢洩否則一里皆漂溺矣本采錄同里志

戴笠卒鄉人夢其為神有畫舫輿從鼓樂迎之者本續先哲志

陸瑤曰常作飢想食不求豐常作寒想衣不求鮮常作病想隨時檢攝常作困辱想切忌一朝之忿常作不如我想

貧賤中得自寬解見東江集

康熙丙辰無錫太史周宏至同里爲族氏學使爰訪封翁祚新七旬稱慶酒後隱几夢族叔五善立於前曰余乃君之前身也宏覺而異之計已所生年月日時與五善卒之年月日時合以此觀之佛家後有夙根之說詢不誣矣此可爲讀書者勸見章氏筆記周禮傳

康熙丁未夏有刮石香爐屑爲仙丹者病人服之立愈始於平望殊勝寺凡石石柱可刮者罔擇焉而同里仁濟道院則以楊姓者得夢於是刮石者鱗集復有童子於味爽時見真武被髮伏劍冉冉投井中去四方驚異求仙丹者靡不汲井水矣本陸確仙石說

秦均卿平望鎮人爲任德成家僕康熙壬寅德成子思謙四歲偶以舉鞭墮井家人莫之知也已而起視井中則見一魚負思謙立水上秦奮不顧身遽揭井闌石緣竹而下背負思謙出里人聞之俱稱義僕云秦素厚重道遇遺金俟其人還之每與談孝義事聞其言多感激從善者年七十而卒本任思謙傳

顧宗亮字無爭號太冲戒子孫曰極閒不可觀賭博極戀不可與訟雖有深仇不可陰謀卽欲利己切忌損人此數語真可爲格言也凡人當寫置座右子尊壽載藝術傳見意中山房集

里有舊族子素無行沒數年矣其姊適吳門某一日忽見其弟來家索食且謂姊曰吾以生前罪孽墮輪迴劫三世爲豬因備言爲豬之苦方在豎時歷歷曉人道屠戮後痛楚異狀直至爲人下咽始忘之耳少頃別去其姊驚眩

同里志

卷二十一 雜錄

四

半响方魁見東江集

馬夔陳沂迴家僕也妻金氏沂迴夫婦死遺孤士醇方八歲沂迴兄弟四人俱奔走衣食獨夔夫婦以撫孤爲已任維持調護以至成人後士醇妻張氏死遺孤方四歲士醇屢客京邸夔夫婦又撫而長之人皆稱其義云本色

按族叔祖睿義僕詩序及陳氏子姓所述云士醇父子俱少孤及長俱至成立金氏之力居多後士醇季子毓誥字掌輪買葬義僕馬夔夫婦卽遣子姪拜送於墓所夔一子啞又爲之娶室成家惜啞夫婦俱早卒無子毓誥又爲之喪葬馬氏香火至此絕矣陳氏爲之歲時享祀至今不替有不忘其撫育之恩云

范邦俊字文卿明季諸生康熙十一年卒踰月忽有浙人來訪且致弔奠自言某死至冥司謁一城隍神釋回旁持緝吏謂曰貴若死者同里范某也於是遂魁云本周晉詩序

倪兆鶴字瑞徵其父嘗買地欲葬其親先種樹樹已拱而貧不克葬兆鶴拮据成父志生平好爲善事橋有圯則募修之道有墮則募掩之時或助以己錢嘗適野有過客凍而仆者氣僅屬伏而哺其口負至僧寺所得灌之蘇有儒家子童昏而窮餓莫有憐者爲言於僧爲齋廚司火且具衣帽送之僧欲飾廟宇囑爲領緣兆鶴曰此猶可緩者事以有濟生人爲急耳死後有大姚人到冥中見土地上任卽倪某也本周晉撰傳

何源墓在移定畢圩有碑跌盜稻爲人推去其首又稱字圩龐氏門首有石狗埋於土中其首稍出地上人踐之光

澤月夜往往聞有聲吠人以泥泥其面自後無聲此類他處頗多夫成形之物爲日月精華所燦風雨元氣所呵故爾聲形或異卽所云氣以成形也然所受者到底戾氣非正氣故時隱時見耳見書隱說下二條同雍正元年王棟臨終前數日神識昏瞶中忽自嘆曰不謂文沂姪遭此一變也時文沂在郡傍人訝之急問所謂乃曰汝輩尚不知耶越日而沒殮畢文沂囚至焉嘆語之時乃文沂在郡已物故矣嗟乎與死相隣之際聲息相通如是之速耶

王棲妻龔氏幼有孝行母龐氏患瘵疾臥床三載後至骨立所尤苦者尻骨觸席卽心如剜痛龔氏乃跪於床以手捧而離席患乃稍安如是者一載有餘跪捧者日夜不釋也易簣後哀毀逾禮又因積勞之後目爲不明然但痛母而不痛目也逾時忽明孝行之感格如此宜其食報於子孫者且無窮也

雍正十一年三月里中稻穰圩南面地名竹行頭忽有一痴道往來口唱云一箇人兩箇卵子盧邊起江家止後忽不見不知所之未一月火災至適自盧家起江家止方知前日痴道口唱乃爲火起之讖也

廬石山脫略形跡以詩酒自豪偶過長橋見一黃冠手攜籐籃舉趾輕捷目石山而言曰子盍從我遊乎旋又曰今無及矣遽別去石山方悟籃覆新荷隆冬得此其爲仙人無疑然已無從覓矣歸而耿耿越三日卽辭世見花市續譜同里湖濱有羅星洲往來必需舟楫終患其跋涉乾隆癸亥謀以土填壩往來可不煩舟楫里人袁棟作募疏文用

同里志

卷二十一 雜錄

五

俳偶體有曰孤懸尺土鳥念口口斗絕彈丸境憐徐福又曰布金滿地看沙堤京兆之已成沉璧祈天羨縮地壺公之有術自念用事之恰當也見古隱說下二條同

羅星洲寺垣後蘆葦淺灘中忽置一棺袁某一家僕偶過其旁從而訝之曰是人所日經之地且非置棺之所其形狀位置俱屬可疑意以爲必是盜所埋貨也心爲之動返棹時毅然作躡舟之計一掀蓬間忽然面而昏黑頭目旋暈以是而止他日聞有人偶爲風蕩直至棺邊意亦生疑試手探之得一囊焉欲繼取之手如膠粘不能舉不日卽爲官捕搜獲而去信哉得失之有命也幸得之者多寡亦有命也

王本臨終數日前告其弟杰曰余將逝矣昨假寐時其古衣冠人叩於前曰真君有請余辭不往後夜復來挾之至一所見有堂陛多人跪於下命余亦跪點名及余傳言曰汝生平有邪行乎余曰無有機穢乎余曰無有人不足乎余曰余家貧欠債不得時還或有之耳復傳言曰信子有素矣今奏汝一職以示勸懲又兩夜忽傳接旨見一幅書有勸命二字又有二行天上中書人間逸老八字誠之曰須擇潔淨處懸之以勸善見王錫撰傳後職

癸亥秋有相士謂袁某曰君明年九月十一日當有災難慎勿動作甲子九月初十日袁潰病少間某擬於十一日啓行人省武闈就試因憶前年相士之言且緩一夕十二日五更治食有婢忽然仆地氣絕力拯救驗時始甦方謂九日之災難大可不謂某入省後卽疾發急作歸計不及抵家沒於丹陽舟次相士之言倖而偶中云見書隱說下

人家喪中必作佛事通俗皆然有心知其非者亦恥過而作之甚至笙管琴瑟侈靡漫名曰佛戲喪不哀感佛不清淨莫此爲甚袁漢力學有年動以昌黎韓子爲師居喪不作佛事雖招衆尤不恤也以此立教垂乎子孫并一切祈禱諸祭之屬屏絕弗爲非識力兼到者其孰能之求之古人中已不少概見矣

里中有兒二三歲時儕輩嬉戲偶括牆土屑而食之不果食也而是兒則欣然就食無遺既而漸拾土塊以食之又取黑炭瓦礫以食之并取磚甃以食之澁齒格格有聲無不下咽父母禁之不能後亦聽之有啼哭輒取土塊或磚瓦予之則欣然而食他果物不喜食也逾歲痘傷不知其所稟如何也

袁棟嘗得一銅雀硯形制如常並不類瓦直是磚瓦紋理極細腹有七字曰大魏興和二年造字甚古樸額有元柯九思一銘云土以成質金以成聲陶於水火得石之精藏之山堂永壽吾銘筆亦遒勁興和乃東魏孝靜帝紀年雖非銅雀真瓦已是古物中有微凹聚水不涸且可隆冬不凍宜乎柯之寶而銘之也

里中有楊子三者以教授爲業老而無子積累館穀置存字圩田六畝分畀諸門人曰吾死汝等以爲祭掃之資歷今三四世不替俗稱先生墳在坵字圩本分田契

乾隆二十年冬月夜間同里一方田野湖濱火光如炬有人馬舟楫之形村人鳴鑼競逐始疑盜起乃聚散無常方

同里志

卷二十一 雜錄

六

知爲陰兵也朔月方息明年春夏之交疫病大起死者無算

乾隆二十四年同里地名四大壩田中一日雷震田腔中有米飯如新煮者

乾隆四十七年正月同里村鎮見堅冰於樹枝日出時望之如水晶枝也占云木生介行人怕是年春熟歉收

乾隆五十年大旱米極貴木工有製屏斗劈闢楊樹材內函太平二字是木滋結成者上舍朱錦繡見而異之出錢十貫易之供於祠堂中以招福曜云

嘉慶戊午白蓮菴旁民家生一犢牛兩首八足兩尾一身尋斃

嘉慶癸亥二月開市河深尺餘港底露出古井二口一在陳氏侍御坊前上蓋石皮啓視磚砌完好泉水湧出磚上燒成宋元祐元年字樣陳兆燦撰古井記記其事後仍覆之如初又一在南濠街西首草菴前上亦蓋以石啓之中有木刻佛像一尊形似獨立長可二尺卽供於草菴中並受香火井亦蓋之如前又玉帶橋北浜內得鎖匙一串并古錢文數貫卽爲衆搶散

川濬字虞升號讓堂邑諸生力學工書明醫性嗜酒好吟咏臨絕有口占二律卅年博得一杓華此後迤邐多怨嗟虛使書名隨腐草空餘醫篋非飛花尙留淺土憐宗祖未有茅椽定室家自分一毛何足惜許多豪淚洒蓬萊四十九年無善狀不堪家累總蹉跎一經未有傳人在五女旋教乞市過辜負親朋施德厚從今結草報恩多荆妻

累爾添籌畫茹苦休將怨奈何

本馬鍾
芳筆記

同里志

卷二十一 雜錄

七

同里志卷之二十二

藝文志上

書目

撰述諸書自宋迄今里中世家所藏十存一二然既見其目於讚傳無論已未鐫版行世亦援志例臚列於後存以備考庶不沒作者之苦心惟作者尙存不遺錄焉志書目

謝希深文集

宋 謝絳

編甫里集二十卷

順適堂吟稿

元 葉茵

吳樵稿

明 鄒奕

儀古集

明 凌昌

陳昌言文稿

陳謨

參同契章句

易外別傳訂正

任伯通

尊香小集

有竹居詩稿

任仲真

噫餘集

永樂大典

梁時

同里志

卷之二十二書目

家範

顧麒

白菴遺稿

黃本

盱江集

凌德修

日涉園詩史

陳序

澄菴集

何源

蒙菴集

歸田稿

同里先哲記 一作志

吳驥

臚菴稿

梅鼎

湖海耆英集

吳鎮

餘菴集

歸田集

梅倫

琴理

經笥堂類稿

任孜

明一統賦補

學業須知

松陵志

吳江志

吳江續志

新昌石湖二志

貞孝錄

鱸鄉集

莫旦

感梅詩集

顧寬

歸閑稿

何昇

養生詩草

周之道

鈞灘集

陸鯉

履約集

王守

雅宜山人集

王寵

宋元遺事

四禮規

同川集

陳理

洪器詩遺

湖村集

陶集評略

任中權

中丞集註

三禮辨義

任秀之

圖書解

陳厚

同里志

李瓚

周易詳蘊 卽易說

西臺奏議

閩越雜詠

吳門嘯稿

郊西旅草

清蕭稿

顧曾唯

同里志

卷二十二書目

二

易經了義

恆齋集

顧曾貫

息機稿

顧曾瑜

繆仲淳本草經疏

顧曾璘

西臺諫草

宏略堂集

浩菴詩稿

陳王道

三餘館集

趙重道

莊子解

吳默

易統

四書解

顧而尹

秋浦日箋

自叙篇

陸恆

聚奎堂文稿

朱陞宣

半酣集

朱陞官

六壬舉要

文集

任之重

筠軒集

鴻撰堂自選稿

浮湘指略

筠軒紀略

筠軒釋略

陸雲祥

四部類稿

五倫箴

治心廣孝書

淞江詩文集

孟子日鈔

亦穎集

賢良對策

格軒遺書

口事編年

耆舊集

宋元明諸儒心學指要

好我齋集

四書心鏡

陸雲慶

顧祖奎

顧祖斗

任世德

任士奇

儲大任

任大訓

顧偉

戴笠

陳紹文

吳之紀

陳啓潛

哀賢人草

鄉約講說

史左鈔

紫光遺稿

古文選

則堂紀事

五行志

悟齋集

適吟草

明詩選

口香集

發潛錄

後沙語錄

國朝

同里志

卷二十二書目

三

歷代紀事

明五朝紀事本末

藝林彙考

恆齋詩稿

婦人名字錄

樂府箋題

集陶 亦名律陶

吳江竹枝詞

沈自南

毛詩通義 一作古義

尙書埤傳

禹貢長箋

春秋集說

讀左日抄

易廣義略

杜工部集輯註

李義山集註

寒山集

松陵文集

愚菴小集

朱鶴齡

岳山稿

顧世伯

貫齋遺集

艾丹生

易筌

詩源

楚詞補註

左氏兵法

昌谷集註

續同里先哲志

同里閩德志

勉齋全集

同歸管見

章夢易

易學綱領

詩學解

中庸解

離騷明義

皇極聲音

馬班文定

三蘇文選

文選評略

坦齋遺稿

萃古類考

任大任

惕若齋遺詩

趙沈

有容堂真稿

南昌府志

學使條約

裕哉詩稿

周爰訪

六宜樓詩草

周爰詔

大儒語錄

先廟先賢儒贊

恆齋集

易圖考

續修同里志

顧棟南

易經析疑

三蘇體要

四書論準

燕臺集

羅浮集

楚游草

閨德紀略

顧涇

東江集

國朝文討源

漱玉軒集

陸瑤

同里志

卷二十二書目

四

關中集

陸璿

客窗吟

綠窗吟

釣灘集

陸琇

四書大全

續編書解

漁樵散人集

葉丹桂

姓氏類編

二聞詩集

沈永義

柳菴詩稿 附詞

柳菴集

沈永智

潭溪漁隱集

趙鴻

焚餘詩稿文稿

同川風雅集

章復

勸學篇

計鑿遠

孝經釋義

杜律含英

任夢乾

柳村詩稿

顧開

素菴集

吳氏家訓

吳之彝

尚書外傳

計朱培

病飲草

計瀛

泰阿焚餘稿

誠子隨筆

公車新藝

陳銳

廉泉集

課花齋詩鈔

陳鏗

省菴詩稿

陳鉉

虛舟詩草

陳自振

周易便讀

陳自煥

狷亭集

微塵集

敝帚集

奏疏稿

寶硯齋文集

陳沂震

海岱聯吟

陳沂震

息存遺稿

顧我銘

棗村吟稿

陳沂詠

四書解

尙書合纂

三傳合纂

嚴代言

白鹿洞規大義

欽定四庫全書目錄列入
子部儒家作讀白鹿洞規大義

澹寧文稿

任德成

崇先集續編

同里志

卷二十二書目

五

畜德編

介軒詩鈔

龐景芳

晴山詩鈔

顧炳文

偉岳文集

王棣

棲碧堂詩稿

顧景昌

雕蟲集

蛩吟草

王本

舒亭詩鈔

馬雲襄

周易傳義

顧鼎隆

四書集註賸疏

耕雲草堂集

蒙求詩註

未學草

南口草

陳士任

南溪草堂詩稿

陳士醇

梅軒詩草

陳士載

澄溪吟草

陳士伸

萬玉清秋軒集

顧倬

湖干集

吳門嘯稿

定中詩鈔

禮記類謀

漫恬詩鈔

漫恬外集

璞珺居詩集

臞菴集

增輯先哲志

綱目志疑

邑乘備考

春秋去鑿白隱公至成公止

松陵耆舊集

周 杭

顧鳴杼

王杯存

袁 棟

程 詢

吳 澹

吳 洙

顧我錡

郊西旅草

玉田樂府

四書補音

漫恬時藝

書隱叢說

吳叔子集

三餘筆記

堪著齋雜誌

浣松軒集 詩六卷 文六卷 外十卷

昏禮集傳 為人後考

同里傳信錄 律賦彙鈔

同里志

卷二十二書目

六

髮千近稿

髮千訂課

陶元文稿

顧我鈞

家規要旨

王尙文

楚遊草

吳庸熙

漱玉軒偶吟

陸永傳

草草居士集

吳起元

素心齋詩草

馬貽良

迂父偶存草

沈鳳鳴

適齋詩鈔

袁寧邦

澹園詩鈔

袁定海

南遊詩草

沈鳳翔

澹園詩集

任應鵬

古詩疏解

豆亭詩稿

俞希哲

澄海縣志

居官必覽

洗冤錄

金廷烈

惕齋詩稿

金廷炳

鷓鴣小草

顧時尊

毛詩音訓

書經旁解

周禮刪註

顧時行

西津集

顧佑行

素亭文集

王堡

綠香書屋集

春秋說疑

中庸貫旨

續左傳類對賦

訂正徐祕書原賦

雲毫遺文

周睿

葉澤詩草

龐墜

瘦吟集

姚岱

深竹軒詩草

陳大然

易要

詩譜

中星考

朱子近思錄

薛胡語要

皇極經世鈐解

擊壤吟

西臆論文

經笥堂文集

同里志

卷二十二書目

七

經笥堂四書文

任思謙

松陵詩徵

讀書問

樸村文鈔

小桐廬詩鈔

竹溪會課

質中時文

國朝詩選

南村詩存

顧桂林

硯陶詩鈔

陳毓升

春草池塘遺文

陳毓德

紅樹莊詩鈔

陳毓賢

居易堂集

王曾翼

夔鳴文集

紀遊山水錄

任球

水心集文稿

王曾培

畿輔安瀾志

奉珍板排印上諭武英殿用案陳設頒賞

先正修身格言

聞喜齋集

使黔集

岷陽雜著

王鏡

滇粵雜詠

王宗導

竹軒詩鈔

同里志稿

容齋詩鈔

居易堂後集

東溪制藝

意中山房集

松陵唱和鈔

朱萼山房詩鈔

丹峯制藝

谷真遺稿

語花居詩稿

謹莊自訂詩文集

五經疑

蔚雲詩鈔

采錄同里志

續同川風雅集

丹峯詩文集

恂堂詩鈔

元明畫師類姓錄

同里志

卷二十二書目

八

裴照集

同川權歌

翠娛樓詩草

硯耘詩草

杏村詩草

萼輝樓詩稿

袁泰然

劉守忠

金文城

周兆元

浦熙

袁益之

顧汝敬

周南宮

王祖武

史乘長

同川竹枝詞

墨莊詩鈔

周義

顧我魯

任鳳綸

王祖琪

陳兆牧

陳兆麟

顧兆曾

同里志卷之二十三

藝文志中

集文

地以人傳人以文傳文章爲千古不朽之物如蘭亭以右軍之記傳赤壁以東坡之賦顯瑯琊以醉翁之文著千百年來荒邱僻壤與夫殘簡斷篇不沒當年風景勝概豈非以名人之製作足徵千古之文獻流傳而不能泯沒耶志集文

書萬玉清秋圖

金問

右萬玉清秋圖華亭張可觀圖寧氏之別墅在松陵者也甯氏自元太尉魏國武宣公玉始家松陵則其來盛矣厥後子孫繁衍秉鈞軸分節鉞者代有人焉其曰太中大夫江南財賦司副使名昌言者武宣之少子也與里中陳氏曰懷遠大將軍江浙省都鎮撫名某者皆於先大父雪洲府君德義交相重蓋先大父之提舉河渠也不數載而居松陵者爲多嘗占勝三高祠側構草堂曰上章爲休息之所門巷蓋與二家接暇卽命壺觴相與放舟往來爲樂若不知有簪紱之榮也既而先大父退居茂苑之故林與先大母相繼卒時先君子外傳猶未就嫻嫻無依懷遠鄰而子之既長太中以愛女妻焉時太中久致政益治別墅於同川上其間有歲寒屏屏北有蒼簷谷谷深有來鶴亭亭

同里志

卷二十三集文

一

相植有菊圃圃之陰有芙蓉沼沼上有菊坡坡有金粟塢塢之陽有碧梧岡梧下結室數楹左藏圖書曰師古齋右可偃息曰棲雲館中設几席而層其前築合景物之美而署其楣曰萬玉清秋軒日與二三知己以琴尊相娛年所多歷而先君子爲甥於館賓與賓從焉未幾東南釋騷懷遠沒王事先君子筮仕亦在行分死投海乃以獲免歸視其家甯氏女已物故往省太中則疾在牀簀居無何而卒先君子歎曰吾阨窮至此命也不去將攫於鷗義者遂旋由故轍力貧養淡而已時至正戊子也客後有自松陵來過者舉別墅而問之則曰池蛙砌甍亦就索寞矣又過而問之則曰兔葵燕麥已見欺於耕牧矣先君子每凄然爲之不憚凡歲時伏臘感懷遠太中之德則必垂涕泣而道之雖白首猶然也永樂丙戌間自掖垣得請拜二親於樹德堂上適有持是圖而款門者先君子矍然曰吾足跡不及者六十年此圖何由而來哉乃備道當時之盛因購留之後五年辛卯先君子以壽終又三年甲午出而裝璜之嗚呼吳俗降自南渡益尙紛豪華家右族關園林築亭館所以競春妍而藏歌舞者比比而是未有落華摘實獨存晚節如太中者宜其與先大父交重德義而不以存亡貳心也然而未百年遂爲陳迹其在大易泰之九二吾夫子以光大贊之者得上中行也過此則平者陂往者復亦理勢之自然無足怪也尙奚容贊然問承先君子指示之際譬效猶在耳於以展玩肅乎其有臨也况吾家草堂相與望於湖光樹影間不翅縑袍之與狐貉亦旣品題多矣似續祖妣者不能忘斯干也謹著所聞若此覽之者庶有考焉

松陵爲姑蘇支邑自昔以庶富稱方天下治安民居樂於爲善每擇勝地以建僧坊俾桑門上首爲國祝釐皆能起人之敬信而感發其良心有若同川慧日懺院亦其一也蓋是院之建肇宋淳祐辛丑里人馬元吉捨地納菴而慧日禪師開山葺事教逮於今亦久矣歲月流邁劫灰幾更無所考其興墜頗末皇明洪武初南琛寶公來此隱居芸窗竹軒瀟灑絕俗遂爲方外勝境矧與少師姚公有同門之好往來必館於斯由是懺院之名尤見於談者永樂紀元南琛領薦擢郡之僧網視別業已爲陳迹俾其高弟禮上人居之禮旣謝世主者乏人棟宇日就傾圮向所謂方外勝境復蔽於荒榛烟草之中覽者輿歎願力未能正統壬戌里有善士李道傳章道宏冷道恭范文東乃相謂曰世俗承先所貽猶賴後之人繼述况釋氏以法相承以義相聚苟非尸教得賢奚暇集衆議而成勝果比年吾鄉法喜寺鞠爲草莽賴靜中寧上人重開佛界盍請斯人以主教席必能起廢無難僉謀旣同齋香申懇靜中亦慨然曰昔人之業將興皆緣法有在幸諸檀越發是宏願敢不服勤而效綿力於是布衣疏食率先其徒首捐己資爲四衆勸伐材陶甃徵工就功時與事諧羣情舒暢建佛殿以妥靈闢法堂以演道大士有殿伽藍有祠肖像於中虔奉祠事凡庖滷僧房無不完美始於正統丙寅之秋落成於明年丁卯之春輪奐羣飛光彩奪目此則靜中之戒行索孚遠邇向慕而吾鄉好善者多於斯可見其徒道際徒孫智識智泉曾孫法淳宣力贊襄勿憚勞勩足以保成功而垂

同里志

卷二十三集文

二

後允也因求文勸諸貞石余思早歲獲交南琛時至此中清玩暮年歸老觀茲勝緣規制猶存無替疇昔益重余之所感矣雖聞釋氏有云一切有爲法如夢幻泡影此以世相無常者而言耳若夫人心固有之善亙古今不易曷嘗因外物而有所遷耶斯舉也微諸君莫能致靜中之賢微靜中無以成諸君之美方將祈佛力以延鴻禧覺羣迷而歸善體豈誇美一時而已哉爰筆爲記後必有契余言而興起者尙能嗣而葺之

送江西右布政使何公赴 召序

胡儼

江西右布政使吳江何公幼澄年滿七十卽上疏乞致其仕朝廷重公老成不允所請尋復召赴行在布政使毘陵吳公汝德暨同官諸公告余爲序以送之幼澄自校官典州郡復自吏部員外爲長史爲郎中以至今官數歷中外四十餘年端靜修潔悃幅無華明以治體輔以經術民使其政吏服其能上下遠邇允叶具瞻千里湖山之間厥聲藹然由是年馳力倦髮蒼蒼而視茫茫精神心術有所不逮劇繁治劇蓋有不可得而勉強者此於自知之明果於求退夫豈矯情欺世以邀名也哉昔有年逾八十貪冒不休而諱稱老者若斯人得無老馬爲駒之誚乎此君子所以羨宿鳥之知還而愛孤雲之返壑也今幼澄之往恭承嘉惠則朝廷之待臣子始終之禮全而士大夫遭逢聖世獲終老於家則生平之志願得矣幼澄泛扁舟歸故鄉湖山佳致今猶昔也挾江湖之散人訪煙波之釣徒絃鳴琴以舒懷舉匏樽以相屬歌桃花流水之詞吟滿身花影之句不知世間之樂復有加於此者乎苟載諸篇章不悵寄我余雖衰老尙當引商刻羽擊節而和之幼澄亦必爲我一唱三歎寄遐想於無窮也老懷區區序以爲別

同里志

卷二十三 集文

大夫七十而致仕先王著引年之典鐘鳴漏盡夜行不休達士表知止之戒江西右布政使吳江何公幼澄年躋七十卽上懸車之疏朝廷以公輿論所推老於從政固欲留之不允所請未幾復有命召公之朝公躍然喜曰茲行也朝廷優老必念犬馬之齒而賜休致之恩乎於是預擬其所居之堂取蘇黃門穎濱遺老之意爲名屬余記之蓋將歸老焉士君子自少而學及壯而行旣老而休是亦功成名遂身退自然之道耳然得如其志願者鮮矣得如其志願釋負荷免驅馳忘形於事物適意於邱園優游恬淡享子孫之奉以終其身人生至此始終之道美哉况七十之年古今曰稀老不憊遺詩人稱歎蓋遺之爲言餘也老者固世之所餘宦游得休豈非仕之所餘者乎公自少至老秉心不回臨事有守通練世故擢居方面膺旬宣之寄有猷有爲可謂不負所知矣今乃決意於退守一則合乎禮一則知所止孔子曰知至至之可與幾也知終終之可與存義也公其有焉噫余亦西江之遺老也東吳亦余之舊遊也因公之往徒有疇昔之思則凡登公之堂與公宴集覽湖山之勝概際烟雲之渺茫蘭若菰蒲遠邇交翠水禽沙鳥上下翔鳴籩豆具陳琴書在列一觴一詠暢達雅懷此遺老之樂故舊同焉蓋有他人所不得與者願於公之茲行是卜公得如其願請以是爲記

題顧處士盤窩記

莫旦

吳江古澤國也由江而東不半舍許泉甘土肥居民聚而成墟者同里鎮也鎮之少南市喧稍寂幽居悄然如山林者盤窩也葛巾野服而無塵容俗態者盤窩主人也按說文曰窩穴居也今也堂焉室焉齋焉閣焉榭焉而謂之窩者何也蓋以其少而壯壯而老於此盤旋而不去故借此以爲名也是亦李之盤谷邵之安樂窩也一日有客過主人而告之曰天下有道則見無道則隱方今穆穆在上明明在下功成治定禮備樂和而子願隱於盤窩而甘爲沮溺者流何也主人笑而不答曰非若所知也且夫今之人盤旋於富厚者瘠人肥己而不知止也盤旋於名利者媚寵乞墮而不知止也盤旋於權位者鐘鳴漏盡而不知退且休也斯三者滔滔皆是也苟不有一二盤旋高隱者出乎其間何以崇禮讓而息躁競也何以尙廉恥而厚風俗也此盤窩之所以名也客唯唯而退旦乃操筆爲之記

同里志

卷二十三 集文

五

吳江之東有市曰同里舊設征商之署邑大夫金侯請諸朝罷之因其址以建社學宏治八年春命里人顧寬董其役越三月學成壬子侯帥博士諸生與大夫士之仕而歸造而進曰釋奠於先師先聖禮也事竣大合樂以落成之邑人史某請紀其事俾來者知作之所始其詞曰惟茲同里距江帶湖聚落廛居實盛於厥初商貨駢臻肆爲賈區開局置吏以籠商稅匪曰利之抑未攸宜盛衰靡常嗟日就於涼昔焉貨藏今焉牧場昔焉貿舍今焉草野凡厥吏胥求濟其稅率羣行何取日罔於利抉剔剗利盡商敝川舟斷行市肆晝閉公私交病罔有攸濟維金令君聿有隱憂謂此不去民病曷瘳告於御史御史聽之以聞於天子天子曰都惟爾言是俞乃省吏函章還之於京以其廢址俾作學宮繚以周垣奠以講堂門廡齋舍靡不中程爰聘儒先以養蒙士俎豆於是詩書於是誦聲洋洋禮容踰踰侯來視學遠近咸作觀者從之填郭溢郭謂昔之地惟利之計鈞鑄較錄如火之方熾惟吾令君是艾於今茲邦向義之方誦詩讀書如水之成章惟吾令君是營吳江洋洋此特一方專而不咸民能亡望我告來者侯將徧舉舉必有初繼之以序伐石鐫詞其放於茲以亡忘緝熙侯名洪字惟深世家於郵

古鐘碑記

陸雲祥

海內大周鐘無幾此其一建自大足元年聲音清遠形制合度非常物也先是寒山趙凡夫欲募其銘以傳欸識不果而沒鐘之始至予里已不得其傳邇來頗啓爭端或議歸翊靈或議歸懺院會有以此鐘質趙氏十金者懺院文淮上人出所募償其直鐘遂爲懺院有而屬余記云

文淮上人字惠煥蜀之營山人

重修羅星洲關帝廟小引

羅星洲創自勝國故址已化爲白浪重建在神宗戊子神靈赫奕士女皈依於茲二十餘年矣蓋是廟砥急流面羣巒山川之厚力故能應億兆之所求今踰歲傾圮上人某謀重修之乞一言以爲勸余謂口今口口蒿目最乏者財余亦烏能走金玉於行間飛青蚨於筆底哉惟是湖洲廟之開山實其精誠有以擔之今上人爲智修高足立意修葺如精衛填海如愚公移山精誠所鼓何患不集以玷厥師上人曰先師智修未歸迨盤嘗集衆謀建文昌閣以爲武曲之時作而旋止蓋有待也今僧矢志有年必無退轉余聆其言始知隋釋澄空誓鑄鐵像之銳果爾則幽明協贊豈必效沿門貧衲子行徑哉

吉祥菴常住田碑記

同里志

卷二十三集文

七

嘗觀古刹其在名山大川都會塵閉之地車轂輻輳施者可以相繼而住持亦不樂去焉若夫室窄壤偏藤蘿翳蒼雖繩床瓦鉢獨寤弗諼而不得衆檀越善謀其後吾懼其鞠爲茂草也余里吉祥菴當鎮北隅地號最僻兵興以來窮民父子不能自保遑復捨金錢飯頭陀耶僉議謂非膳僧則菴墟非制產則僧飢而菴仍墟於是倡施者繼施者共贖金若干買來總畢圩田七畝勒石登名傳之無窮凡茲法侶永得安居矣是役也破慳護法嗣禪燈於前後際一舉而衆善備焉余故樂爲之記

僧恆修名寂陽姓李氏常州人也腸如直繩貌同枯櫟以堅忍力具金剛心家貧好施會歲晏飯僧爲室人請遂策杖辭家掉頭而往絕無回顧清蓮出於污泥夫亦其性然哉始薙髮澄江旣而卓錫吾里里多廢刹如佛亭法喜翊靈諸寺僧俱矢志修舉持柝叫號於嚴霜烈日之下往往輪奐一新聿隆禮祀僧簞食破床勤劬過於農叟頻年苦曠則赤體登壇絕水漿暴頂踵望空虔禱諭旬不怠歲致甘露嗟乎子然頭陀代民請命誰爲爲之洞真觀久圯功力浩大僧復慨然自任持疏乞言於余余感其誠稽首讚嘆語在疏中一時聞風樂助廟貌改觀堂廉廓屋牆垣階砌靡一不備向之佛像紫紫在塵土間者一旦金幢寶樹規制莊嚴繇是大煥菩提之炬宏開般若之航歲時紹素接踵皈依邑令葉公輸山大理葉公慶繩兵馬金公我生莫不共契法因宣揚巨號乃僧篤行苦修艱於精衛蓋嘗見其躬自胼胝每成一像輒叩頭號慕視他僧之踞坐說法妄自稱尊殆遠過千尋矣詎意慧日氛侵慈雲霧障蠢爾婪司頻加剪刈僧義不受洎隱忍捐生時崇禎十七年十二月四日享齡四十寂滅之日破帳蓋體不剩鏽銖梓里見而椎心過客聞而灑淚世路嶮巖碧海可塵羅網密於禪林福地徧施荆棘然亦何損於我師哉里多善信追念慈覆謂師種種功德不容泥沒捐資塑像永爲觀主伐石以紀其事觀中故有田一十四畝五分向以住持星散輸收此里人自僧修建之後復歸汝陽繼師志者其在後人乎余屢過法筵愴然悲感從善信後勉篆貞珉銘曰汗

同里志

卷二十三集文

血積累滄海一粟曰惟恆修乃鑄乃陶參空鼎峙立地堅牢幻形淹謝見息徒勞雲衣秋炯霜鐘夜號無相可壞有像堪標山門作鎮爐烟日高

計開

地基十畝七釐

澄字圩田八畝六分畝

室境圩田五畝九分

柘字圩墳基五分「本觀羽士葉

大章傳」

募修翊靈廟疏

陸雲祥

鎮名同里當四湖之奧區剎號翊靈萃一方之秀脈雜沓千家烟火合有神棲縱橫數里人煙可緜法座廟貌創於昔年規存故蹟禮祀崇於奕禩壁有遺碑蓋地擁合里之偉觀斯制隆百代之傑構矣惟是通復相倚遂至興廢不常俄而垣頽倏然壁毀觚稜失其銑鑿瓌淪於聖丹有僧某夙擅慧宗素持戒律憫璇宇之將傾慨思募化悼銀緇之欲絕篤志興修然費用不貲功成浩大白梁青精安能咒鉢而至朱提赤仄豈得擁地而來手敲冷竹析苦心告給於十方身掛破衲衣捨已結緣於萬衆惟緇錢斗粟共締善因片瓦尺椽並爲功德斯人并望報而天自降祥者已

募修渡船橋疏

邑之東逶迤一水惟同川之西津實首承之塵陌經路不下萬家其往來郡邑者雜沓無停晷北通九里湖西發吳淞江南北則又湖浙交會地也此地流廣而疾爲行旅必由之要津故石梁峙焉 國朝設官守之備里中要害吳驥六景詩曰西津晚渡是其處也又曰其旁蘭若自昔年則今菴乃遺蹟也橋當衆水冲激旋築旋毀去歲里人謀架木蠶之乞疏於予予苦於緣之艱湊今陳君元善慨然以修舉自任卜於清和之暇集衆鳩工舊石弗堪者易之雖仍實創志弗可泯也橋成擬於石堤之畔修葺一亭俾問渡之人得以冬湯夏水此其福利縣遠皆以一念之仁

同里志

卷二十三集文

九

成無窮之義有不聞而興起者非夫也

朱孝介先生謚議

姚希孟

德升先生登賢書二十餘年束躬砥行以一身爲名教之宗吳風不競賴先生振起之麟鳳星岳遠近瞻仰章布之望重於公卿數人所共知也若其生平足跡不入公門并不入城市自戊辰以前闔門無事惟日以娛親爲樂先遭母大人喪羸骨如枯枝念復中翁春秋高則時時破涕爲懽孳帷布衾長年侍寢於病榻之側凡一糜一菜一湯一藥以至單中廁牖之類靡不親者幾度春闈獻歲而行甫竣而歸未嘗三月淹至戊辰歲遂不復公車口糜粗糲妻孥不免飢寒而所以娛親者無所不至志物兼備如先生者可謂孝矣與景文先生定總角之交志趣同品行同景文之見背於兩尊人也早壯歲登朝爲波流宦海之一柱青虹碧血與元禮孟博千秋對峙而德升以朱霞之品敦白華之養綱常互秉師表攸歸一忠一孝易地皆然其介特之氣彼此同也宜私謚曰孝介與忠介儷以俟後日太常之議

同里志

卷二十三集文

十

重修南渡船菴碑記

趙宦光

菴俗名外菴一名南渡菴

松陵范隅鄉外緣菴於宋代康王南渡曾駐 御駕有題額曰 自到處故名南渡菴時有隨 駕臣迮千秋
護法重修嗣有迮氏懷皋居士同諸檀越捐資修理大興供養至明季時因役敗廢至天啓壬戌歲有僧普涵重興
修整小就規模立此碑記寒山迦羅越趙宦光凡夫氏撰文翰林院修撰文震孟文起氏題額歲進士從簡彥可氏
書丹

按府邑新舊諸志寺觀表菴始於元代茲據碑記又始於宋代合觀府邑諸志及碑記肇建世代迥別若府邑
諸志採訪不實安知有趙宦光撰記如云碑記有誤又何有康王題額或二者各有考據今均誌之以備修輯
府邑志者參考可也

江灣草菴者朱子長孺耕且讀之地也震澤之水逕長橋東北入龐山湖稍北爲吳淞江亦曰松陵江吾邑之所由得名也余家江灣在龐山湖東渚去吳淞江不二里重陂巨浸幽淑曲隈彌望皆是菱菰羅生菱茨蔓合漁人網罟之利所在有之其田疇沃以衍其土風清以嘉從前高賢達士未有卜宅於此者故郡邑志不載其地葺茆菴而居之蓋自朱子始菴之制創自田峻門牖略具丹漆不施竹籬紵帷容膝而已東偏一小軒稍潔中設棊几一匡牀一聚圖書數百卷性喜著撰朱墨二毫未嘗輟筆每睹藻網如織輕條出游落花成茵鳥語上下意欣然樂之時復督勸耕奴課其耘籽溝塍浸灌禾黍懷新歲入雖不如老農亦頗諳田家之味矣興發散步湖濱與村童野叟相狎蕩遙望晴瀾浩淼漁罾估舶出沒荒墟樹杪中指點西山諸峯螺髻逶迤浮青送碧未嘗不拄策忘疲如置身瀟湘洞庭間也客有過而問者曰子之居有園林池沼之觀乎曰無有有賓朋過從可諧談者乎曰無有然則奈此庫陋何曰古之君子豈有擇地而處者哉亦安之而已意所不安雖延閣洞門朱蕢玉砌未見其適也意誠安之雖庫陋如余居安在不與延閣洞門朱蕢玉砌同觀乎天下可私之物必非可樂藏舟於壑夜半猶或失之惟此雲水之澄澹卉木之妍華四時物態之生新變化造物所予富貴不能私也豈惟不能私甚且不能享有一日而遊方之外者乃得以琴書几杖逍遙縱誕於其間今吾草菴之中所考索者皆經史百家古今之義海也所吟諷者非莊列屈宋卽

同里志

卷二十三集文

十一

陶謝韓杜白蘇諸君子之文章也時而采擷其英華時而穿穴其罅罅時而彷彿其警咳衣冠與之揖讓而進退時而揣摩銛鈍振拂觚稜與之後先角逐於翰墨之苑囿其爲園林池沼也大矣其爲賓客過從也多矣安見此之庫陋不足居而必延閣洞門朱蕢玉砌者之爲崇麗哉客退遂譔次其語以爲江灣草菴記

詩之爲道以依永而宜苑結以微辭而寓諷諭此非可以章句訓詁求也章句訓詁之不足以言詩爲性情不存焉然而古人專家之學代有師承又非可鑿空而爲之說漢唐以來詩家悉宗小序鄭夾漈始著辨妄朱紫陽從之摛聖不遺餘力集傳行而詩序幾與趙賓之易張霸之書同廢雖然烏可廢也古之人書卷末多繫以序尙書序百篇安國遷之各篇之首易有序卦象象爻詞王弼遷之各卦之中毛公取詩序移置詩首亦猶是也序之撰於孔子子夏撰於國史與撰於毛公衛宏雖無可考然自成周至春秋時四百年間陳之太史肄之樂工教之國子其說必有所自來大約首句爲詩根柢以下則推而衍之推行者問出於漢儒首句則最古不易觀於六亡詩之序止系以一言則後序多漢儒所益明矣觀於毛公之序宛邱不同於序說則首句非毛公所爲亦明矣序之文既最古毛傳復稱簡略無所發明鄭康成以三禮之學箋詩或牽經以配序或泥序以傳經或贅辭曲說以增乎經與序所未有支離膠固舉詩人言前之指與言外之意而盡汨亂之孔仲達疏義又踵陋仍譌無以辨其得失則夫紫陽集傳之說大掃蒙翳而與以廓清此亦勢所必至也雖然毛傳可刪而序不可刪刪序則無以爲說詩之根柢不得不循文揣義斷以臆解較之漢唐諸儒雖明簡人情而詩人之微文奧旨已不可復識此何異寫生者取雲孫之譬咳形容而追貌其祖先之面目又何異聽訟者去當時之契券證驗而冥決以後代之爰書求其無爽必無幸已吾所謂鑿空

同里志

卷二十三集文

十二

之說不可以言詩者此也雖然序果一一可信乎曰國風三頌舍序則無序矣唯是楚茨信南山以下迄隰桑諸詩皆正雅也而序以爲刺幽衛武之抑幽王世詩也而序以爲刺厲凡若此類實難免於學者之疑吾以爲有不足疑者孔子時去周公未五百年太史掌記未亡也矇瞍律呂未失也賢人君子絃誦未絕也雅頌雖殘闕失次反魯始克正之况經戰國之雲擾秦政之燔滅楚漢之龍戰虎鬪能保無簡編之淆亂者哉書藏魯壁猶亡佚居半三百篇特存於小儒曲學佔畢諷誦之流傳何獨能無譌舛孔刪如故吾則以楚茨諸詩空屬錯簡序已非當時之舊此又有賴乎紫陽之是正者也語云家尺雖斷可定鐘律序爲詩之家尺也尙矣一泊於成康之膠滯再泊於紫陽之斥排將聖人所謂主文誦諫厚人倫美教化以至於動天地感鬼神者其終晦昧湮沒而不可求已乎余不敏竊主古義而參諸家於序之不可易而可信者爲疏明之其牴牾不可信者則詳辨之要以審定可否綜核異同使積蔽羣疑渙若冰釋庶通經之一助云爾抑觀東萊詩紀所載朱氏云云皆奉古序爲金科黃東發曰口引晦菴新說亦多從序然則廢序言詩特過信夾漈之故初非紫陽本指乎吾不敢以紫陽之詩有殊於孔氏之詩又不敢以孔氏之詩而格乎紫陽之詩也故參互尋說以折其衷焉世之學者其毋以余爲輸紫攻陽斯可矣

慶榮橋碑記

陸瑤

康熙五年藩陽劉公來蒞吳江政通人和百廢具興如易譙樓葺文廟諸工咸出自橐金不費閭閻絲粟因以其波及同里之慶榮橋橋爲邑東江要津纒輪孔道也建自元至正間甯成迄故明成化中願寬重修巍然利涉垂四百年矣積久傾圯里人蒿目無措額之公公慨然捐資爲倡委才幹者沈某董其事始五年冬仲告成於六年八月計費工二千餘銀四百有奇袤廣高下悉如舊而孔固倍之於是居者以安行者以喜適吾公奏最之期遙觀厥成所謂廢而復興賢者之利賴何如用代石爲之記

同里志

卷二十三集文

十四

讀書之病有二曰浮曰鑿浮則不入鑿則不能出心粗識闊雖讀他書且不得其解况聖賢之書乎四子書者六經之闡奧也其旨精微其道易簡子朱子折衷羣儒之說而集其大成微言大義昭昭若揭日月而行矣學者童而習之白首紛如何哉墨守章句者多略觀大意不求甚解而書理在影響間矣厭棄傳註者又必鉤深索隱別參一解而書理仍在雲霧中矣二者之病將毋同吾友王子沂鍾好學君子也其讀書也沉潛體察從容涵泳必求心得而後已得輒隨筆記之久而成帙名曰四書解以余爲昔年同學頗諳此中甘苦者郵寄其書屬爲題引予受而讀之見其抉疑摘奧往往發前人所未發而討求歸趣實本朱子集註而疏通證明之未嘗橫生枝葉創爲新奇可喜之論以蹈近時講說家之流弊蓋用心精而識見正可謂有大醇而無小疵卓然羽翼經傳之書也予承乏學政觀文章以驗講習求其解書無病者益寡是書若刊以行世豈不足以障頽波而助流聖教哉王子猶不敢自是而藏之箴中曰姑以備家塾子弟之覽觀而已又可以知君子好學之心之無窮而家學淵源之垂於後昆者將愈遠而彌光也已

任坦齋中庸解序

一中之統啓之自堯舜傳之自孔子發明之自子思堯舜之惟精卽孔子所謂博文所謂擇善也堯舜之惟一卽孔

同里志

卷二十三集文

十五

子所謂約禮所謂固執也自誠明爲性自明誠爲教其盡人道而復天道者無過尊德性道問學之功無所虧而已我鄉任坦齋先生性至孝又好古不厭於四子十三經二十一史與宋儒性理諸書無不融貫而中庸一書尤反覆切究居敬窮理一以晦菴爲宗斯可謂醇儒矣夫中庸一書言修身以道言親親爲大言大孝與達孝位育參贊俱以孝爲萬化之原言戒懼言慎獨言敬信篤行下學上達俱以敬爲成始成終之爭放之彌六合卷之退藏於密其道子臣弟友其法禮節樂和其功明善誠身其事易明而其教易行也故先生於各章之下疏解引證條分縷析或本前哲以立言或出心裁以闡發直指迷津折衷確當體認晦菴章句或問語類指歸合一太義了然有功於晦菴卽有功於子思有功於孔子有功於堯舜文武周公一中之道後之學者行遠自邇登高自卑其在此也夫是爲序

經義正宗首尊守溪鶴灘荆川得之鶴灘昆湖獨得之守溪而西江鄧文潔公又得之昆湖胥以清深靜悟爲宗以遞傳至泗山鄒氏文止羅氏今觀東鄉艾氏定待評權語暨大士陳氏文止經義序所謂以仁義之質標古雅之神品尤尊而可貴者蓋以其爲瞿鄧正宗而彌尊之也當西江以豫章社鳴時吳郡復社西銘受先二張氏復菴楊氏吉士錢氏文胥敦雅故婁東之派獨爲豫章雲間金沙萊陽五派正宗而復社實始於松陵予嘗舟過蘇秀輒誦垂虹秋色滿東南句而於松陵震澤間重蕲之震澤純仁任君經義尤敦雅不涉羸稟習實克符於文止經義序所標指者然則松陵婁東諸先正體裁暨守溪鶴灘啓蒙探奧之玉鑰胥可再得也參同契曰煌煌靈芝一年三秀任君爲孝貞先生曾孫先生嘗友朱孝介文肅徐昭法諸公而繇孝介以上溯衡山文氏實爲吳郡風雅正宗故先生書法獨得衡山之精窈今殆其三秀時也然則文孫之尤尊而可貴者且匪直經義也

富至巨萬貴爲公侯蔑以加矣然古今所稱陶朱猗頓七族六姓而外不知名者尙隸首不能算其數烟消燼滅安在不與輿臺皂隸等量齊觀乎孔子曰富貴如浮雲儼然吹散不留遺跡也而文辭之好流於性情溢於天趣或歌或泣藉以發抒鬱積暢達襟懷雖無關於道德功業裨經立訓其可傳者亦竟不能泯沒如崔信明楓落吳江冷至今芳流齒頰間故唐司空圖有曰不朽纔消一句詩諒哉名公鉅卿力足行遠不脛而走乃若山林逸士窶儒窮子難謀梨棗僅貯巾箱倘或中郎嗣乏任昉孤傷則以飽蠹魚供瓶覆大可惋惜也同川江邑一隅之片壤然分淞江笠澤之秀文人才彥彬彬著述炳耀後先顧時代遷流若凌昌儀古集陳理同川集任秀之湖村集皆作子虛亡是吳驥吳菴集僅一見而殘缺蝕腐幾不成書近者顧偉格軒遺書三十餘帙埋沒無可尋究及今捃摭收拾而存者已無復幾東坡詩云詩文豈在多一頌了伯倫鍾退谷云劉脊虛詩集才十四首脊虛之詩豈止十四首但此一頌十四詩足以傳其人余竊不自揆搜括里中蒼舊彙爲同川風雅集使得藻采一鄉表異是土凡皆諸君子性情天趣之流溢或者傳神阿堵不假長康頰上三毛彌思裴楷琳琅玉樹奕禩猶追警效之音小子後生黨閭咸仰文華之燦以余終身落拓噉名之心久更寒灰不燃然山雞自惜毛羽間有小吟不忍廢棄附諸末簡以質後世知言君子

同里志

卷二十三集文

送江寧邑侯王半溪入覲序

王 著

戊申秋王老父母蒞任江寧未下車已聞其賦性純厚立心坦白不亟亟於達道干譽而以加惠蒼黎爲念及下車果痾瘳一體不啻父母之保抱攜持疾痛痾癢刻不忘諸念也余本浙人與公生同鄉自恨老懶未敢輕過宰室而時雨春風未嘗不瞻依於父母孔邇也越歲余因事外牽累公親臨蓬蓽查訊雖事關上憲公未敢過縱而一種怵惕惻隱之念拂拂形於顏色及事白聞公心爲愉快者累日是公之德惠非徒耳食且親嘗矣公居官廉靜御物和平剖斷精覈任事勤敏抑且抱兒拔薤不茹不吐立懦廉頑克威克愛更聞其委賑豐邑勤劬不遺餘力卽事多掣肘而救弊補偏必深體 皇上子惠之心以爲心吏治如公豈易數觀哉今公以事竣入覲 天顏而一時都人士戴公厚德者作爲詩歌以詠其事昔昌黎公送石洪詩序其祝詞曰凡去就出處何常惟義之歸又祝曰使大夫恆無變其初以能保天子寵命以公之愛周江左晉秩榮膺直指日間事因敢以昌黎之祝石洪者請爲公祝願公不以得喪憂虞違其初志而以祝烏公之無變其初者時切蒼生卽位極鼎台而一以在金陵時之綏厥窮簷不遺餘力者自矢由是而銘竹帛著旂常當不僅一隅之謳思弗輟已也公將行因序其事以爲公勸

同里志

卷二十三集文

十八

續左傳類對賦自序

周 沅

育少無記性近尤善忘嘗讀左氏春秋而未能卒業也宋徐祕書類對賦貫穿全傳點竄成篇洵鉅觀矣惜其多所闕略不揣固陋續爲此篇聊以備遺忘省披覽云爾或童蒙便於上口則於記誦之學亦未必無少補焉

增訂左傳類對賦引

向續左傳類對賦多拾祕書之遺示不敢掠美也頃以學徒卒購徐賦不可得終嫌挂漏復取祕書原韻依續賦門類編次成篇其辭對意不對絕無門類可入者不忍割棄依續賦補遺例總附編末間有與續賦複出者亦以牽於對偶勢須兩收餘皆就原賦稍加增訂經文亦間採一二從其舊也起結數行則全用原文附之卷首庶初學兼覽便於參考云爾

同里志

卷二十三集文

十九

羅星洲關聖祠何自昉乎按續先哲記明神廟時顧公振魯精形家言謂吳淞之水由廬山湖東下抱鎮南北屈曲分流匯於東溪以入同里湖此洲當湖之口砥柱中流一方之文運係焉慮爲風濤衝激漸至淪沒乃倡議捐金累石築基環以外堤植以榆柳創建神祠以爲之鎮歷延僧住持職司香火里人歲時致敬以祈神佑吳公因之有記其文不傳略見嘉卿陸公墓修疏中嗣後續加修葺諸文士每歲恭祝聖誕弗懈益虔迨今百有五十年文風日盛科名相望不絕不可謂非神之降福也顧其地四周阻水孤僧不可獨居邇者歲比不登飯僧之田又不足以給衆口漸至牆屋不修香火垂絕蓋二紀於茲矣半溪王公解組有年凡公事之有益於鄉里者無不樂爲倡導見此祠之將廢也諗於衆曰前人創建殆非偶然今若此其慢神也甚矣乃復延僧住持且復草疏募緣方議鳩工修葺而公卽世諸同人踵而行之里人陸續捐助踰年而後工畢制仍其舊而基益加固貌益加煥器用益加備具僉謂此祠之修廢關係闔鎮之興衰不可以不記某惟事神祈福亦貴其誠焉耳矣惟神志在春秋名在宇宙其靈爽在天爲文章司命信而有徵然神祠遍天下吳中尤盛下至窮鄉僻壤浮屠老子之宮無不肖象以祀而靈應或有不同則事神者有誠有不誠也是役也因前人之遺蹟假神佑以顯地靈雖時細舉贏而衆擎猶易豈徒委金錢於澤畔填木石於波心竭蹶經營貽後人以登臨眺望之勝而已乎自茲以往里中之事神者宜益加誠敬久而弗懈庶幾

同里志

卷二十三集文

二十

神歆其祀而降之福也苟徒愛其地之清曠相與玩弄雲烟流連風月等於江亭水榭之觀遊且或競爲侈靡飲酒高會而肅敬之心不存焉其慢神也滋甚安望神之永爲鎮壓而降福不衰也哉某旣感先哲之爲鄉里造福又慕踵事者之克勤與里人之好義竊欲後之人毋忘其所以而是役爲不虛也於是乎書

纂修羅星洲并建閣築塘公啓

顧我鈞

我同里之有羅星洲也宛在中央藉爲內蔽臨波濤於無地遠擬方壺撐突兀於中流近同浮玉湖其創始雖人事之經營揆厥由來實地靈之鬱積視一舉之隆替卜萬戶之興衰爰自富士嘉名舊稱殷實同川析號久著文明然而莫擁高貴久遷北地永樂中徙富民莫子讓實京師何稱遺老已息東吳何方伯源自范參議終於粵藩吳經歷致老於蜀吏考諸莫志綜計明初百五十年四科何源莫昂兩第范濂而已泊乎世穆之間始建羅洲之殿從此繡衣兩着驄馬連蹏顧侍御曾唯陳侍御王道既而冰鑑雙懸絳紗分擁周儀部愛訪陳部一歷出守則南雄守蔣太守而下代有神君百里分符則靖安周明瑞安陳明府來儀以來尤多賢宰或董師儒之任化雨旁流或膺丞掾之員烹鮮可佐祖孫父子濟美延於數傳顧侍御曾唯子而誠孫祖祖並舉人陳孝廉叔姪弟昆競爽時同一榜王孝廉棟姪江寧令錫士任弟孝廉士醇峴齒屢升於六館子衿常率以百人斯亦極地勢之炳靈孝人文之輝煥矣若夫魁儒間起傾學癸卯南北同捷鍾與家有藏書人成小集讀愚菴之傳義六籍增光朱儒林鶴翁撰尚書考耘野之見開千秋遺直國彙輯丹香集等禮規陳茂才理粹語陳孝廉紹文著後沙語錄並爲學海金針好我吳愈憲之紀微塵陳部諫沂震總屬吟壇拱壁豈非秀靈特盛蘊結而成者乎况乎俗尚淳良人敦禮讓真孝廉之流風末沫朱陸宣符詔庭除柔色於采蘭女君子之芳烈猶存顧佑娥妻陳氏未婚守志邑令趙子山稱爲女君子巾幗矢志於殲蕩加以膏腴千壤閭閻或比侯封紅朽十年困廩真同

同里志

卷二十三集文

二十一

山積急公輸粟時聞卜式之賢仗義陳財競設黔敖之食聞老人之花甲二首六身衍後嗣以添丁八龍五虎觀天麻之滂至知地脉之有憑豈是人功須歸佛力奉梓潼而祠漢壽載誕允文允武之才像觀音而護韋馱實蒙多福多男之佑感天人之呼吸直形影之相隨夫廢之舉之義惟由舊况有所有報禮亦宜然豈可使岸址傾頽汨沒漸臺之水棟梁崩壞飄飄南海之宮湖畔行舟訝滄桑之漸改溪橋晚眺悲樓市之將消用是諗我同人傳之闔鎮各解留山之帶共捐布地之金俾蠶甍重新不傷水蓄閉閣加厚用壯鸞飛應奎府之星精宜崇寶閣擬蘇堤之勝蹟更築橫塘鑿翠峯巖壯北方之鎖鑰回波紆纒積東去之扶輿昔人宅或聞鐘因而建刹佛曾示象遂以成祠雖敬恭無海非有菑畲耕獲之心而禍福有基端在上下幽明之叶各宜努力務竭誠心

嚴孝子舐目紀略

汪份

吳江有覺嚴君館於郡西城往還過喜齋中歷數寒暑矣論文獨與余合座間每稱道古人忠臣孝子之節輒流連仰慕或至手舞足蹈動於容色余心許其爲敦行士也間爲余言其尊甫築巖先生邃於易有自著經解不輕以示人會余歸自武林道經江邑造訪其廬拜謁其尊甫出其易解讀焉簡而能該不爲艱奧其注語蠅頭精楷詢之皆近年手書也余怪其目力絕人則曰昔年曾病目翳膜層障藥罔效醫者治以金針痛勿能堪兒子徬徨弗忍曰舌舐可代乎醫曰此固可代但非朝夕功恐火毒結舌耳兒子遂旦暮洗拭以舌逾月有光復舐不輟經半載而雙眸炯然至今可繕細楷余聞之擊節曰異哉有子如是可謂孝矣昔建寧陳榮母病目十年藥石不療亦以舌舐一旦開視豁然至行卓卓載在史乘今百有餘年而再見之嚴君益信曩者心許之非謬而卽我 國家敦倫興化之效之一端歟易稱无妄之疾勿藥有喜亦誠至者其理固然歟亟書其事以備當世之採錄者

同里志

卷二十三集文

二十二

袁漫恬書隱叢說序

陳祖范

吾鄉有柳南王東淑工詩文務記覽淡於進取居濱海入城相見必諮叩日來所觀書新得幾何辨論幾何採摘幾何東淑輒臚舉數十條余僅能酬以一二心愧之然私喜彼勞而求我逸而獲故去即盼其來冀有以餉我也今年余客同川去舍館百餘步得袁君漫恬其淡仕進專務記覽爲詩章勤於採纂宛如東淑年齒較少襟情開朗興會蕭疎出所著書隱叢說亦柳南隨筆之流亞也噫余少不知人况今已老飢虛之腹惟仰給於良朋方悵與東淑會面稀誰復肯相餉遺者不意南阡北陌之近適有人焉多藏善賈一見欣然不惜倒屣傾困羅列而進也其亦足以飫我老饕矣歸而過詫東淑余左挹浮邱袖又右拍洪崖肩也東淑以爲何如哉

同里志

卷二十三集文

二十三

重建同里司署記

沈以鉉

鉉疎謫小吏常懷曠職之憂蒞任六載幸叨紳士大夫指示地方利弊得以粗免官謗仰副 皇仁憲德皆出自諸公之教益也同川向無衙署歷任多寄僧舍或僦民廩前任鞏昌府僚劉老寅翁始置西柳圩基田一畝七分九釐創建瓦屋三間坍塌已久雍正六年間前任徐寅翁經營重建又以留京未成蒞茲土者終無棲息之所迨丙辰歲鉉因詳請前任本縣正堂趙慨助養廉鉉亦量捐月俸又得闔地解囊相餉甫得鳩工計費一百八十一金造門堂內宅共二十一間衙署苟完託足有賴雖在鉉不無苦心要非諸君子力不及此今者鉉不幸慈母見背荒迷去任乃承闔里立額虛揚復呈請留任荷蒙憲批嘉獎苦塊餘生感愧交并今與諸君子別不能徧叩面辭留此數語誌於衙齋云

同里志

卷二十三集文

二十四

建同川書院記

陳奠纘

同川在龐山湖之東地靈毓秀人文輩出讀吳章二君先哲志文章經濟歷歷可考雖其人之克自樹立抑或由當事者之振興鼓勵而然耶余丙寅歲來宰吳江因公至鄉每於義塾所在諄諄與塾師言所以教來學者總期以實心收實效庶幾窮鄉晚進之士有所裨益而義塾之立始不爲虛同川義塾舊藉蕭寺數椽局促來學難容余甚惜之丁卯春太守傅公巡歷至此屬余興建乃卜於富觀橋之北購諸朱姓得地三畝形勢爽塏踞湖山之勝余遂愆憑倡捐與紳士之樂輸者共襄其事始於孟秋閱四月訖工講堂學舍庖廡之屬咸具顏曰同川書院自茲以往諸生肄業得有藏息之所余亦可藉手以報郡伯之命爰延顧君陶元爲之師陶元同里孝廉品學兼優里人所矜式諒必實心訓迪以副余意行見後進彬彬繼起安知不與同里諸先哲後先輝映耶余且拭目俟之

同里志

卷二十三集文

二十五

重修同里司署記略

顧志學

同川司署之設自鞏昌劉僚長創基石壞沈僚長結其宇皆賴各紳士飲助襄役俾得免僦屋僑寓意良厚矣自時厥後歷年既多垣頽瓦破雨雪飄零蒞茲土者滋戚已久志學於戊寅秋恭捧憲檄承乏於茲二載以來頽者益傾破者益缺飄零者甚至案牘且沮洳矣雖卑俸猶不足以繕葺因間以斯事與紳士之老成卓識商之庚辰冬蒙本鎮暨八柝諸紳士復捐貲飲助計得六十金爰重修衙署增修煖閣及二門其堂廡門基城之磚黝聖丹漆之工閱月歲事費如所捐之數其經理董率卽向所與商老成卓識諸君子也同川素稱仁里乃厚意給公後先輝映誠無以尙耶叙頽末不特誌風俗之美且以徵 國家教化翺洽百有餘年所謂觀於鄉而知王道之易其在斯乎但志慙菲才譾陋其循分稱職視劉沈二公弗克嗣響無以仰副 皇仁憲澤而亦謬叨諸君子厚待之意深用爲愧云

同里志

卷二十三集文

二十六

修同川書院碑記

沈名揆

禮之學記曰家有塾黨有序古者一里二十五家黨則五百家是學之長幼以人辨而學之大小以地辨書院之設猶古黨序之遺意與同川理學蟬聯簪纓鵠起雞窗雪案手涵四庫之奇學海文河腹蘊五車之富雖地靈而人傑亦多從樂羣敬業中來書院不可不汲汲也獨是歲未三紀桷摧三繕不無淇園茂草之悲卽曰四堵蕭然歌聲出金石嗜學者原不尙雕牆峻宇之觀而一簾夜雨半榻晨霜亦足增縫掖羞予幸茲土未嘗一飯忘唯吏事忙忙終日與汗役驚吏訟庭相對無寸晷之間而又一囊如葉兩袖惟風力不能及予慙然愧亦憬然思今夏紳士王益能等以重葺書院請噫此余志也遂解廉泉點滴爲握椽勺土之需憶昔爲博員弟子時亦備悉雨握風樞寒士偃蹇難言耳葺成請記於予予視墉垣旣固堂與森然右連笠澤之波左結洞庭之翠在多士樂有此居而予亦樂成此志也將見絳帳生春譚經者固奪戴憑之席程門立雪受業者亦分謝眺之旣蓬戶絃歌於舞犬桑麻之外別成藝圃重門夜讀在縹緗卷帙之中預釀蜚聲學士八磚講堂三廳此舉未始非一助也第恐後先不一寒暑靡常俾燥濕之不時將廢弛之復作而况貧富參差其中固有五陵之裘馬豈無半菽之空虛倘膏火不繼亦難枵腹治書願後此者愛而不忘也因爲記

同里志

卷二十三集文

二十七

國朝松陵詩徵序

沈德潛

古來詩文有選自梁代昭明太子高齊十學士始嗣後唐有河嶽英靈錄中國秀諸集宋有杜清碧之谷音金有元裕之之中州明有□□□□詩選或綜幾朝或集一代此可爲詩學津梁而非采風遺旨也 本朝王漁洋有濟南詩選一郡中取華泉滄溟二家吳梅村有婁東詩選一州中囿於門下十人宋商邱詩選徧於大江南北而所收祇一十五子不專一邑人亦略存他如陸敷先之虞山詩約潘蜀藻之龍眠風雅專一邑矣而所收之人準諸十五子之例未有網羅蒐輯舉一邑之詩薈萃成帙至二十卷之多者也吳江袁生質中醫斷能詩著有小桐廬集十卷近復選定國朝松陵詩徵自朱長孺顧茂倫計甫草吳漢槎潘稼堂諸公以至今詩人之爲古人者無不收錄附以寓賢方外名媛其選詩之意謂以詩存人與人存詩二者不可偏廢以詩存人爲後學導先路也以人存詩爲前者表苦心也洋洋乎一邑之風固同郡他邑所未能完善者哉嗚呼古來隱人騷客以一生之智慧畢能竭慮磨精耗神求有聞於藝林及其溘焉漸盡而鼠殘蠹啜至鄉里不能指其姓氏子孫不能舉其緒言真足慨也今一旦存其人存其詩先采衆人之藻鑑後參一己之品評揭揭焉若引星辰而聯珠貝隻語單辭無不載入搜遺文於既墜發潛德之幽光蓋雖一邑之書而知人論世後之人可憑藉以采焉今質中雖辭世而質中彙集之功爲不沒矣詩曰維桑與梓必恭敬止其實中之謂也夫

同里志

卷二十三集文

二十八

哦松雅韻知官廨之綢繆射鴨高風應私衙之繕葺矧夫日月逾邁傾圯堪虞抑且風雨漂搖經營莫緩今茲同川司署舊屬江邑分防前任沈寅翁肇其基後得顧寅翁繼其緒雖棟宇之略其實湫溢而未全安於乾隆三十年九月恭奉憲檄借補備員冬霰斜侵惟聽齋廚浙瀝秋霖乍降愁看案牘沮洳緣講鄉約之餘微陳款曲幸賴紳耆之厚悉願捐輸爰諏日以鳩工將庀材而築室適來憲委協督寶蘇安樸被遣征忘私赴局運甓置之隙地取材貯於間寮思衆姓之助擊冀踵成於異日不意後來之俊彥忘其薪木之毀傷爨下桐音莫遇蔡邕之賞他山石錯咸歸米芾之船迨錢局已屆瓜期返舊林竟成瓦礫念人歡之易盡嘆已往之莫追是用謹稟上臺遂獲施仁末秩命工師而估價貸欸項而存公計繼伯九十有奇閱八旬二日增五楹寢興之地設兩個左右之廂昔之撓折者易以整齊前之漫漶皆加以塗墍庭殖正瞻不同馬磨三間築登削平殊異相如四壁安以謙陋菲材偏隅冷暑前叨紳耆飲助繼蒙憲仁俯俞被德啣恩幾同河潤靖共矢慎益勵丹誠爰弁片言用諗來哲

吾里水鄉也五湖環之其東爲同里湖湖有洲以象羅星洲有祠以祀 關聖自創建迄於今多歷年所形家者言以爲一鎮文風係焉里之人願徼福於神之靈以嘉惠我士庶屢圮屢葺祀必虔邇年以來洲之修築有加祠之規模益整庶幾乎煥然之觀而極盛之時已夫有舉莫廢理固宜然非屑屑於形家之說顧其說亦有不可誣者吾里蕞爾之區弦誦相傳士恆爲士雖未敢云科第之盛而縣縣延延二百年來幾於不絕將毋是洲之築實有造於一方而藉神力之呵護占人文之蔚起耶宜乎衆善同心有倡卽和鳩工繕葺咸踴躍從事也余宦遊京國十二載於茲矣猶憶往歲家居每逢神誕之期從父兄之後一棹湖中登洲謁廟旨酒欣欣俎豆莘莘工祝告虔歌舞娛神里中人士躋躋揖讓淳風奕然旣而飲酒將歸相與陟 文昌之高閣憑欄縱目則見夫晴波浩淼青疇綺錯與夫村落相望千家烟火願而樂之輒流連不忍去今雖遠隔三千里此境未嘗不往來於胸中乃者吾里之人能出其餘力俾廟貌重新而更益之飯僧之田永爲香火之計行見斯洲斯祠將與名湖以終古而一方文運亦賴神佑以日隆也豈不幸哉夫湖之有洲洲之有祠一百數十年中圮者屢而葺之屢當其圮也不有人焉慨然出而整頓之則不能以復葺迨其葺也苟有人焉殷然謀所以保護之則亦不至於復圮廢興之間雖有數存而所係乎人事者大矣余所爲誌盛於今而益不能無望於後也

同里志

卷二十二集文

三十

計開善信捐田數

陸姓捐外果圩二畝二分五釐五毫

顧姓項姓合捐外果圩四畝一釐五毫

王姓續捐外果圩四畝八分一釐六毫

重捐吉祥菴常住田碑記

王曾翼

虹橋迤北九里湖濱古刹曰吉祥菴其境與僻去鎮市較遠翼塵所隔絕村翁里姥香火所不到故常爲眞衲焚修之地結構不過數椽竹梧娟秀榆柳陰翳前臨綠野環映清流居然幽勝也菴創建於宋咸淳間明宣德萬曆中代有修葺國初有僧心融卓錫於茲里中善信捐置飯僧田七畝相與刊碑誌之菴始有田矣旣而殿宇荒圯不得已鬻田以葺心融沒而菴旋廢則有住持碧天捐貲重葺於時凌處士孟祥及王君仲各以所得菴產歸我汝陽飯僧乃復有田康熙戊寅里人再刊石以紀其事嗣是陳給諫狷亭公偕弟艾山公暨余從曾祖沂鍾公伯祖師維公先祖偉岳公協謀整理均有力焉歲月浸久菴竟廢而田不可問矣雍正己酉清池慧海兩禪師瓢袂來遊耽其僻靜可作維摩丈室爰募建殿宇稍有增闢衆信樂助事成精藍蓋新菴之名籍甚迨乾隆癸未先伯父然明公偕凌君宏仁陸君三之金君酉書陳君嵩生兄益能復爲經理修繕規模益新乃延致上人廣學爲住持僉謂菴則新而產未復尙非經久之計適有存公項銀若干兩加以金司馬竹書捐項數金遞年生息至今甲午陸續置來總畢圩田七畝永爲僧業俾自耕自給庶幾得安栖止卽香火藉以長留云爾嗟乎名藍大利往往有一廢不復振者近而言之如海雲法喜久矣鞠爲茂草茲菴雖小獨屢葺而重新飯僧之田亦仍還如故額百餘年來粥鼓鐘魚依然無恙豈不幸歟夫興廢固有數存而經理尤關人力此衆善捐輸非兩碑尙存今日誰知之者後之視今猶今之視昔

同里志

卷二十三集文

三十一

也不可以不志是用臚述其始末以矢弗諼焉

重修同里司署記

王曾翼

天下有創造者有修葺者二者交相須也苟謂舊制相沿而後人遂無庸潤色甚非所以紹前徽也吾里司署自康熙年間鞏昌劉公置西柳圩基地一畝七分有奇置屋三間以爲署至雍正戊申歲徐公始理新之迨乾隆初載爰構大堂暨內宅凡二十一間規模漸以宏大石埭沈公開其先也嗣是歲在辛巳上虞顧公添設煖閣越十年己丑廣寧王公借給養廉重爲增飾建上房七間廂房二間較前益加恢廓凡經營之始末俱銘扁額班班可考今楚公來任復大厥規爲其功績不在諸公下也夫世之居官者撫有一邑理政事安人民他無暇及至若位卑祿薄惟算及錙銖期滿囊橐其公廨官舍一任廢興而不加意又安望其式廓耶公以捐俸不足并借貸質當以卒成厥事此誠不可及也已先是甲辰歲改作二堂及穿堂上房至丁未秋添建儀門立福地祠社於東偏築對照二間卽劉公所置之隙地始建時僉爲廣居自便而不知公之所以爲公者在此公能追紹前徽其勤勞民事有加無已概可知也託庇於下者無不頌公之德後之蒞吾邑者其亦可以爲法乎

同里志

卷二十三 集文

三十二

重建永興橋記

顧汝敬

同里西南隅有跨西柳南荒兩圩而屹然橋焉者則所稱湯家橋是也歲久傾圮行人苦之里中父老相率出貲重建肇工於乾隆庚戌某月畢工於壬子某月凡三閱寒暑而始竣厥工雖然橋重建規制如舊惟橋面增高四尺并增鋪綠石以防雨雪泥滑南境增築緯道爲行舟遇風牽挽計此則踵事而增慮益周詳者矣考吳江縣志章氏撰同里志皆載湯家橋注云正統十三年重建又別載永興橋注云永樂二年重建據此則截然二橋也余輯同里續志沿之未暇考正迨橋成之明年里人乞余撰記并示余橋旁石刻首書重建永興橋檀越題名末書宣德壬子十二月辛卯仁濟道院住持吳宗慶立石仁濟道院今俗稱南觀去橋不數武始知是橋卽爲永興其必先名永興而後乃更之也乃志既列永興於前又列湯家橋於後則判一爲二其爲訛謬無疑昔人謂金石文足考志乘之失豈不然哉又按他石刻記康熙六十一年荷月重修竊意一建於永樂續建於宣德再建於正統而重修於國朝計正統後二百餘年其間必有或建或修者載籍闕略無從稽矣是役也木石工匠之需共糜白金一千若干兩以區區同里而獲歲此鉅工吾里人之好義而樂施可概見已其各姓氏例得附書至橋之名則仍從其朔名永興云

同里志

卷二十二集文

三十三

重建翊靈道院城隍殿記

顧汝敬

吾里之良方有翊靈道院肇建於元皇慶二年再建於明正統元年至 國朝康熙初復於院之西偏建大士真武二殿此邑志缺書見於章中行撰碑記中而其東偏有城隍殿屢經修葺迄今乾隆五十三四年間而大殿漸有傾覆之虞里人蒿目傷之太學朱君景揚乃起而任焉君有綜理才誠懇素孚於鄉故募疏一出而樂輸者雲集工始於五十八年十月畢於嘉慶三年十一月凡計費共二千餘緡增建東西廂樓二十四間於是殿宇巍煥規制整齊足以安神靈壯觀瞻已衆謂是役也不可無記爰屬余書之抑余又有異者先是朱君以喪子置妾已十餘年至是忽舉一子咸謂神所報也雖神佑之說君子勿道然以七十二齡而重兆夢熊於大殿落成之候因附書以勸任事而敬神祇者

同里志

卷二十三集文

三十四

重建羅星洲文昌閣記

陳毓咸

竊按續先哲記羅星洲創於元世明神廟時顧公振魯倡議捐金始建 文昌寶閣蓋聞帝君之靈振古如茲掌挂籍主祿位錫嗣延齡求無不應故敬事益虔則科名益盛里中登賢書者未易更僕數歷年既久時加修葺 國朝康熙初顧公玉林等重修乾隆中王公半溪等募修紺宇聿新久爲神所式憑矣迄今計三十餘年又復傾圮不興工重整恐日久更坍塌難堪住持茂益篤志重建功成浩大恐緣之難湊以是告諸檀越今有周子邦寧慨然捐貲倡疏募建合鎮勸緣共襄善舉斯一舉也制仍其舊基則加擴供座益加煥器用益加備且拜瞻之地益加宏敞雖以施獲報非仁人長者之心然福緣結有前因科名愈徵昌大從茲獲祉灼然不爽諸前輩爲鄉里造福於前今踵事者克捐金繼起於後佇見人文之秀蔚起爲神之呵護者匪淺也是爲記

同里志

卷二十三集文

三十五

羅星洲惜字引

王祖琪

粵自一畫開天大文斯著六書垂訓小學恭嚴則知隻字爲帝符之錫片言皆史韻之遺乃拾殘編於古壁或至覆
甌檢散帙於行囊每將作枕最嗟飄零藩溷儒林之辜孽爲多混入泥塗脉望之超生何自若斯之類痛不勝言吾
里羅星洲向有惜字會家給一籠月收一焚諄諄十八戒中其言猶在悠悠四五年內此法不行願同志者之重修
則斯文也而未喪蓋取諸離星渚奎光連斗極乃浮於洛洲邊圖瑞煥文章

同里志

卷二十二集文

三十六

重建洞真觀東嶽殿記

任兆麟

吳江之同里有洞真觀者肇於宋咸淳間明季重爲修葺迨今又百數十年庖稅傾圮墉寓且委諸榛棘矣然工費鉅繁莫有能起其事者庚戌里人王世珍等毅然爲之倡故事三月廿八日神誕士庶咸進香帛瞻禮往觀者徧爲告募於時靈蛇顯異三月乃伏凡所請祈無不立應使萬衆一心咸樂爲輸助有不遠千百里至者踰年神殿成復於其後建玉皇閣規制崇偉三年工訖計費數千金其輸貲姓氏則司存者籍焉考觀祠東嶽天齊帝之神周禮五嶽視三公吳隸東土厥典尙已住觀者爲道今以僧徵諸前記蓋明世已然矣至神之靈應項子萼條舉數十事揭之壁間彰彰也夫以宇宙之大惟神無所不在不疾而速不行而至感之如響斯應况此邦之人崇奉之尤歷歲久遠者耶而里人之爲此舉非有聲勢之藉卒不勞而事集以此見好義之感人至也余故樂爲之記俾知志之果者無患功之不立而學問之途道德之事爲之者宜何如哉觀之名始見姑蘇志其葉氏舍宅陳氏獨田事詳先高祖碑記茲不復著云

同里志卷之二十四

藝文志下

集詩

自唐皮日休有松陵集宋孫覺石處道有松江集范石湖有松江續集元朱良實有松陵續集明史元有松陵
耆舊傳潘力田有松陵獻集周永年有松陵別乘 國朝朱愚菴有松陵文徵章中行有同川風雅集張雪湖
有松陵詩約趙髮千有松陵耆舊集袁樸村有松陵詩徵甚矣松陵全集之多也里中著作家亦不少刊稿行
世惜不得盡見而有關里中風化者又少茲不拘體例哀集一編凡有遺漏續增可也志集詩

宋

賦順適堂 見順適堂吟藥

葉茵

暗觸少陵機茅居峙竹扉安時貧亦樂聞道詠而歸鳧鶴從長短鷺鳥自躍飛我猶臧穀耳口口是邪非

次范無外孫花翁遊法喜寺韻 見邑志下二十六詩同

兩橋橫處放潮回橋外花村漲晚埃省事老禪門閉早焚香對月禮如來

江流環合路紆回香火千年路少埃佛法本從方寸起逢人剛道自西來

同里志

卷二十四集詩

尚湖

楊萬里

尚湖名是實全非只合松江雁鴛池若與五湖通譜系澹臺湖是太湖兒

元

遊龐山訪龐雲翁

于文傳

山本無名恰有名入山山意自分明牆隨畦畛高低築船趁沙灘遠近橫別嶼午晴雞喔喔隔林風細鳥嚶嚶山翁
獨把煙霞占五十餘年未入城

贈雲外道者靈寶治中 有序

王逢

余過吳江同里洞真觀黃碧巖丹房會雲外道者曰木真氏名靈保字祐之嘗為鎮南王長史統騎兵五百人征
汝蔡妖黨以功聞錫金帛上尊陞司馬至正十六年三月長槍軍帥大小張鑑叛據揚州王退駐淮安時憲使褚
不花拒寇趙負城胡陳寨首鼠兩間靈保說胡誘獲趙人畜千百計既飢軍民相食數求老張平章援不為應復
將王命問道走京師告危急狀大臣嘉之授濟南路治中議督諸部救十月城陷不花抗敵死王被執逾月不屈
死妃某偕水死焉靈保得王凶問由海趨浙遂寄迹老氏蓋數年矣與之交旬日意氣殆欲相從於閩風之上者
因壯其前高其後序而詩曰

非衣麻屨今道者元是親王右司馬雪尾羔羊蒸瓠肥金盤露酒明河瀉主畫才優形邸間督戰功收霍邱下濟南
別駕本遙授誓欲勤王膏草野先時張鑑叛揚州孤軍退在籌邊樓老張平章擁精銳間道蠟書躬遠投近郊雖順
等狼子千里橫互長淮鱗鵠形徒志牛後燕龍種竟逐鴟夷浮中胥血淚霽雲鏃落星荒寒影淒獨去燕留吳百眺
胸蘇臺又復遊麋鹿三萬頃湖七十峯一筇一蓬娛老足胎禽將離桐白華遇我黃石仙翁家蕊珠真經已暗誦滿
月澹暈天東霞來者玩迅電往者歎逝水擬招安期生更拉倭倭子閩風共揖長爪姑試問蓬萊清淺還有幾

雪蓬圖詩 有序

蔡子堅家吳淞之上日以耕釣爲樂文人才子咸喜與之遊嘗作漁舟江上其篷窗船屋不事藻繪惟以粉堊爲
飾名曰雪蓬子堅時把釣垂綸攜琴引鶴得魚沽酒命客賦詩其中以適其意俞貞木馬公振輩以爲愈於乘輿
剡溪之上者

歲晚天空玉一簫滿船書畫壓銀河鮫人室露雙冰鯉神女峯沉幾翠螺□□□□□□尊前小海度漁歌烟波
浩蕩真堪樂日咏東家綠樹多

儉德堂懷寄吳士益

名維諱宋八行先
生後有碑在鄂摩

不屑三家仕眞爲八行孫水滸菰米澤烽火棗華園良馬寒辭坂靈烏暮識村還期巷南北相送月過門

同里志

卷二十四集詩

二

同里

倪瓚

依微同里接松陵綠玉青瑤綠復縈爲咏江城秋草色獨行烟渚暮鐘聲黃香宅裏留三宿甫里門前過幾程借書
市藥時來往不向居人道姓名

同里懷元用

一水東西雲窈窕幾家楊柳木芙蓉齋居出入無人到屐齒經行破薛封密竹窗虛秋半雨楓林市遠日沉鐘寄詩
爲道長相憶想亦依依念去蹤

夕次同川

李繼本

鴉噪晚涼天新晴景豁然柳橋通水市荷港入湖田鷺影沙頭月人烟渡口船相過又相別書到是明年

寄顧仲瑛高法善寺

謝應芳

客來喜得平安信蕭寺樓居日掩扇湖近浪搖窗影白地偏苔沒履痕青羣賢方結蓮花社小楷猶鈔貝葉經歲晚
歸舟甫經里好尋漁父過寒汀

明

題甯氏萬玉清秋軒圖

郭登

王謝堂前久不歸野田荒樹幾斜暉
花開花落秋還在年去年來事已非
楊柳風多凋翠縷芙蓉霜重濕紅衣
故人空感山陽笛一段傷心畫所微

前題

周叙

舊家原在同川出世振動庸兼鈞軸雲初繼者
太中賢解印歸來悅幽獨別墅遙從天上開
竹間處處起樓臺歲寒屏古蒼松老來鶴亭
深碧澗廻亭前橘柚千株繞圃上芙蓉蔭芳
沼殘荷細卷玉露清疎柳低垂紫煙繞長坡
迤邐籬菊芳花開三徑如紫桑萬斛香生金粟
塢滿庭蔭遠碧梧岡岡梧見說曾棲鳳鳳去
庭空如昨夢只餘萬玉在清圃往事繁華竟
何用當時故族稱雪洲二家文物同風流雪
洲令子太中情冰玉相輝不易求陵遷谷變
流光度回首塵寰重增慕賓鴻社燕幾春秋
砌蛭自朝暮雲林咫尺吳江湄城郭故在
人民非名園疊榭總零落湖光樹色猶依微
玉堂先生雪洲後圖書當年喜重購甥館應
符宅相賢蘭塔尙想先人舊摩挲故物重徬
徨幽深一似平泉莊茂苑遺芳何處覓松陵
風雨舊荒涼

前題

楊浦

社燕賓鴻共歲華松陵禾黍故侯家
誰令千載柴桑裏一度秋風一度花
金谷紛華逐世塵朝川圖書幾時存
鷗波浩蕩孤舟穩贏得詩書教子孫

同里志

卷二十四 集詩

二

前題

劉鉉

甯公在昔稱時賢頭顱半白來歸田
老懷淡泊慕幽雅高居別築在同川
數畝園林占清寂四時景物誇奇妍
賓從日盈北海座琴樽晚載南湖船
一朝陵谷那知變廢盡東吳舊庭院
扶疎修竹爲誰青零落芙蓉不成片
白雲飛去鶴不來只有堂前舊時燕
春深幾時花亂開無復當窗映人面
繁華往事今已休東床老去懷重遊
歌舞重尋甥館處蕭索碧梧風雨秋
陶令宅邊松尙在習家池上水空流
追思自足與感慨何獨對此方爲愁
六十年來駒過隙俯仰之間已陳迹
圖書寂寞久無聞流落人間匪朝夕
客從何處遠持來佳致依然不殊昔
夢回昨夜到松陵鐘斷長橋月初白

過訪何方伯

張居傑

遙望同川雲樹蒼別來不覺幾星霜
歸休日結香山社訪舊重登綠野堂
酒泛流霞人似玉衣明宮錦髻如霜
更期後會知何日暫把離懷付短章

九重優詔許還鄉便向林泉結草堂
筇竹杖移花下月鹿皮冠壓鬢邊霜
壘開春酒流霞暖簾捲香風化日長
賦就閒居身自逸湖山佳處足徜徉

前題

魏驥

白首歸田自五雲達尊閭巷許推輪四朝不懈據忠悃二品何慚沐聖恩秩秩圖書仍滿屋陰陰桑梓更連門升堂
又喜稱眉壽詩禮雍雍好子孫

送何方伯還吳江

張洪

朝辭日華館夕宿香荷浦瓶攜閉瓮春衣沾過雲雨秋風入行裝涼颺滌煩暑白雲空在望故山渺何許本欲快私
情翻爲眷賢主昔人在江湖戀闕不遑處况子當國身勤勞固其所心旌何搖搖悠哉念鄉土

送莫旦還吳江

邢讓

籍甚才華衆所推賢關兩賦見襟期頻年自養青雲器此日人傳白雪詞璞璧未消和氏恨鱸魚先動季鷹思他年
春榜羅賢俊遲爾重來對玉墀

題盤窩

姚明

栽桑栽竹日殷勤風景曾從李愿分千澗落花流曲曲何人尋得到深雲
不到江城今幾載水旋山繞是幽棲野禽亦自知人意只向低低花樹啼

夕次同川

姚廣孝

長江接遠天一望一茫然夕靄迷沙樹寒鴻落渚田林香通佛寺岸語到商船野路偏難識經過况隔年

同里志

卷二十四集詩

四

重過同川

韓奕

攜家曾此避兵塵川上花開幾度春頭白重來如故里看花應少舊時人

李逸人同川藥隱

徐賁

小市離村遠門當水竹開世蒲皆藥草雲鳥盡詩材春雨躬耕去斜陽訪病回花藏溪路上只許酒船來

翊靈道院會集贈任翁伯通 見歸田集

吳驥

冉冉年華去瀟瀟宿雨餘都拋塵世事共讀道家書貴賤真成夢功名半是虛相逢能幾度不用問何如

道院東軒作 見松陵詩約下二詩同

任伯通

羅逕無人落葉深卷簾清查對遙岑逢秋漸有登山興多病長懷出世心閒讀道書參妙訣偶尋野客話空林幽栖
卽事多欣賞莫遣閑愁兩鬢侵

卜築龐山作

任仲真

餘生只合付林泉白日難廻滄海天耕稼吾家原舊業逍遙自古足遊仙花開不絕壺觴侶溪僻同登書畫船一枕
香風北牕外稻花千頃是湖田

構有竹園

樽穀既已芟藜蓬亦已刈心目兩曠然跬步無所疑幽竹扇清風野花香曉蕤小石當繩牀大石几可代獨坐看道
書飲水如沈澗

題樂壽堂 見邑志下八詩同

姚 懋

靈君兩相照虛白無纖疑尺布當自警一錢豈容私擾仁與耕義日夕生華滋何須勒銅銘耿耿恆若茲秋高天氣
清月寒波靜時留此遺後人荒穢請口口

前題

顧 元

一派堦篔簹畫堂春風棠棣正芬芳白頭猶念天倫重肯信人間有閨牀

芋頭餅

沈 周

榮萌方長折作餌糝相仍香劑圓從絕膏軟出蒸女工虛鄭縞士宴奪唐綾我有僞生感臨餐獨不勝

題感梅亭

任 德

回首秋風慘北堂空悲手澤寄孤芳物華榮悴仍旋轉人事嗟吁竟渺茫義起杯圈心愈切詩成陟屺夢何長廣平
更有當年賦未必無言爲爾傷

前題

岑 標

同里志

卷二十四集詩

五

慈母當年爲投核母亡今見樹輪困根株追慕生前植枝葉難忘沒後身雨露沾濡悲手澤冰霜鑿慮想精神慈烏
啼月空庭夜愁殺孝思頭白人

前題

劉文奎

只爲前人種植難中心思慕廢吟觀迎春結子無逾早逗雪生葩不爲寒風雨欲來嘗依樹星霜雖邁尙憑欄隴頭
寄後無消息收拾調羹在太官

前題

顧 寬

中秋月明感梅軒兒在梅邊泪泣然明月去來還有約種梅人不返重泉

前題

文徵明

百年嘉樹未凋零手澤聊存阿母靈小檻春風新結搆疎籬殘雪舊儀形芳情脈脈寒輸鼻夜色離離月印庭珍重
諸郎好培植自拈遺語作詩銘

阻風宿九里湖

雲沓長空斷雁呼水聲催岸雜風蒲扁舟臥聽三更雨一葦難航九里湖繞榻波濤歸夢短隔林烟火遠村孤人生
何必江山險咫尺離家卽畏途

舟過同里贈湖村兒 見山海漫談

任環

松陵大有人宴坐在茅屋川平白鳥飛交翠千竿竹姬孔示周行非聖書不讀萬古此心澄明月來空谷

四十述懷 見松陵詩約

任秀之

忽忽恆同夢無端四十年鬚眉將老去天地尚茫然難挽長江水悲歌寶劍篇臨流坐垂釣終日對清漣

過先業飲馬橋 見陸雲翔國初陸氏辨略

陸鯉

芳草萋萋綠滿溪出巢乳燕帶芹泥徒聞舊宅人常醉不見橋邊飲馬嘶

同川六景詞 詞漁家傲○見三餘館集

趙重道

長山嵐翠

平岸縈斜青嶂小雲屏如帶長煙繞寂寞荒原皆復曉空啼鳥數聲叫斷蒼旻杳 爲欲尋芳時一到攜朋踏破閑
花草命酒班荆還坐笑情何了須臾日上蓬萊島

九里晴瀾

一鑑澄湖無十里舞鷗浴鷺烟波裏虛白涵空清澈底誰堪比晴光如練霞如綺 落日放船風細細沿流湖岸尋
蕭寺且向漁翁覓雙鯉呼不起閒心一片依秋水

同里志

卷二十四集詩

六

林阜春雨

漠漠春陰林薄晚一犁纔向東阜返細雨斜陽尋酒伴歌宛轉聲聲猶唱春歸緩 四望平原芳草徧荳花落盡口
口暖柳絲牽情風又斷天涯遠年年目送江頭燕

蓮浦香風

水閣涼生天送雨輕風扇遠來南浦十里荷花香萬縷空中度暗窗馥馥聞芳杜 檀麝飄揚仙袂舞露珠滴碎天
葩吐試聽采蓮歌已暮蘭橈去煙渡江上迷歸路

南市曉煙

富士由來稱絕麗而今南陌煙光翠臺榭高低隔水際人如蟻雨揮珠汗雲連袂 錯落牙籌波鼎沸花影凌口鶯
聲碎獨共他鄉風景異天初霽吳儂解弄千般技

西津晚渡

一水襟分城府隔雲帆來去江流急晚照西斜山纒碧流光迫歸人喚渡蘆花側 舟子招招水中立撐開小棹飛
何疾燈火千門半昏黑愁惻惻深閨目斷棲林翼

遊法喜寺 見浩菴詩藁

陳王道

法喜何年寺招尋偶一過禪扉枕湖上梵宇出林阿僧榻朝煙白齋鐘午篆多因茲觀寂靜慚愧聽鳴珂

方正學墨竹爲任氏世藏 見惜齋集

陳紹文

開卷爽颯秋滿幅扶疎幾竿見修竹亭亭森立巖谷間况積千年風雨足正學先生品節貞風骨卓勁見性真追緬
丰儀已隔世瞻對此君見其人石予任公交以道結廬高隱塵俗掃德媿綠筠長挺然爲寫琅玕成墨寶令嗣應召
宦南康有竹名居比黃岡愛懸墨竹覺蕭瑟壁間流出青霞光此幀已古歷冰霜披圖展玩神逾蒼裔孫竹堂善珍
守人其杳矣跡猶藏嗚呼人其杳矣跡猶藏

大清

過龐山湖 見邑志

朱鶴齡

淞江非往蹟百里半漁簑波浪隨段棹微輪到菱荷鷗羣出浦聚雁影帶沙多一棹寒江外悲來試短歌

蓮浦讀易 見恒齋遺藁下一詩同

任大任

落枕雞聲喔喔穿簾月影疎疎清曉起來讀易柳梢露滴研朱

東溪

何人策杖獨往有客抱琴共還一葉扁舟江上百年古屋林間

同里志

卷二十四集詩

七

留別任鈞衡 見松陵詩約

章夏

碑留千古句人在幾重山上下青牛背婆娑綠樹間從來無吏跡何處傲芳顏莫上柴門鐫留我一往還

贈任鈞衡 見勉齋集

章夢易

六藝書居一本立斯末從心正敬不馳德性資陶鎔延陵留表慕孔子字之宗古文變八體樸散漓淳醜述者多哲
匠遺跡寶瓊瑤當其臻衆妙未可語凡庸骨秀天所賦問學亦勤攻吾友任鈞衡臨池情所鍾柿葉儲千斛筆塚若
堂封熟極巧自生資深源得逢悅入鍾王室揮毫千變容怒貌兼馮驥舞鳳并蟠龍慣作三折法時能雙手供奉者
穿石限籠鵝非所惜爲我作署書銀鈎側理重點畫盡飛騰體勢盡橫從展視自豁然不覺開心胸君實出塵士靈
臺非所壅染翰本寄興寧肯等書備偃仰蕭齋內白首一章縫

送戴耘野次韻 見詩徵

趙沆

葛冠野服盼庭柯踪跡難邀城市過高懸薛方諧俗少還家周黨愧人多江湖口口嗟如此繩膾新秋興奈何漫道
吳郊無隱士白雲深處結藤蘿

喜林公祖視家松陵見願 見裕菴詩集

周爰訪

九牧清門冠玉融三吳泥賦按垂虹蘭陵香被楓江北茂苑花移笠澤東膏雨新田憔悴起馳煙古驛轉輪通屏星

到處皆堪最入奏爭誇御史聽常州別駕先是署長洲縣

題王仁齋遺照見王氏宗譜

衣冠甚古笑醫生窩手揮玉麈清談最多左莊右老妙緒吟哦繭紙硬黃書成換鵝病者遇之而輒瘥舉世咸疑爲華陀

晚過西飯巷見詩徵下一詩同

周爰詔

夙羨湖灣野寺幽閑緣白首更停舟衡山日照雲霞晚繞絡風生蘆荻秋略約仍前通曲徑琅玕依舊接平疇居僧莫訝來新客曾共當年蓮社遊

辛丑七月送周裕哉之官昆陽

顧棟南

委質承朝命懼程府史憂感恩輕萬里別母畏孤舟去口應憐遠思家不盡愁倚闕何日慰李密勝封侯

同徐臞菴過懺院見琴阿焚餘藥

陳銳

晴雲碧樹素秋時賦我廬居共賞奇漫逐午鐘尋梵寺愛摹古篆拭殘碑門雖近市囂塵隔室爲臨流鷗鷺窺腸斷徵君蓮社裏頻來揮麈捉松枝

同川戴隱士耘野居此見邑志下一詩同

吳時森

同里志

卷二十四集詩

八

蕭蕭五柳映柴扉回首高風事已非一室僅藏班馬筆百年終老薛羅衣烟寒土竈迷朝雨塵掩藜牀暗落暉空有野花無數發相看多似□□□

舟過九里湖

周龍藻

湖光浮動夕陽天小小村墟思渺然漁女老憑舟當屋農夫閒占水爲田菰蘆風過洲洲雪桑柘陰含戶戶煙却指江城剛十里望中孤塔早高懸

祝王母願孺人壽見王氏宗譜

周杭

男兒有志何必富貴爲軟紅塵裏事可知富貴不已求神仙何人却見海水成桑田達哉古之士躬耕養親真樂耳太原有母壽百齡黃髮兒齒身康寧貞松歷雪一何苦偃蓋鱗龍一何古北堂介壽承顏色子心稱願無終極葵藿向陽歡侍側潘輿萊綵矜長得願彼昏昏逐逐樂事誰謂少豈若堂上有親祝難老祝難老樂何窮一壺市隱足甘旨此外焉知侯與公

送龐介軒學博之任池陽見詩徵

顧景昌

江干桃李正芬芳把酒臨歧別思長此日春風隨棹去應知披拂滿池陽

同靜宜水花閣晚眺寫懷見院松軒詩集下同

顧我銜

落日映滄波聯鑪此夕過烟深遙艇沒雲盡遠山多口路饒荆棘生涯在薜蘿尋常戀君意同此歲蹉跎

棲碧堂讌集次俞石舟韻呈觀揚

良朋咫尺見時難嘯咏能忘此日歡下筆始知詩格健揮杯偏覺酒腸寬雲光澹澹延春晝雨脚疎疎釀薄寒判欲與君同醉倒少年豪興未應闌

題龐介軒涵清閣次韻 見漫情詩鈔

袁棟

萬象牢籠足臥遊盪胸豁目瑣窗幽參差疊嶂分螺翠屈曲遙江學字流月白有鶴招放鶴風清無物觸虛舟飛空片片雲霞近不敢高吟謝眺樓

曾叔祖母顧孺人壽詞 見王氏宗譜下二詩同

王錫

林下風傳謝瑤池母姓王人言旌節里又見百年坊聽說高曾事如聞梨棗香古人今在邇蓬海閱滄桑

宗祠前義井

古道山之陽解渴猶遺善行人千萬來轆轤千萬轉

王澹園七十壽詞

周育

誰言仙山不可遊仙翁遊處皆瀛洲誰言仙酒不可得仙翁有酒如川流西山咫尺本仙境滿載仙侶同仙酒 是日同人

同里志

卷二十四集詩

九

遊石 瑤林瓊樹紛滿眼飄飄鸞鶴多於鷗牙檣錦帆信風去玉簫金管何悠悠仙音飄渺仙雲留龍麟作脯羅珍羞

駝峯象白夫何求鯨吞綠蟻殊未休蟠桃不顧東方儉湖心彷彿出蓬島仙翁乘醉登鰲頭衆仙從之歌且舞洪厓擊節隨浮邱瑤笙隱隱度天末仙翁歸思方夷猶昔聞謝公泛滄海空攜絲竹回船樓何如仙翁近遊好歸來雙鬢

簪紅榴醉弄玉童有餘樂蒲人艾虎迎懽昨 時五月二日為誕辰 請翁明日飲江上更看畫鼓驅蒼虬洞庭林屋隨處是東溪豈非笠澤喉羅星一點作砥柱仙手方試隄防謀 時監修羅星洲重臺臺閣儼巨鎮虬梁百尺煩網繆會當突兀眼前起平

地快觀三山浮時時與翁載酒醉其上不須更問八千歲以為春秋

同人遊吉祥菴 見柳遠樓詩稿

金廷炳

良朋選勝日遲遲拂面春風欲午時一望菜畦鋪繡陌千層麥浪映清池禪扉靜叩私攜酒雜坐分圃共詠詩樂意關心原不遠流鶯宛轉在高枝

登羅星洲文昌閣 見小桐廬詩鈔

袁景輅

春光無近遠往往在僧寺地靜心亦清寓目皆生意小閣水中央四顧臨無地纖鱗戲萍末初鳥鳴天際波濤擁新色雲巒落空翠一一閣中景盡洩三春祕登覽曠心神予懷此獨契

龐湖秋泛和韻 見松陵唱和鈔

周義

江楓葉落近重陽泛棹溪頭野菊香風起幾回尋蟹舍日斜何處問鱸鄉湖光山色供雙眼畫意詩情貯一囊羨煞老漁饒逸興菰蘆陰裏醉壺觴

重遊四飯巷同人分韵得遊字 見墨莊詩鈔

不到茅巷五六秋攜朋重訪小村幽野陸幾曲忽迷徑叢竹四圍何處樓入室乍驚老衲去拂塵空看好詩留故交回首真如夢此日偕行異昔遊 王谷真曾讀書巷中

疎柳橋春眺 見翠樓詩草

金文城

忽忽已三月年光奈似梭徑幽芳草碧水淺落花多身獨臨流坐人誰載酒過橋名仍疎柳無柳恨如何

題心齋居士詩稿 見心齋詩藁

王祖琪

丹崖萬丈碧澗千尋中有孤桐歷歲月深斲彼孫枝以制雅琴朱絃不張含太古音

同川權歌 見吳中女士詩鈔

劉守忠

潮生閣裏握文犀吟榭聯吟歷卷題林下風來工咏絮清溪家住小東溪

夏日偶吟 見詩藁

名媛顧氏

千竿修竹繞幽溪清影蕭疎入戶低好是午餘殘夢後綠陰深處有鶯啼

同里志

卷二十四集詩

十

遙夜不寐眷念慈親 見詩徵別集

金氏

兒病母扶持病安別母來所隔惟一水杳如在天涯悠悠我心愁向西南隈惱煞窗外風故把庭葉吹吹醒不成夢燈影空照幃豈獨兒念母母豈不憶兒遙知枕函畔搔首長嗟咨

寒夜不寐口占 見詩徵

姚棲霞

半庭殘雪暮寒生榻近梅花病亦清冷夢未成燈自滅疎鐘畫角一聲聲

觀蓮招龐山湖賞荷并觀競渡 見綠筠軒詩草摘芳集

梅芬

一片清波門鏡光飛鳧輕泛往來忙旌旗欲掩紅蕖色蘭麝分和雪藕香畫舫笙歌遊子醉棠舟羅綺美人妝却憐此日湘江畔可有行人一奠觴

遠渡船亭 見清溪詩稿

張滋蘭

渡船亭口水曾波一葉孤帆曉渡河隔岸桃花僧舍裏綠陰啼鳥一時多

秋夜懷心齋 見名媛詩歸

雨霽銀燈夕纖雲入暮天芙蓉還寂寞秋水白嬋娟寒雁聲疑斷虛牕夜不眠思君在高閣清夜撫冰絃

掃墓 見隨園詩話補遺

汪玉軫

略憇九泉思子意今朝弱息挈孫來病軀只恐難重到家事從頭訴一回

同里志

卷二十四集詩

十一

同里志公刊姓氏

前任同里司巡政廳協理寶蘇局事陳 捐洋錢陸圓
署 同里司巡政廳王 捐洋錢四圓

問心堂章 捐元銀肆兩 顧思劬 捐洋錢拾元

餘慶堂龐 捐洋錢陸元 式毅堂范 捐七折錢陸兩

范禹疇 捐洋錢肆元 德馨堂顧 捐七折錢肆兩

寧儉堂范 以下各捐洋錢叁元 王細侯

敦厚堂王 以下各捐七折錢叁兩 禮耕堂徐

森玉堂鄭 三鳳堂沈

宣勤堂金 曉翠樓徐

素位堂金 王曉塘 以下各捐洋錢貳元

敦仁堂葉 程瑩塘

得慶堂李 聚星堂陳

同里志

公刊姓氏

素行堂李

顧冲雲

西飯菴僧

勤貽堂顧 以下各捐七折錢貳兩

仁壽堂倪

凝瑞堂陳 捐七折錢壹兩捌錢

雪香堂梅 以下各捐七折錢壹兩陸錢

孝陸堂姚

口樹春軒陳

王平濤 以下各捐七折錢壹兩肆錢

口蘭堂孫

種德堂朱 以下各捐洋錢壹元

口口堂王

口口堂朱

口口堂梅

傳經堂嚴

三復齋

容膝軒凌

尚義堂袁

馬承業

陳老三房

賜書樓陳

敦行堂劉

承素堂袁 以下各捐七折錢壹兩

請益堂龐

敦仁堂浦

振業堂龐

鶴笙山房王

滋德堂陸

玉潤堂張

松古堂葉

積善堂朱

尚甯堂伍伯記

行素堂任

趾振堂袁

寶研齋陳

顧恆豐

葉文賓

行素堂顧

周中和

閑存堂章

沈寶雲

文獻堂陳

馬荻書

捐錢陸錢

顧甘愚

以下各捐錢肆錢

容安堂馬

以下續捐

來復堂任

捐錢陸兩

本仁堂嚴

捐錢叁兩

陳巢雲

捐錢叁兩

敦睦堂劉

捐錢貳兩肆錢

同里志

公刊姓氏

一一

楊公辦

捐錢壹千

鄒會嘉

捐錢壹兩

拙存堂王

捐錢壹兩

經笥堂任

捐錢壹兩貳錢

王芝雲

捐錢壹兩

羅星洲僧

捐洋錢貳元

縮印原志同志集資數開後

范葵忱	八元	葉明之	八元	葉仲甫	八元
任朗甫	八元	薛淦夫	八元	龐二如	八元
錢茂喬	八元	吳崇義	八元	王濟川	六元
沈丹忱	八元	王霖若	八元	任連城	五元
任味之	八元	任根仁	八元	王憶庭	四元
朱寅如	八元	宋劍泉	八元	金慎修	四元
張夢棻	八元	葉容孫	八元		

同里志

附縮印集資姓氏